



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

133

134


135

136

1 1882

7-99

H.M. SETIAN
PAPETERIE ET ATELIER DE RELIURE
CONSTANTINOPLE
Tchakmakdjilar Yokouch



491.99-8

1891

4.

Ը Ն Թ Ա Յ Ք

Ի Գ Ր Ո Ց Բ Ա Ր Բ Ա Ռ

Բ. ՏԱՐԻ

Հ Ա Ր Ա Ք Ա Ն Ո Ց Ք


Ի Ն Ա Խ Ն Ե Ա Յ Ե Ի Յ Ա Ր Դ Ե Ա Յ

ՀԱՆԴԵՐՁ ՔԵՐԱԿԱՆԱԿԱՆ ԲԱՑԱՏՐՈՒԹԵԱՄԲՔ

Բ. ՏՊԱԳՐՈՒԹԻՒՆ



ԳՐԱՏԻՆ ԶՈՎՀԱՆԵՍ ԳԵԼՇԵԱՆ
Boulevard de la République n° 25
* ՊՈՒՆ-ԿՈՆՍՊԼԵ *
Tchakmakdjian n° 25
* LIBRAIRIE HOVHANNES KILDJIAN *



ՀՐԱՏԱՐԱԿԵԼԻ

Ընթացի ի Գրոց Բարբառ Գ. Տարի
Պատմութիւն Հայ Մասենագրութեան

Կ. ՊՈԼԻՍ
ԳՐԱՏՈՒՆ Գ. ՊԱԼԵՆՑ

1896

9258

ՏՊԱՐԱՆ, ՎԻՄԱԳՐԱՏՈՒՆ, ԿԱԶՄԱՏՈՒՆ
ԵՒ ԹՂԹԱՎԱՃԱՌԱՆՈՅ
Յ. ՄԱՏԹԷՈՍԵԱՆ
27, Ֆինանսերու Եօզուտ, Կ. Պոլիս



6037
38

2010

معارف عمومیہ نظارت جلیہ سنک ۱۰ ذی القعدہ ۳۱۳ و ۱۱ نسان ۳۱۲
تاریخی و ۶۴ نومرولی رخصتنامه سیله طبع اولمشدر

ՅԱՌԱՋԱԲԱՆ

Նախնեաց գրաւոր լեզուի հատուածներու յաջողակ պէսպիսութիւն մը կ'ընծայէ սոյն հատորն, ԸՆԹԱՑՔ Ի ԳՐՈՑ ԲԱՐԲԱՌ Ի ս երկրորդ տարին, որ իր Բ. տպագրութեան առթիւ հարկադրուած է ինչ ինչ յապաւումներու տեղի տալ:

Այսպիսի գրամական տաղնապի ժամանակ, երբ հրատարակուեալն լոյս տալ անորինակ զոհողութիւն մը կ'ենթադրէ, մենք ընդհիպառակն ուրախութեամբ ի տիպ կ'արձանացնենք Գուրեան բազմաժողովարդապետի այս ընտիր դասագիրքն, որ հին ու նոր, արակ եւ ոտանաւոր խառն, գրաբար հատուածներու ամփոփում մ'ըլլալով իրաւունք ունի մուտք գտնել մեր ամէն վարժարանաց մէջ:

Գործոյս զիւրուսոյց եղանակն եւ գործնական ուղղութիւնը մեծապէս գնահատելի են, որոնք, ի միջի այլոց, կը զիւրացնեն քերականական կնճառտ կանոններ:

Ահա կը դնենք ուսանող հայ մանկութեան ձեռք լաւագոյն գործի մը, բանալի մը՝ որ անշուշտ պիտի բանայ անոր առջեւ մեր հին մատենագրութեան դանձերը: Ուրեմն ի՞նչ ուրախութիւն կ'առթէ մեզ այս մտածում թէ նոր ծառայութիւն մը կը յաջողինք մերովսանն ընել ուսանողաց շնորհիւ Գեր. Տ. Եղիշէ Մ. Վ. Գուրեանի, առ որ կը պարտինք սրտագին շնորհակալիք:

դ. դ.

ԸՆԹԱՑՔ

Ի ԳՐՈՅ ԲԱՐԲԱՌ

ԵՐԿՐՈՐԳ ՏԱՐԻ

Մ Ա Ս Ն Ա Ռ Ա Զ Ի Ն

(Ի ՆԱԽՆՆՍՅ)

|

ՅԱԿՈՐ ԵՒ ԼԱԲԱՆ

Գտանել ընտրես, տրեւի շուր
 Հմայել, գործով գեղեւ, գուշակ
 Յոսիկ հում, տու գուշակագոր
 Խայտախարիւ (աւագուլ)
 Գործ, մութ գոյն ստեղծող
 Համակ, (ած.) տեւի լրաց (գոյն)
 Պիտակ, (պեղծութի)
 Ուրոյն, շար

Քաղ, արտայտ
 Շեր, տեղոր ըստ իւր ushirus
 Սոսի, տեղոր իւրագոր (շերտ)
 Քերծուլ, իւրագոր
 Ձկնիկ ի խառնոս, զուգոր (անանոս)
 Օղիք, հոր ստեղծող
 Որոջ, եւ գործող
 Մաքի, եւ ստեղծող

Եւ եղև իբրև ծնաւ Ռաքէլ զՅովսէփ, ստէ Յակոբ ցԼաբան. Արձակեա զիս զի երթայց 'ի տեղի իմ եւ յերկիր իմ. եւ տուր զԿանայս եւ զմանկունս իմ, վասն որոց ծառայեցի քեզ, զի գնացից. զի դու ինքնին իսկ գիտես զճառայութիւնն զոր ծառայեցի քեզ (1): Ասէ ցնա Լաբան. Եթէ զտի չնորնս առաջի քո, հմայեցի զի օրհնեաց զիս Աստուած յոսին քում: Եւ ստէ Լաբան. Յայտարա զվարձս քո յինէն, եւ տաց: Ասէ ցնա Յակոբ. Դու գիտես որչափ ինչ ծառայեցի քեզ, եւ որչափ խաշն էր քո առ իս, սակաւիկ ինչ էր յառաջ քան զիս եւ անեաց 'ի բազմութիւն. եւ օրհնեաց զքեզ տէր Աստուած յոսին իմում, եւ արդ ես երբ առնիցեմ ինձ տուն: Եւ ստէ ցնա Լաբան. Ձի՞նչ տաց քեզ: Եւ ստէ ցնա

(1) Շատ բայեր գործիականի սեղ հայցական կ'առնուն իրենց բայանուններն կամ ուրիշ նոյն եւ նման նշանակութիւն ունեցող բառերն, նաեւ զանոնք յարաբերող «բարաբերական դերանունը. ուստի այս խօսքին մէջ շարաբերականն դրուած է «բաւի» սեղ, փոխանակ ըսելու, Ձճառայութիւնն «բաւ» ձճառայեցի քեզ:

Յակոր . Մի՛ ինչ տար ինձ , բայց զայս եւեթ բանս արասցես ինձ .
 Դարձեալ արածեցից զխաչինս քո եւ պահեցից , եւ անցցեն այսօր
 ամենայն խաչինքդ առաջի քո , եւ զատո՛ ՚ի միմեանց զամենայն
 ոչխար զխայտախարիւ եւ զգորշ , եւ զամենայն արօտական զհա-
 մակ յօրեաց . Եւ ամենայն խայտախարիւն յօրեաց եւ պիտակն
 յայծեաց եղիցին վարձք : Եւ երեւեսցի արդարութիւն իմ ի վաղիւ
 օր՝ (2) թէ գոն իմ վարձք առաջի քո : Ամենայն որ ոչ իցէ խայտ
 եւ պիտակ յայծեաց , եւ գորշախայտ յօրեաց , ի գողօնս (3) հա-
 մարեալ լիցի ինձ : Եւ ասէ ցնա Լաբան . Եղիցի ըստ բանի քում :
 Եւ զատոյց յաւուր յայնմիկ զքաղս կապոյտս եւ զպիտակս , եւ զա-
 մենայն այծս կապոյտս եւ զպիտակս , եւ զամենայն սպիտակս ՚ի
 նոցանէ եւ զամենայն համակս յօրեաց : Ետ ՚ի ձեռս որդւոցն իւ-
 րոց , եւ մեկնեցոյց ճանապարհ (4) երկից աւուրց՝ ընդ մէջ նոցա եւ
 ընդ մէջ Յակորայ . եւ Յակոր արածէր զխաչինսն Լաբանու զմը-
 նացեալս : Եւ ա՛ռ Յակոր գաւազան՝ շէր դալար եւ ընդուզի եւ
 սօսւոյ , եւ կեղեւեաց զնոսա Յակոր , եւ եղեւ սպիտակ . եւ ե-
 քերծ զգալարն ՚ի գաւազանաց անտի , եւ երեւէր ՚ի գաւազանսն
 սպիտակն զոր քերծոյր՝ նկարէն : Եւ զնէր զգաւազանսն զոր քեր-
 ծոյր՝ յաւազանս ջրարբից ջրոյն , զի իբրեւ գայցեն խաչինքն ըմ-
 պել ջուր՝ հանդէպ գաւազանացն զկծիցին (յղանայցեն) :

Եւ զկծէին խաչինքն ՚ի գաւազանսն (հանդէպ գաւազանացն) ,
 եւ ծնանէին խաչինքն գորշախայտս եւ պիտակս եւ խայտա-
 խարիւս . եւ զորոջն ուրոյն զատանէր Յակոր , եւ կացուցա-
 նէր յանդիման մաքեացն , եւ զխոյ կապոյտս եւ զամենայն գորշա-
 խայտն յօրեաց եւ զատանէր իւր հօտս առանձինն , եւ ոչ իառ-
 նէր զնոսա ՚ի խաչինս Լաբանու : Եւ լինէր յորժամ զկծէին խա-
 չինքն ՚ի խառնսն եւ յղանային , զնէր Յակոր զգաւազանսն յան-
 դիման խաչանցն յաւազանսն , առ ՚ի զկծելոյ նոցա (5) ըստ գաւա-

(2) Հոս վաղէ՛ մակբայն ամականաբար գործածուած է օր բառին հոլ , զի մակ-
 բայք իբրեւ ամական կրճակ գործածուիլ , ինչպէս եւ ամականք իբրեւ մակբայ :
 (3) Բայի մը ստորագրելն՝ որ գոյական անուն է կրճակ է նախդրիւ անորո՞ հայցա-
 կան դրուիլ՝ իբրեւ պարզ ուղղական . բայ այսմ է գաղտն ստորագրելն իմն — գաղտն :
 (4) Հոս հանապազ բառն հայցական հոլով բնութեան խնդիր է . Պէտք է յիշել հա-
 բայ , շէր , շէր , շէր , շէր :
 (5) Սովորաբար հոլովեալ անորո՞ գերբայի հոլ տեղադրելն յայտնուի սե-
 ւական կը դրուի , ուստի առ է զիշեւոյն խօսքին մէջ հաբայի է . փոխա-
 նակ բնութիւն զէ զիշեցեն հաբայ եւլն :

զանացն . եւ յորժամ ծնանէին խաչինքն՝ ոչ զնէր : Եւ լինէր ան-
 նչանն Լաբանու , եւ նշանաւորն Յակորայ . եւ մեծացաւ այրն
 յոյժ յոյժ , եւ եղեւ նորա ոչխար եւ արջառ յոյժ , ծառայք եւ
 աղախնայք , ուղտք եւ էջք :

Գլխի Ծննդոց Լ. 25 - 43

2

ՍԱՄՓՈՆ ԵՒ ԴԱԼԻԼԱ

Հեղեղաս, Ըստ անցնող յոր
 Ելանել առ (ոք) (Գեղար) Երբեւ
 Ջիլ, Կրճակէլ (Գրգոմ) . Ըստ
 Չվսեալ Կամ անվսիս, Գրգոմ, Ըստ
 Բուղ, Գրգոմ [Ըստ
 Վարսավիւրայ, Կրճակէլ
 Աղաճի, Բէլ, Գրգոմ

Կար, Ըստ
 Անկանել (ներգ. բայ) Գեղար
 Ազբն, Բէլ Կրճակ (Կրճակ)
 Գերծուլ, Կրճակ [Կրճակ
 Միանգամայն, Կրճակ Գրգոմ . այս ան-
 թօսելիլ, Բուղ, Կրճակ
 Որմ, Կրճակ

Եւ եղեւ յետ այսորիկ սիրեաց կին մի առ եղբոր հեղեղատին
 Ոլրեկայ . եւ անուն նորա Դալիլա (1) . Եւ ելին առ նա նախարարք
 այլազգեացն (Փղշտացոց) եւ ասեն . Պատրեա զնա եւ տես՝ ի՛ւ իցէ
 զօրութիւն նորա մեծ , եւ կամ ի՛ւ կարասցուք նմա հնար դտանել
 եւ կապել զնա առ ՚ի տկարացուցանել զնա . եւ մեք տացուք
 քեզ այր իւրաքանչիւր հազար եւ հարիւր արծաթոյ (2) : Եւ ասէ
 Դալիլա ցՍամիսոն . Պատմեա ինձ՝ ի՛ւ իցէ զօրութիւն քո մեծ ,
 եւ ի՛ւ կապիցիս առ ՚ի տկարացուցանելոյ զքեզ : Եւ ասէ ցնա
 Սամիսոն . Եթէ կապիցեն զիս եթէն ջլօք դալարովք չվսեալովք (3) ,
 տկարացայ եւ եղէց իբրեւ զմի ՚ի մարդկանէ : Եւ բերին առ նա
 նախարարք այլազգեացն եթէն ջլիւ դալարս անվտիտս , եւ նա

(1) Այս խօսքին մէջ լուրջեայն կ'իմացուի էր Էական բայն .
 (2) Երբեմն պարզ կամ բուական ամականներու հոլ գոյականը սեռական կը
 դրուի յայկացուցչի պէս , ուստի հաբայ է հաբայ Կրճակ ըսելով՝ պէտք է իմանալ
 հաբայ է հաբայ Կրճակ .
 (3) Կրճակական եւ չէղոք բայերու անցեալ դերբայներն կը գործածուին իբրեւ
 պարզ ամականներ , եւ երբեմն իբրեւ գոյական :

կապեաց զնա նոքօք . եւ դարան նստէր նմա (անոր դարանի կե-
ցողներ կային) 'ի շտեմարանի . եւ ասէ ցնա . Այլազգիք հասեալ
են 'ի վերայ քո , Սամփսոն : Եւ խզեաց զՋիրլան՝ զոր օրինակ խզիցի
քուղ 'ի թօթափելոյ յորժամ 'ի հուր հոտոսիցի . եւ ոչ ծանուցաւ
զօրութիւն նորա . Եւ ասէ Դալիլա ցՍամփսոն . Անա խաբեցեր զիս
եւ խօսեցար սուտ . գոնէ արդ պատմեա ինձ թէ ի՞նչ կապիցիս :
Եւ ասէ ցնա . Եթէ կապելով կապեսցեն (⁴) զիս եօթն կարովք նո-
րովք , որովք չիցէ գործեալ գործ , տկարացայց եւ եղէց իբրեւ
զմի 'ի մարդկանէ : Եւ ա՛ն Դալիլա կարս նորս , եւ կապեաց զնա
նոքօք , եւ ասէ ցնա . Այլազգիք հասեալ են 'ի վերայ քո Սամփ-
սոն : Եւ դարան նստէր նմա 'ի շտեմարանի . եւ խզեաց զայն 'ի
բազկաց իւրոց իբրեւ զասղանի : Եւ ասէ Դալիլա ցՍամփսոն . Մին-
չեւ ցե՞րք խաբիցես զիս , եւ խօսիցիս ընդ իս սուտ . արդ պատ-
մեա ինձ ի՞նչ կապիցիս : Եւ ասէ ցնա . Եթէ անկցես զեօթանեաին
զիսակս գլխոյ իմոյ ընդ ազբին , եւ վարեսցես ցցովք ընդ որմն ,
եղէց տկարացեալ իբրեւ զմի 'ի մարդկանէ : Եւ ննջեցոյց զնա
Դալիլա , եւ ա՛ն զեօթանեաին զիսակս գլխոյ նորա հանդերձ ազ-
բաւքն , եւ վարեաց ցցովք ընդ որմն , եւ ասէ ցնա . Այլազգիք
հասեալ են ի վերայ քո , Սամփսոն : Եւ զարթեաւ 'ի քնոյ իւրմէ ,
եւ կորզեաց զցիցան հանդերձ ոստայնիւն եւ ազբամբն յորմոյ ան-
տի . եւ ոչ ծանուցաւ զօրութիւն նորա : Եւ ասէ ցնա Դալիլա .
Ձիա՞րդ ասես թէ սիրեցի զքեզ , եւ սիրտ քո չէ ուղիղ ընդ իս .
այս երիցս անգամ խաբեցեր զիս , եւ ոչ պատմեցեր ինձ թէ ի՛նչ
իցէ զօրութիւն քո մեծ : Եւ եղև իբրեւ վտանգեաց զնա բան-
իւք զգիչընն ողջոյն եւ թախանձեցոյց զնա , եւ պարտասեցոյց
զնա մինչեւ ցմահ . պատմեաց նմա զամենայն ինչ 'ի սրտէ իւրմէ ,
եւ ասէ ցնա . Ածելի ոչ ելցէ 'ի գլուխ իմ , զի ուխտաւոր Աստու-
ծոյ եմ ես յորովայնէ մօր իմոյ . ապա թէ գերծուցում , մեկնես-
ցի յինէն զօրութիւն իմ , եւ տկարացայց եւ եղէց իբրեւ զամե-
նայն մարդիկ : Իբրեւ ետես Դալիլա՝ եթէ պատմեաց նմա զամե-
նայն ինչ 'ի սրտէ իւրմէ , առաքեաց (⁵) կոչեաց զնախարարս այլ-

(⁴) Երբ անորից դերբայն ուղղական կամ հայցական հոլովով դրուի իւր իսկ բա-
յին ֆով՝ հասաստութիւն մը կը ցուցնէ , իսկ անցեալ դերբայն կամ անորից դերբային
գործիականն իրեն բային ֆով հասաստութիւն մը՝ սաստկութիւն մը , կամ բանին հե-
զմեհեհ անելն ցոյց կուտայ .
(⁵) Աստուծոյ կամ յետէ բայերուն սեռի խնդիրն (այր Կաթար) ցաս անգամ լուել-
եայն կ'իմացուի .

ազգեացն եւ ասէ . Ելէք միանգամայն , զի պատմեաց ինձ զամե-
նայն 'ի սրտէ իւրմէ : Եւ ելին առ նա ամենայն նախարարք այլ-
ազգեացն , եւ բերին զարծաթն 'ի ձեռս իւրեանց : Եւ ննջեցոյց
զնա 'ի մէջ ծնագց իւրոց . եւ կոչեաց վարսավիրայ , եւ եզերծ զե-
թանեաին զիսակս գլխոյ նորա եւ սկսաւ թօչնել , եւ մեկնեցաւ
'ի նմանէ զօրութիւն նորա : Եւ ասէ Դալիլա . Այլազգիք հասեալ
են 'ի վերայ քո Սամփսոն : Եւ զարթեաւ 'ի քնոյ իւրմէ , եւ ասէ .
Ելից եւ արարից որպէս միսն (⁶) , եւ թօթափեցից . եւ նա ոչ
գիտէր թէ Տէր մեկնեցաւ 'ի նմանէ : Եւ կալան զնա այլազգիքն ,
եւ բրեցին զաչս նորա . եւ իջուցին զնա 'ի Գաղա , եւ կապեցին
զնա երկաթի կապանօք . եւ աղայր 'ի տան բանտին :

Դիրք Դասաւորաց ՎՁ. 4—22

3

ՔՐՄԱՅՆ ԲԵԼԱՅ ԽԱԲԷՈՒՅԻՒՆ ԵՒ ԿՈՏՈՐԱԾ

Նազիւն , Բարա՛ն՝ աշի- ալի-ր	Մար , Լա՛ն Գ (հեղե-ի Կի-ի-ի)
Արդու , Լա՛ն Գ (ալի-րէ Ե-Է .)	Խառնել , պարտարեւ (Է՛րեւի)
Ծախել , հարցա-նել	Մանկի , սպասարեւ

Եւ էին կուռք մի (¹) բաբելացւոց անունն Բէլ , եւ ելանէր նմա
ռոճիկ , աւուր միոջ նաչի՛ն՝ երկոսասան արդու (²) , եւ քառասուն
ոչխար , եւ զինի վեց մար , եւ թագաւորն պաշտէր զնա , եւ եր-
թայր հանապազ երկիր պագանէր նմա : Բայց Դանիէլ պագանէր
երկիր Աստուծոյ իւրոյ . եւ ասէ ցնա թագաւորն . Դու ընդէ՞ր ոչ
երկիրպագանես Բելայ : Եւ նա ասէ . Քանզի ոչ պաշտեմ զկուռս
ձեռագործս , այլ զԱստուած կենդանի՝ զարարիչն երկնի եւ երկ-

(¹) Եթէ որ յարաբերականէն կամ , ,Վ , որ , շէն Լիչակ անուններէն , կամ անոց
միսն ունեցող՝ որպէս , որպէս , որպէս , որպէս , որ , սարտի , յարթ , էբրե , փն , շէ ,
շէ-որ բառերէն ետեւ՝ բայէն առաջ մակբայ գտնուի , դիտուու յօղն մակբայն կառ-
նու , թէեւ բայն զօրութեամբ ըլլայ .
(²) Անեզական սերբային ֆով բայն յանախ յոգնակի կը դրուի .
(³) Արդու՝ չափ ցուցնող հայցական հոլով է՝ գործիականի տեղ դրուած , փոխա-
նակ ըսելու , երկարատեւ արդուստ (Տես Ա . Գրաւ , 4 կանոն) .

րի⁽³⁾, որ ունի իշխանութիւն ամենայն մարմնոյ⁽⁴⁾ : Եւ ասէ ցնա թագաւորն . Իսկ Բէլ ո՛չ թուի քեզ թէ իցէ Աստուած կենդանի . Եթէ ո՛չ տեսանիցես՝ ո՛րչափ ուտէ եւ ըմպէ հանապազ : Եւ ասէ Դանիէլ ծիծաղելով . Մի՛ խարիր, արքայ, զի դա է ՚ի ներքոյ կաւ-
կայ, եւ արտաքոյ պղնձի . ոչ կերեալ դորա երբէք եւ ոչ արբ-
եալ : Եւ բարկացեալ թագաւորն՝ կոչեաց զքուրման նորա, եւ ա-
սէ ցնոսա թագաւորն . Եթէ ոչ ասիցէք ինձ, ո՛վ ուտէ զսեղանն զայն, մահու մեռանիցիք . ապա եթէ յայտ առնիցէք՝ թէ զայն ամենայն Բէլ ուտէ, մեռանիցի Դանիէլ՝ զի հայհոյեաց զԲէլ : Եւ ասէ Դանիէլ ցթագաւորն . Եղիցի ըստ բանի . քու՛մ : Եւ էին քուրմք Բելայ եօթանասուն, թող զկանայս եւ զմանկտի : Եւ եկն թագա-
ւորն Դանիելիւ հանդերձ ՚ի տուն Բելայ, եւ ասեն քուրմք Բե-
լայ . Ահաւասիկ մեք արտաքս ելցուք, եւ դու, արքայ, զիր ա-
ռաջի դորա զկերակուրսդ, եւ զգլխիդ⁽⁵⁾ խառնեալ դիցես . եւ փակեա զդուրսդ եւ կնքեա մատանեաւ քով . եւ եկեալ ընդ ա-
ռաւօտս, եթէ ոչ գտցի այդ ամենայն կերեալ ի Բելայ⁽⁶⁾, մեռ-
ցուք մեք . ապա թէ ոչ Դանիէլ՝ որ սուտ խօսեցաւ զմէնդ : Եւ նոքա վստահ էին, զի արարեալ էին ընդ սեղանովն մուտ ան-
յայտ, եւ ընդ այն մտանէին հանապազ եւ ուտէին զայն : Եւ ե-
ղեւ իբրեւ ելին արտաքս, եւ թագաւորն եդ զկերակուրման առա-
ջի Բելայ : Եւ հրաման ետ Դանիէլ իւրում մանկուոյ, եւ բերին մօխիր, եւ ցանեցին ընդ ամենայն մեհեանն առաջի թագաւորին միայնոյ . եւ ելեալ արտաքս՝ փակեցին զդուռնն, եւ կնքեցին մա-
տանեաւ թագաւորին եւ զնացին : Եւ քուրմքն մտին գիշերի ըստ սովորութեան իւրեանց՝ կանամքք եւ որդուովք իւրեանց, կերան զամենայն եւ արբին, եւ ոչինչ թողին : Եւ կանխեաց թագաւորն ընդ առաւօտն Դանիելիւ հանդերձ, եւ ասէ . Ո՛ղջ են կնիքդ,

(3) Բացայայտիչ եւ բացայայտեալ մի եւ նոյն հոլովով դրուած են .
(4) Հայցական հոլով յասկացեալ մը սովորաբար աննախդիր (առանց չի) կը դըր-
ուի, երբ իւր յասկացուցիչն դիմորո յօդ, ցուցական ամական եւ կամ դերանուն
յասկացուցիչ մը չունենայ . Հակառակ պարագայի մէջ եւս կրնայ աննախդիր դըր-
ուիլ, երբ բառն որո՞ւ հանգամանք մը չունի, ինչպէս է այս խօսքին մէջ .
(5) « . Դ . Է դիմորո յօդք իբրեւ «յ», «յ», «յ», «յ», «յ», «յ» ցուցական ամա-
կան կը գործածուին ամէն հոլովներու հետ .
(6) Կրաւորական բայերու հոլ զգնու ամ բացառական հոլովն «ե-ի ե-րբէք է, երբ
բայն գործիականի փոխուած ասեմ՝ կրաւորականի ԴԵՐԲԵՅԷ ներգործականին մէջ
ե-ի ե-րբէք ըլլայ եւ «ե-ի ե-րբէք» (բացառականն)՝ ԴԵՐԲԵՅԷ :

Դանիէլ : Եւ նա ասէ . Ողջ են, արքայ : Եւ եղեւ ընդ բանալ դը-
րանցն՝ հայեցաւ թագաւորն ՚ի սեղանն, ՚ի ձայն մեծ աղաղակեաց
եւ ասէ . Մեծ ես, Բէլ, եւ ոչ գոյ նենգութիւն ի քեզ եւ ոչ
մի⁽⁷⁾ : Եւ ծիծաղեցաւ Դանիէլ . եւ կալաւ զթագաւորն զի մի՛-
մտցէ ՚ի ներքս, եւ ասէ . Աղէ հայեաց ընդ յատակսդ, եւ տես
ո՛յր է հետդ այդ : Եւ ասէ թագաւորն . Տեսանեմ հետ արանց՝
կանանց եւ մանկուոյ⁽⁸⁾ : Յայնժամ բարկացեալ թագաւորն կա-
լաւ զքուրման եւ զկանայս եւ զորդիս նոցա . եւ ցուցին նմա ըզ-
գաղանի դուրսն՝ ընդ որ մտանէին եւ ծախէին զսեղանն . եւ կո-
տորեաց զնոսա թագաւորն . զԲէլ ետ ՚ի ձեռս Դանիելի, եւ կոր-
ծանեաց զնա եւ զմեհեան նորա :

Գիրք Դանիելի ԺՂ. 1-22

4

ԻՍԱՀԱԿ ԵՒ ՌԵԲԵԿԱ

Ջրուոր, Լուս Կաթարեւ զիսուս, Իսահակ Գիւնդ, Եւ Ջրուանիլ, Կաթարեւ

Տոմար, Գեղարեւ խնդար, Կաթարեւ Արկանի զիւրեւ (զանրս) Կաթարեւ

Եւ Աբրահամ ծերացեալ էր եւ անցեալ զաւուրքք : Եւ ասէ Աբրահամ ցճառայն իւր, ցերեց տան իւրոյ . Մի առցես կին որդւոյ իմում Իսահակայ ՚ի դստերաց Քանանացւոց՝ յորոց միջի⁽¹⁾ ես բը-
նակեմ . այլ յերկիրն իմ՝ ուսի⁽²⁾ եղեալ եմ, երթիցես, եւ ՚ի տուն իմ, եւ առցես դու անտի կին որդւոյ իմում Իսահակայ : Եւ ա՛ռ ծառայն տասն ուղտ յուղտուց տեառն իւրոյ եւ զնաց ՚ի Մի-
ջագետս, ՚ի քաղաքն Նաքուրայ, եւ նստոյց զուղտան արտաքոյ

(7) Ու Գ կրկին բառն կը գործածուի իբրեւ միջակ ամական .
(8) Տես 4 կանոն սայն դասին մէջ .
(1) Երբեմն իրենց սկիզբն նախդիր կրող նախադրութիւնք իրենցմէ նախադաս
եղող խնդրոյն կուտան իրենց այդ նախդիրը .
(2) Ուրբէք բառն կը գործածուի երբեմն « կամ » միջակ անուան բացառակա-
նին տեղ .

քաղաքին առ ջրհորոյ ջրոցն ընդ երեկս՝ յորժամ ջրուորն ելանէր :
 Եւ ասէ . Տէ՛ր Աստուած Տեառն իմոյ Արբանամու , աւասիկ դըս-
 տերք բնակչաց քաղաքիս ելանեն հանել ջուր , եւ եզիցի կոյս մի՝
 որում ես ասացից , թէ խոնարհեցո զսափորդ քո , զի արբից . եւ
 ասէ ցիս՝ Արբ , եւ ուղտուցդ քոց եւս արբուցից , զայն պատրաս-
 տեցեր ծառային քում Իսահակայ : Եւ մինչչեւ կատարեալ էր նո-
 րա զխօսան ՚ի մտի իւրում , եւ անա Ռեբեկա եկն ել , եւ ունէր
 սափոր յուս իւր : Էջ յաղբիւրն եւ . ելից զսափորն իւր եւ ել : Ըն-
 թացաւ ծառայն ընդ առաջ նորա եւ ասէ . Արբո ինձ սակաւ մի
 ջուր ՚ի սափորոյ այտի : Եւ նա ասէ , Արբ , տէ՛ր , եւ արբոյց նմա :
 Եւ ասէ . Եւ ուղտուց քոց հանից ջուր : Եւ այրն միտ դնէր նմա
 եւ լուռ կայր ՚ի միտ առնուլ . եթէ աջողեաց տէր զճանապարհ ևն-
 քա (3) , եւ թէ ոչ : Եւ իբրեւ դադարեցին ամենայն ուղտքն յըմպելոյ ,
 եւ ա՛ռ այրն զինդս ոսկիս եւ երկուս ապարանջանս ՚ի ձեռս ևնքա
 (Ռեբեկայ) եւ եհարց զնա . Ո՛յր դուստր ես դու , պատմեա ինձ թէ
 իցէ՞ ի տան քում մեզ տեղի իջավանաց : Եւ ասէ ցնա . Դուստր
 Բաթուելի եմ ես , եւ յարդ եւ խոտ շատ է մեր եւ տեղի իջավա-
 նաց : Խնդաց այրն եւ երկիր եպագ Աստուծոյ : Եւ ընթացաւ աղ-
 ջիկն , պատմեաց ՚ի տան մօր իւրոյ ըստ բանիցն այնոցիկ :

Եւ Ռեբեկայ էր եղբայր՝ որում անունն էր Լաբան : Եւ ընթա-
 ցաւ Լաբան առ այրն եւ ասէ ցնա . Եկ մուտ ՚ի տուն . օրհնեա՛լ
 տեառն (4) : Եմուտ այրն ՚ի տուն անդր , եւ ասէ . Ծառայ Արբա-
 համու եմ ես : Եւ երգմեցոյց զիս տէր իմ եւ ասէ . Ի տուն հօր
 իմոյ երթիցես եւ ՚ի տուն իմ , եւ առցես անտի կին որդւոյ ի-
 մում : Արդ եթէ աննէք զուք շնորհս եւ արդարութիւն առ Տէրն
 իմ , պատմեցէք ինձ : Պատասխանի ետուն Լաբան եւ Բաթուել եւ
 ասեն . Ի Տեառն է ել իրդ այդ , անաւասիկ Ռեբեկա առաջի քո ,
 առ եւ զնա , եւ եզիցի կին որդւոյ տեառն քո : Եւ իբրեւ լուաւ
 ծառայն Արբահամու զբանս նոցա , երկիր եպագ Տեառն , եւ եհան
 անօրս ոսկւոյ եւ անօրս արծաթոյ (5) եւ հանդերձս եւ ետ Ռե-

(3) Եւ դերանունն շատ անգամ կրնայ գործածուիլ բնու , էւր էական դերանունաց
 տեղ , ինչպէս նաեւ էւրն փոխանակ նախ . հոս զճանապարհ նորս գրուած է , փոխանակ
 բնու զճանապարհ էւր .
 (4) Կրաւորական բայերու անցեալ դերբայներն սեռական սեռի խնդիր կ'առնուն՝
 փոխանակ բացառականի Օրհնեալ Տեառն=Օրհնեալ է Տեառնէ .
 (5) Շատ անգամ ամականի տեղ գոյական մը սեռական կը դրուի՝ յատկացուցչի
 ձեւով .

բեկայ . եւ ետ ընծայս եղբայրց նորա եւ մօրն : Կերան եւ ար-
 բին նա եւ արքն՝ որ ընդ նմա էին , եւ ննջեցին : Եւ յարուցեալ ՚ի
 վաղորդայն անդր , ասէ . Արձակեցէք զիս , զի երթայց առ տէր
 իմ : Կոչեցին զՌեբեկա եւ ասեն ցնա . Երթա՛ս ընդ առնս ընդ այս-
 միկ : Եւ նա ասէ . Երթա՛մ : Եւ յուղարկեցին զՌեբեկա եւ զինչս
 նորա : Յարուցեալ Ռեբեկա եւ նաժիշտք իւր , ելին յուղտան եւ
 զնացին ընդ առնն : Եւ Իսահակ յանապատի անդ առ ջրհորովն
 տեսեան բնակէր : Եւ ել զբօսանիլ ՚ի դաշտին ընդ երեկս : Ամ-
 բարձ զաչս իւր եւ ետես զի դային ուղտք տան : Ամբարձեալ
 զաչս իւր եւ Ռեբեկայ՝ ետես զԻսահակ , էջ վաղվաղակի յուղտուէ
 անտի , եւ ասէ ցծառայն . Ո՞վ է այրն՝ որ գայ ՚ի դաշտին ընդ
 առաջ մեր : Եւ ասէ ծառայն . Նա է տէրն իմ : Եւ նորա առեալ
 ձորձս արկաւ զիւրեւ (6) : Եւ պատմեաց ծառայն Իսահակայ զա-
 մենայն զխօսան՝ զոր արար : Եւ եմուտ Իսահակ ՚ի տուն Սառայի
 մօր իւրոյ եւ առ զՌեբեկա եւ եղեւ նորա կին :

ԾՆՆՈՒ ԻՎ .

5

ՄԱՀ ԱՆՏՈՒՔՈՍԻ

Հնարել , հար ղ բոնել , հարբայ բոնել	Եռանդն , զբուլ
Համարիլ , հարթել	Սոսորիլ , հարբ թափել
Կորակոր , հարթար	Նեխ , վերբն բարբնեւն հարբ
Սեկ սագնապաւ , հարբողման իբրող	Շրջեցել , շարբանի հարբանել
Մեծամեծս փխալ , ղեք ղեք շարբել	Ժոյժ ունել , հարբել
Կորակն , հարթ , հարբար	Կապուս կողպուս , հարբար
Ի հուակերի դնել , թափոյ իբրող ղեք	Մարդախոտե , հարբար
Դազանարեկ , հարբանել շարբար	Կարնել ի կենաց , ղեքնել
Հողել յերկիր , ղեքնել ղեքնեալ	Ամփոփել , բոնել , ղեքնել

Ընդ այն ժամանակս զէպ եղեւ դառնալ Անտիօքայ մեծաւ

(6) Քանի մը կրաւորական բայեր , ներգործականի նշանակութեամբ կը գործա-
 ծուին . Այսպէս կ'ըսուի . Գօրթ ղեքնելու ղեքնել . Երբ ղեքնելու կ'ըսուի .

կորանօք 'ի կողմանցն Պարսից . քանզի էք երթեալ նա (1) 'ի քաղաքն 'ի բուն նոցա (2) : Խորհեցաւ ձեռն արկանել զգանձիւն , եւ եթէ հնարեցի՝ զքաղաքն իսկ աւերել ջանայր : Իբրեւ զայն զգացին զօրք քաղաքին , առ հասարակ 'ի զէնս իւրեանց ընթացան . եւ զայն ու մեծաւ սաստկութեամբ 'ի վերայ երթեալ էր՝ (3) անարժան կորակոր յանձանց 'ի բաց մերժէին : Իբրեւ չու առնէր , խաղայր զընայր ամօթալից Անտիոքոս , ազգ լինէր նմա որ ինչ անցք անցեալ էին ընդ նա : Զմտաւ ածէր զստահակութիւն քաղաքացւոցն որ զնա 'ի փախուստ դարձուցին . լցեալ սրտմտութեամբ զմտաւ ածէր յերուսաղեմացիս անդ յագեցուցանել զսրտմտութիւն բարկութեան իւրոյ : Հրաման տայր կառավարին ստէպ տաղնապաւ անդադար վարել՝ միտ եղեալ ճանապարհին . մեծամեծս փքայր 'ի հպարտութիւն ամբարտաւանութեան իւրոյ , եւ ասէր անմարդի զերուսաղեմ կացուցանել : Իսկ ամենակալ Բարձրեալն եհար զնա աներեւոյթ հարուածովք : Այն ինչ բանքն 'ի բերան նորա էին , անհնարին սաստիկ ցաւք ոսկերաց 'ի վերայ հասանէին , եւ դառնուքեան խիթ (3) 'ի փորն անկանէին : Եւ կարի յիրաւունս (իրաւամբք) . զի որ բազում նորանոր չարաչար ցաւս յայլոց մարմինս տանջանօք հասուցանէր , նոյն սաստկութեան ցաւք զնովաւ անկեալ պաշարեալ պահէին , եւ այն որ այն ինչ կամէր 'ի վերայ ալեաց ծովու սաստել , զվերին լերանցն ներքին առնել եւ զներքին վերին , զնա ինքն յերկիր հողեալ՝ շալակաւ (պատգարակաւ) շրջեցուցանէին , յատկապէս Աստուծոյ զօրութեանցն երեւեցելոց (4) , մինչև յաչաց անտի անօրինին եռանդն որդանց բլխեալ սոռտել (5) , եւ 'ի նեխոյն հոտոյ զօրացն

(1) Թէեւ սովորաբար է՛ բայի ներկայ եւ անկասար ժամանակներու եւ սոքա- դասական եղանակի եզակի Գ. դժմբերուն հետ միացած անցեալ դերբայներու սերբային սեռական հոլով կը դրուի, բայց երբեմն ուղղական ալ կրնայ ըլլալ, ինչպէս հոս կը տեսնուի : (2) Անոնց բուն բաղաբը, այսինքն ի Պերսեպոլիս : (3) Շոյն է ընդ վերնոյն (1) . (4) Փոխանակ ըսելու, որոնք ինքն կամ ինքն (Տես 5 կանոն Գ. դաս) : Աւելորդ չէ ըսել թէ այս ձեր մեծ մասամբ տեղի կ'ունենայ որոնք մասնիկով անցնեալ բառերով : (5) Անորիւ եւ անցեալ դերբայներն երբեմն իրենց սերբային հետ սեռական կամ սրական կը դրուին. այսպէս, այս խօսքին մէջ զորոնքն երեւեալ ըսուած է, փոխանակ ըսելու, զորոնքն երեւեալ կամ երեւեալ :

ամենայնի (6) ներդել տաղնապաւ , եւ որ յառաջն հպարտացեալ մտօք զաստեղս երկնից ամփոփել (բռնել) համարէր , այսր անդր զնա շըրջ- շըջել ոչ ոք կարէր՝ եւ ոչ ժոյժ ունել 'ի նեխոյ հոտոյ անտի : Յայնմ վայրի բեկեալ 'ի հպարտ յամբարտաւան խստութենէ անտի , սկսաւ այսպէս խօսել . Պարտ եւ պատշաճ է հնազանդ լինել Տեառն Աստուծոյ , եւ մի՛ 'ի մարմինս մահկանացուս աստուածակերպ օրինակ (7) բարձրանալ : Ուխտս զնէր զսուրբ քաղաքն մարդաշատ եւ ազատ կացուցանել , զՀերբայեցիսն , որոց սպառնայր ոչ պատանաց եւ ոչ թաղելոյ արժանի առնել (8) , այլ կանամբք եւ մանկըտով 'ի հաւակերի զնել զազանարեկս արարեալ , զնոսա քաղաքակիցս իւր , հաւասարս Աթենացւոց գրով մուրհակօք կացուցանել , եւ զտաճարն սուրբ , զոր յառաջ սպառնայր կապուտ կողոպուտ թողուլ , գեղեցիկ պատարագօք զարդարել . զզարդ եւ զսպաս որ յառաջ անտի տարեալ իցէ , բազմապատիկ անդրէն դարձուցանել , եւ 'ի վերայ այսր ամենայնի Հերբայեցի եւս լինել եւ յամենայն մարդաչէն տեղիս հասանել պատմել զզօրութիւն մեծութեանցն Աստուծոյ : Եւ մարդախոշոշն , անօրէն հայհոյիչն , զայս օրինակ անկեալ կործանեալ սատակամահ լինէր . յօտար լերինս չարաչար տանջանօք՝ զոր ընդ այլս անցոյց՝ կարճէր 'ի կենաց անտի : — Այլ վասն Անտիոքայ երեւեալն անուանելոյ (9) մահուանն այսչափ բանք :

Բ. Մակաբայեցոց Թ.

(6) Առնալով անկանն իւր գոյականէն նախադաս դրուելու ասեմ ոչ մէկ կերպով կը համաձայնի, իսկ յետագաս եղած ասեմ հոլովով միայն կը համաձայնի իւր գոյականին հետ . — Պէտք է յիշել թէ առնալով բառը յոգնակի ձեւ չունի արդէն : (7) Օրէնքն բառն հայցական դրուած է փոխանակ գործիականի, Պէտք է յիշել կանոնը : (8) Հոս որոնքն բային հոլ լռելեայն պէտք է իմանալ որոնքն դերանունն : (9) Շատ անգամ գոյականի մը յօգն իրմէ նախադաս եղող անկանին՝ յատկա- ցուցիչն, բացայայտիչն, խնդիրին եւ մակբային վրայ կը դրուի : Ուստի այս խօսքին մէջ անկանն առած է յօգն, փոխանակ գրելու, զորոնքն Անտիոքայ անուանե- լիցն երեւեալ կամ երեւելի ելն :

ՆԱԻԱՐԿԵԼ ՊԱՒՂՈՍԻ ՅԻՏԱԼԻԱ

Ըմբռնել, լուրել, բռնել
 Խոնարհագոյն, դէպք է լուր
 Հազիւ, դժուարեւ
 Վճարանալ, ներգրանք էրել
 Ընկեցիկ առնել, ներել
 Հանդիման, դժգոհութիւն (չու)
 Զգել, գիտել
 Կուր, (սուրբ) [(սուրբագործ)]
 Ի բաց առնուլ (զառագաստ), բռնել
 Փրծանել, սուրբել

Եւրակլիդովն, հեռու-հեռու. հու
 Հանդուրծել, դժգոհել
 Յորձանուտ, (սուրբել)
 Նօթի, ունի
 Գիրկ, (սուրբ)
 Ըղձանալ, գործել
 Ապրել, սուրբել
 Խառնելիք, կոտոր
 Թխուրել, ծուրել
 Գոգ, ծոց (սուրբ)


Իբրեւ հրամայեցաւ մեզ նաւել յիտալիա, քայլին զՊաւղոս եւ զայլս ոմանս կապեալս ի հարիւրապետ մի (1), որում անուն էր Յուլիոս, Սեբաստեան գնդին: Եւ երեւալ ՚ի նաւ մի անդրամիտտացի, որ երթալոց էր ՚ի կողմանս Ասիացոց՝ գնացաք. էր ընդ մեզ Արիստարքոս մակեդոն թեսաղոնիկեցի: Եւ ՚ի վաղիւ անդր իջաք ՚ի Սիրոն. եւ մարդասիրութիւն ցուցեալ Յուլեայ առ Պաւղոս, հրամայեաց առ բարեկամսն երթալ (2) եւ դարման գտանել: Եւ անտի երեւալ խոնարհագոյն նաւեցաք ՚ի Կիպրոս վասն հողմոյն ընդդէմ լինելոյ: Յայնժամ ընդ մէջ ծովուն Կիլիկեայ եւ Պամփիլեայ նաւեալ իջաք ՚ի Միւսոս Լիկիացոց, եւ անդ գտեալ հարիւրապետին նաւ մի աղեքսանդրացի՝ որ երթայր յիտալիա՝ եմոյժ զմեզ անդր: Ի բազում առուրս ծանրանաւեալք հազիւ հասաք առ Կնիդեաւ. եւ ՚ի չթողացուցանել մեզ հողմոյն, նաւեցաք խոնարհագոյն ՚ի Կրետէ առ Սաղմոնեաւ. հազիւ անցեալ առ նովաւ՝ եկաք ՚ի տեղի ինչ՝ որ կոչէր Գեղեցիկ նաւահանգիստ, յոր հուպ էր քաղաքն Լասեայ: Եւ իբրեւ բազում ժամանակք անցանէին, եւ սխալ եւս լինէր նաւելոյն (3), տայր խրատ Պաւղոս եւ ասէր. Արք, տեսանեմ զի

(1) Շատ անգամ վերջահոյով եւ է նախդիւ հայցականն իրարու տեղ կը գործածուին. փոխանակ ըսելու, որոյն... հորեւրոպեայէ Ժոն կամ ուրիշ.
 (2) Պէտք է խմանալ, հրամայեցաւ զէ երթեցէ առ բարեկամսն ելլն.
 (3) Իմն. Սխալ եւս լինէր նաւելոյն կամ նաւահանգիստն. — Սխալ բառն որ հոս գոյական մէ՛կ տեղային է լինելին.

բազում վնասու, ոչ միայն բեռինդ եւ նաւիդ, այլ եւ անձանց մերոց լինելոց է նաւարկութիւնս: Իսկ հարիւրապետն նաւապետին եւ նաւավարին առաւել անտայր, քան բանիցն Պաւղոսի: Իբրեւ դժպատեն իմն թուէր նաւահանգիստն առ ձմերել, բազումք խորհեցան գնալ անտի, զի թերեւս կարացեն հասանել ՚ի Փիւնիկ, ձմերել ՚ի նաւահանգիստին Կրետացոց: Ի շնչել հարաւոյն՝ համարեցան ուր զիմեալն էին հասանել. եւ ամբարձեալք՝ մօտ անցանէին առ Կրետեաւ. եւ ոչ յետ բազում ժամուց՝ անկաւ գնովաւ հողմ ուռուցիկ՝ որ կոչի Եւրակլիդովն: Ընդ յախշտակել նաւին եւ ՚ի չհանդուրծել ընդդէմ հողմոյն, թող տուեալ երթայաք եւ գայաք: Ապա ՚ի կղզի ինչ զիմեալ որ կոչէր Կղաւղիա՝ հազիւ կարացաք ըմբռնել զմակոյնն, զոր առեալ՝ յօգնականութիւն կապէին ընդ նաւն, եւ երկուցեալք թէ գուցէ ՚ի յորձանուտն անկանիցին, իջուցեալ զառագաստ՝ այնպէս երթային եւ գային: Ի սասակագոյն վշտանալոյն մերոյ՝ ՚ի վաղիւ անդր զկարասին ընկեցիկ առնէին, եւ յերիւր առուր ընդ իւրեանց ձեռն (ձեռք իւրեանց) զգործի նաւին ընկեցին: Իբրեւ ոչ արեւ եւ ոչ աստեղք երեւէին ՚ի բազում առուրս, եւ ձմեռն ոչ սակաւ կայր ՚ի վերայ, ապա բանայր ամենայն յոյս փրկութեան մերոյ: Եւ զի բազում առուրս նօթի էին, յայնժամ Պաւղոս կացեալ ՚ի մէջ նոցա ասէ. Պարտ էր ձեզ, ո՛վ արք, անսալ ինձ եւ ոչ ելանել ՚ի Կրետեայ, եւ շահել զվիշտս գայս եւ զվնաս. եւ արդ, խրատեմ զձեզ քաջալերել, զի վնաս անձին՝ եւ ոչ միւում ՚ի ձէնջ լինիցի բաց ՚ի նաւէդ: Իբրեւ չորեքտասաներորդ զիշեր լինէր, մինչդեռ ծփէաք ՚ի հանդրին անդունդս, ՚ի մէջ զիշերին կարծէին նաւավարքն եթէ հասեալ իցեն յաշխարհ ուրեք, եւ ընկեցեալ զգործնդան գայն զիրկս քսան. եւ սակաւ ինչ դարբեալ, դարձեալ ընկեցին, եւ գայն զիրկս հնգետասան: Չահի հարեալ թէ գուցէ ՚ի խիստ ինչ տեղիս անկանիցին, յետուստ կողմանէ ընկեցին խարիսխս չորս, ըղձանային այգուն լինելոյ (4): Բայց նաւավարքն խնդրէին փօխչել ՚ի նաւէ անտի, եւ իջուցին զկուրն ՚ի ծով անդր՝ պատճառաւնօք որպէս թէ առաջոյ կողմանէ խարիսխս ձգելոց իցեն: Ասէ Պաւղոս ցհարիւրապետն եւ ցզորականսն. Եթէ

6039

(4) Լինելոյ վերջահոյով տրական խնդիր է ընդհանրէն բային, եւ այդու յասկացուցիչ լինելոյին. որպէս թէ գրուած բարեբաղնային ճշգրտայնոց այգուն. կրնանք նաեւ տեղայի նախել այդու խնդրէին վերջահոյով այսպէս, ընդհանրէն զէ այդ եւնէն:



ոչ դոքա մնան 'ի նաւիս , ապրել ոչ կարէք : Յայնժամ զօրականքն հատին զլարս կրին եւ 'ի բաց ընկեցին : Եւ մինչդեռ այգն կամէր լինել , աղաչէր Պաւղոս զամենեւեան առնուլ կերակուր , ասէ . Այս չորեքտասներորդ օր է որում ալկն ունիք նօթիս ⁽⁵⁾ կատարել , եւ չէ ինչ ճաշակեալ . վասն որոյ աղաչեմ զձեզ ճաշակել կերակուր , զի այն իսկ վասն ձերոյ փրկութեան է , զի ոչ ուրուք 'ի ձէնջ մազ մի 'ի գլխոյ կորիցէ : Քաջալերեցան ամենեքին եւ առին կերակուր : Իբրեւ յագեցան կերակրոյն , թեթեւացուցին զնաւն թափեալ զցորեանն 'ի ծով : Իբրեւ այդ եղև , զերկիրն ոչ ճանաչէին , բայց զգոգ մի նշմարէին թէ ափն ծովուն իցէ , յոր խորհէին , թէ հնար ինչ իցէ , զերծուցանել զնաւն : Ձխարիսան հատեալ ընկեցին 'ի ծովն , թուլացուցին զխառնելիս թեւոցն (առաջաստիցն) եւ 'ի բաց առին զառազասան , եւ ետուն հողմոյն յալին կոյս ⁽⁶⁾ ծովուն : Անկեալ 'ի տեղի մի երկծով՝ թիւրեցին զնաւն , եւ առաջին կողմն նաւին խրեալ անշարժ մնայր , եւ յետին կողմն քակէր 'ի բռնութենէ ալեացն : Զօրականացն խորհուրդ արարեալ՝ զի զկապեալն սպանցեն , զի մի ոք լուզիցէ եւ փախիցէ : Բայց հարիւրապեան , քանզի կամէր ապրեցուցանել զՊաւղոս , արդել զնոսա 'ի խորհրդոյն :

Գործք Առաքելոց . Ի Է .

7

ԳՈՂՈՒԹԻՒՆ ԱՌ ԱՍՏՈՒԱԾ

Հուպ, Կո
Յօրանալ, Գեբեւ, Կեբեւ
Բարձր առնել, Կեբեւ

Ճանանչ, Կեբեւ
Ձերծուլ, Կեբեւ
Կենսաձիր, Կեբեւ

⁽⁵⁾ Ինչպէս ստորոգելից ներգործական բային սեռի խնդիրին համաձայնելով՝ յոգնակիի մէջ • զիրն կ'առնու ընդհանրապէս, այսպէս նաեւ կրաւորական եւ չէզոք բայերու բով երբեմն + եւ երբեմն • յանգով կը դուրի յոգնակիի մէջ .
⁽⁶⁾ Կոյս նախադրութիւնն էով անորո՞ց հայցական հոլով կ'առնու իւր խնդիրն՝ որ սովորաբար իբրեւ առաջ կ'անցնի :

Բարձր առնել ⁽¹⁾ ըզքեզ Աստուած իմ՝ եւ տէր ,
Ձի ընկալար զիս , եւ ոչ յիս զոտորն ուրախ արարեր :
Կարդացի առ քեզ Փրկիչ իմ եւ յոյս ,
Եւ ի զըժօխոց հաներ դու զանկեալ անձն իմ խորասոյզ :
Ի վիշաքս մահու կացեալ առ իս հուպ ,
Բըժըշկեցեր զիս , ոչ լըքեալ թողեր ընդ իջեալս ի գուր :
Սաղմոս ասացէք Տեառն սուրբք սըրաիւք ,
Եւ յիշատակի սըրբութեան նորա խոստովան լերուք :
Ի բարկութենէ նորա արհաւիրք ⁽²⁾ ,
Եւ յասուածայնոց պարգեւ ի կամաց նորին կենսաձիրք ⁽³⁾ .
Ընդ երեկս հանդիստ առնուցուն լալիք ,
Եւ առաւօտուց լիցին յընծութեան բարբառք բերկրալիք :
Ես ի յօրանալ իմում ի բարիս ,
Ասացի ցանձն իմ թէ ի յաւիտեան ոչ սասանեսցիս .
Ձի դու հաճեցար ի կամքս բոյին ⁽⁴⁾
Տալ ինձ զօրութիւն եւ գեղոյ իմոյ ճաճանչ երկնային .
Այլ զըտայ յանկարծ խռովեալ ես անդրէն ,
Ձի դու Տէր ի բաց զերեսքս քոյին դարձուցեր յինէն :
Առ քեզ բոլորով սրաիւ կարդացի ,
Եւ առ Աստուածդ իմ ի նուազել իմում աղաղակեցի .
Ձի՞նչ օգուտ է քեզ յարենէ իմմէ ,
Եթէ ի յերկիր ապականութեան անձն իմ իջանէ .
Միթէ հող լիցի՞ առ քեզ խոստովան ,
Եւ կամ պատմեսցէ՞ ըզճշմարտութիւն քո զի անկենդան :
Լըւաւ ինձ Աստուած եւ ողորմեցաւ ,
Եւ յուրախութիւն ըզսուգ իմ դարձոյց եւ յանդորր ըզցաւ :
Ըզտըխուր յինէն եզերձ նա ըզքուրձ ,

⁽¹⁾ Այն ամականներն որ արեւմտեայ բային հետ իբրեւ մէկ բառ կազմելով կը գործածուին, միտե եզակի կը մնան, եթէ իրենց ենթակայն (սեռի խնդիրն) յոգնակի ալ ուլայ . այսպէս՝ կ'ըսուի , հեղուք արար զհեղուքս . արեւ արբեւ զարեւս , եւ ոչ թէ հեղուքս արար , արեւս արբեւ եւս . վերջին ձեւին մէջ՝ ամականներն իբրեւ ստորոգելի պէտք է նանչել .
⁽²⁾ Արհաւիրք բառէն առաջ լուրջայն կ'իմացուի հոս եւ չէջն բայն .
⁽³⁾ Կարգն այսպէս . Եւ պարգեւ կենսաձիրք յասուածայնոց կամաց նորին . լուրջայն իմանալով՝ արեւմտեայ բայն .
⁽⁴⁾ Է նախդրութիւն անորոց հայցականն դրուած է իբրեւ գործիական . փոխանակ ըսելու հետք + արեւ կամ հետք + արեւ :

Եւ ըզբընծութիւնս փոխանակ սրգոյ ինձ շուրջ ըզգեցոյց :

Որպէս զի սաղմոս քեզ փառք իմ յաւէտ

Ասասցեն իսպառ մինչեւ ի յետին կենցաղոյս ի կէտ .

Եւ մի՛ եւս ինձ զիղջ լիցի յաւիտեան ,

Այլ միշտ անդադար Աստուած իմ առ քեզ եղէց խոստովան :

Սաղմոս ԽԹ.

8

Հ Ա Մ Ա Ն

Ի վերայ հասանել, հասնալ
վրիպիլ, գտնել
Մտանել ի գինեբրուս, գինի եփել
Զի է հեզ, բռն առնի

Ի յեւել, հարձակել
Բռնադատել, պարտաբանել
Պատել, բռն գտնել [հասնալ
Զանի, զամօթի հարկանել, խեղճել

Եւ Տէր Աստուած մերժեաց զքուն յարքայէ (յԱրտաչիտէ) զգիւ-
չերն զայն . եւ ասէ ցղպրապետն իւր՝ բերել առաջի իւր զգիր հրո-
վարտակին եւ կարգալ : Եւ եզիտ նա զհրովարտակն զոր գրեալ էր
վասն Մուրթքէի, թէ ո՛րպէս պատմեաց վասն երկոցունց ներքին-
եացն նորա, յորժամ պահէին զպարանս թագաւորին, եւ կամէին
սպանանել զարքայ Արտաչէս : Եւ ասէ թագաւորն . Եւ զի՞նչ շնորհս
եւ կամ փառս առաք Մուրթքէի : Եւ ասեն սպասաւորքն արքայի .
Զարարեր եւ ոչ ինչ նմա՛ յորժամ հասեր ի վերայ խնամոյ հաւա-
տարմութեան նորա առ քեզ : Եւ ընդ առաւօտան եկին ի գաւիթ
թագաւորին . եւ ասէ արքայ . Ո՞վ է ի գաւիթս : Եւ Համան եկն
եմուտ՝ հրաման առնուլ ի թագաւորէն, զի կախեսցէ զՄուրթքէ
զվիայէն⁽¹⁾ զոր պատրաստեաց : Եւ ասեն սպասաւորքն արքայի .
Ահաւասիկ Համան արտաքոյ է : Եւ ասէ արքայ . Կոչեսցի ի ներքս
Եւ ասէ թագաւորն ցՀաման . Զի՞նչ արարից ես առնն զոր ես կա-
միմ փառաւորել : Եւ խորհեցաւ Համան, եւ ասէ ի միտս իւր .

(1) Պէտք է յիշել իտեւէլ բայի եւ ուրիշ բանի մը բայեռու խնդրաւորութեան մասին եղած գիտելիքը .

Զո՞վ կամի արքայ փառաւորել՝ եթէ ոչ զիս : Եւ ասէ ցարքայ .
Զայրն զոր արքայ կամի փառաւորել, բերցեն զպատմութեանն զար-
քունի, եւ զերիվարն յորում արքայ հեծանէր, եւ տացեն առնն
այնմիկ⁽²⁾ սիրելոյն արքայի ի փառաւորաց անտի . եւ զգեցուցեն
զպատմութեանն առնն այնմիկ զոր արքայն սիրէ, եւ հեծուցեն զնա
յերիվարն արքունի, եւ քարոզ կարգացի ընդ հրապարակս քաղա-
քիս, եւ ասացէ . այսպէս եղիցի ամենայն առն զոր արքայ փա-
ռաւորէ : Եւ ասէ արքայ ցՀաման . բարեռք խօսեցար . զայդ արաս-
ցես Մուրթքէի առն Հրէի՛ խնամակալի ի տան իմում, եւ մի՛ վրի-
պեսցի բան մի ի բանից քոց զոր խօսեցարդ : Եւ ա՛ռ Համան
զպատմութեանն եւ զերիվարն արքունի, եւ զգեցոյց զՄուրթքէ, եւ
հեծոյց զնա յերիվարն, եւ անց նա ընդ փողոցս քաղաքին . եւ քա-
րոզն աղաղակէր եւ ասէր . այսպէս լիցի ամենայն մարդոյ զոր կա-
միցի արքայ փառաւորել⁽³⁾ : Եւ զարձաւ Մուրթքէ յապարանս ար-
քունի, եւ Համան զնաց ՚ի տուն իւր գլխարկեալ՝ լի տրտմութեամբ .
եւ պատմեաց Համան՝ որ զինչ⁽⁴⁾ անց ընդ նա՛ կնոջ իւրում եւ սի-
րելեաց իւրոց : Եւ ասեն ցնա սիրելիքն եւ կինն իւր . Եթէ յազգէ
Հրէից էր, Մուրթքէ եւ եղև իշխան, հնազանդեա նմա . զի ոչ կա-
րես դու նմա չար հատուցանել, քանզի Տէր Աստուած ընդ նմա է,
եւ նա մեծացոյց զնա : Եւ մինչդեռ նոքա խօսէին՝ եկին երկու ներ-
քինիքն կոչել զՀաման ի ճաշ տիկնոջն (Եսթերայ) : Եւ եմուտ թա-
գաւորն եւ Համան ի գինեբրուս տիկնոջն, եւ ասէ արքայ ցԵսթեր

(2) Շատ անգամ յարաբերեալ մը նախադաս ըլլալով կամ յետագաս, իւր հոլովն կը բողոս եւ յարաբերականին հոլովն կ'առնու, մանաւանդ երբ յարաբերականով միջանկեալ խօսքն հետագունէ յարաբերեալն իւր բայէն . սակայն յաճախ ետեւէ կ'աւելցուի գերանուն մը կամ համագոր՝ բառ մը եւ կամ նոյն իսկ յարաբերեալն իր պահանջելի հոլովովն . ուստի այս խօսքին մէջ առնն առնիք աւելադրութիւն է, եւ ցոյց կուտայ թէ առնն բառն պէտք է իմանալ տրտման հոլովով, այսպէս . առն՝ զոր կամի . . . ասցեն զպատմութեանն, եւլն :

(3) Արտաւորութեամբ երբեմն խնդիր մը իւր բայէն կը հետանայ՝ զանուշով ո՛ր եւ է բայով՝ որ կրնայ ցնորութիւն ձգել . օրինակի աղագուտ՝ երբ քսեմք . Տեսանեմ զմարդիկ զի տրջին՝ իբրեւ զծառս, այս խօսքին մէջ էքրեւ զքառն խնդիր է քեռեւիքն եւ ոչ թէ քեռն ին : Ըստ այսմ, քրէ իտեւէլ քրայ քառնութիւն խօսքին մէջ քր սեռի խնդիր է քառնութիւն ին եւ ոչ թէ քեռն ին, որուն իբրեւ սեռի խնդիր կրնայ տուիլ քառնութիւն բառը .

(4) Որ զեւէլ սովորաբար գոյական է կը գրուի առանց հարցման, եւ կը նշանակէ էւէլ քր, քր բռնն քր . իսկ հարցմամբ կը գործածուի քր էւլ, քր էւլ (ինչ բան, մը բանը) .

յաւուրն երկրորդի մինչդեռ ըմպէին զինի . Զի է քեզ , Եսթեր տի-
կին , եւ զի՞նչ է խնդրուածդ քո եւ կամ աղաչանքդ . եղիցի քեզ
մինչեւ ի կէս թագաւորութեանս իմոյ : Եւ պատասխանի ես Եսթեր
եւ ասէ . Եթէ գտի չնորս առաջի քո , արքայ , տայի անձն մի
խնդրոյս իմում , եւ բան աղաչանացս իմոց ընդունելի լիցի . վասնզի
վաճառեցաք ես եւ ժողովուրդ իմ ի կորուստ եւ ի ծառայութիւն եւ
ի յափշտակութիւն՝ մեք եւ որդիք մեր , եւ ես ոչ հաւատացի . արդ
ոչ է առն բանաարկուի արժան(5) ի տան թագաւորի լինել : Եւ ասէ
արքայն . Ո՛ւր է որ իշխեսաց առնել զիրսս զայս : Եւ ասէ Եսթեր .
Այրս թշնամի Համան՝ որ չարս է , սա արար : Եւ Համան զահի
հարեալ խռովեցաւ յոյժ յարքայէ եւ ի տիկնոջէն : Եւ յարեաւ թա-
գաւորն ի ճաշոյ անտի , եւ եմուտ ի ծաղկոցն արքունի . Եւ Հա-
ման ո՛չ կամէր հրաժարել ի տիկնոջէն , քանզի էր յերկիւղի մեծի :
Եւ դարձաւ թագաւորն ի ծաղկոցէ անտի , եւ ետես զՀաման զի
կայր անկեալ առաջի գահոյից տիկնոջն՝ եւ աղաչէր զնա վասն փր-
կութեան իւրոյ . եւ ասէ թագաւորն . Արդ յայդ չափ հասեր , զի կա-
միս զկին իմ բռնադատել ի տան իմում : Եւ Համան իբրեւ լուաւ ,
զահի զամօթի հարեալ անկաւ ի վերայ երեսաց իւրոց : Եւ ասէ Բու-
գաթան՝ մի ներքինեաց անտի ցարքայ . Ահա Համան եւ փայտ մի
կազմեաց Մուրթքէի սիրելւոյ արքայի , եւ կանգնեաց զնա ի տան
իւրում յիսունկանգնեան : Եւ ասէ թագաւորն . Խաչեսցի ի վերայ
նորա : Եւ կախեցին զՀաման զփայտէն զոր պատրաստեաց Մուրթ-
քէի . եւ ապա թագաւորն դադարեաց ի բարկութենէ իւրմէ :

Եսթեր 2.—Է.

ՈՂԲ ԴԱԻԹԻ ԸՆԴ ՄԱՀ ՍԱԻՈՒՂԱՅ ԵՒ ՅՈՎՆԱԹԱՆՈՒ

Յառնել ի վերայ (ուրում), յարձակել (շահ-)	Պատանիլ , արուել , զարնել
Ախտյան , բնութի	Չգել զձեռն , ձեռք երեսնանել
Անհնարին , շահապանց	Անօր , հարձիք
Ոչ է ապրանաց , Իտն + շահի	Արձանանալ , Իտն + Իտն

Եւ եղև յետ մահուանն Սաւուղայ , եւ Դաւիթ դարձաւ ի հար-
կանելոյ զԱմաղէկ , եւ նստաւ Դաւիթ ի Սեկելակ աւուրս երկուս :
Եւ եղև յետ աւուրն երկրորդի , եւ անա այր եհաս ի բանակէ զօ-
րուն Սաւուղայ , եւ հանդերձք իւր պատառեալք , եւ հող զգլխով
իւրով (1) . եւ եղև ի մտանել նորա առ Դաւիթ , անկաւ յերկիր եւ
երկիր եպագ նմա : Եւ ասէ ցնա Դաւիթ . Ուստի՞ գաս դու : Եւ
ասէ ցնա . ի բանակէն Իսրայելի զերծեալ եմ ես : Եւ ասէ ցնա Դա-
ւիթ . Զի՞նչ զրոյց է պատմեա ինձ : Եւ ասէ . փախեաւ ժողովուրդն
ի պատերազմէն եւ անկան բազումք ի ժողովորդենէն եւ մեռան , եւ
Սաւուղ եւ Յովնաթան մեռան : Եւ ասէ Դաւիթ ցպատանին որ
պատմեաց նմա . Զիարդ գիտես եթէ մեռաւ Սաւուղ եւ Յովնաթան
որդի նորա : Եւ ասէ պատանին որ պատմեաց նմա . Դիպելով դի-
պեցայ ի լերինն Գեղարուայ , եւ անա Սաւուղ յեցեալ կայր ի նի-
զակն իւր . եւ անա կառք եւ ախոյանք հեծելոց գումարեցան ՚ի
նա , եւ հայեցաւ ի թիկունս իւր եւ ետես զիս , եւ կոչեաց զիս ,
եւ ասեմ՝ Աւասիկ եմ ես : Եւ ասէ ցիս . Ո՞վ ես դու . եւ ասեմ .
Ամաղեկացի եմ ես : Եւ ասէ ցիս . Արի ի վերայ իմ եւ սպան զիս ,
զի կալաւ զիս մութ անհնարին , մինչդեռ ամենայն շունչ իմ յիս է :
Եւ յարեայ ի վերայ նորա եւ սպանի զնա . զի գիտէի թէ ոչ է ապրա-
նաց , յետ անկանելոյն նորա . եւ առի զթագն ի գլխոյ նորա եւ
զապարանջանս ի բազկէ նորա , եւ բերի զնոսս տեսան իմում այսր .
Եւ բուռն եհար Դաւիթ զհանդերձից իւրոց եւ պատառեաց զնոսս .
եւ ամենայն արք որք ընդ նմա պատառեցին զհանդերձս իւրեանց .
եւ կոծեցան եւ պահեցին եւ լացին մինչեւ ցընդերեկս ի վերայ Սա-
ւուղայ եւ Յովնաթանու որդւոյ նորա , եւ ի վերայ ժողովորդեանն

(5) Ասորոգելի կր ինին բէ ամական եւ բէ գոյական բառերն հետեւեալներուն
վէջ . անի ե , վայել ե , արժան ե , լաւ ե , բարւոտ ե , պէտոյ ե , մարե ե , պարտ ե , օրե
ե , օգոտտ ե , հարտ ե , հարե ե , Իմմ ե , պեդտ ե , Գեդտ լինի կամ եղև , բէ քական
խնդիր մը կենաց՝ կամ շոյ :

(1) Անուի եւ անցեալ դերբայ՝ մտնաւանդ Էական բայինը՝ երբեմն լուրեայն
բողոքելով՝ քս սեղոյն գորութեամբ կիմացուին . Այսպէս կ'ըսուի ձեռք գլխու , Է-
հան ե ձեռքն , սար ընդ վեղ , ձեռն է ձեռքի եւլն , լուրեայն իմացուելով , անելու կամ
Իտնու , արեւ , երեւել եւլն :

Յուզայ, եւ ի վերայ տանն Իսրայելի զի հարան սրով: Եւ ասէ Դաւիթ ցպատանին որ պատմեաց նմա. Ո՛ւստի ես դու: Եւ ասէ. Որդի ան պանդխտի ամաղեկացւոյ եմ ես: Ասէ ցնա Դաւիթ. Եւ զիա՞րդ ոչ երկեար ձգել զձեռն քո ապականել զօճեալն Տեառն: Եւ կոչեաց Դաւիթ զմի ի մանկուոցն եւ ասէ. Մատիբ պատահեա դմա: Եւ եհար զնա եւ մեռաւ: Եւ ասէ ցնա Դաւիթ. Արիւն քո ի գլուխ քո. զի բերան քո խօսեցաւ զքէն եւ ասէ, թէ ես սպանի զօճեալն Տեառն: Եւ ողբաց Դաւիթ զողբս զայս ի վերայ Սաւուղայ եւ ի վերայ Յովնաթանու որդւոյ նորա. եւ ասաց Դաւիթ ուսուցանել որդւոցն Յուզայ աղեղնաւորութիւն(*). եւ հա գրեալ է 'ի գիրս ուղղութեան. Աւանանցի Իսրայել ի վերայ բրոցն ի բարձունս քո վիրաւորաց(**). զիա՞րդ անկան զօրաւորքն: Մի՛ պատմէք ի Գէթ, եւ մի՛ տայք զայդ աւետիս յելս Ասկաղոնի, զի մի՛ երբեք ուրախ լիցին դստերք այլազգեացն, եւ մի՛ ցնծասցեն դստերք անթիփատիցն: Լերինք Գեղբուայ, մի՛ իջցէ ի ձեզ ցօղ, եւ մի՛ եկեսցէ ի վերայ ձեր անձրեւ՝ անդաստանք պտղոց. զի անդ ապականեցաւ ասպար զօրաւորաց. Վահանն Սաւուղայ ոչ օծաւ իւղով: Յարեմէ վիրաւորաց եւ ի նարպոյ զօրավարաց աղեղն Յովնաթանու ոչ դարձաւ ունայն(2) յետս, եւ սուրն Սաւուղայ ոչ ամփոփեցաւ դատարկացեալ: Սաւուղ եւ Յովնաթան սիրելիք եւ սեղանակիք եւ վայելուչք, չմեկնեալք ի կենդանութեան իւրեանց, եւ ոչ մեկնեցան ի մահուան իւրեանց. թեթեւագոյնք քան զարծուիս, զօրացան առաւել քան զառիւծունս: Դստերք Իսրայելի, լացէք ի վերայ Սաւուղայ, լացէք ի վերայ նորա որ զգեցուցանէր ձեզ կարմիրս՝ հանդերձ զարդուն ձերով, որ արկանէր զարդս ոսկւոյ ի վերայ հանդերձից ձերոց: Զիա՞րդ անկան զօրաւորքն ի մէջ պատերազմի. Յովնաթան ի վերայ բարձանց քոց վիրաւոր: Յաւ է ինձ ի վերայ քո, եղբայր իմ Յովնաթան. գեղեցկացար ինձ յոյժ, զարմանալի եղեւ սէր քո ինձ քան զսէր կանանց: Զիա՞րդ անկան զօրաւորքն, եւ կորեան անթիքն պատերազմականք:

Բ. Թագ. Ա.

(*) Ս. գրոց մեկնիչք այս աղեղնաւորութեան բառով Դաւիթի հետագայ ողբերգն կ'իմանան, մէջն յիշատակուած աղեղն Յովնաթան — եւլն խօսէն առկով: Այս նշանակութեամբ հոս աղեղնաւորութեան բառն պէտք է որոշեալ մտնով առնուլ:

(**) Այս խօսքին իմաստը աւելի կը պարզուի եթէ արձանագրուի բառն ոչ թէ լոկ կէտաւ քարգմանուի, այլ որոշութեամբ, կամ կոչելու ձևով:

(2) Ուստի ամականի խնդիրներն յարեմէ եւ ի Գեղբուայ հետագած են իրարմէ:

ՕՐՇՆՈՒԹԻՒՆ ՄՈՎՍԻՍԻ

(Հայկական չափաւ (*))

Ընդդիմամարտ, հակառակ իսրայել
Պաղիլ, ասորէ
Անդրկաստից, անհասարակ զէնքով
Լիանիլ լուծանիլ, արհեստագործ

Եղեգնաւոր, եղբայրս
Վիսաւանել, ասորէ
Ընկուզանել, ինչեւ, ասորէ
Եւ ես, ասորէ

Յաղթական օրհներգութիւնք այնմ, որ փառօք փառաւորեալ՝ Ըղեկեմաւ թըշնամեաց եւ զերիվարս ընկէց ի ծով: Օգնական ընդունելի(1) եղեւ ինձ տէր ի փրկութիւնս. Սա է Աստուած իմ, օրհնեցից ըզսա եւ բարձր արարից. Սա է Աստուած հօր իմոյ, երգըս սրմա նըւագեցից: Տէր խորտակէ զպատերազմունս, եւ տէր է յոյս անուն նորա. Ըղկառս ըզգէն եւ զզօրութիւն Փարաւոնի ընկէց ի ծով. Կորեան անդընդասոյզ, ընկզմեցան ի ծով կարմիր. Խորք ծածկեցին ըզնոսս, ընկան յանդունդս իբրեւ ըզվէմ. Աջ քո տէր, աջ քո հըզօր, փառաւորեալ է զօրութեամբ, Աջ քո տէր, աջ քո հըզօր հար խորտակեաց ըզթշնամին. Եւ ի ձաճանչ փառաց քոց զընդդիմամարտս մանրեցեր: Առաքեցեր ըզբարկութիւն քո, եւ եկեր ըզնոսս Որպէս բոց՝ զի(2) ճարակի ծախէ զցամաք եղէգնաշամբ. Եւ հողմով սրտամրտութեան քո պատառեալ ալիք ծովուն

(*) Կարելուք է որ զաստիսոսն՝ ընթերցանութեան ներդաճակութիւնը պահել թալու համար՝ բացարձեւ աւանդութիւն թէ ինչ օրէնով պէտք է կարգալ այս անյանգ տալը՝ որ հայտնի չէր յօրինուած է, այսինքն թէ՛ իւրաքանչիւր տղ քանի հասած է կ'կազմուի եւ թէ այդ հասածներու իւրաքանչիւրն վանկային ինչ փոփոխութիւններ կրնայ կրել եւայլն:

(1) Լէ բայաճական յանախ կը գործածուի իբրեւ «ընդունակութեամբ» ներգործական եւ չէզոք բայերու մէջ. բոս այսմ ընդունելի կը նշանակէ (ընդունող), Եւ եւ (լսող), ասորէ (ընող) ընթանալ (ընթացող) եւլն:

(2) Զէ միջակ ամականի յանախ կը գործածուի իբրեւ «բարեբաղան ցեղանուցն. ուստի փոխանակ ըսելու, որպէս բոց՝ բարակի, բոււած է, որպէս բոց չէ նարակի»:

Պաղեցան որպէս պարիսպ, պաղեցան ջուրք վիմատառեալ :
 Ասաց թըշնամին . հալածեցից եւ հասից ,
 Բաժանեցից ըզկապուտ , լըցուցից զանձն իմ աւարաւ .
 Սատակեցից սըրով իմով , տիրեսցէ ձեռն իմ ի նոսա :
 Առաքեցեր ըզհողմըն քո , եւ ծով ծածկեաց ըզթշնամիս .
 Ընկըզմեցեր ըզնոսա որպէս կապար ի խորս ալեաց :

Ո՛վ է Աստուած իբրեւ ըզքեզ փառաւորեալդ ի մէջ սըրբոց ,
 Որ սքանչելի փառօք սաստես , եւ հնազանդին քեզ համագոյք ,
 Ձըգեցեր զաջ քո եւ եկուլ երկիր ընկլոյզ ըզնոսա .

Ածեր արդարութեամբ ըզժողովուրդ քո զայս փըրկեալ ,
 Եւ զօրութեամբ քո սփոփեցեր ի բանա՛յեալող սուրբ քոյին :
 Լըւան ազգք եւ բարկացան , երկունք կալան ըզհեթանոսս .
 Յայնժամ իշխանք Մովսրացւոց եւ դատաւորք Եդովմայ
 Ահիւ մեծաւ տագնապեցան , անկաւ դողումն ի նոսա .

Եւ ընակիչք քանանացւոց լըքան լուծան վըհատեցան :
 Անկցի զնոքօք ահ եւ երկիւզ , ի սաստ բազլի քո քարասցին ,
 Մինչեւ անցցէ, Տէր , ժողովուրդ քո այս աջովրդ քով փըրկեալ ,
 Մինչեւ անցցէ անվրտանդ ժողովուրդ քո զոր ըստացար .

Տարեալ ի լեւան անդր ըզնոսա ժառանգութեան քո տընկեացես ,
 Ուր պատասխեալ քո բնակուքիւնդ է (3) ի տեղւոջըն սըրբութեան ,
 Ձոր ձեռք քո Տէր , պատրաստեցին , զոր արարեր Տէր սըրբութիւն :
 Տէր թագաւոր յաւիտեան , եւ յաւիտեանս անդր ի յեւեա .

Ձի երիվարք Փարաւոնի հանդերձ կառօք եւ հեծելովք
 Եւ սպառազէնք նորա ընտիրք ընկըզմեցան անդընդախոր .
 Ած ի վերայ նոցա Տէր ըզլեւնացեալ ջուրս ծովուն .
 Գնալով որդւոցն (4) Իսրայելի ցամաքաթեւ ի մէջ ալեաց :

Տաղաչափեալ
 Ի Հ. Ս. Հիւսիւզեանէ

(3) Կարգն , որ պարտաւորեալ է բնակուելուս .
 (4) Գործիական հոլովով դուռն անորո՞ւ սերբայր անցեալ սերբայլի գործիւնն ունի , հետեւաբար սեռական հոլովով կ'առնու իր սերբայլին . Բողոք . 5 կանոն Ա դաս .

Հ Ո Ռ Ի Թ

Օն եւ օն առնել ,	ուհի ու հոգի ընել (ու .	Ջրուել ,	հեղել ,	բռնել
Թանալ ,	Բրջել	[հեռից ներս]	Վախճանել ,	Ընդհանրել
Պատկառեցուցանել ,	ուհի ու հոգի	Եղանիլ ,	հաւ ,	հեղել (տեղ ղ)
Փոխիմդ ,	խորհրդել	Նու ,	հար	

Եւ եղև յետ այսորիկ՝ յաւուրս դատելոյ Դատաւորացն՝ եկն սով յերկիրն : Եւ զնաց այր (ոմն) ի Բեթղեհեմէ Յուդայ պանդխտանալ յազարակին Մովսրայ , ինքն եւ կին իւր եւ երկու որդիք իւր : Եւ անուն աննն Ելիմեէք , եւ անուն կնոջ նորա Նոոմին , եւ անուն երկուց որդւոց նորա՝ Մաալոն եւ Քելլոն , եփրաթացիք ի ցեղէ Յուդայ , չորան յազարակն Մովսրու . եւ անդ էին : Եւ մեռաւ Ելիմեէք այրն Նոոմինայ , եւ մնաց կինն եւ երկու որդիք նորա . եւ առին իւրեանց կանայս մովսրացիս . անուն միումն Որփա , եւ անուն երկրորդին Հուլթ . եւ ընակեցին անդ իբրեւ ամս տասն : Եւ մեռան անդ երկուքին՝ Մաալոն եւ Քելլոն , եւ մնաց կինն միայն յառնէ իւրմէ եւ յորդւոց իւրոց (1) : Եւ յարեաւ ինքն եւ երկուքին նուանք նորա (2) , եւ դարձան յազարակէն Մովսրայ . զի լուան եթէ այց արար Աստուած ժողովրդեան իւրում տալ նոցա (3) հաց : Եւ ել ի տեղւոջէն ուր էր , եւ երկուքին նուանք նորա ընդ նմա , եւ զնացին ձանապարհ՝ դառնալ յերկիրն Յուդայ : Եւ ասէ Նոոմին ցերկոսին նուանս իւր . Երթայք դարձարուք իւրաբանչիւր ի տուն հօր իւրոյ (4) . եւ արասցէ ձեզ Տէր ողորմութիւն : Եւ համբուրեաց զնոսա : Ամբարձին զձայնս իւրեանց եւ լացին , եւ համբուրեաց

(1) Մեծի ածական բացառական հոլով խնդիր կ'առնու եւ կը նշանակէ զուր :
 (2) Տես 3 կանոն Գ դաս .
 (3) Փոխանակ քեղու հոգ , բուռն է հոգ . Գերանունն յոգնակի դուռն է իւրու-
 զուր հաւաքական բառն սեղ , որուն իմաստն յոգնակի է .
 (4) Ի՞նչ , ո՞ր , ի՞նչ , յե՞ր , ե՞ր թէ իբրեւ դերանուն եւ թէ իբրեւ ածական՝ իւրուանել
 էր , իւրուանելու ո՞ր միջակ անունէն ետեւ բային դէմքին համեմատ եզակի կամ յոգ-
 նակի կը դուռն . բայց երբ բայն յոգնակի առաջին կամ երկրորդ դէմքէ՝ յանախ
 եզակի երրորդ դէմք դերանուն (էր) կը գործածուի , ինչպէս որ այս օրինակէն
 կ'եւեւի :

Որքա զսկեսուր իւր , եւ դարձաւ ի ժողովուրդ իւր , բայց Հռութ գնաց զկնի նորա : Եւ ասէ Նոոմին ցՀռութ . Ահա նէր քո դարձաւ ի ժողովուրդ իւր եւ առ աստուածս իւր , դարձիր եւ դու զնեա նիւրին քոյ : Եւ ասէ Հռութ . Մի՛ պատահեցէ ինձ թողուլ զքեզ եւ դառնալ ի քէն . զի ուր դու երթայցես՝ երթայց , եւ ուր հանգչիցիս՝ հանգեայց , ժողովուրդ քո՝ ժողովուրդ իմ , եւ Աստուած քո՝ Աստուած իմ , եւ ուր մեռանիցիս՝ մեռայց , եւ անդ թաղեցայց , օ՛ն եւ օ՛ն արասցէ ինձ Տէր եւ օ՛ն եւ օ՛ն յաւելցէ , բայց եթէ մահ մեկնեացէ ընդ իս եւ ընդ քեզ : Եւ իբրեւ ետես Նոոմին եթէ պնդեալ է երթալ նա ընդ նմա , դադարեաց այնուհետեւ ի խօսելոյ ընդ նմա . եւ գնացին երկօքին մինչեւ գալ նոցա ի Բեթղեհէմ ի սկզբան հնձոց գարւոյ : Եւ անդ էր այր ծանօթ առնն Նոոմինայ , եւ այրն հզօր զօրութեամբ , եւ անուն նորա Բոոս . եւ ետ Նոոմինայ տուն այրութեան բնակելոյ ի նմա : Եւ ասէ Հռութ մովաբացի ցՆոոմին . Երթայց յանդ եւ քաղցից հարկս զնեա ուրուք : Եւ ասէ ցնա . Երթ , դուստր : Եւ գնաց . եւ երթեալ քաղէր հասկ յանդի զնեա հնձողացն , եւ դիպելով դիպեցաւ վիճակի անդին Բոոսայ : Եւ անա Բոոս եկն ի Բեթղեհէմէ , եւ ասէ ցպատանին իւր որ կայր ի վերայ հնձողացն . Ո՞յր է աղջիկդ այդ : Պատասխանի ետ պատանին եւ ասէ . Մովաբացի աղջիկն է՝ որ դարձաւ ընդ Նոոմինայ յազարակէն Մովաբայ : Եւ ասէ Բոոս ցՀռութ . լուա՞ր , դուստր . մի՛ այլ ուրեք երթիցես քաղել հասկ յայոց անդի , եւ մի բնաւ ուրեք գնասցես աստի . այլ աստէն իսկ յարեաց յաղջկունս իմ . եւ աչք քո յանդիս ո՛ւր եւ հնձեացեն , եւ երթիցես զնեա նոցա . ո՞չ ապաքէն պատուէր ետու մանկուոյ իմում չմերձենալ ի քեզ . եւ եթէ ծարաւեսցիս , երթիցես յամանսն եւ արբցես՝ ուստի հանիցեն ջուր մանկտիդ : Ահա ժամ է ճաշոյ , մատիր այսր եւ կեր ի հացէդ . եւ թացցես զպատառ քո ի քացասիդ : Եւ նստաւ Հռութ ի կողմանէ հնձողացն , եւ խառնեաց նւա ⁽⁵⁾ Բոոս փոխինդ . եւ եկեր եւ յազեցաւ , եւ եթող նշխար , եւ յարեաւ քաղել հասկ : Եւ պատուիրեաց Բոոս մանկուոյ իւրում , եւ ասէ . Այլ եւ ի մէջ որայոցն քաղեցէ , եւ մի՛ պատկառեցուցանէք զնա , այլ եւ բառնալով բարձուսջիք , եւ արկանելով արկջիք առաջի նորա ի փոխնդացն խառնելոց , եւ թոյլ տալիք նմա եւ կերիցէ՝ եւ քաղիցէ հասկ , եւ մի՛

⁽⁵⁾ Նմա , իմն . ևն նորա . վ երջանով սրականն ցաւ անգամ ևնն նախարու քեամբ սեռականի զօրութիւնն կ'ունենայ .

ինչ ⁽⁶⁾ զզուիցէք զնա : Եւ քաղեաց յանդին մինչեւ ցերեկոյ . եւ ծեծեաց զոր քաղեացն , եւ եղև արդու մի գարւոյ , եւ ա՛ն եւ եմուտ ի քաղաքն : Իբրեւ ետես սկեսուրն նորա զոր քաղեացն , եւ եհան Հռութ ետ նմա ի նեխարէն՝ յորոյ ⁽⁷⁾ յագեցաւն : Ասէ ցնա սկեսուրն իւր . Ո՛ւր ժողովեցեր այսօր , եւ կամ ո՛ւր եղեր : Եւ պատմեաց Հռութ սկեսրին իւրոյ զանուն առնն առ որում եղեւ այն օր՝ թէ Բոոս է : Ասէ Նոոմին ցնու իւր . Մերձ է այրն ի մեզ , ի մերձաւորաց մերոց է : Եւ ասէ Հռութ ցսկեսուրն իւր . Իրաւ է . ասաց ցիս թէ յաղջկունսդ իմ յարեաց , մինչեւ վախճանեցեն զնունձսդ՝ որչափ իցեն իմ : Եւ յարեցաւ Հռութ յաղջկունսն Բոոսայ քաղել հասկ մինչեւ վախճանել հնձոցն գարեաց եւ հնձոց ցորենոյ . եւ նստաւ առ սկեսրի իւրում :

Հուր Ա.—Բ.

ՍԱՀ ՉՈՂՈՓԵՌՆԵԱՅ

Չուել , ճամբայ ելել	Խնդրակ , խորուլ , փորուլ
Կալ առաջի , դէմ դնել	Ապարօս , գլխոս փող
Ակումբ մակելայ , (գօւթ)	Քայլո , (խորտնւլէ)
Հեհեակ , սորտնոր (չօր+)	Ընդելուզեալ , բանաս
Տալ ձեռն , օգնել	Գորեպահանգ , գլխոս ւոր
Կորով , ճարտէխնութն	Պաղասիս , ւր Բոոս ւոր
Խաբանք , հրապար	Հազարապիտ , դարտ
Հաղաղակ , աման (չօր+)	Քանուն , երկուս քանապիտ
Փիներբուք , խորտնոր	Ակունք , գորտ (գոր)
Կար , խորտնութն	Ծործոր , յոր

⁽⁶⁾ Ինչ , էւս սեպ զարդու կամ ազգութեան համար կրնան գործածուիլ ամեն բառի եով , մանաւանդ չ՝ մակբային հետ , իսկ ու ի հետ զաւ կամ կից որուելով ասուկութիւն մը կուտան , բնաւ , երբեք քեզու ասինան :

⁽⁷⁾ Երբեմն յարաբերականն իր հոլովը փոխելով յարաբերեալին հոլովն կ'առնու . ուստի այս օրինակին մէջ բնուած է . Ես նմա է նշխարէն յորոյ (յորով) յագեցաւն , փոխանակ քեզու , քոս յագեցաւն . Կրնանք սակայն նաեւ հոս յորոյ բացառականն ըստեղոյն իւր բուն հոլովովը դրուած համարիլ :

Եւ ի վաղիւ անդր պատուիրեաց Հողովեան զօրաց իւրոց չուել գնալ ի Բեախուղա . եւ ի վերայ ելից լեռնակողմանն , եւ հասանել տալ պատերազմ ընդ որդիան Իսրայելի : Եւ բանակեցան նոքա ի հովտին որ մերձ էր ի Բեախուղա ի վերայ աղբերն , եւ որդիքն Իսրայելի իբրեւ տեսին զայնչափ բազմութիւն , խռովեցան յոյժ , եւ ասեն այր ցընկեր իւր (1) . Այժմ լիզուն նէքա զամենայն եւրեսս երկրի , եւ ոչ լերինք բարձունք եւ ոչ ձորք եւ բլուրք կարացեն կալ առաջի զօրութեան զոցա : Եւ առին որդիքն Իսրայելի այր իւրաբանչիւր զգէն իւր (2) , եւ լուցանէին ջահս ի վերայ աշտարակաց քաղաքին , եւ կային եւ պահէին զամենայն զիշերն զայն : Եւ լուաւ Յուզիթ , զուստր Մերարեայ որ նստէր այրի ի տան իւրում ամս երիս եւ ամիսս չորս , եւ էր արկեալ զիւրեւ հանդերձ այրութեան , եւ պահէր նա զամենայն աւուրս այրութեան իւրոյ : Եւ էր նա գեղեցիկ յոյժ , եւ եթող նմա Մանասէ այր նորա ոսկի եւ արծաթ , ծառայս եւ աղախնայս եւ անդս եւ ագարակս եւ անասուն . ինքն Յուզիթ զարմանէր զնոսա , եւ ոչ ոք ասէր վասն նորա բան չարութեան , զի երկիւղած էր նա յոյժ ի Տեառնէ : Եւ առաքեաց զնաժիշան իւր որ էր ի վերայ ամենայն ընչից իւրոց , եւ կոչեաց զՈղիա եւ զամենայն ծերս քաղաքին իւրոյ եւ ասէ ցնոսա . Լուարուք զուք ինձ . արարից ես իրս մի որ պատմեսցի ազգաց մինչեւ յազգս , եւ որդւոց մինչեւ յորդիս (3) : Դուք կացչիք առ դրան քաղաքիս զգիշերս զայս , եւ ելից ես նաժԵՏԱԼԱ իմով (4) . եւ զուք մի քննէք զգործն զոր գործելոց եմ , քանզի ոչ իսկ ասացից ձեզ մինչեւ կատարեսցի այն զոր եսն ասնեմ : Եւ ասէ Ողիա իշխանօքն հանդերձ ցնա . Գնա զու ի խաղաղութիւն : Եւ նոքա դարձան ի տաղաւարէ անտի Յուզիթայ յիւրաքանչիւր անդիս : Եւ անկաւ Յուզիթ ի վերայ երեսաց իւրոց ,

(1) Երբ այդ բառն գործածուի իբրեւ այդ էրբտանչիւր, մի մի այդ , բայն յոգնակի կ'որուի եւ դեբանունն ալ (էր) եզակի երոզդ զէմով :

(2) Նոյն է ընդ վերոյն . — Հոս Այր էրբտանչիւր բացայայտիչ է արբէ բառին :

(3) Երբ միեւնոյն բառն կրկնուի նոյն հոլովով՝ առաջինն միայն նախդիր կ'առնու , իսկ եթէ մին բացառական եւ միւսն է ով անորոց հայցական հոլով ըլլայ , ետք դուռոր միայն նախդիր կ'առնու :

(4) Շատ անգամ լուեկայն պէտք է իմանալ հարբէն նախադրութիւնն այն գործիական բառերու հով՝ որք պարզ գործիք մը չեն ցուցնէր .

եւ ՚ի բաց ա՛ռ զքուրձն զոր զգեցեալ էր , եւ ցանեաց մոխիր ի վերայ գլխոյ իւրոյ , եւ կարդաց նա ձայնիւ մեծաւ առ Տէր Աստուած , եւ ասէ . Տէր Աստուած իմ , լուր ձայնի աղախնոյ քոյ . եւ նայեաց ի խնդրուածս այրույս (5) : Ահաւասիկ Ասորեստանեայն ելից զօրօք իւրովք զերկիրս , եւ բարձրացաւ հեծելովք երիվարացն , եւ հպարտացեալ մեծամտեաց ի բազուկ հետեւակացն բազմութեան (6) , եւ յուսացաւ ի նիզակս եւ ի սպառազինութիւնս եւ ի կորովս աղեղնաւորացն եւ պարսաւորաց եւ ոչ զիտաց թէ դու ես որ խորտակես զպատերազմունս : Տուր ձեռն աղախնոյ քում , եւ հար կործանես զճառայն խաբանօք շրթանց իմոց , եւ խորտակես զսաստկութիւնն նոցա ՚ի ձեռն կնոջս . զի ոչ եթէ ի բազմութեանէ է քո զօրութիւնդ , եւ ոչ կարդ քո յայնս է որ հզօրքն են , այլ խոնարհաց ես Տէր Աստուած , եւ կարօտելոց ես օգնական , տկարաց ես ընդունելութիւն , կարօտելոց ես խնդրակ , անյուսից ես փրկիչ : Եւ իբրեւ գաղարեաց Յուզիթ յաղօթից իւրոց , յոսն եկաց , եւ կոչեաց զնաժիշան եւ էջ ի տուն իւր : Մերկացաւ յիւրմէ զքուրձն զոր զգեցեալն էր , եւ ի բաց եհան զհանդերձ այրութեան իւրոյ , եւ լուաց զմարմինս իւր ջրով , եւ օծաւ իւր զով անուշիւ , եւ եհիւս զձեր գլխոյ իւրոյ , եւ կապեաց զապարօշն ի ճակատ իւր , եւ զգեցաւ զհանդերձ ուրախութեան իւրոյ զոր զգեսոյր առ կեանդանութեամբ (7) առն իւրոյ , եւ ագանէր կօշիկս ոսկեզօծս , եւ արկանէր ապարանջանս ի ձեռս իւր , եւ արկանէր քայռս յականց պատուականաց ընդելուզեալս մարգարտով ի պարանոց իւր , եւ մատանիս ի մատունս իւր եւ գորշապահանդս ի գլուխս իւր , եւ յօրինէր կազմէր ամենայն զարդու իւրով , եւ պայծառանայր առաւել յոյժ : Եւ ետ ցաղախին իւր զմախաղն , եւ ելից զնա պաղատակօք եւ հացիւք սրբովք , եւ զհաղազակն գինւոյ եւ զսրուակն իւզոյ , եւ սրբէր կազմէր զամենայն ըստ օրինի իւրեանց եւ տայր ցաղախին իւր : Եւ ել Յուզիթ ինքն եւ աղախին իւր ընդ նմա , եւ միտ զնէին նմա արք քաղաքին յերթալն նորա , մինչեւ եղեւ նա ընդ լերամբն , մինչեւ անց նա ընդ ծործոր հովտին ,

(5) « , որ դիմորոց յօդերն ես , մէտ , է՛, դու , դուստ , դուստ , դուստ » ի եւ երբեմն այդ , այդ ի արժէնով կը գրուին բառի մը վրայ . իսկ « դիմորոց ծանօթ կամ յայնքի իբերու կամ անձերու համար կ'որուի , քէ առանձին ըլլայ եւ քէ այն ցուցական ածականի հետ :

(6) կարդա , է բարձր բարձունքիւն հեղեղիւնն :

(7) Առ նախդիրն գործիականով կը նշանակէ երբեմն արբէն , յամանայ :

եւ անպա ոչ եւս տեսին զնա : Եւ երթային նոքա ընդ ծործոր հով-
տին ուղիղ ընդ ճանապարհն , եւ պատահեցին նոցա պահապանքն
Ասորեստանեայց եւ կալան զնոսա եւ տարան զնոսա ի խորանն :
Եւ Հողովեանն նստէր ի գահոյսն իւր , եւ էր փակեալ զնա վարա-
գուրօք շուրջանակի : զոր էր ընդելուզեալ ոսկեով եւ մարգար-
տով եւ ակամբք պատուականօք : Եւ իբրեւ լուաւ նա զՅուզիթայ ,
եւ նա արտաքս ի սրահ խորանին ջահիւք եւ լապտերօք արծաթ-
եօք , քանդի գիշեր էր . եւ իբրեւ ետես զնա Հողովեանէս , զար-
մացաւ ընդ տեսիլ գեղոյ նորա : Եւ եղեւ յաւուրն չորրորդի արար
Հողովեանէս կոչունս ծառայից իւրոց միայն : Եւ ասէ ցեազու-
ցներքինն որ էր հազարապետ հաւատարիմ ի վերայ ամենայն ըն-
չից նորա . Երթ , հաւանեցո դու , ասէ , զկինն Հեբբայեցի որ է
առ քեզ , ուտել եւ ըմպել ընդ մեզ : Եւ եւ Բագու յերեսաց Հո-
ղեփեանեայ , եւ եմուտ առ Յուզիթ եւ ասէ ցնա . Մի դանդա-
ղեսցի աղախինդ գեղեցիկ դալ առ տէր իմ եւ փառաւորել ի նմա-
նէ , եւ ըմպել ընդ նմա զզինի ուրախութեան մեօք հանդերձ :
Եւ ասէ ցնա Յուզիթ . Եւ ո՞վ ոք եմ ես որ ընդդէմ դառնամ
տեսան իմում : Եւ յարեաւ զարդարեցաւ , եւ գնաց առ Հողո-
փեան , եւ մատեաւ նախիշտ նորա եւ արկ նմա բազմական ի
գետնի դէմ յանդիման Հողովեանեայ զակումբն ⁽⁸⁾ մաշկեայ զոր
ա՛ռ նա ի Բագուայ ի հանապազօրդ սպաս նմա . եւ բազմեցաւ
Յուզիթ ի վերայ նորա : Եւ ուրախ եղեւ Հողեփեանէս ի վե-
րայ նորա , եւ արբ նա գինի սաստիկ յոյժ որչափ ոչ էր արբեալ
նորա յօրէ ծննդեմէ իւրմէ ⁽⁹⁾ : Եւ իբրեւ երեկոյ եղեւ , փութա-
ցոյց զծառայս իւր գնալ արտաքս . եւ Բագու փակեաց զգուրս
խորանին , եւ գնացին նոքա յիւրաքանչիւր անկողինս իւրեանց
արտաքոյ քան զխորանն , քանդի էին ամենեքեան խոնջք եւ վաս-
տակք ի բազում գիներբուաց անտի , եւ մնացին Յուզիթ եւ Հո-
ղովեանէս միայն ի խորանին : Եւ Հողովեանէս մտեալ ի գահոյս
իւր ի քուն եղեւ , եւ էր թմբրեալ յոյժ ի գինուոյ անտի : Եւ ասէ

(8) Բազմական բառն որ հոս նորառն կը նշանակէ , ստորգրեցին է պատմութիւնն :
(9) Փոխանակ ըսելու , Յօրէ քննութեան էրոյ . Երբեմն յասկացուցիչը՝ գործիական
կամ բացառական յասկացեալի փոխ դուրսման տեսն՝ անոր կ'համաձայնի հոլովով . այս
կերպով՝ յասկացուցիչին ունեցած սացական ամականն ալ իր գոյականին կ'համա-
ձայնի , ինչպէս կ'երեւի վերի օրինակէն .

Յուզիթ ցաղախին իւր զի կացցէ արտաքոյ խորանին եւ սպասես-
ցէ նմա : Եւ մատեաւ Յուզիթ առ քանուն գահոյիցն որ էր ընդ
մնարան Հողովեանեայ , եւ եհան զբաշոյն նորա յաղբերէ նորա
եւ ասէ . Զօրացո զիս , Աստուած Իսրայելի , յաւուրս յայսմիկ :
Եւ եհար ի պարանոցի նորա երկիցս զօրութեամբ իւրով , եւ հատ-
եալ եբարձ զգուրս նորա , եւ թաւալեցոյց ընկէց զմարմինն նորա
ի գահոյից անտի : Եւ յետ ժամու միոջ եւ ետ նախտին իւրում
զգուրսն Հողովեանեայ , եւ ընկէց ի մախաղ կերակրոյն իւրոյ : Եւ
եկին երկօքին ի միասին ըստ սովորութեան իւրեանց , եւ անցին
նոքա ըստ բանակն , եւ շրջեցան եկին ընդ ձորն , եւ եկին նոքա
ի լեռանն Բեաթուղայ , եւ եկին նոքա ի դրունս քաղաքին : Եւ ասէ
Յուզիթ ի նեռաստանէ ցպահապանս դրանցն . բացէք , բացէք արդ
զգուրսդ , զի ընդ մեզ է Տէր Աստուած մեր :

Յուզիթ

ՊԱՏՄԷ ՅՈՒԴԻԹ ԶՅԱՂԹԱՆԱԿ ԻՒՐ

Պան , պահապան	Սպայ , սպար՝ Յիսուսի զօր
խորտիկ ընդ մէջ , տէր խորտիկէ վեր	Նիրի , բան , բարձ
Բարկ , կոտորած	Սնարբ , գլխու վերեւ
Անապակ , զուր անհարմարութիւն	Անեակ , յիւ (ձեռն)
Գինեհարիլ , գինեմեղ	Քան գորհամապազ , սովորականէն տէր
Դեղեւիլ , երբեք	Փող , (պող) սեր . փողի
Գուն գործել , զանազան	Հանչիւն , բըւրբուր
Անձաման , զանազան	Կառափն , գլխի
Իրան , տարբեր	Բունն , (տուն)
Պարուրել , տարբերել , տարբերել	Յօղաւորիլ , հանդերձ արդ (ձեռն)

Արդ լուարուք . այն ինչ ելի ես ի դրանց ,
Կալան զիս պահք թըշնամեաց ,
Եւ առաջի Հողովեանեայ ամին զիս :

Ըզվարագոյրն չըքեղ ,
 Եւ պարուրեալ ի նմա զկառավին անշունչ՝ ըշտապ տագնապաւ .
 Ետու իմուսն հաւատարիմ նախըշտի ,
 Որ ըսպասէրն ինձ անդ մերձ ,
 Եւ ելեալ ի խորանէ սատակաման անկելոյն ,
 Անցի անտես՝ եւ կամ թերեւքս մեծարեալ՝ ի զօրաց .
 Եւ դարձ այսրէն արարի :

Պետրոսի Մեքսաքսեայ
 ՅԱԶԱՏՈՒԹԻՒՆ ԲԵՏԻՈՒՂԱՅ
 Հանդէս Բ. Տեսիլ Բ.
 (Թարգ. Հ. Ե. Հիւրմիւզ)

ՊԱՒՂՈՍ ՅԱՏԵՆԻՆ ՓԵՍՏՈՍԻ

Գալ յողջոյն (ուրուֆ) , (Գեւ) զընտելւ-
 [Նորհարեւել- Գու
 Սպաս , զբար , հարեւրան
 Հանել (աւուրս) , (բեր) անտել
 Առնել պատուհաս , գործի Գու
 Վնաս , յանտել
 Կարծել , ի-ի-ի-ի
 Տեղի առնուլ , գործհար-ի-ի-ի գործել

Պատեօն , իբր՝ Գեւ
 Յանհնարս մտանել , հարձ հարեւել
 Քաջ առանց , ի-յուր
 Յանդիմանութիւն , Գեւ-ի-յուր-ի-ի
 Մարթիլ , ի-բար-ի-ի
 Յածութիւն , գործի-ի-ի-ի-ի
 Գպուրութիւն , ի-ի-ի-ի-ի

Իբրեւ անցին աւուրք ինչ . Ագրիպպաս արքայ եւ Բերենիկէ եկին ի Կեսարիա յողջոյն Փեսոսի⁽¹⁾ : Եւ իբրեւ աւուրս բազումս հանէին անդ , Փեսոսս զեկոյց արքայի զՊաւղոսէ եւ ասէ . Այր մի աստ մնացեալ է կապեալ ի Փելիքսէ : Իբրեւ չորքայ յերուսաղէմ , զգացուցին ինձ վասն նորա զլիաւորքն Հրէից . խնդրէին յինէն առնել նմա պատուհաս : Ետու նոցա պատասխանի եթէ չէ օրէն Հոռովմայեցոց չնորհել ումք զոք , մինչչեւ ամբաստանեալն յանդիման ունիցի զպատասխազսն եւ տեղի պատասխանուոյ առնուցու վասն ամբաստանութեանն : Իբրեւ եկին դատախազքն այսր :

(1) Տես ԺԳ դաս 4 կանոն .

ոչինչ յապաղեցի , այլ ի վաղիւն նստեալ յատենի՝ հրամայեցի ածել զայրն , վասն որոյ⁽²⁾ մատուցեալ ամբաստանքն եւ ոչ մի ինչ վնաս չարութեան ի մէջ բերէին զորոց⁽³⁾ եսն կարծէի , բայց խնդիրս ինչ վասն իւրեանց պաշտաման ունէին ընդ նմա : Իբրեւ յանհնարս մտի վասն այնպիսի իրաց քննութեան , ասեմ ցայրն թէ կամիցի երթալ յերուսաղէմ , եւ անդ դատել վասն նոցին իրաց : Բայց ի Պաւղոսի բողոքելն⁽⁴⁾ զի պահեսցի ի քաջի արանցն յանդիմանութիւն , հրամայեցի պահել զնա մինչեւ տաց տանել առ կայսր : Ագրիպպաս ցփեստոս ասէ . Կամէի եւ ես լսել առնն , եւ նա ասէ . Վաղիւ լուիցես : Եւ ի վաղիւ անդր իբրեւ եկն Ագրիպպաս եւ Բերենիկէ բազում եւ երեւելի սպասուք , եւ մտին յատեանն հանդերձ հաղարպետքն եւ արամբք պատուաւորք քաղաքին , հրամայեալ Փեսոսսի՝ ածին զՊաւղոս : Եւ ասէ Փեսոսս . Արքայ Ագրիպպաս եւ ամենայն արք որ ընդ մեզ էք , տեսանէ՞ք զսա . վասն սորա ամենայն ժողովք Հրէից ամբաստան եղեն ինձ յերուսաղէմ , եւ աստ աղաղակէին թէ չէ պարտ դմա կեալ . բայց ես ի վերայ հասի թէ ոչ ինչ դորա արժանի մահու գործեալ⁽⁵⁾ , եւ դորա ինքնին բողոք կալեալ առ քաջ արանցն , խորհեցայ յղել : Բայց ստուգութեամբ ինչ գրել տեսառն իմոււմ ոչ ունիմ , վասն այնորիկ ածի զզա առաջի ձեր , եւ մանաւանդ առաջի քո . արքայ Ագրիպպա , որպէս զի վերստին քննեալ մարթացից ինչ գրել . քանզի անպատեհ իմն թուի ինձ տալ տանել կապեալ մի , եւ ոչինչ վնաս զնմանէ նշանակել : Եւ Ագրիպպաս ասէ զՊաւղոս . Հրամայեալ է վասն քո խօսել : Յայնժամ Պաւղոսի ձգեալ զձեռն առնէր պատասխանի : Վասն ամենայն ամբաստանութեան Հրէից զինէն⁽⁶⁾ , արքայ Ագրիպպա , համարիմ զամձն հրանելի , զի քո առաջի տալոց եմ այսօր

(2) Վասն որոյ զաղկապ է՝ երբ նշանակէ «-որի» իսկ հոս նախադրութեամբ խնդիր է , զի կր նշանակէ «-որի հարեւ» անձ մի յարաբերելով .
 (3) Կարծել երբ (կասկածիլ) նշանակէ , շով առանց է ի բացառական խնդիր կ'առնու սովորաբար .
 (4) Ինչպէս յասկացուցիչն յասկացեալէն նախադաս եղած ասեմ անոր ունեցած նախադիր կ'առնու , այսպէս՝ անորից դերբային ֆով յասկացուցիչի ձեւով գտնուած Տերբային յառաջ դրուելու ասեմ անորից դերբային ունեցած նախադիր իւր վրայ կ'առնու .
 (5) Ձեռնեալ է է կական բայն .
 (6) Գոյական կամ ածական բառեր՝ բուն իրենց բայերուն խնդրառութեանը հաւանաւոր հոլովով կ'առնու իրենց խնդիր :

պատասխանի . մանաւանդ զի գիտակ իսկ ես ամենայն կրօնից եւ խնդրոց Հրէից , վասն որոյ արգելեմ երկայնամտութեամբ լսել ինձ : Կենաց իմոց՝ որ ի մանկուքեմէ (7) յազգի անդ իմում յերուսաղէմ , տեղեակ են ամենայն Հրեայք . յառաջագոյն գիտեն ի վաղուց հեռէ , եթէ կամիցին վկայել , զի ըստ ճշմարտագոյն կրօնից օրինացն մերոց կեցեալ եմ փարիսեցի : Պատշաճ համարէի զբազում ինչ հակառակ անուանն Յիսուսի Նազովրեցւոյ գործել : զբազումս ի սրբոցն ես բանտարգել առնէի՝ ի քահանայապետիցն առեալ իշխանութիւն , եւ զպապելոցն նոցա բերէի համար (8) , եւ բազում անգամ պատժեալ զնոսա բռնադատէի հայնոյել , առաւել եւս մոլեալ ի վերայ նոցա հալածէի մինչեւ յարտաքին քաղաքսն : Ի զնալ իմում ի Դամասկոս իշխանութեամբ եւ հրամանօք քահանայապետիցն , զմիջառուրբն ի ճանապարհի սեսի , արքայ , յերկնից առաւել քան զուսառորութիւն արեգակնն ծագեալ զինեւ լոյս (9) , եւ զնօքօք որ ընդ ինն երթային . եւ յամենեցուն մեր անկանելն (10) յերկիր , լուայ ձայն որ ասէր ցիս Հերբայեցւոց բարբառօջ . Սաւուղ , Սաւուղ , զի՞ հալածես զիս , խիստ է քեզ ընդդէմ խթանի աքացել : Եւ ես ասեմ . Ո՞ ես Տէր : Եւ Տէր ասէ . Ես եմ Յիսուս զոր դուն հալածես . այլ արի եւ կաց ի վերայ ոտից քոյ . զի վասն այսորիկ երեւեցայ քեզ առնուլ զքեզ ի ձեռն պաշտօնեայ եւ վկայ որոց սեսերդ զիս . եւ որոց երեւեցայց քեզ (11) : փրկել զքեզ ի ժողովրդենէդ եւ ի հեթանոսաց՝ յորս ես առաքեցիք զքեզ բանալ զայս նոցա , դարձուցանել ի խաւարէ ի լոյս , եւ իշխանութենէ սատանայի յԱստուած . առնուլ նոցա զթողութիւն մեղաց եւ վիճակ ընդ սուրբսն հաւատովք որ յիս (12) : Ուստի , արքայ Ագրիպպա , ոչ եղէ անհաւան երկնաւոր տեսլ-

(7) Որ յարաբերական դերանունն առանց յայտնի համաձայնութիւն մը ունենալու իւր յարաբերելիքն հետ՝ երբեմն ուղղական կը դրուի ամեն հոլովի սեղ . Այդ ո՞ր ի եւ անվիշտապէս ետեւէն եկող բառին միջեւ՝ պէտք է դնել ըստ իմաստին յարմարաւոր բայ մը . Այսպիսի են սա խօսքերը . Պատուէր քո ո՞ր առ իս . — Նախանձ նորա ո՞ր ընդ իս եւայլն :

(8) Յատկացուցիչն նախադաս ըլլալով յատկացեալին նախդիրն իր վրայ առած է . (9) Լոյս սեռի խնդիրն հեռացած է իւր ոտէն բային . — Կրճակն նաեւ իբրեւ տէրբայի առնուլ զայն՝ ճշմարտութիւնն : (Տես Ե դաս 5 կանոնն) :

(10) Տես 4 կանոնն այս դասին մէջ :

(11) Առնուլ զքեզ ի ձեռն պատժեալ եւ վկայ ուրիշ սեսերդ զիս եւ ուրիշ երեւեցայց քեզ , իմն . Եւ ուրիշ սեսեր զիս եւ ուրիշ երեւեցայց . — Երբեմն յարաբերելով լռելեայն իմացուած ասեմ ո՞ր յարաբերականը անոր հոլովը կ'առնու , իրենը բողով :

(12) Տես 7 կանոնն այս դասին մէջ :

եանն . այլ նախ որոց ի Դամասկոս եւ յերուսաղէմ էին՝ եւ ընդ ամենայն զաւառսն հրէաստանի եւ ի հեթանոսս՝ պատկեցի (13) զզջանալ եւ դառնալ յԱստուած կենդանի . արժանի ապաշխարութեան գործս գործել : Վասն այսորիկ Հրէից կալեալ զիս ի տաճարին , կամէին քսպանանել . օգնութիւն հասեալ առ ի յԱստուծոյ , մինչեւ ցայսօր կացի վկայեալ փոքու եւ մեծի . ոչ ինչ արտաքոյ ասել (14) քան զոր մարգարէքն եւ Մովսէս խօսեցան ըզհանգերձելոցն լինելոյ . եթէ չարչարելոց է Քրիստոսն , եթէ առաջին ի յարութենէ մեռելոց լոյս պատկեցոց է (15) ժողովրդեանն եւ հեթանոսաց : — Եւ նորա զայս պատասխանի տուեալ՝ Փետտոս ի ձայն մեծ ասէ . Մոլիս , Պաղէ . բազում զպրութիւնք զքեզ ի մոլորութիւն դարձուցանեն : Իսկ Պաղոս ասէ . Ոչ մոլիմ , քաջդ Փետտոս , այլ զցածութեան եւ զճշմարտութեան բանս բարբառիմ : Յոսն եկաց արքայն եւ դատաւորն եւ Բերենիկէ եւ որք ընդ նոսայն նստէին , եւ իբրեւ գնային , խօսէին ընդ միմեանս եւ ասէին . Ոչինչ արժանի մահու կամ կապանաց գործեալ է այրս այս (16) : Իսկ Ագրիպպա ցփետտոս ասէ . Արձակել մարթէր զայրս զայս , եթէ ոչ էր բողոքեալ ի կայսր :

Գործ. ԻԾ. — ԻԶ.

ՀԱՐԻԻՐԱՊԵՏՆ ԿՈՌՆԵԼԻՈՍ

Խաղախորդ , Իւրիւր	Առանց ընդ բան ինչ ամելոյ , Եւ ուրիշ
Ձմաւ ամել , Իւրիւր	Խառնակ , Կեղծ Եւ ուրիշ
Ազուցանել , Բնութեանն Կեղծ Եւ ուրիշ	Իսկ եւ իսկ , Իւրիւր
Կարեւոր , Երբեք	Ակնառութիւն , Երբեք Եւ ուրիշ

(13) իմն . Պատկեցի . . . Եւ ուրիշ ուրիշ ի Դամասկոս եւ ին . (Նոյն է ընդ վերնոյն , 11) :

(14) Այս խօսքին մէջ Կրիստոս դրուած է փոխանակ Կրիստոսի եւ ասէն քո փոխանակ Կրիստոսի :

(15) Կարգն պատկեցոց է Լոյս Եւ ուրիշ . . . (իբրեւ Եւ ուրիշ Լոյս պիտի աւետարանուի) . — Ընդհանրապէս խօսքի մը մէջ Երբեք ուլ թարգմանուած բառերն ստորագրելի պատճօն կը կատարեն չէզոք կամ կրաւորական բայերու հոլ :

(16) Տես 1 կանոնն Ե դաս :

Այր մի էր ի Կեսարիա՝ անուն Կոռնելիոս ⁽¹⁾, հարիւրապետ՝ ի գնդէ որ կոչէր իտալիացի, բարեպաշտօն եւ երկիւղած յԱստուծոյ ամենայն տամբ իւրով. առնէր ողորմութիւնս բազումս ի ժողովրդեանն, եւ յաղօթս կայր առ Աստուած յամենայն ժամ: Ետես ի տեսլեան յայտնապէս զիննորդ ժամու աւուրն՝ զՀրեշտակ Աստուծոյ զի մտանէր առ նա եւ ասէր ցնա. Կոռնելիէ: Եւ նա հայեցեալ ընդ նա՝ զարհուրեցաւ, եւ ասէ. Զի՞ է Տէր: Եւ ասէ ցնա. Աղօթք քո եւ ողորմութիւնք քո ելին յիշատակաւ առաջի Աստուծոյ. եւ արդ յղեա արս ի Յոպպէ՝ եւ կոչեա զՍիմոն զօմն՝ որ կոչի Պետրոս. Նա մտեալ է առ Սիմոնի ումեմն խաղախորդի, որոյ է տունն մերձ ի ծով: Եւ իբրեւ գնաց Հրեշտակն որ խօսէր ընդ նմա, կոչեաց երկուս ի ծառայիցն ⁽²⁾, եւ զինուոր մի բարեպաշտօն ի սպասաւորայն իւրոց, եւ պատմեալ նոցա զամենայն՝ առաքեաց զնոսս ի Յոպպէ: Եւ ի վաղիւ անդր ի նանապարհ անկանել նոցա եւ մօտ ի քաղաքն լինել ⁽³⁾, եւ Պետրոս ի տանիսն կալ յաղօթս զվեցերորդ ժամուն. քաղցեալ, եւ կամէր ճաշակել: Եւ ի պատրաստելն նոցա՝ եղեւ ի վերայ նորա զարմացումն, եւ տեսանէ զերկինս բացեալ, եւ զչորեցունց տանոց կախեալ անօթ ինչ իբրեւ կտաւոյ մեծի իջեալ նստեալ ի վերայ երկրի. յորում էր ամենայն չորհոսանիք եւ սողունք երկրի եւ քաղունք երկնից ⁽⁴⁾. եւ եղեւ ճախ առ նա. Արի, Պետրոս, զեն եւ կեր: Եւ Պետրոս ասէ. Քաւ լիցի, Տէր, զի ոչ երբէք կերայ խառնակ ինչ եւ անսուրբ: Զայն եղեւ կրկին անգամ առ նա. Զոր Աստուած սրբեաց՝ դու մի՛ պղծեր: Այս եղեւ երիցս, եւ վերացաւ անօթն յերկինս: Եւ մինչդեռ զարմացեալ էր ընդ միտս Պետրոս՝ թէ զինչ իցէ տեսիլն զոր ետես, ահա արքն առաքեալք ի Կոռնելեայ՝ հարցին զապարանիցն Սիմոնի, կացին առ դրանն, կոչեցին եւ հար-

(1) Փոխանակ քսելու, — — — — — Կոռնելիոս կամ — — — — — էր Կոռնելիոս. — Մարտո եւ երբեմն տեղի յառուկ անուններն բացայայտիչ կ'ըլլան — — — — — բառովն հանդերձ՝ որ միտք ուղղակի կը դրուի:

(2) Թուական ածականներ երբեմն անորից հայցական կը դրուին, մանաւանդ երբ այն թիւով ցոյց տուած անձերն կամ իրերն քս ամենայնի որո՞ց հանգամանք չ'ունենան:

(3) Ուր որ միեւնոյն նախդիրով երկու բառեր գտնուին, եւ մին միւսին խնդիրն ըլլայ, յառաջ կը դրուի խնդիրն իւր նախդիրով եւ զանց կ'առնուի միւսին (խրնդ-բառուին) նախդիրը. ուստի այս խօսքին մէջ — — — — — եւ — — — — — անորից դերբայներն փոխանակ — — — — — ի եւ է — — — — — ի դրուած են:

(4) Յոգնակի տեքայի իմ երբեմն բայն երեւոյ դեմով եզակի կրնայ դրուիլ:

ցանէին, եթէ Սիմոն՝ որ կոչի Պետրոս՝ աստ մտեալ իցէ: Եւ մինչդեռ Պետրոս զմտաւ ածէր վասն տեսլեանն, ասէ Հոգին ցնա. Ահաւասիկ արք ոմանք խնորրն զքեզ. այլ արի էջ եւ երթ ընդ նոսս առանց իրիք խղնելոյ ⁽⁵⁾, զի ես առաքեցի զնոսս: Եւ իբրեւ էջ Պետրոս առ նոսս, ասէ. Ահաւասիկ եմ զոր խնորէքն. զինչ իրք են՝ վասն որոյ եկիքք: Եւ նոքա ասեն. Կոռնելիոս հարիւրապետ՝ այր արդար եւ երկիւղած յԱստուծոյ, վկայեալ յամենայն ազգէ Հրեից, հրաման ա՛ռ ի հրեշտակէ սրբոյ՝ կոչել զքեզ ի տուն իւր եւ լսել բանս ի քէն: Կոչեաց զնոսս ի ներքս եւ առ իւր ագոյց: Եւ ի վաղիւ անդր յարուցեալ Պետրոս գնաց ընդ նոսս, եւ ոմանք յեղբարց անտի որ ի Յոպպէ էին՝ եկին ընդ նմա: Եւ ի վաղիւ անդր մտին ի Կեսարիա. եւ Կոռնելիոս մնայր նոցա, կոչեցեալ զաղգատնմն իւր եւ զկարեւոր բարեկամն:

Եւ եղեւ ի մտանելն Պետրոսի, ընդ առաջ եղեւ նմա Կոռնելիոս, անկեալ առ ոտան նորա երկիր պագանէր: Եւ Պետրոս կանգնեաց զնա եւ ասէ. Յոան կաց, եւ ես ինքն մարդ եմ: Եւ խօսելով ընդ նմա եմուտ ի ներքս, եւ գտանէր անդ ժողովեալ զբազումս: Եւ ասէ ցնոսս. Դուք ինքնին զիտէք՝ ո՛րպէս անմարթ է առն հրէի հպիլ կամ մերձեցեալ առ այլազգի, եւ ինձ Աստուած եցոյց՝ մի՛ զոք խառնակ կամ անսուրբ ասել ի մարդկանէ: Վասն այսորիկ եւ առանց ընդ բանս ինչ ածելոյ եկի կոչեցեալ. բայց արդ հարցանեմ, յինչ պէտս կոչեցէք զիս: Եւ Կոռնելիոս ասէ. Յառաջ քան զչորս աւուրս մինչ ցայս ժամ, (չորս օր առաջ մինչեւ այս ժամս) կայի յաղօթս յինն ժամ ի տան իմում, եւ ահա այր մի եկն եկաց առաջի իմ ի հանդերձս սպիտակս, եւ ասէ. Կոռնելիէ, լսելի եղեն աղօթք քո, եւ ողորմութիւնք քո յիշեցան առաջի Աստուծոյ: Եւ արդ յղեալ ի Յոպպէ, եւ կոչեա զՍիմոն՝ որ կոչեցեալն է Պետրոս. սա մտեալ է ի տուն Սիմոնի ուրումն խաղախորդի մերձ ի ծով, որ եկեացէ եւ խօսեսցի ընդ քեզ: Եւ ես իսկ եւ իսկ յղցի առ քեզ. դու բարեւք արարեր զի եկիր. արդ ամենեքեան մեք առաջի Աստուծոյ կամք, լսել զամենայն որ հրամայեալ է քեզ ի Տեառնէ: Երաց Պետրոս ըզբերան իւր եւ ասէ. Ճշմարտութեամբ հասեալ եմ, զի ոչ գոյ ակնառութիւն առաջի Աստուծոյ, այլ յամենայն ազգս՝ որ երկնչին ի նմա-

(5) Հոս անորից դերբայն իբրեւ անուն գործածուած ըլլալով՝ իւր էքէ՝ ածականը հոլովով համաձայն դրուած է անոր:

Եւ եւ գործէն զարդարութիւն՝ ընդունելի է նմա (6) : Չբանն առաք-
եաց որդւոցն Իսրայելի՝ աւետարանել զխաղաղութիւնն ի ձեռն Յի-
սուսի Քրիստոսի . սա է ամենայնի Տէր : Դուք ինքնին գիտէք զբա-
նըն , որ եղեւ ընդ ամենայն Հրէաստան սկսեալ ի Գալիլէէ , յետ
մկրտութեանն զոր քարոզեաց Յովնանէս . զՅիսուս որ ի Նազարե-
թէ , զոր օծն Աստուած Հոգւով Սրբով եւ զօրութեամբ , որ շրջե-
ցաւ բարի առնել՝ եւ բժշկել զամենայն ըմբռնեալսն ի սատանայէ ,
զի Աստուած էր ընդ նմա : Եւ մեք վկայեմք ամենայնի զոր արար
յերկրին Հրէաստանի եւ յԵրուսաղէմ . զոր եւ սպանին կախեալ ըզ-
փայտէ . զնա Աստուած յարոյց յերրորդ աւուր , եւ ետ նմա յայտնի
լինել ո՛չ ամենայն ժողովրդեանն , այլ մեզ վկայիցս յառաջագոյն ընտ-
րելոցս յԱստուծոյ , որք եւ կերաք եւ արբաք ընդ նմա յետ յարու-
թեան նորա ի մեռելոց : Եւ պատուիրեաց մեզ քարոզել ժողովրդ-
եանն՝ եւ վկայութիւն գնել թէ նա է սահմանեալն յԱստուծոյ դա-
տաւոր կենդանեաց եւ մեռելոց . նմա ամենայն մարգարէք վկայեն ,
թողութիւն մեզաց առնուլ անուամբ նորա ամենայն հաւատացելոց ի
նա : Եւ մինչդեռ խօսէր Պետրոս զբանս զայս , հանգեաւ Հոգին Սուրբ
ի վերայ ամենեցուն՝ որ լսէին զբանն : Չարմացան՝ որք ի քլիաւսու-
քեան անսի հաւատացեալք (7) եկեալ էին ընդ Պետրոսի , զի եւ ի հե-
թանոսս պարզեւք Հոգւոյն Սրբոյ զեղուին . քանզի լսէին ի նոցանէ
խօսել լեզուս եւ մեծացուցանել զԱստուած : Յայնժամ պատասխանի
ետ Պետրոս . Միթէ զՆուրն ոք արգելո՞ւլ կարէ առ ի չմկրտելոյ
զսոսս . որք եւ զՀոգին Սուրբ ընկալան որպէս եւ մեք : Եւ հրա-
մայեաց նոցա մկրտել յանուն Յիսուսի Քրիստոսի : Յայնժամ աղա-
չեցին զնա լինել անդ աւուրս ինչ :

Գործ. Ժ.


(6) Իմն . Ընդունելի է նմա այն որ երկնչի ի նմանէ եւ գործէ զարդարութիւն . —
Երբեք եւ քրքե բայեուն վրայ դուռած ք զիմուրոք խօսիին մէջ յարաբերեալին
լեկեայն մնալուն արդիւնք է .

(7) Յարաբերեալանն իւր յարաբերեալէն յառաջ դուռած է . ուսի կարգն այսպէս .
հարաբերեալք ի քլիաւսութեան անսի որք եկեալ էին ընդ Պետրոսի՝ զարմացան ելլն .

ԽՐԱՏՔ ՅՈՎԻԴԱՅԵԱՅ ԱՌ ՅՈՎԱՍ

Խեթ արկանել , հարաբերեալ	Յոգն , լուր
Մտաղիւր լինել , հարաբերեալ ընդայել	
Բուռն (յգ. բուռն) բարեբաղ	
	Յուրի ունել , հարաբերեալ
	Պատկառ կալ , հարաբերեալ

ՅՈՎԻԴԱՅԵ ԵՒ ՅՈՎԱՍ



ՅՈՎԻԴԱՅԵ

Ե՛կ իմն Յովաս (1) , եկ թագաւոր իմ առ իս :

ՅՈՎԱՍ

Ո՛վ սիրեցեալդ իմ հայր , կոչեա եթէ սիրես զիս՝ որդի .
Եթէ զանուշըս զայս , աւա՛ղ , կորուսից ,
Զի՛նչ օգնէ ինձ կըրել ըզթագ արքունի :

ՅՈՎԻԴԱՅԵ

Այո՛ , միակդ իմ սիրելի , եւ փառք իմ .
Որպէս հաճոյ քեզ թըւի ,
Այնպէս ըզքեզ կոչեցից ,
Եղէց միշտ քեզ որդեկոչ :

ՅՈՎԱՍ

Այլ դու ընդէ՞ր արտասուես .
Խէթ արտասուք քո արկանեն յիս , հայր իմ :

ՅՈՎԻԴԱՅԵ

Ոչ միշտ , որդեակ իմ , արտասուք բղխեն զառինք ի վշտաց :

ՅՈՎԱՍ

Զի՛նչ ասիցէ մայր իմ արդ՝
Ի տեսանելըն զիս ի ձորձս յայստիկ :

(1) Մովրաբար յօղր յասուկ անուններու նախադաս եղող անսկանին վրայ կը
դուրի :

ՅՈՎԻԴԱՅԷ

Ուրախ լիցի, ցընծասցէ
Ի տեսանել ի քեզ սիրտ՝
Արքունական ձորձոցըդ քոց համեմատ :

ՅՈՎԱՍ

Արդ զի եղէ թագաւոր,
Սիրտ իմ Տերամբ լիցի գահու արժանի .
Ո՛հ ի ձեռին նորա է սիրտ արքայից :

ՅՈՎԻԴԱՅԷ

Այո՞ այդպէս, որդեակ իմ, քեզ ուսուցի .
Եւ քաղցր է ինձ զի յիշես .
Այլ եւ յաճախ պատեհ առեալ ցուցի քեզ
Որ ինչ են պարտք արքայից .
Շնորհէ քեզ արդ Տէր ըզթագ .
Այլ ըզշնորհին իւրոյ ի քէն խընդրեսցէ
Յաւուր միում ըզհամար :
Երկիր եւ կա՛լ ի մըտի
Ըզդատաստանն անաչառ՝
Որ քեզ մընայ, եւ սկըսիր
Նախ քում անձին հրամայել .
Իզձք քո լիցին քեզ առաջին հպատակք,
Ձի ժողովուրդ քո ի քեզ
Տեսանիցէ հնազանդութեան օրինակ :
Պարտք քո, եւ ոչ կար, չափ գործոց քոց լիցի .
Եւ առաւել քան անձին՝ (2)
Հասարակաց բարւոյն լիցիս մըտադիր .
Սիրեսցէ զքեզ ժողովուրդ քո որպէս հայր,
Մի՛ երկիցէ իբր ի գոռոզ բըռանէ (3),
Երկիւղ նոցա է ապիկար թագաւորի պահապան,

(2) Ուրե՞, +ու, էբբե- կամ էբբ՝ կր գործածուին իբրեւ տաղկապ, եւ նոյն հոլովով դրուած երկու բառեր՝ որ բաղդասութեան եզր են՝ իրարու հետ կր կցեն . — Այսպէս կարգա այս տողեր . Առաւել մտադիր լեր հասարակաց բարւոյն քան անձին .

(3) Շոյն կանոն ընդ վերնոյն . — Դիւրիմացութեան համար՝ զ՛ երկեցե բային առցել պէտք է յաւելուլ է +ու խնդիր .

Եւ ոչ բըռնի նոցա ըզսէր ժողովրդեան է սսանալ (4) :
Վարձըս բարեաց տուր եւ պատիժըս չարաց
Արդարադատ քըննութեամբ :
Յամբ ի դատել, եւ լեր ի գործ փութաջան .
Մի՛ դու ի շուրթըն շողոքորթ վըստահիր,
Սիրտ նորա վատ դիւրահաւան է աւագաց ի հրապոյր,
Այլ դու զխորհուրդ խոհական
Կա՛լ քեզ ի գործս առաջնորդ՝
Ձարիութիւն աշակից .
Ձարդարութիւն միշտ առաջի աչաց քոց,
Եւ կալ զԱստուած ի սըրտի :
Արա ըստ քումըդ կարի
Որչափ է կար մահացուի,
Եւ ընկեա զհոգ քո ի Տէր՝
Որ տնօրինէ զամենայն .
Տայ նա բեռին համեմատ
Ըզգորութիւն տանելոյ :
Եւ ինքն ընտրէ ի յերկրի
Ըզպաշտօնեայս իւր ի գործ :

ՅՈՎԱՍ

Խոստանամ քեզ, այո՞ հայր,
Յուշի ունել զամենայն,
Եւ կալ պատկառ մինչ ի սպառ
Բնաւից կարգացս այսոցիկ :

ՅՈՎԻԴԱՅԷ

Այլ ժամ է արդ բառնալ ըզքօղ՝ որ ծածկէ
Ըզքեզ յաչաց Դեւտացւոց .
Մատիր արդ ե՛լ ի գահոյս,
Այլ նախ անկիր երկիր պադ
Թագաւորին թագաւորաց, որպէս ուսարդ եւ զիտես,
Ի կարեւոր պահուս խնդրել առ ի նմանէ օգնութիւն :

ՅՈՎԱՍ

Տէր որ ամեր ի չըգոյ՛ց զիս ի գոյ .

(4) Իմն . Ոչ է նոցա սսանալ բռնի զսէր ժողովրդեան .

Որ ըզպատկեր քո վեհ ի յիս դրոշմեցեր ,
 Որ պարգեւաց եւ ըս յոգունց
 Զիս արժանի արարեր ,
 Ուղղեա ըզգործըս իմ ըստ կամաց քոց սրբոց ,
 Եւ ըզխորհուրդս իմ եւ ըզբանըս սրբեա .
 Եւ եթէ ոչ հաւատարիմ քեզ հանդերձեալ իցեմ կեալ
 Շիջո ըզկեանս իմ յայգուէ ,
 Զեւ մեղուցեալ քեզ՝ փափաքեմ մեռանել :
 Հե՛ղ ըզհոգի քո ի յիս ,
 Լից երկիւղիւ ըզ սրբով ,
 Եւ իմաստուն արա զիս .
 Վառեա ըզսիրտ իմ քոյով
 Աստուածային եռանդեամբ :

Պետրոսի Մեքսսքասեայ
 Ի ՅՈՎԱՍ ԱՐՔԱՅ ՅՈՒԴԱՅ
 Հանդէս Բ. Տեսիլ Բ.
 (Թարգ. Հ. Ե. Հիւրմիւզ)

ԵՐԵՔԻՆ ՍԵՆԵԿԱՊԱՆՔ ԴԱՐԵՇԻ

Ընտնից, որն զՆննչ Կորնթ, գերե
 Տեղի այգորեյի, (Եւրպիւսի Կեւ)
 Թափել (գիւնոյ), գիւնոյն Եւրոպիւսի
 Ընդ սմարս, գիւնոյն Եւրոպիւսի, Եւրոպիւսի Կեւ

Ոգելխառնիլ, զի Կորնթ Կեւ Կեւ ԸՄՄԼ
 Սքափեցուցանել, Կորնթիւսի Կեւ
 Խօսիլ զմեծամեծս, զի Կեւ ԸՄՄԼ
 Հարն, Եւրոպիւսի Կեւ Կեւ

Թագաւորն Դարեհ արար խրախուժիւն մեծ . եւ ժողովեաց զամե-
 նայն իշխանս իւր եւ զընտոժինս իւր , եւ զամենայն մեծամեծս Մա-
 րաց , Պարսից եւ Քաղղէացոց , եւ զամենայն նախարարս եւ զգո-
 րազուխս , եւ զետեղակալս ընդ նոսա , ի կողմանցն Հնդկաց մին-
 չեւ ի կողմանս Եթովպացոց . եւ էին նախարարք հարիւր քսան եւ
 եօթն գաւառաց . եւ կերան եւ արքին եւ յագեցան եւ ուրախ եղեն :

Եւ յորժամ վախճան եղեւ՝ Դարեհ թագաւոր եմուտ ի սենեակ իւր, եւ
 ելեալ ի դահոյս իւր ի քուն եղեւ : Յայնժամ երեք պատանիք որ էին
 սենեկապանք նորա . եւ մինչդեռ ի քուն կայր թագաւորն՝ նոքա ի
 ներքս ի սենեկի սպաս կալեալ եւ պահ ունէին նմա , խօսել սկսան
 ընդ միմեանս եւ ասեն . Եկայք իւրաքանչիւր ասացուք բան մի .
 եւ որ ասացէ իմաստուն եւ առաւել զօրաւոր քան զընկերս իւր՝
 տացէ նմա Դարեհ թագաւոր պարգեւս մեծամեծս , եւ մեծ եւ ան-
 ուանի երեւեսցի քան զամենեւեանս . եւ ծիրանիս զգեցուցէ նմա , եւ
 ոսկի սպասուք արքցէ եւ կերիցէ , եւ ի վերայ ոսկեղինաց նստցի
 եւ ննջեսցէ . եւ վարեսցէ երիւարս ոսկեսանձս . եւ խոյր բենեղեայ
 թագ կապեսցէ նմա եւ մանեակ ոսկի ի պարանոցի նորա . եւ երկ-
 րորդ յաթոճն Դարեհի նստցի վասն իմաստութեան իւրոյ , եւ ազ-
 գական Դարեհի անուանեսցի : Եւ յայնժամ իւրաքանչիւր գրեալ զիւր
 բան , կնքեցին եւ եղին ընդ մնարս Դարեհի արքայի , եւ ասեն .
 Յորժամ յարիցէ՝ տացուք ցնա զգիրդ , եւ ընտրեսցէ թագաւորն եւ
 երեք մեծամեծք՝ իշխանք Պարսից . եւ որոյ (1) բան գացի իմաստնա-
 գոյն՝ նմա տացեն զյաղթողական պարգեւն : Եւ գրեաց առաջինն ,
 ասէ . Յաղթող եւ զօրաւոր է քան զամենայն զինի , Եւ գրեաց երկ-
 րորդն եւ ասէ . Յաղթող եւ զօրաւոր է քան զամենայն թագաւոր :
 Եւ երրորդն գրեաց եւ ասէ . Յաղթող եւ զօրաւոր են քան զամե-
 նայն կանայք , եւ քան զամենայն յաղթէ՝ ճշմարտութիւն : Եւ յոր-
 ժամ զարթեաւ թագաւորն , առեալ զգիրն զոր ետուն ցնա , կարդաց .
 եւ առաքեալ կոչեաց զամենայն մեծամեծս Պարսից եւ Մարաց , եւ
 զնախարարս եւ զսպարապետս եւ զտեղակալս եւ զիշխանս : Եւ
 նստեալ ի տեղուջ յայգորելի , եւ կարդացին զգիրն առաջի ամենե-
 ցուն : Եւ ապէ թագաւորն . կոչեցէք այսր զպատանիսն , եւ նոքա
 մեկնեսցեն զբանս իւրեանց : Եւ կոչեալ մտին առաջի , եւ ասեն ցը-
 նոսա ամենեքեան . պատմեցէք մեզ զգրեալսդ : Եւ սկսաւ ասել ա-
 ռաջինն . որ ասաց վասն զօրութեան զինուոյ , եւ ասէ այսպէս . Ո՛ր
 արք , զիս՞րդ ոչ է զօրաւոր զինի , զի ամենայն մարդիկ որ ըմպեն
 զնա՝ յիմարեցուցանէ զմիսսն (2) , եւ զբագաւորաց եւ զսաւապեղոց՝

(1) Որ , « միջակ անուն կամ անական են՝ երբ յարաբերելու յայնքի դեմք մը չկե-
 նայ , իսկ եթէ ըլլայ՝ յարաբերական դերանուն են , այսպէս՝ այս խօսքին մէջ « որ »
 միջակ անուն է , զի կը բարձրանուի (« որ ») , եւ չունի յարաբերելի բառ .

(2) Այս խօսքին մէջ « որ » բառին ետ յետեւանք պէտք է իմանալ « որ » դերանունն ,
 որ թէեւ աւելագործիւն՝ սակայն պատճառն պիտի ունենայ ցոյց տալու՝ որ « որ » բառը

մի միսս առնէ՝ (3) նոյնպէս եւ զտեառն եւ զծառայի, զմեծատանց եւ զաղքատաց . եւ զամենեցուն միտս դարձուցանէ եւ շրջէ յուրախու- թիւն, եւ ոչ երբեք յիշեն զտրտմութիւն եւ զխտս ինչ : Քանզի զամենեցուն սիրտս ընու զուարթութեամբ եւ մեծութեամբ, եւ ոչ յիշէ զթագաւորս կամ զիշխանս, եւ տայ խօսել զմեծամեծս . եւ յորժամ ըմպէ, ոչ յիշէ զսիրելիս եւ զեղբարս եւ զթշնամիս . եւ բա- զուժմ անգամ հանեալ սուր, եւ յորժամ թափի զինին՝ ոչ յիշէ զինչ զործեաց : Ո՛վ արք, զիա՞րդ ոչ է զօրաւոր զինի, որ զայս ամենայն բռնադատէ գործել : Եւ ասացեալ զայս ամենայն լռեաց : — Եւ սկսաւ խօսել երկրորդն, որ ասաց վասն զօրութեան թագաւորի . Ո՛ արք, ո՞չ ապաքէն զօրացեալ են մարդիկ եւ ունին զծով եւ զցամաք եւ զամենայն ինչ որ է ի նոսա : Իսկ թագաւոր զօրացեալ տիրէ ամենայն երկրի եւ մարդկան, եւ զոր ինչ ասէ եւ հրամայէ՝ վաղվաղակի առնեն, եթէ հրամայէ պատերազմել ընկեր (4) ընդ ընկերի իւրում, ոչ իշխեն անցանել զբանիւ . եւ եթէ առաքէ զնոսա ի պատերազմ ընդ թշնամիս, երթեալ վաղվաղակի գործեն մենքենայս եւ լերինս եւ պարիսպս եւ աշտարակս . սպանանեն եւ մեռանին, եւ զհրամանաւ թագաւորին ոչ կարեն անցանել . եւ եթէ յաղթեացեն՝ զամենայն բարութիւնս բերեն թագաւորին : Եւ ոչ միայն զօրական պատերազմօղք, այլ եւ մշակք որ գործեն զերկիր, յորժամ սերմանեն եւ հնձեն, զարդիւնս իւրեանց բերեն թագաւորին, եւ հարկահանք դարձեալ բռնադատեալ զաշխարհ՝ հանեն հարկս թագաւորի : Եւ թագաւոր միայն զօրացեալ իշխան է ի վերայ ամենայնի . եւ եթէ հրամայէ սպանանել՝ սպանանեն, եւ եթէ կեցուցանել՝ կեցուցանեն, եւ եթէ շինել՝ շինեն, եւ եթէ քակել՝ քակեն, եւ եթէ տնկել՝ տնկեն, եւ ամենայն աշխարհ թագաւորի զօրութեան եւ հրամանի լսեն . եւ ինքն արքայ զինչ եւ կամի գործէ, եւ ինքն ի հանգստեան կայ, բազմի, ուտէ, ըմպէ եւ ի քուն մտանէ . եւ այլք ամենեքեան շուրջ պահեն զնա, եւ հրամանի նորա անսան . եւ ոչ իշխեն ըստ կամս իւրեանց երթալ

պէս է սեռական դուրի . — Վասնզի դերանուն բառ մը աւելորդ կը դուրի ուղղա- կան հոլով գոյականէ մը ետեւ, եւ այդ աւելորդ դերանունը գոյականին ունենալիք հոլովը կ'առնու : (Քաղդաէ 2 կանոն Ը. դասին) .

(3) Իմն . Զմիսս բազաւորաց եւ զմիսս տառապելոց մի (միսս) առնէ :

(4) Տես 5 կանոն Ե դաս .

ուրեք եւ կամ գործել, եւ ոչ իշխեն անցանել զհրամանաւ թագաւորի : Արդ, ո՛ արք, զիա՞րդ ոչ զօրաւոր է թագաւոր, որոյ բան հրամանի իւրոյ (4) այսչափ զօրացեալ իշխէ ի վերայ ամե- նեցունց : Եւ զայս ասացեալ լռեաց : — Եւ երրորդն՝ որ ասաց վասն զօրութեան կանանց եւ վասն ճշմարտութեան, այս է Զորո- բաբել, սկսաւ խօսել եւ ասէ . Ո՛ արք, եթէ մեծ է թագաւոր եւ կամ այլ բազում մարդիկ, եւ կամ զօրաւոր է զինի, ո՛ է որ յաղթեալ ունի եւ տիրէ ի վերայ ամենեցուն : Ո՞չ ապաքէն կա- նայք : Քանզի կանայք են որ ծնանին զթագաւորս . եւ ամենայն մարդիկ՝ որ տիրեն ծովու եւ ցամաքի՝ ի նոցանէ ծնան եւ կանայք ծնան եւ սնուցին զմշակս որ տնկեն զայգիս՝ ուստի լինի զինի . եւ նոքա են որ առնեն զհանգերծս արանց, եւ նոքօք զարդարին եւ փառաւորին մարդիկ, եւ ոչ է հնար առանց նոցա լինել մարդկան : Եւ թէ ժողովեացեն զոսկի եւ զարծաթ եւ զամենայն բարութիւնս . եւ տեսեալ կին մի գեղեցիկ՝ դարձեալ ի նա եւ բերանաբաց եղեալ հային ընդ նա . եւ ամենայն կամօք իւրեանց սիրեն զնա առաւել քան զոսկի եւ քան զարծաթ եւ քան զամենայն բարութիւնս . եւ թողեալ զհայր եւ զմայր իւր՝ որ ծնան եւ սնուցին զնա՝ եւ զաշխարհ իւր, եւ երթայ զհետ կնոջ իւրոյ, եւ այնպէս միացեալ ոգեխառնի ընդ նմա, մինչեւ ոչ յիշէ զհայր իւր եւ ոչ զմայր եւ ոչ զաշխարհ : Եւ յայսմանէ արժան է ձեզ զիտել թէ տիրեն ի վերայ ձեր կանայք ձեր, զի զամենայն ինչ զոր գործէք եւ աշխատիք, բերէք տայք ցկանայս ձեր : Եւ առեալ առն զսուր իւր՝ գնայ ի ճանապարհ հեռի, եւ եթէ շահի ինչ, կամ աւագակէ եւ գողանայ, եւ կամ ընդ ծով եւ ընդ գետս նաւէ, եւ գաղանաց պատահէ եւ ընդ խաւարուտ գնայ, եւ յորժամ գողանայ եւ յափշտակէ եւ ընդ ամե- նայն վիշտս անցանէ, գայ բերէ զամենայն վաստակսն առ կին իւր . քանզի առաւել սիրէ մարդ զկին իւր քան զհայր իւր եւ զմայր իւր : Եւ բազումք յիմարեցան ի մտաց իւրեանց եւ վասն կանանց իւրեանց անկան ի ծառայութիւն, եւ բազումք ի կորուստ մատնեցան, եւ մեռան եւ սպանին, եւ սխալեալ անկան ի մեծամեծ մեղս վասն կանանց : Եւ այժմ ո՞չ հաւատայք ինձ . ո՞չ մեծ թագաւորդ անձ- նիշխան է ինքն, եւ ամենայն ոք ի մարդկանէ ոչ իշխէ մերձեալ

(4) Սացական, էական եւ երբեմն ցուցական դերանուններու աւելորդութիւնն յանախ կը պատահի յարաբերական դերանունի քով՝ յետագաս եւ սովորաբար համա- ձայն դուրեկով անո՛ր :

ի դա : Տեսանէի ես զգոլստր հարձի թագաւորի , զի նստէր ընդ աջմէ թագաւորիդ . եւ առեալ զթագն ի գլխոյ դորա՝ դնէր ի զլուխ ⁽⁵⁾ իւրում . եւ ածեալ ապտակ թագաւորիդ , եւ առ այս թագաւորդ ոչ ինչ ցասնոյր . այլ բացեալ զբերան իւր հայէր ընդդէմ նորա , եւ եթէ ծիծաղէր՝ ծիծաղէր ընդդէմ նորա , եւ եթէ տրտմէր՝ թագաւորդ ողորձէր մինչեւ սթափեցուցէ զնա : Արդ , ո՛ր արք , զիա՞րդ ոչ են զօրաւոր կանայք՝ որ զայս ամենայն առնեն : Եւ յայնժամ թագաւորն եւ մեծամեծք նորա սկսան հայել այր ընդ ընկեր իւր : Եւ սկսաւ խօսել Զորութաբէլ վասն ճշմարտութեան եւ ասէ . Ո՛ր արք , ո՛չ ապաքէն զօրաւոր են կանայք . մեծ է երկիր , բարձր են երկինք , եւ երազընթաց է արեգակն . վասն զի ունի արշաւանս ընդ կամարածեւ խորանն երկնից , եւ դարձեալ վաղվաղակի սլացեալ հասանէ ի տեղի իւր ի միում աւուր : Ո՛չ ապաքէն մեծ է այն՝ որ զայս ամենայն արար : Արդարեւ ճշմարտութիւն մեծ եւ զօրաւոր է քան զամենեւեան . ամենայն երկիր ապաւինի ի ճշմարտութիւնն , եւ երկինք օրհնեն զճշմարտութիւն . եւ ամենայն գործք շարժին եւ դողան առաջի նորա , եւ ոչ է ի ճշմարտութեան անիրաւութիւն եւ ոչ մի ⁽⁶⁾ : Անիրաւ է գինի , անիրաւ է թագաւոր , անիրաւ են կանայք , անիրաւ են եւ ամենայն որդիք մարդկան , անիրաւ են եւ ամենայն գործք նոցա , եւ ոչ գոյ ի նոսա ճշմարտութիւն , եւ յանիրաւութեան իւրեանց կորնչին : Իսկ ճշմարտութիւն կայ եւ մնայ եւ զօրաւոր է յաւիտեանս . եւ կենդանի է եւ ունի իշխանութիւն յաւիտեանս յաւիտենից , եւ ոչ գոյ ի նմա ակնառութիւն , եւ ոչ երբէք փոփոխի . այլ իրաւունս առնէ . եւ մերժեալ է ի նմանէ անիրաւութիւն եւ չարութիւն . եւ ամենայն գործք ճշմարտութեան հաճոյ են ամենեցուն , եւ ոչ գոյ ի դատաստանի նորա անիրաւութիւն . քանզի ճշմարտութիւն է զօրութիւն թագաւորաց եւ իշխանութիւն եւ մեծութիւն , եւ է օրհնեալ Տէր Աստուած ճշմարտութեան : Եւ ասացեալ զայս՝ լռեաց ի խօսելոյն : Եւ ամենայն ժողովն յայնժամ մեծաձայն աղակեցին եւ ասեն . Մեծ է ճշմարտութիւն եւ յաղթող եւ զօրաւոր :

Ա. Եզր. Գլ. Գ.

(5) Փոխանակ րսելու . է գլխէ իւրում . — Բառի մը շարժումով ցուցնող հոլովն (է ով անորոշ հայցական) կը դուրս երբեմն շարժումով ցուցնող հոլովի (է ով վերջահոլով սրական) տեղ .
 (6) Տես 7 կանոն Գ. դաս .

Կ Ա Յ Ի Ն

Ճեպընթաց , շարժումով
 Շրջաբերել , արժէ անարժէ արժէ անարժէ
 Շրջիւն , Իւրարժէ
 Նուաղիլ , Դարձել
 Յինճն դառնալ , Ինչու ինչու Բառ
 Եղկ , Բարձր (բարձր)

Կիլ , Զուր , Ինչու Բառ
 Կրուցեալ , Դարձ , Բարձր
 Թափել զոգիս , Գոչի Բարձր
 Երազեալ , Դարձ
 Կայլակել , Ինչու
 Ճապաղիմ , Զուրարժէ արժէ անարժէ

ԵՒԱՅ ԵՒ ԱՊՍ. ԿԱՅԻՆ



ԵՒԱՅ

Այո , կարի իսկ ճշմարիտ է՝ զի աստ
 Յաքտորանացըս վայրի՝
 Որում եղաք արժանի ,
 Զիք գըտանել խաղաղութիւն բայց ի Տէր
 Այլ եկաւորդ այդ չիցէ՞
 Ինքըն որդին իմ Կային .
 Զի՞ դայ այդպէս ճեպընթաց ,
 Է՞ր միայնակ առնէ դարձ .
 Ո՛հ , զի՛ յաճախ շըրջըրջէ
 Կասկածանօք զաչըս իւր ,
 Եւ գողունի անհաւասար առնու քայլ .
 Ի սոյլ հողմոյ եւ ի շըրջիւն տերեւոյ
 Յետս ընկըրկի եւ գողայ ,
 Գոյն երեսացն հատանի . . .
 Յո՞ զիմես , մի՛ խուսեր յինէն , մայր քո եմ ,
 Ո՛չ ճանաչես զիս զԵւայ ,
 Ա՛հ , որպիսի՛ ահ եւ սոսկումն ունի զքեզ :

Կ Ա Յ Ի Ն

Ո՛վ հանդիպումըն դըժնեայ :

Ե Ի Ա Յ

Եղուկ եմ ես . զի՞նչ է արիւնդ այդ ըզքեւ .
 Ո՞ւր է եղբայր քո անմեղ .
 Աւա՛ղ , ո՞ր ձեռքն ցուրտ ըզսիրտ իմ գելու .
 Ո՞չ տաս դու ինձ պատասխանի . լուռ լեր անգութ անողորմ ,
 Լուռ լեր , գիտեմ . որդեակն իմ . . .
 Միակ սրտի իմոյ սիրտիւմն . . . արիւնդ այդ . . .
 Ո՛վ Տէր , եւ ո՛ ձեռն ինձ տացէ . . . մեռանիմ . . . (նուաղի)

Կ Ա Յ Ի Ն

Մինչչեւ դա յինքըն դարձեալ
 Տամ ես աստի խոյս ի բաց . . .
 Այլ եղուկ եմ եւ թըշուառ
 Անկեալ ի վի՛ն արճարաց .
 Յաստուածասաստ ցասմանէ
 Ո՞ր զիս վիրապ ծածկեսցէ .
 Փախեայց . այլ ո՞ւր եւ ո՞րպէս ,
 Եւ զի՞նչ օգնէ ինձ փախուստ ,
 Թէ ընդ բեռամբ դողդոջ մարմնոյս ծունկք իմ կըքին կըթուցեալ ,
 Յիս թէ զբահիճ իմ կըրեմ :

Ե Ի Ա Յ

(Սրափեալ ի նուաղեանեմ) Ո՞ւր ես . . .

Կ Ա Յ Ի Ն

Ո՛ն զի՞նչ արարից ,
 Յինքըն դառնայ մայր իմ արդ .

Ե Ի Ա Յ

Աբէլ որդեակ իմ . . .

Կ Ա Յ Ի Ն

Ո՛վ անուն աճարկու ,
 Ո՛վ կըշտամբանք դառնաղէտ :

Ե Ի Ա Յ

Եղեռնաւոր , դարձո՛ զորդեակ իմ առ իս :

Կ Ա Յ Ի Ն

Դո՞ւ եւս , մա՛յր , կամիս ըզսիրտ իմ հարկանել կարեւիլէր :

Ե Ի Ա Յ

Մա՛յր զիս կոչես տակաւին .
 Եւ ո՞յր , աւա՛ղ , այսուհետեւ իցեմ մայր ,
 Համայն զորդիս իմ կորուսի զերկոսին ,
 Աբել մեռեալ , կային եղեալ դատապարտ .
 Չար քան ըզմահ անմեղին
 Է ինձ կորուստ կենդանւոյն :

Կ Ա Յ Ի Ն

Բաւ է , մի՛ եւըս մի՛ մայր . . .

Ե Ի Ա Յ

Ըզսոսկալին զայն ոճիր
 Ո՞րպէս գործել կարացեր ,
 Ո՞չ քրտամնեցար ի տես դիմաց անմեղին ,
 Ի դողդոջել անբիծ մարմնոյն ի մահուն .
 Ո՞չ ձեռքն քո կարկամեցաւ յիջուցանելն ըզհարուած ,
 Եւ ո՞րպէս ոչ պաղեցաւ
 Արիւն ի քո երակունս :
 Չա՞յս դու առ սէր հայրենի ,
 Չա՞յս առ երկունքս մօր քո
 Հատուցանես վարձ ⁽¹⁾ , անգութ .
 Ո՞ւր ակն ունել իցէ օրէն շքնորճապարտ գոհութեան ,
 Ո՞ւր հաւատոց եւ զըթութեան եւ սիրոյ .
 Եղկելի՛ հայր , մա՛յր տառապեալ եւ թըշուառ :

Կ Ա Յ Ի Ն

Բաւ է արդ բաւ , ճանաչեմ

(1) Կրկնուած զայս ցուցական ամականներն չափ բառին կը վերաբերին :

Իմաստութիւնն գովեսցէ զանձն , եւ ի մէջ ժողովրդեան իւրոյ պարծեսցի : Յեկեղեցւոյ Բարձրելոյն զըրբան իւր բացցէ , եւ առաջի զօրութեանց նորա պարծեսցի : — Ես ի բերանոյ Բարձրելոյն ելի , եւ իրբեւ զմէջ ծածկեցի զերկիր : Ես ի բարձունս բնակեցայ , եւ աթոռ իմ ի սիւն ամառայ (1) : Ընդ ծիր երկնից շրջեցայ միայն , եւ ի խորս անդնդոց գնացի , յալիս ծովու , եւ յամենայն երկիր : Ընդ սոսա ամենեսեան հանգիստ խնդրեցի , եւ ի ժառանգութեան (2)՝ ուր դադարեցից : Յայնժամ պատուիրեաց ինձ արարիչն ամենեցուն , եւ որ հաստատեացն զիս՝ արար դադար խորանի իմոյ (3) : Եւ առայ . Ի մէջ Յակոբայ բնակեաց դու , եւ յիսրայելի ժառանգութիւն կալլիր : Յառաջ քան զյաւիտեանս՝ ի սկզբանէ հաստատեաց զիս , եւ մինչեւ յաւիտեան ոչ պակասեցայ : Ի սուրբ խորանի առաջի նմանապէս հանգոյց զիս , եւ յԵՐՈՒՍԱԿԷՄ իեխանութիւն իմ (4) : Եւ արմատացայ ի փառաւոր ժողովրդեան . ի բաժին (ի բաժնի) Տեառն ժառանգութիւն նորա : Իրբեւ զնոճ բարձրացայ ի Լիբանանու , եւ իրբեւ զսարգն ի լերինս Ահերմոնի : Եւ իրբեւ զարմաւենի բարձրացայ յԵՆՊԱՌՍ , եւ իրբեւ զտունկ վարդենոյ յԵՐԻՔՈՎ : Իրբեւ զձիթենի վայելուչ ի դաշտի , եւ բարձրացայ իրբեւ զսօս : Եւ իրբեւ զկիւնամոն , եւ որպէս զճանբակ խնկոց՝ հտու հոտ : Իրբեւ զմուռ ընտիր բուրեցի անուշահոտութիւն , որպէս զքաղբան եւ զեղունկն եւ զտաշխն եւ զհոտ կնդրկի ի վրանի : Ես իրբեւ զբեւեկնի արձակեցի զոստս իմ , եւ ոստք իմ , ոստք փառաց եւ չնորհաց : Ես որպէս այգի բղխեցի շնորհս , եւ ծաղիկք իմ պտուղ փառաց եւ մեծութեան : Մատերուք ամենեքեան՝ ոյք ցանկացեալ էք ինձ , եւ յարմտեաց իմոց յագեցարուք : Զի յիշատակ իմ քան զմեղր քաղցր է , քանզի եւ ժառանգութիւն իմ քան զխորիսխ մեղու : Ոյք ուտեն զիս՝ տակաւին քաղցիցեն , եւ ոյք ըմպեն զիս՝ տակաւին ծարաւեացին : Որ լուիցէ ինձ՝ ոչ ամաչեսցէ , եւ ոյք գործիցեն ինեւ՝ ոչ մեղիցեն : Այս ամենայն Գիւրբ ուխտի Աստուծոյ բարձրելոյն , օրէնք (5) զոր պատուիրեաց մեզ Մովսէս , ժառանգու-

(1) Տես 5 կանոն Գ. դաս .
 (2) Իմա . խորհրդէ հանգիստ ի ժառանգութեան եւլլն .
 (3) Տես 4 կանոն Գ. դաս .
 (4) Զեղչեալ է եղև բայն .
 (5) Օրէնք բացայայտիչ է գերտեղի բառին . — Ժառանգութեան usronգելի բառին հով լուիեայն կ'իմացուի եւ բայն .

քիւն ժողովրդոց Յակոբայ : Որ զեղու իրբեւ զՓիսոն զիմաստութիւն , եւ որպէս զՏիգրիս յաւուրս կանխոյ : Որ լցուցանէ իրբեւ զՆիփրատ՝ զհանճար , եւ իրբեւ զՅորդանան՝ յաւուրս հնձոց : Որ երեւեցուցանէ իրբեւ զՅոյս(*) զխրատ , եւ իրբեւ զԳեհնոն յաւուրս կլթոց Ես իրբեւ զՋրմուղ ելի ի գետոյ , եւ որպէս վտակ ելի ի գրախտէ : Ասացի՝ արբուցից զպարտէզն . եւ արբուցից զածուն : Եւ ահա եղեւ ինձ Ջրմուղ 'ի գետ , եւ գետն եղեւ ինձ ի ծով : Տակաւին զխրատ իրբեւ զառաւօտ լուսաւորեցից , եւ երեւեցուցից զնա մինչեւ ի հեռարձակ : Տակաւին զվարդապետութիւն իմ որպէս զմարգարէութիւն սփռեցից , եւ թողից զնա յազգս յաւիտենից : Տեսէք զի ո՛չ ինձ միայնոյ վաստակեցի , այլ ամենեցուն՝ որ խընդրեն զնա :

Երիւք գեղեցկացայ , եւ յարեայ վայելուչ առաջի Տեառն եւ մարդկան . Միաբանութիւն եղբարց , եւ սէր մեծաւորաց , եւ կին եւ այր՝ (6) որ զի զմիմեամբք գայցեն : Երիս ինչ ատեաց անձն իմ , եւ յոյժ ծանրացայ կենօք նոցա . Զաղքատն հպարտ , եւ զմեծատունն սուտ , եւ զձեր զագաշտու եւ պակասեալ ի մտաց : Ի մանկութեան ոչ հաւաքեցեր , եւ զիս՝ զգտանիցես ի ծերութեան քուս : Իրբեւ զի՛ գեղեցիկ է ալեաց առնել զաս՝ եւ ծերոց ճանաչել զխորհուրդ : Իրբեւ զի՛ գեղեցիկ է ծերոց իմաստութիւն , եւ փառաւորելոց իմացութիւն եւ խորհուրդ : Պսակ ծերոց շատահմտութիւն , եւ պարծանք նոցա՝ երկիւղ Տեառն : Ինն կարծեաց երանի ետու ի սրտի , եւ զտամեկորդն ասացից լեզուաւ : Երանի՛ որ բնակիցէ ընդ կնոջ իմաստնոյ , եւ լեզուաւ իւրով ոչ գայթեաց : Եւ երանի՛ որ եգիտ հանճար , եւ որ պատմիցէ յալանջս լսողաց : Իրբեւ զի՛ մեծ է՝ որ եգիտ զիմաստութիւն , այլ ոչ է առաւել քան զերկիւղած ի Տեառնէ : Երկիւղ Տեառն քան զամենայն յոլովեաց : Եւ որ ունիցի զնա՝ ո՛ւմ նմանիցէ : Զամենայն վէր (7) , եւ մի՛ զվէր սրտի : Զամենայն

(*) Ուղղելի . իրբեւ զՆիլոս (գեո) .
 (6) Երբեմն բացայայտիչն առանց հայելու բացայայտեալի հոլովին՝ անհամաձայն կը դուրսն եւ եւ հոլովով՝ որ կրնայ պատշաճիլ բային իրբեւ սէրբայի կամ խնդիր : Այսպէս՝ Մեծութեան եղբարց , եւ սէր մեծաւորաց եւ քն եւ այր եւ այլն բառերն բացայայտիչ են երէտին , բայց հոլովով անհամաձայն դուրս եւ իրենց բացայայտեալին . իսկ հետագայ պարբերութեան մէջ , ուր զագաշտու եւ զմեծատունն եւ զձեր բացայայտիչ են , համաձայն դուրս եւ երէտ բացայայտեալին .
 (7) Թէ՛ այս եւ թէ՛ հետագայ հայցականերու առջեւ զօրութեամբ պէտ է իմանալ՝ լեցէ՛ կրեւ կամ յանջն առնուլ բայր .

չարութիւն , եւ մի զչարութիւն կնոջ : Չամենայն հարուածս , եւ մի՛ զհարուածս ասելեաց : Չամենայն վրէժս , եւ մի՛ զվրէժս թընամեաց : Ոչ է գլուխ չար քան զգլուխ օձի :

Սիրաբ. ԻԳ եւ ԻԵ

ՏՐՏՈՒՆՁՔ ՅՈՒԱՅ

(հայկական չափաւ)

Դէտակն կալ , սոսեւ անչիսնիւսիս
ի թիւ արկանել , հասել
կողկողիլ , հեծել լաւ
կեղ , լերտ , եւս

Տողուկի , լուրտ
Անդոհական , լուրտ
Անուրջի , երու , տեւել

Ո՛չ սպաքէն փորձութիւն են ի յերկրի աստ կեանք մարդոյ ,
եւ կենցաղ իւր ընդ երկնաւ իբր ասորեայ վարձ վարձկանի .
Որպէս ծառայ յանէ տեսնու իւրոյ զողեալ ընդ հովանեաւ ,
Իբր ըզվարձկան որ սպասիցէ առնուլ ըզվարձ իւր ընդ երեկս ,
Հանգոյն եւ ես սպասեցի դէտակն ամսոց կալեալ սնոտեաց ,
եւ գիշերըս ցաւագինս հեծեծելով արկի ի թիւ :
Այն ինչ ի նինջ զաչըս փակեալ , եւ հառաչեմ ե՞րբ իցէ տիւ .
եւ իբրեւ այն ինչ յարուցեալ , դարձեալ (4) թէ ե՞րբ իցէ երեկ .
կողկողիմ ի ցաւոց յերեկորեայ ցըգարձ այգունս :
Կեղովք եւ զազրութեամբ որդանց մարմին իմ թաթաւեալ ,
եւ զկոշա երկրի մաշեցի առ ի գթարախս իմ քերելոյ : (5)
Աչք քո յիս . Տէ՛ր , ակնարկեա՛ եւեթ , եւ այլ ոչ եւս իցեմ ,
Իբրեւ ամպ ջընջեալ յերկնէ , ոչ իսկ զհետ թողեալ շաւիղ .
Ձի իջանել թէ ի դըժոխս ոք իջանէ , ոչ եւս ելցէ ,
եւ ոչ ի տուն իւր դարձցի , ոչ ըզնա վայր իւր ծանիցէ :

(4) Ձեղչուած է հասելս բայը .

(5) Խնդիր եղող բառը իր խնդրառուին նախդիրը կ'առնու առաջ անցնելով :

Հա՛պա օ՛ն այսուհետեւ ոչ եւս ի շուրթն իմ խնայեցից ,
Բըղխեցից ըզդառնութիւն , հեղից ըզվիշտս անձին իմոյ .
Մի՛ թէ ծո՛վ իցեմ ես մըրրերիւլից կամ թէ վիշա՛պ
Ձի կարգեցեր զինեւ պահ ըզտառապանս եւ զհեծութիւն .
Ասացի թէ անկողինք իմ ինձ լիցին ի քաջալեր ,
եւ սփոփեցայց ի մահճի դոյզն ընդ անձին լեալ խօսակից .
Սյլ երազովք ինձ արհաւիրս անդ արկանես անդոհականս ,
եւ տեսեամբք անաւորօք զիս ի յանուրջս իմ հարկանես .
Թափես յանձնէ իմմէ զոգի , բառնաս ըզշունչ իմ ի մարմնոյ .
Իսկ ընդէ՞ր ոչ եւ ըզկեանս իմ տաս կապտել մահու յինէն .
Ձի՞նչ է մարդ զի խնամարկես դու զնա , հայիս ի նա մըտօք ,
Ձի պահպանես դու զնա , զի այց ընդ առաւօտս առնես նըմա :
Մինչեւ ցե՞րբ ոչ թողուցուս առնուլ վայրիկ մի ինձ հանգիստ ,
Ձի կլանիցեմ ես ըզաողուկս իմ ի ցաւոց հեղձամըձուկ :
Ձի թէ մեղայ , որ սըրտագէտդ ես եւ քըննես զերիկամունս՝
Իու զիտես զի զքեզ ինձ հաշտ ցանկամ ի կեանս եւ ի մահու .
Ձի յերկիր անա դարձայց ընդ հուպ , եւ այլ ո՛չ եւս իցեմ :

(Տաղաչափեալ)

ի Հ. Ե. Հիւսիսեղեանէ

ԽՐԱՏՔ ԱՐԴԱՐՈՒԹԵԱՆ, ԵՒ ԽՈՐՀՈՒՐԴՔ ԱՄՊԱՐՇՏԱՑ

Քրքմնջիւն , արտանջ
Անջատել , բաժնել
Փորձ , (ած.) լուրտ , երկուստ
Վարիլ (իւիլ) քործածել (բաժնել)
Երիկամունք , փխրք . քործածել քորտ
Շեցել , քորտալ
Այլազգի , քորտեք , քորտել քորտ
Չարարար , քորտ բարտ քորտեցալ

Հալիլ , քորտել քորտալ
Կեսարիսիւն , յանդիմանութեան
Յանկարծակի իմն , քորտալ
Սակ , պայտ , լեւտ
Շամանգալ , լուրտ , հիւր
Խոցանգել , քորտել
Խոցանգել , քորտալ , քորտալ
Խոցանգել , լուրտ , քորտալ

Սիրեցէք զարդարութիւն , ոյք դատիք զերկիր : Խորհեցարուք

զՏեառնէ բարութեամբ, եւ միամտութեամբ սրթիւ (1) խնդրեցէք զնա : Զի գտանի այնոցիկ որ ոչ փորձեն զնա, եւ երեւի որոց (2) ոչ թերահաւատեն ի նմանէ : Զի խորհուրդք թիւրք անջատեն յԱստուծոյ, եւ զօրութիւն փորձ՝ յանդիմանէ զանդգամս : Զի յանձն չարարուեստ՝ իմաստութիւն ոչ մտցէ, եւ ոչ բնակէ ի մարմնի վարեցելոյ մեղօք : Զի սուրբ Հոգին իմաստութեան փախիցէ ի նենգութենէ, եւ մերժեացի ի խորհրդոց անմտաց : Զի մարդասէր Հոգին իմաստութեան՝ ոչ արդարացուցանէ զհայնօրին ի շրթանց իւրոց : զի երկամանց նորա է վկայ Աստուած, եւ սրտի նորա օտարիկան ճշմարիտ, եւ լեզուի նորա ունկնդիր : Զի Հոգի Տեառն ելից զտիեզերս, եւ որ ունի զամենայն՝ ունի եւ զգիտութիւն բարբառոյ : Վասն այնորիկ եւ որ չչնջէն (3) զանիրաւս՝ ոչ ծածկեացի, եւ ոչ իրաւունք առ նովաւ առանց կշտամբութեան անցցեն : Այսուհետեւ զգոյշ լերուք յանօգուտ քրքրթմընջենէ, եւ ի բամբասանաց խնայեցէք զլեզու : զի չչունջ գաղտնի՝ գատարկ ոչ անցցէ, եւ բերան ստախօս սպանանէ զանձն : Մի՛ ցանկայք մահու՝ մոլորութեամբ կենաց ձերոց, եւ մի՛ ձգէք յանձնս զսատակունձն՝ գործովք ձեռաց ձերոց : Զի Աստուած զմահ ոչ արար, եւ ոչ խնդայ ընդ կորուստ կենդանեաց : Իսկ ամպարիչտք ձեռօք եւ բանիւք կոչեցին զնա առ իւրեանս . բարեկամ համարեցան զնա, եւ հալեցան եւ դաշինս կռեցին ընդ նմա . զի արժանի իսկ են բաժանակից նմա լինելոյ :

Սորհեցան յանձինս իւրեանց զանուզղայս եւ ասեն . Սակաւ եւ եւ ցաւազին են կեանք մեր, եւ ոչ գոյ բովկութիւն ի վախճանի մարդոյ, եւ չերեւեցաւ որ դարձաւ ի դժոխոց : Զի յանկարծակի իմն եղաք, եւ յետ այսորի՛ լինիցի՛ք իբեւ զչեղեալ (4) : Զի իբրեւ զծուխ է շունչ յանգուսնս մեր, եւ իբրեւ զկայծակն բանն ի շարժման սրտի մերում . յորոյ շիջանելն (5) մոխիր լինի մարմինն, եւ

(1) Երբեմն յակացուցիչը գործիական կամ բացառական յակացե սի բով դրուելով՝ անոր հոլովը ինքն ալ կ'առնու :
 (2) Փոխանակ բռելու, «չնայէ՛ք»-ը . (Տես 11 կանոն ԺԳ դաս) :
 (3) Ո՛ր յարաբերականէն ետեւ եկող բայը իր դէմքին համեմատ «, որ, ն» դիմորո յօդերն կառնու (Բողոք. 6 ԺԵ դաս) :
 (4) Երբեմն յոգնակի որոշեալ կամ անորոշ հայցականի « ին սեղ + կը դուռի, եւ այս կը պատահի նաեւ նախադրութեամբ խնդիր եղող յոգնակի հայցականներուն՝ ինչպէս հոս :
 (5) Տես 4 կանոն ԺԳ դաս :

ողին սփռի իբրեւ զօդ թոյլ : Անցցեն կեանք մեր իբրեւ զհետս ամպոյ, եւ իբրեւ զչամանդաղ ցրուեսչին հալածեալ ի ճառագայթից արեգական, եւ ի տապոյ նորա ծանրացեալ : Զի անցք ստուերի են կեանք մեր, եւ չիք խափան վախճանի մարդկան, զի կնքեցաւ եւ ոչ ոք դարձուցանէ : Արդ եկայք եւ վայելեացուք ի բարութիւնս որ կանս (5), եւ վարեացուք արարածովքս զբաղեալք իբրեւ ի մանկութեան : Պէտպէս զինեօք եւ անոյ իւզովք լցցուք, մի՛ անցցէ առ մեօք ծաղիկ զարնայնոյ : Բոլորիւք վարդից պսակեացուք՝ մինչչեւ թառամեալ իցեն :

Չայս խորհեցան եւ խարեցան, զի կուրացոյց զնոսա շարութիւնն իւրեանց, եւ ոչ ծանեան զխորհուրդս Աստուծոյ, եւ ոչ վարձուց ակն կալան սրբութեան, եւ ոչ ընտրեցին զպատիւ ոգւոց անարատից : Զի Աստուած հաստատեաց զմարդն յանեղծութեան, եւ ի պատկեր իւրոյ բարերարութեանն արար զնա : Նախանձութեամբ կռուեալ մահ յաշխարհ, եւ փորձեն զնա որ նորա վիճակին սակի են : Բայց ողիք արդարոց ի ձեռին Աստուծոյ են, եւ ոչ մերձեացի ի նոսա մահ :

Իմաստութիւն Սողոմոնի Բ—Գ

22

Ի Ս Ա Շ Ա Կ

Զբանիւք անկանիլ, եօռի բռնուել	Տարազեմ, հեռու գեղ զէտու
Յակնիս, զհոյժան ձեւ	Նժդեհակից, զիւրեւ պանդխտութի
Յանգատից, առանց իմանալու	Անյեղիլի, անգործի
Ի մոռացոն արկանել, հառաւ	Կռել դաշինս, որուէն հասարակ
Արեւիտուս, արեւոտ	Ընձեւել, որու, պարէտեւ
Գօս, չոր, յամբ	Նորընձիւղ, նոր ծած
Ժամբ, ինչ	Գեղանսիմ, գեղեցիկ բար անեցող
Ի պատրան ըմբանել, իբարեւել	Յեղաբեցել, իբեւ
Ստերիւք, շար ճամբայ	Նա աւանիկ, նա մանաւանդ

(5) Հոս «բռն» անական է է բարութեան ին, քէեւ երբեմն առանձինն իբրեւ գոյական կը գործածուի, եւ կը նշանակէ «բար» իմաստով :

ԱՌՐԱՀԱՄ ԵՒ ԻՍՍՀԱԿ

ԱՌՐԱՀԱՄ

Բաւ է, որդեակ իմ, բաւ է .

Մինչ մեք դեռ եւս աստ ըզբանիւք անկանիւք՝

Ես ի գմայլից տեսանելոյ ըզքեզ յակճիւս ինձ ի լուր,

Դու ի բաղձից ⁽¹⁾ յափըշտակեալ գիտելոյ,

Տարածամեալ յանըզգաստից է գիշեր .

Երթ, սիրեցեալդ իմ Իսահակ, բաւ է արդ,

Լիցի լըսել քեզ միւսանգամ ըզթերին :

ԻՍՍՀԱԿ

Քանիցս ի վէպս ըսքանչելեաց անցիցըդ քոց դառնաս հայր,

Ընկըզմի անձն իմ ի գմայլուսն այնպիսի,

Ձի ոչ վաստակ ինչ ըզգամ,

Ոչ փոյթ է ինձ հանգըստեան .

Ի մոռացօնս ի խոր եւ զանձն իմ արկեալ՝

Յափըշտակիւմ մըտօք յոր ինչ եւ պատմես,

Եւ ամենայն ուրեք ընդ քեզ թըւիմ գոլ .

Թէ հնազանդեալ Աստուծոյ՝ յերկրէ քուսմէ ելանես,

Թողում ընդ քեզ ըզգաշտորայս քաղզէական եւ զՍառան,

Բնակեմ պանդուխտ ի մայրիս .

Ի Պաղեստին լինիմ ընդ քեզ լեռնաքնակ .

Թէ գնաս խնդրել տարագէմ հաց ի սովի,

Ի Գերրարա եւ յԵգիպտոս նըժդեհակից գամ ընդ քեզ,

Եւ ընդ վըտանգըս մօր իմոյ քեւ չափ դահի հարկանիւմ :

Եւ առ աղբերքքն Յորդանանու յորժամ զարքայս հարկանես,

Յաղթողակից ընդ քեզ եւ անդր հասանեմ :

Իսկ ի պատմել քո ըզխոստմունս Աստուծոյ

Եւ զանցելի ուխտ եւ դաշինս ընդ քեզ կըռեալ եւ ընդ նա .

Այնպէս ամես ըզնա ինձ դէմ յանդիման,

Ձի սասանի սիրտ իմ ի լուր աստուածախօս բարբառոյ ⁽²⁾ :

Ո՛հ որպիսի՛ դաս ինձ ի խրատ են պարագայք կենաց քոց,

(1) Ի վէպէս է Բարձէս բառերն խնդիր են զբանիւք անկանիւք բային .
(2) Փոխանակ քսելու է Լեւ զարգացողութեան բարբառն (Տես 4 կանոն ԺԳ դաս) .

Հորդեն զնայք քո ինձ ուղի, եւ յանցըս քո զոր պատմես՝

Յայտնի նկատեմ ըզխորհրդոցն Աստուծոյ

Ըզնորահրաչ կարգ եւ օրէնըս գաղտնիս .

Տեսանեմ քանի՛ է մեծ ի սքանչելիս՝ զոր առնէ,

Քանի՛ առատ ի շնորհըս քեզ ընձեռել ⁽³⁾

Տեսանեմ հայր, ի՛բր եւ քանի՛ դու սիրելի ես նրմա,

Իբւր ինչ ի միտ առնում, եւ ի՛բւր ինչ ի բանիցդ ուսանիմ :

ԱՌՐԱՀԱՄ

Ոչ ինչ զանխուլ է յինէն .

Ձի ի խօսել իմում, որդեակ իմ, ընդ քեզ

Ոչ ի յերկիր արեւիչուչա ըզսերմանիս արկանեմ,

Այլ ժամ է արդ, երթ դու զի յոյժ զայս գիշեր . . .

ԻՍՍՀԱԿ

Ա՛հ, հայր եւ զայն եւըս պատմես, եւ երթայց :

Ձի՛նչ ապա յե՛ս տալոյ հիւրոյն զաւետիս

Եւ մօրն իմոյ ծիծաղելոյ ⁽⁴⁾ եղեւ դէպ :

ԱՌՐԱՀԱՄ

Ոչ յամեցին արդիւնքն ըզհետ գալ աւետեաց, որդեակ իմ,

Յըզի ընդ հուպ գըտաւ ինձ մայր քո Սառա,

Եւ նորընձիւզ երես բողբոջ ի ժամու :

ԻՍՍՀԱԿ

Իցէ՞ թէ ես իցեմ բողբոջն այն, հայրիկ :

ԱՌՐԱՀԱՄ

Այո՛ որդեակ, ըսքանչելեաց ի ծնունդ քոյին եղեմ պէտք ⁽⁵⁾

Փոխել բնութեան զօրէնս իւր եւ դու ի գօսըն փայտէ

Տըւար պըտուղ հրաշալի :

(3) Փոխանակ քսելու յընչեւել քեզ քորհ (Տես 5 կանոն ի դաս) .
(4) Պէտք է կրկնել Յե՛ր նախադրութիւնն այս խօսքին մէջ .
(5) Կարգա . Պէտք եղեմ սքանչելեաց ի ծնունդ բոյին, այսինքն . . .

Ի Ս Ա Ն Ա Կ

Իսկ աւետիքն , իսկ խոստացեալն այն երկիր ,

Ա Բ Բ Ա Ն Ա Մ

Իսկ աւետիքն անյեզլի

Ի քեզ որդեակ իմ եւ յորդիս քո լըցցին :

Եւ երկիրս այս , ուր դու շորջիս արդ նըժգես ,

Լիցի որդւոց քոց յեփրատայ մինչեւ յալիս Նիլոսի :

Ի Ս Ա Ն Ա Կ

Ապա ուրեմն որդիք իմ . . .

Ա Բ Բ Ա Ն Ա Մ

Որպէս զաստեղս իբրեւ զաւազ լիցին որդիք քո անթիւ ,

Եւ ժողովուրդ իւր սիրելի անուանեսցէ զնոսա Տէր :

Ըսքանչելիս վասն նորա գործեսցէ ,

Եւ ամենայն ընակիչք երկրի ի մեզ , որդեակ , օրհնեսցին :

Ի Ս Ա Ն Ա Կ

Ո՛վ փառք , ո՛հ բախտ գեղանըսին , երանելի եմք հայր իմ :

Ա Բ Բ Ա Ն Ա Մ

Մի՛ քեզ , որդեակ իմ , մի լիցի բերկրիւ փառաց ի ճածանչ ,

Մեզք են բերկրանք՝ ուր ժանտաժուտ հըպարտութիւն գաղտ սողեալ ,

Զերկնից շընորհս յեղաշըրջէ ժանր ի թոյն :

Ի Ս Ա Ն Ա Կ

Քա՛ւ լիցի հայր , թըւի ինձ սիրտ իմ ի ժանտէ այտի զերծ ,

Այլ ի պատրանըս մարթ է ինձ ըմբըռնիլ ,

Ոչ ոք լիով ճանաչել զանձըն կարէ :

Ոչ զիս ի գուր խրատես հայր ,

Տրոփէ անիւ սիրտ իմ ընդ բանըս քոյին :

Ա Բ Բ Ա Ն Ա Մ

Ո՛վ բարութեան սըրտի աղբիւր՝ երկիւղ սուրբ :

Ի Ս Ա Ն Ա Կ

Եւ զի՞ լըռես , եղուկ եմ , հայր սիրելի ,

Ողորմեա ինձ թէ՛ զնամ երբեք ըստերկր ,

Տոյց զարանեա՝ զոր թէ՛ աւա՛ղ կորուսի ,

Անկեալ առ ոտըս քո աղերս արկանեմ :

Ա Բ Բ Ա Ն Ա Մ

Արի , որդեակ իմ , յօտըն կաց , եկ ի գիրկս իմ , վըստան լեր ,

Զի բանք իմ չեն ի կըշտամբանս՝ այլ ի խրատ ,

Նա աւանիկ գութք իմ յուզին ընդ խոնականըզ կասկած ,

Երթ արդ , որդեակ իմ , պահեսցէ որպիսի ետդ ըզքեզ Տէր :

Ի Ս Ա Ն Ա Կ

Եթէ զանձին սըրբութիւն

Հասանէ ինձ արատել ,

Գըթա յիս հայր սիրելի ,

Եկ հասիր ինձ յօգնութիւն ,

Աղօթիւք քովք տեսի զլոյս ,

Աղօթիւք քովք եւ մեռայց :

Եթէ ոչ զանձն անարտ (°)

Վըկայեսցէ սիրտ իմ ինձ ,

Ոչ կարացից հանդուրժել ,

Կեանք իմ լիցի ինձ ի մահ :

Պետրոսի Մեթաքսանայ

ՅԻՍԱՀԱԿ

Հանդէս Ա. Տեսիլ Ա.

(Թարգ. Հ. Ե. Հիւրմիւզ)

(°) Անարտ բառն հոս ստորագելի է շահչի ին եւ ոչ սծական . լուեխայն պէտք է իմանալ լինել բայն :

ԸՆԹԱՅՔ Ի ԳՐԱՅ ԲԱՐԲԱՌ

Բ. ՏԱՐԻ

ՄԱՍՆ ԵՐԿՐՈՐԴ

(ՅԱՐԴԵՍՑ)

յամուրս եղեգանց քնէ զքոյն իւր ճարտարակերտ ի կնիւն փափուկ
 յեղախրս ամայիս , եւ սկիւռ թեթեւ ի ծառոց ի ծառս ընդոստ
 յանտառի՝ գեղմնապատ թաթիւքն եւ տտամբ օգնեալ , ընթանայ
 ընդ օդս՝ կրծել զմայրից ոստոց խաւարծիս եւ զտերեւս թփոց :
 Զի են եւ ի ցրտասառոյց գաւառս բնակիւոց՝ աւուրք զուարճայիք ,
 այլ ոչ եւ աքսորելոց անդր :

Առաւելագոյնք յեղկելեաց անտի կեան ի զիւզս գետեղերեայս ,
 ի Թոպուքէ մինչեւ ցեզր Իշմեան անապատին . իսկ այլք տարա-
 գիր ի հիւզս , եւ ընդ դաշտս սփռեալ : Ոմանց արքունուստ սահ-
 մանեալ է բոճիկ , իսկ այք անթոշակ՝ յորսոց երկրին ճմերայնոց
 կերակրին , բնաւից ի գութ զտեսողս շարժեալ , բնաւք եղկելիք ի
 նոցունց ձայնեալ : Ի ճախճախուստ անտառի ուրեք՝ հեռի ի Սայիմ-
 քայ ասպարիղիւք իբր տասն , ուր ճահիճք են յաճախաւորք , մերձ
 ի լիճ խորին բոլորածեւ , ափնածիր ի թուխ եւ ի սպիտակ կաղա-
 մախեաց , բնակէր յաքսորս այր ոմն աւաց քառասուն եւ հնգից ,
 հանդերձ կնաւն իւրով եւ չքնազագեղ դստերաւ , որ այն ինչ ի
 փթիթս գեղածաղիկ տիոցն էր հասեալ :

Ոչ եւս ոք խորհէր զտառապիւոյն՝ որ կէին անտես , եւ ի սպառ
 յայնմհետէ եղեն ի մոռացօնս . բայց միայն ի թափառել ուրուք
 յորսորդաց ընդ անտառն , եւ ի հասանել յեզր լճին՝ եթէ հար-
 ցանէր՝ ո՛յք ոմանք ի հիւղի անդ բնակէին , առնոյր պատասխանի
 թէ թշուառք ոմանք . եւ ոչ աւելի ինչ նկատուեալ՝ գնայր ի
 բաց ախտակցարար ասելով . Տացէ նոցա Տէր դարձ ի հայրենիս :

Կառոյց իւր անդ Սփրինճեր (զի այս անուն էր առնն) բնակարան
 յեղեւնեաց յարդածածուկ . ժայռք շուրջանակի պատսպարէին զայն
 ի հիւսիսային սաստիկաշունչ հողմոց , եւ յսղողմանէ յորդելոյ լճին :
 Զէին արաստոյք ժայռքն որճաքարք , ի թերթս նոցին ի խաւ ի խա-
 ւոյս նշոյլք արեւուն ի ներքս անկեալ , սնկենիք հոյլ ի հոյլ ի մուստ
 գարնայնոյ ի ներձից անտի ի դուրս ոստչէին , կէսք ի գոյն վար-
 դից՝ բայց աղօտափայլ , այլք գեղին եւ լուրթ ի տիպ անկենեաց
 պայքալեան լճին , իսկ ի փապարս անդ , ուր էր մրրկաց խուսն ինչ
 հող արկեալ , բողբոջք սնենեաց եւ մայրից բուսեալ՝ նկրտէին ար-
 մատս ի խոր եւ ստեղունս ի վեր մորչս արձակել :

1

ԿԻՆ ՆԱԽԱՎԱՐԻՆ

Դորշիւն , — Գրէ Յայն
 Շփոք (աճ.) Եւրո է Եւրո
 Զանգիսել , Լեւիւլ

Անագան (մկ.) — Լաւրէ
 Ճողփիւն , Գրէ Վեջէնիւրէսն է Լե Յայն
 Խաղ , Զանգիւլ , Եւր

« Զինչ զըզըչիւնդ այդ անագան ի լրճիս ,
 Դըստրիկ սիրուն , տես , զինչ է այդ » :
 — Բազք են գրացւոյն անկեալ ի լոյզ ընդ ալիս .
 Նընջեա , մայրիկ , նընջեա հանդարտ :
 « Զինչ այդ ի ջուրս շըշուկ շըփոթ եւ ուժգին ,
 Ա՛ն զանգիտեմ ես , ո՛վ զըստրիկ » :
 — Մըշակ վարէ զհաւատարիմ իւր ըզճին :
 Նընջեա , մայրիկ , նընջեա քաղցրիկ :
 « Մըրըրկածուփ նընչէ անեղ շառաչիւն ,
 Լ՛ուր , զըստրիկ . լ՛ուր ըզվայս եւ զկոճ » :
 — Երգ ձըկնորսի եւ թիակացն է ճողփիւն ,
 Նընջեա , մայրիկ , գերծ ի հոգոց :
 « Ո՛ն , աղէ՛տք , ո՛ն , վըտանգք , բա՛ց բա՛ց ինձ ըզդուրս ,
 Զի բեկանի սիրտ ի ծոցիս » :
 Եւ վշտահար թախծեալ՝ թըռեաւ ել ի դուրս ,
 Զիչս առեալ մայրն ցաւալիս :
 Եւ հանդարտիկ շամբուտ ափանցն ի խաղին՝
 Դի անկենդան տարածեալ կայր
 Ընդ խիճըն սեաւ , գունաթափեալ եւ ցըրտին :
 « Ո՛ն , Տէր գրթած , դա իմ է այր . . .
 Այժմ , իմ զըստրիկ , նընջել կամիմ այժմիկ արդ ,
 Նընջել , այո՛ զգիչերն ի բուն ,
 Կամիմ նընջել քաղցր եւ յերկար եւ հանդարտ ,
 Զանարթնականըն նընջել քուն : »



ԸՆՏԱՆԻՔ ՍՓՐԻՆՃԵՐԻ

Պատրարիլ, զԲ-դԷԼ
 Չմեհի, Լ-Բ (ԳԵՂԵՇԷՔ) Զ-Բ
 Հոյն, (ԳԵՂԵՇԷՔ)
 Բարսի, (Գ-Լ-Բ) Զ-Բ

Յեռուլ, Լ-ԲԷԼ
 Ժամա ձիգս, ԵԲ-Բ Զ-ԲԷԲ
 Անմեկին, ԿԲ-Բ
 Խուղ, ԳԷ-Լ, ԵԲԳԷԲ

Ի սկսանել ձեանց լուծանելոյ, եւ աղօտ ինչ կանաչութեան յե-
 րեսս երկրի երեւելոյ, պարապէին ընտանիքն ի միասին ի խնամս
 բուրաստանին: Սփրինձեր յարգարէր զածուս, Փեղորա (կին Սփրին-
 ձերի) պատրաստէր զսերմանիս, Ելիսարեթ (գուստր նոցա) ա-
 ւանդէր զայնս հողոյ: Շուրջ պատէին զվայրիկն չմեհիք, հոյնք,
 եւ բարտիք արգոյք ի Սիպերիա, զի սոցին եւեթ անդ բուրեն
 ծաղկունք անուշանոտ: Ի հարաւակողմն կոյս արարեալ էր Սփրին-
 ձերի ջերմուկ, ուր երիցագոյն խնամովք մշակէր զտարաշխարհիկ
 ծաղկունս, եւ ի փթթել նոցին՝ համբուրէր զնոսս, ցուցանէր
 հարսին իւրում, եւ ի ճակատ զըստերն յեռոյր ասելով. Չարգար-
 եաց, դատրիկ, հայրենի ծաղկամբք, որ իրրեւ զքեզ փթթին
 նժդեհիկք. ո՛հ, տացեն երկինք չմեռանել քեզ հանգուակ նոցին եւ
 տարաշխարհիկ: Չայտոսիկ ի յուզել զթոյն բարբառէր, լռիկ եւ
 հանդարտ կալով հանապազ. էր զի եւ ժամս ձիգս կայր ի հիացման,
 բազմեալ ակնկառոյց ուրեք անքըթիթ, արձակելով ի խորոց սրտէ
 հառաչանս, զորս ոչ բաւէին լոկոցուցանել ազերս հարսինն եւ ողոք,
 եւ ի տեսիլ դստերն՝ եւս քան զեւս դառնակսկիծք յաճախէին:
 Անկեալ ստէպ զպարանոցաւ նորա, եւ ի մէջ բազկաց զնա առ
 սրտինն ողջագուրեալ, եւ ապա յանկարծ մօրն զնա մատուցանէր
 ասելով. Ի բաց առ, Փեղորա, ի բաց առ զդատրիկդ, վիշտք դորա
 եւ տառապանք քո մահառիթք են ինձ. աւա՛ղ, եւ զի՞ դու եկիր
 այսր ընդ իս. եթէ չէիր թշուառութեան իմոյ բաժանորդ, եթէ
 կայիր յանդորրու եւ ի մեծարանս ի հայրենիս քո, անարտունջ
 արգեօք լինէր ինձ կալ յանապատիս: Ի լուր այսոցիկ գորովագութն
 Փեղորա հեղոյր արտասուս. աչք նորա, միմունջ եւ շարժունք
 յայտ առնէին՝ որ ի խորս սրտի նորա յուզէր գորով հարսանեկան:
 Չկարէր նա օր մի հեռի կալ ի նմանէ, մերձ եւ եթ առ նմա

ամոքէր զտառապանս իւր: Յառաջին կեանս իւր՝ աւագութիւնք
 գերաստիճանք ի բացեայ ունէին յաճախ զայր նորա, այլ ի նժդե-
 հութեան անդ կային անմեկինք յիրերայ, որպէսզի սիրելի թերեւս
 լինէր նմա աքսոր, եթէ մարթ էր յաղէսս առնն հայել անվիշտ:
 Փեղորա թէպէտ անցեալ էր զերեսնամեհիք, այլ գեղ նորա ոչինչ
 էր նուազեալ: Հաւաստագէտ սիրելի էին նմա այր իւր եւ գուստր,
 եւ առաւել քան զնոսս Արարիչ իւր. երեցունց այսոցիկ սիրելու-
 թեանց տիպք ՚ի զէմս նորա երեւեալ յաւելուին ի նա գեղեցկու-
 թիւն՝ ի պարսպայց ամայ անեղձանելի. եւ ի կերպարանաց իսկ
 նորա յայտնի էր, զի սահմանեալ ի բնէ ի սէր անրիժ՝ կատարէր
 ի նմա սահման ստեղծուածոյն: Պատրաստէր նա ինքնին կերա-
 կուրս արտրփելիս առն իւրում եւ միտ եղեալ ըղձից նորա յամե-
 նայնի, հետազօտէր յաչս նորա զկամս նորին առ ի կանխել կատա-
 րել զայն: Կարգ եւ մաքրութիւն իսողալութեամբ հանդերձ տիրէին
 ի դուզնաքեայ յարկ նոցա. յընդարձակագունին ի խղից հանգչէին
 ամուսինք ծածկեալ մաշկեկօք. ձեռագործք Փեղորայ եւ դստերն
 ասղնէգործք եւ նկարէնք՝ պատէին զորմս ծխամածս: Սփրինձերի
 ի շահից որոտն իւրոց հայթայթեալ էր եւ պատուհանս սպակեայս՝
 որ դուն ուրեք յերկրի անդ երեւէին՝ ի զեղխութիւն համարեալ:
 Յերկուս այլ խուզս՝ ի միուսն ննջէր Ելիսարեթ, ի միւսուսն աղ-
 ջիկն Սկիւթացի (աղախին տանն), ուր էին եւ կահք խոհակերոցին
 եւ պարտիզի:

2

Ա Ռ Ս Ո Ւ Ա Կ Ն

Հագագ, Լ-Բ, Կ-Բ
 Խոնջ, Ե-Բ
 Ծիծեռնակ, Կ-Բ

Խոպոպիք, ԳԷ-Բ (Դ-Բ)
 Ականոյիք, Կ-Բ
 Պարսեւ, Լ-Բ

Ի վարսագեղ յեց ի ճըղիդ,
 Ո՛ քաղցրախօսըդ ծիծեռնակ,

Ընդ նրբաձայն փող հագագիգ
Ներդաչնակես արտրծ նըւադ :

Զարմանայի ինձ գունագոյն
Փետրոցըդ քոց են խոպոպիք .
Քոյոց թեթեւ թեւոց բարիւն
Զիմ պարարեն ականողիք :


Ի ու , մինչ կարմիր արեւածայր
Յիս յանկողնի ծագէ այգուն ,
Ի ձայն երգոց ի զուարթարար
Բանաս զանկեալ աչս ի նընջիւն :

Եւ աստեղաց շաղ զովարար
Մինչ ի տրիուր ծաղկանց երամ
Ծաւալելով մարգըրտարար՝
Վերականգնէ զայն անթառամ ,

Ընդ հովանեաւ սաղարթագեղ ,
Խոնջ եւ թախիծ՝ ծուփք ի ճակատ՝
Նըստիմ յերգոցդ ի լուր գեղգեղ
Եւ ի հոգոց հանգչիմ ազատ :

Ո՛հ , գու ի նուազդ յաւերժացիր .
Նըստացց ես աստ , Սոխակ քաղցրիկ ,
Մինչեւ տացես ինձ քաղցր ի նիրճ
Նընջել յերգոցդ ի գայլայիկ :

Հ. Ե. Հիւրմուգեան



Ե Ղ Ի Ս Ա Բ Ե Թ

Տարմասարմ , Խոմբ Խոմբ
Ապախս լեալ , Էրեւն յգոմար
Կարկեման , Կուրբ Կուրբ (Ետգոմար)
Շրաօթս սալ , Կեղեկութեան Կուր

Սեպ , Ժոյր
Աղկաղի , Կուրբ , Գլաւ
Ուրույ լինել , Գոմբայ Ելեւ

Բայց Եղիսարեթ՝ անդառն ի չորեքամեայ տիոց անեալ յանտա-
ռի՝ անծանօթ այլոյ հայրենեաց , գտանէր անդ գեղեցկութիւնս՝

զորս բնծայէ ընութիւն եւ ի վայրս ապախտ լեքս յիւրմէ , եւ
բերկրութիւնս բնականս՝ յորս սիրտ անրիժ ամենայն ուրեք գիտէ
վայելիլ : Զբոսնայր ի խնդիր ձուոյ բազէից եւ սպիտակ անգեղց .
սողոսկէր յեզերս լճակին ընդ ժայռս ի վեր , ուր զնեն նոքա բոյն
յամարայնի . ըմբռնէր յոճախ եւ վայրի աղաւնիս ի վարմս , եւ փա-
կէր զնոսա երամովին ի վանդակի : Մերթ եւս որոայր ձկունս որք
տարմատարմ ընդ լիճն գնային , պատենաղէնք ի թեփս ծիրանիս ,
երեւեալք յայիս անդ որպէս կարկեհան ի լոյժ արծաթի : Հաճ եւ
գոճ ընդ կեանս իւր , զի շանկանէր իսկ ի միտս նորա թէ մարթ
էր ումեք վայելիլ ի բախտ երջանկագոյն , կազգուրէր հովասուն
եւ աճէր ի հաւակ կրթութեամբ մարմնոյ . եւ ի գէմս նորա , յո-
րում հանգչէին խաղաղութիւն եւ անմեղութիւն , յաւելոյր օր ըստ
օրէ գեղ նորահրաչ :

Փոխանակ ամենայնի էին նմա ծնողք իւր հոգաբարձուք աղկաղկ
հասակին , կենակիցք նմին եւ խաղակիցք . չգիտէր ինչ , զոր ոչ ի նո-
ցանէ ուսեալ . ընդ նոսա զբոսնայր , նոցին էր շնորհապարտ ըստ հան-
ձարոյ , ըստ գիտութեան եւ ըստ ամենայնի . Եւ զի ամենայն ինչ իւր
ի նոցանէ էր , եւ չկարէր ինչ յինքնէն , քաղցր էր նմա հնազանդել
հրամանաց նոցա զորս ի բարերարել միայն տային նմա : Այլ ի զար-
գանալ նորա ի պատանեկութիւն , եւ ի պարզել տեսութեան մտայն՝
սկսանէր ի միտ առնուլ ի մօրն արտասուաց զհօրն իւրոյ թշուա-
ռութիւն . հետագօտէր ստէպ ի նոցանէ զպատճառս աղետիցն ,
այլ նոքա ոչ ինչ տուեալ նմա պատասխանի՝ ողբային , ոչ զհայ-
րենեացն ծանօթս տալով նմա , եւ ոչ՝ որ ինչ ինքեանք ի հայրենիս
անդ էին՝ ցուցեալ , զի մի՛ արամեացի ի գիտելն յորմէ՛ բարձրութենէ
յարսոր անդր սահեալ էին նեղեհութեամբ , Բայց յորմէ հետէ ծանեաւ
զտիրութիւն ծնողայն , խորհուրդք մտաց նորա ոչ եւս հանդար-
տէին . կերպարանափոխ եղեն կեանք նորա : Զբոսանք մանկութեան
ոչ եւս քաղցրանային նմա . ելիք զբուրաստան , մտացաւ զծաղ-
կունս . ոչ եւս թռչնիկք իւր սիրելի էին նմա . ոչ եւս յորս ձկանց՝
ոչ եւս ՚ի վարել զմակուկիկ իւր գնայր յեզր լճակին , խորասուզեալ
ի խորհուրդ՝ որ բովանդակ զմիտս նորա գրաւէր եւ զսիրտ : Բազ-
մեալ երբեմն ի սեպ միոյ ի ժայռից , յառեալ յայիս ծովակին , խոկայր
յարտասուս ծնողաց իւրոց , եւ ի հնարս ցառաքելոյ նոցին : Իրտէր
եւեթ զի ողբային նոքա , այլ ո՛ր հայրենիքն այն նոցա էին՝ անգի-
տանայր . եւ քանզի հեռաւորութեամբն ի հայրենեաց թշուառացեալ
գտանէին , ցանկալի նմա այն իսկ էր՝ ոչ զհայրենիսն գիտել , այլ

զննարս դարձի նոցա անդր գտանել : Ամբառնայր զաչս իւր յերկինս՝
 խնդրել ի Տեառնէ օգնութիւն , եւ այնպէս ընկզմեալ կայր ի խոր-
 հուրդս յայս , զի տեղատարափք ձիւնաբերք եւ հողմք սասակա-
 շունչք չկարէին ընդօստուցանել զնա : Այլ ի ձայնել զնա ծնողացն՝
 լսէր անդէն , եւ ի ժայռից բարձանց իջանէր գայր թեթեւընթաց ի
 լուր խրատու հօրն , եւ օգնել մօր իւրում յառանին խնամս : Բայց
 թէպէտ առ նոցին , եւ թէ հեռի ի նոցանէ , թէ յրնթերցումն եւ
 թէ ի կար պարապեալ , թէ ի քուն եւ թէ յարթմնի , նոյն եւ մի
 խորհուրդ զուշ նորա գրաւէր , այլ զգուշանայր չյայտնել նոցա
 զայն , չեւ ուղւոյ լեալ :

Քանզի խորհէր գնալ հետի մինչեւ ի Պետրոպօլիս ի խնդիր դարձի
 հօր իւրոյ . այսպիսի խորհուրդ արիական երկնեալ ի մտի , եւ ի
 գործ այսպիսի քաջայանդուզն պատրաստէր օրիորդն երկշոտ :

3

Ա Մ Ա Ռ Ն

Սիւս , Ֆել Կու
 Պապիլ , Զորս-էլ
 Բուճ , Կու Կու
 Տարժանել , Կու-Բէ-Կու

Արսահունձ , Կու Կու
 Շէկ , Կու-Կու-Կու
 Անձուկ , Կու , Կու-Կու
 Մրգուկ , Կու-Կու , Կու-Կու

Մինչ ըզմանկաին արտահունձ
 Բոցակիզէ Խեցգետին ,
 Եւ անջըրդի պասքի բունձ ,
 Եզինք յակօս տարժանին :
 Հովանաւոր ընդ ծառով ,
 Շուրջ պարուրեալ ի յոստոց ,
 Հանգչիմ ուր սիւք շընչէ զով
 Տերեւակոյտ ի բազմոց :
 Սաղարթագեղ մայրեաց ծայրք
 Տատանին մեղմ ի զեփիւս ,
 Եւ ծածանին զաշտավայրք
 Ի շէկ ցորեան համասփիւս :

Ծառաստանին մըրգաւէտ՝
 Ծանունք ի շլոր ու ի ծիրան
 Կողերքն յերկիր հակամէտ
 Մերձ առ ինեւ կորանան :

Ճըպունն ի նուագ իւր գեղջուկ
 Ի ծիրանուոյն յեց ի յոստ՝
 Զիւրն յեղեղէ յար զանձուկ
 Առ տարփալին իւր Աւգոստ :

Գիտեմ , մըրգուզը թըռչնիկ ,
 Ի յօրհնութիւն Արարչիս
 Ի քօ գըծուծ դայլայլիկ
 Գիտեմ զի դու խրատես զիս :

Հ. Ս. Հիւրմիւզեան

ՀԱՆԴԻՊՈՒՄՆ ՍՄՈԼՈՖԻ

Գեղեւել , Կու-Կու
 Բուճ առնել աճին , Կու-Կու-Կու

Ի սարածամու , Կու-Կու
 Հրագէն , Կու-Կու

Ի միում ի պայծառ աւուրց ամսեան զեկտեմբերի , եւ Սփրինձեր
 հրազինեալ յորս ի գաշտ : Եւ յերանելն իւրում գիրկս արկեալ հար-
 սինն եւ դստեր՝ խոստանայր դառնալ նախ քան զմուտս արեգական .
 բայց օրն տարաժամէր , արեգակն ի մուտս էր , եւ Սփրինձեր ոչ
 երեւէր : Վասն որոյ երկիւղ անհնարին կալաւ զՓեղորս . իսկ
 Ելիսարէթ ջանայր փարատել զերկիւղ նորա , այլ ինքն եւս յեր-
 կիւղի կայր : Փեղորս փափկասուն էր եւ աղար , եւ մինչեւ ցայն-
 ժամ ըստ եզր լծին չեւ էր անցեալ , այլ ի սաստիկ հոգոցն ստիպ-
 եալ յայնժամ , բունն արար անձին գնալ ընդ դստեր իւրում ի խնդիր
 առնն . ելին մեկնեցան ի միասին , դէմ ելեալ ընդ անտառախիտս
 ի դաշտն : Ցուրտ սաստիկ էր , թուէին մայրիք անտառին սառնե-
 ղէնք . կողերց նոցա եղեմնապատ սպիտակացեալ , մէգ թանձրամած
 ծածկէր զերեսս շուրջանակի . արեւ ի մուտս՝ ի գոյն տխուր ներ-

կանէր զհամագոյս եւ ձիւն միապաղաղ բերզանման ակնախառն՝
զեղեւէր զՓեղորա ի գնացս : Բայց Ելիսաբէթ ընդ նովին երկնաւ
սնեալ , եւ սովոր ի խիզախել ընդ սաստիագոյն ձմերունս , քաջա-
լերէր զմայր իւր եւ օգնէր նմա :

Մերձ ի գաշտ անդր հասեալ՝ իբրեւ ոչ եւս զօրէր Փեղորա յառաջ
գնալ , առէ ցնա Ելիսաբէթ . Օրս տարածամեալ է , մայր իմ , հան-
գիր դու աստ , եւ երթայց ես յեզր անտառիս . եթէ յամեմք՝ գիշեր
ի վերայ հասանէ , եւ ոչ եւս կարասցուք տեսանել զձայր իմ՝ թէ
իցէ ի գաշտին : Յայնժամ Փեղորա յեցեալ ի մի ի մայրեաց , եթող
դստերն գնալ , եւ սրացաւ նա ի գաշտն , եւ ի վերայ միոյ ի գե-
րեզմանաց , որ բլրաձեւ ափսոսանս անդ խիտ առ խիտ , զէտ կաց-
եալ օրիորդն սրատարովի եւ արտօսարալից՝ խնդրէր զհայր իւր , եւ
ոչ ուրեք տեսանէր զնա : Չերեւէր ինչ ի լուռ եւ յամայն գաշտին .
մութ գիշերոյ սկսանէր զերկիր ընդ երկինս խառնել , եւ ահա յան-
կարձ ձայթեաց հրազէն ոչինչ ի բացէ , եւ արծարծէր յոյս յօրիորդն ,
զի զթնդիւն՝ զոր ի ձեռանէ հօրն եւ եթ էր լուեալ՝ համարէր
անշուշտ հաւաստիս գտանելոյ անդ զհայր իւր , եւ զիմեալ ընդ այն
կողմն , տեսանէ յետ կոյս ժայռի այր մի կորացեալ՝ իբր ի խնդրել
ինչ ընդ երկիր , եւ ձայնէ . Հայր իմ , սիրեցեալ հայր , դ՞ու իցեա :
Դարձաւ ի նա այրն եւ չէր Սփրինձեր . այլ պատանի գեղանի որ ի
տես օրիորդին հիացեալ եկաց . Յայնժամ յաւել Ելիզարէթ ցաւա-
զին : Ոչ , չես դու հայր իմ , այլ տեսո՞ր դու զնա ի գաշտիդ , եւ
ո՞ւր կարացից գտանել զնա : Պատասխանի ետ պատանին . Չհայր
քո ոչ ճանաչեմ , այլ չէ արժան ի տարածամուս կալ քեզ աստ
միայնակ . բազմավտանդ է վայրս , չերկնչի՞ս դու բնաւ : Ի վերայ
էած օրիորդն . Ո՛հ , չիք ինձ վտանդ ահարկու քան զայն , եթէ
չգտից զհայր իմ : Յուզեցան գութք պատանւոյն . թուէր նմա երա-
զել , զի հանգոյն ինչ չէր նորա տեսեալ , եւ ոչ ի մտի պատկեր
այնպիսի նկարեալ : Ենարց զանուէն հօր օրիորդին , եւ նա առէ .
Պետրոս Սփրինձեր է անուէն նորա : Յայնժամ առէ պատանին . Եւ
ո՞րպէս , գո՞ւտար աքսորելոյն իցես՝ որ առ լծիւզ բնակէ ի հիւզիդ .
մի՞ ինչ հոգար , ճանաչեմ զնա , չեւ եւս էանց ժամ մի յորմէ հետէ
մեկնեցաւ նա յինէն՝ գնալ ընդ այլ ճանապարհ ի բնակութիւն իւր ,
եւ արդ հասեալ իսկ իցէ անդր : Չայն իբրեւ լուաւ օրիորդն , փու-
թացաւ՝ ուր թողեալն էր զմայր իւր , եւ ի ձայն ցնծութեան աւե-
տաւորէր նմա ի հեռուստ մայրակոչ լինելով՝ մինչչեւ իսկ մարթէր
ձայնի իւրոյ առ նա հասանել : Եւ իբրեւ եկն ի տեղի անդր եւ

չեգիտ զնա , վարանեալ տաքնապեալ ձայնէր յանտառին զծնողս
իւր , եւ ահա ձայնք հնչեցին յայնմ կողմանէ լծին . փութացաւ
եհաս , եւ առ սեախ հիւզոյն տեսեալ զհայր իւր եւ զմայր , գիմ-
եաց ի գիրկս նոցա : Որոց բազկատարած ընկալեալ զնա , եւ ողջա-
գուրեալ զմիմեանս պատմէին թէ ո՞րպէս ընդ այլ եւ այլ ուղի ի
հիւզ անդր դարձեալ էին , եւ ահա հասեալ առ միմեանս , եւ զերծ-
եալ ի հոգոյ : Յայնժամ զիտաց օրիորդն զի զնա իւր եկեալ էր
պատանին (Սմոլոֆ) :

4

Մ Ե Ն Ա Մ Ա Ր Տ

Շղթայազերծ , զնայն աւար	Առ ի քուալ (սո.), շուր Էլուր , լեւ
Գրքնդլուն , Գեք աւար	
Գիւր , հարթ Գորգի Գեւ	
Մանուածաւալ , Գորք Գորգի Գեւ	

Որպէս մըռայ մըրրիկք աշնան
Շըղթայազերծ ի դուրս սուրան
Յերկուց լերանց հանդիպակաց ,
Եւ խորիստ գրընդամբ խառնին յիրեարս .
Սապէս երկու այն զիւցազուրք
Յուր պատին զերդ գալարուրք :
Եւ որպէս ուղիք կըրկին պըղտոր
Բարձր ի ժայռից գըլին ի գուր ,
Բախին յիրեար , ժայթքեն վըրփուր ,
Ի մի ձուլեալ վազեն ի գիւր .
Մեծ զըղըմամբ առ ի թաւալ
Ծածկեն ըզմարդ մանուածաւալ .
Այսպէս ի կռիւ ահեղասաստ
Մըրըրկալիցք եւ ստուերամած
Ինիսփեկա ուարին Լոկին
Ահեղ գոռամբ ի գաշտ ելին :

Իշխան'դ իշխան հարուած խառնէր ,
 Եւ այր ընդ այր դարձուած կըշռէր .
 Ասպար յասպար բախեալ թընդայր ,
 Եւ սազաւարտք իբրեւ քարայր .
 Սուրք ի սըրոյ հարեալ թըռչին ,
 Պատառ պատառ զըրահք թափին .
 Արիւն ի դաշտըն խոխոջէ ,
 Ծուխ բարդ ի բարդ յեթեր փըչէ .
 Թըռչին թափին վեր վայր յերկնից
 Ծերտք եւ բեկորք , տարափ նետից .
 Որպէս գոչէ մեծ ովկիանս
 Երբ թաւալէ զալեաց խուժան .
 Որպէս ճայթէ շանթ ի յերկնէ ,
 Նոյն էր բոմբիւն յայնրմ մարտէ :

Ոստիան

(Թարգմ. Հ. Ա. Բագրատունի)



ԵՂԻՍԱԲԵԹ ՅԱՅՏ ԱՌՆԷ ԶՄԻՏՍ ԻԻՐ ԱՌ ԾՆՈՂՍՆ

կարեվէր , իբր իբրստոստ
 Պեմուլ , աղւտ շայէլ
 Յոզոնց ելանել , հոտուէլ

Ածել ի հաւան , հոտուէլ
 ի գունս անկանել , շայէ իբրստ
 Անեկեւան , աղւտուէլ

Ի միում աւուրց ընդ երեկս՝ մտայոյզ , ձեռն ի ծնօտի , արմուկն յեց ի թոնիր , հառաչէր օրիորդն եւ յոգւոց ելանէր . Փեղորսա ՚ի անսանկն զնա ծանրաթախիծ՝ եթող զասեղն ի ձեռանէ , եւ սիրա ի տազնապի պշուցեալ ի նա՝ խնդրէր ի Տեառնէ աղղել իւր բանս սփոփիչս այնպիսիս՝ որ մոռացումն վշտաց նորա արասցեն . Իսկ օրիորդն կացեալ ընդ հովանեաւ ի բացէ՝ հայէր յերկաքանչիւր . եւ յուսով եւ եթ զազարեցուցանելոյ զարտասուս նոցին սփոփէր , աներկեւան ընդ օգնականութիւն պատանուոյն՝ ի կատարումն առաջարկութեան իւրոյ . զի վստահութիւն ինն անդատին ի սիրա իւր աղղէր ընդ կարեկցութիւն նորա եւ ընդ պաշտպանութիւն . Բայց կասկածէր թէ գուցէ ծնողք իւր հակառակ կացցեն խորհրդոց իւ-

րոց , մանաւանդ մայր իւր . այլ զիա՞րդ մարթ էր իւր մեկնել առանց նորին հրամանի . առանց գիտելոյ զհայրենիս նոցա , եւ վասն որոյ իրաց պարտ էր խնդրել զթողութիւն . Հարկ էր նմա յայտնել նոցա զխորհուրդ իւր , եւ ահա ժամ էր յայտնելոյ . եդ ծունր յերկիր . խնդրեաց ի Տեառնէ ածել զսիրտ նոցա ի հաւան . եւ մատուցեալ առ հայր իւր յետկուսէ՝ կայր յեց ի թիկնաթոռն . յորում բազմէր . եւ վայրիկ մի լուռ կացեալ՝ զի թերեւս նա ինքն կանխեսցէ ի խօսել , իբրեւ ետես զի ընկզմեալ էր նա ի խորհուրդս , խօսել կալաւ եւ ասէ . Խնդիր ինչ է ինձ ի քէն , հայր իմ . Նա ՚ի վեր առեալ զգլուխ իւր՝ ակնարկեաց ասել . եւ դուստրն ասէ . Լուարուք ինձ , հայրիկ իմ եւ մայրիկ , եթնեւտասնեորդ ամ է այսօր տիոց իմոց . այսօր ընկալայ ի ձէնջ զկեանս իմ , եւ սիրելի է ինձ փոխանակել զայն ի վերայ ձեր , հանդերձ սրտիւ իմով որ սիրէ զձեզ , ի ծննդենէ եւ այսր՝ ըստ թուոյ աւուրց կենաց իմոց եղեն բարերարութիւնք ձեր առ իս , եւ չեղեւ ինձ փոխարինել ձեզ ընդ այնոցիկ շնորհակալիս եւ սէր . զի զի՞նչ իցեն շնորհակալիք սրտի առանց արդեանց . Թողէք ինձ առնել միանգամ վասն ձեր՝ զոր ոչ դադարէք դուք առնել ընդ իս յօրէ ծննդեան իմոյ . մի՛ խընայէք յայտնել աստ ուրեմն զստեր ձերում զգաղանիս աղետիցդ : Պատասխանի ետ հայր նորա կարեվէր սրտիւ . Եւ առ ի՞նչ խնդրես զայդ , դուստր իմ : Դուստրն ասէ . Առ ի գիտել զկարեւորս՝ տալոյ ձեզ առհաւատչեայ զսիրոյ իմոյ . գիտէ Տէր վասն որոյ իրաց համարձակիմս ՚ի խնդրել :

Զայսոսիկ՝ զծնգովք հօրն փարեալ՝ աղիողորմ ի դէմս նորա հայեցիւք՝ պաղատէր : Մատեաւ անդր Փեղորսա յարուցանել զդուստրն եւ կացեալ յետկուսէ՝ ուր նա ՚ի գուճս կայր , եւ ոչ զարժմունս նորա տեսանէր եւ ոչ զաչս՝ որովք յայտնէրն հօր իւրում զարիական խորհուրդն , եւ անկասկած զաղետիցն՝ որ հանդերձեալ էին կեղեքել զսիրտ մայրենի , ասէր ցայր իւր . Ընդէ՞ր ինասյես զգաղանիսդ ի դմանէ . ի մանկութենէ՞ դորա զանգիտես . երկընչի՞ս թէ չկարասցէ դա հանդարտել վշտացն ընդ դառնութիւն աղետիցս . Իսկ հայրն յառեալ ի դուստրն իւր , ասէ . Ոչ , չերկընչիմ ի տկարութենէ դորա : Յորմէ ի միտ էառ օրիորդն զի հասուլեալ էր հայր իւր խորհրդոց իւրոց , եւ սեղմեաց զաջ նորա : Յայնժամ գոչեաց Սփրինձեր . Թո՞ղ ինձ , Տէր , որչափ ինչ արանջեցի . խորհէի եւեթ ի բարիս՝ զորս բարձեր յինէն , այլ ոչ յորս պատրաստէիրն ինձ : Դուստր իմ , մոռացուցեր դու ինձ այսօր զվիշտս

երկոտասան ամաց : Եւ դուստրն ասէ . Մի՛ եւս ասեր , հայր իմ , որպէս սովորութիւն է ասել թէ չիք յերկրի բարութիւնս : Այլ աղաչեմ զքեզ , ասա ինձ , զի՞նչ անուն է քո , ո՞ր հայրենիք , եւ ո՞ր պիտի հասեալ քեզ արկածք : Եւ հայրն ասէ . Ոչ մի ինչ հասեալ ինձ արկածք : հայրենիք ինձ անդ են , ուր դու մերձ կաս . եւ անուն իմ է՝ բարեբաստիկ հայր Եղիսաբեթի : Յաւել եւ Փեղորա . Եւս քան զեւս բորբոքեա զու զիս ի սէր , դատրիկ իմ , ի սփոփել զհայր քո : Գորովեցաւ ի բանից աստի Սփրինճեր . փարեցաւ զզքստերքն եւ զմարբ նորա , եւ թացեալ զնոսա յարտասուս՝ կրկնէր եւ երեքկնէր հեկեկանօք . Աստուած իմ , թո՛ղ ինձ , եւ մի պատու հասեր զիս : Եւ ի յուզելոյ կրիցն վայրիկ մի հանդարտեալ , ապա ասէ ցգուստր իւր . Պատմեցից քեզ զամենայն , գուստր իմ , որ ինչ զիտել ցանկաս , այլ համբեր այլ եւս աւուրս ինչ , չկարեմ արդ խօսել զթշուառութենէ իմմէ , մոռացուցեր զու ինձ զայն :

5

ՆՈՒԱԳ ԶՂԶԱԿԱՆ Ի ԺԱՄ ՄԱՆՈՒ

Լեռնահանգէս, Լեւոն հման
Վրիժակ, Լրե՛տ հանող գործէ՛տ

Համակ, Բարձրէ՛ն
Սլաք, Ե՛ր

Ուզիդ են, Տէր , եւ ճշմարիտ են դատաստանք քո , Աստուած , Այլ դու քաւիչ դոյ ախորժեա քան դատաւոր մահացուաց . Սակայն եղեռն անօրինիս ա՛յնքան շեղջեալ բարդ ի բարդ՝ Զի ինձ ներել արդարութեամբ՝ քու՛մ բարութեանդ ո՛չ է մարթ : Այո՛ , այո՛ , լեռնահանգէտ չարիքս իմ ո՛չ աննն թոյլ Ամենակալ ձեռինդ այլ ինչ բայց պատուհաս յիս հեղուլ . Երանութեանս իմում դառնան փառք եւ պատիւ քո ընդդէմ , Ողորմութիւնդ իսկ քո սպասէ զի ես ի սպառ կորիցեմ : Կատարեսցին յիս կամք քոյին զի փառքդ ըզոյն պահանջեն , Մի՛ յարտասուս իմ ողորմիր ազբերացեալ ուղխօրէն . Որոտա՛ , հա՛ր զիս շանթընկէց , որ ընդդէմ քո առի զէն :

Երկըրպագեմ ի կորընչելն իմում ձեռին քո վրիժակ , Այլ զո՞ր յիս կէտ հարկանիցեն անեղ շանթից քոց սըլաքք , Որ Յիսուսին քո յարենէ չիցէ ծածկեալ այն համակ :

Տէպարոյ
(Թարգմ. Հ. Ե. Հիւրմիւզ)



ԱՐԻՈՒԹԻՒՆ ԵՂԻՍԱԲԵԹԻ

Ի պարզոյ, օրէն պարզ սրելու
Յուրանանել, Բարձր յեւու
Ճապուկ, Ժամայն
Շառաւիղ, աստ Ժժ Կոր

Ամպրոպ, ասոյ, Կոթորէի
Նախիր, անասան, հոր
Սկիւռեցի, Կիտի Կորիէ շէնստ
Բազում այն է զի, Կոր անգամ

Ձմերունք Սիպերիոյ մրրկալիցք են . բազում այն է զի ի պարզոյ ամպրոպք անազինք մթազնեն յանկարծ զերեսս երկնի . զան հասանն հողմք ընդդէմ իրերաց , բերելով աստի զսառամանիս ծովուն հիւսիսի , անտի զփոթորիկս Կասպիականին . եւ ի հանդիպել նոցա միմեանց՝ ի զուր եղեւնեաց հաստարմատ կոծեղք եւ յուրանածեւ բունք ընդդէմ բարկութեան նոցա ճակատ յարդարեն . ի զուր եւ բարտիք ճապուկ զազաթամբ եւ մշտատատան սաղարթիւք իւրեանց յերկիր խոնարհին . բեկտին բնաւք եւ արմատախիլ տապալին : Ի բարձրաբերձ լերանց հիւսք ձեանց , եւ շառաշիղք սառամանուոյ անհեթեթք վայրաբերեալ սաստիկ թաւալմամբ՝ եւ բաղխեալ ընդ սեպս քարաժայռից՝ խորտակին եւ խորտակեն , եւ հողմք բռնաշունչք զփլատակս լերանց , զնշխարս հիւղից , զանդեայ եւ զնախիր տապաստ արկեալ , յափշտակեն յօղս ի վեր , եւ տանին արկանեն ցիր եւ ցան յերկիր :

Ի միում աւուրց ամսեան յունուարի ընդ առաւօտն պատահեաց օրիորդին մի յայտախեաց անազին մրրկաց՝ յընդարձակ դաշտին գերեզմանաց , մերձ ի փայտակերտ աղօթանոց փոքրիկ : Ի տեսանել նորա մթազնեալ զերկինս՝ յաղօթանոց անդր ի ներքս անկաւ . հողմք ամեհիք կոծեալ զտկարն կերտուած եւ տատանեալ՝ ի հիմանց սպառնային կործանել , իսկ ինքն խոնարհեալ առ սեղանովն

կայր աներկիւղ . ամենայն ինչ շուրջ զնովաւ սասանեալ ի մրրկէն , սիրտ իւր միայն էր անսասան , յուսացեալ ի Տէր՝ պահպանել զկեանս իւր վասն ծնողաց իւրոց մինչեւ աղատեսցէ զնոսա :

Ի յառնել մրրկին դողային ծնողք օրիորդին վասն դատերն իւրեանց , եւ գոչէր մայր նորա տառապեալ . Ո՛հ , ո՛հ , զի՞նչ արդեօք դատերն իմում , Եղիսաբեթին իմում , հասցէ պատահար : Իսկ Սփրինճեր լուռ եւեթ առեալ զցուպ իւր՝ եբաց զդռունն , զնալ ի խնդիր դատերն . փութացաւ եւ Սմոլոֆ (որդի քաղաքապետին Թուպուքեայ) զհետ նորա : Բռնանայր մրրկին , խորտակէին շուրջանակի մայրիք , վտանգ էր մահու յանտառին :

Հասին ի դաշտավայրն , ուր թէպէտ զերծ ի վտանգէ էին մայրեաց խորտակելոց , այլ անպատասպարք ի բացավայրին՝ ի ստահակ հողմոց մրրկաց մղեալ տապալէին , եւ բազում ճգամք մատեն ի փոքրիկ աղօթանոցն փայտակերտ , ուր յուսային գտանել զօրիորդն ապաստանեալ : Յայնժամ Սմոլոֆ յառաջ քան զհայր օրիորդին խրախուսեալ եմուտ ի ներքս , եւ թուէր նմա երազել , զի ետես անդ զօրիորդն , ոչ թէ կիսամեռ զբողի հարեալ , այլ առ սեղանովն անկեալ քաղցր ի քուն : Կարկեալ եկայ անճառ հիացմամբ , եւ նշանացի ցոնցանէր զայն Սփրինճերի : Հայրն ի դէմս գաւերն յառեալ եւ զմայեալ , իսկ պատանին պատկառանօք զաչս ի վայր արկեալ՝ չիչխէր իմն հայել յայնքան անմեղութիւն . Զարթեալ օրիորդն , ծանեալ զհայր իւր , եւ զիմեալ ի զիրկս նորա , ասէ . Ո՛հ , գիտէի զի հոգայիր վասն իմ : Իսկ հայրն փարեալ զնովաւ , ասէ . Ո՛հ , դուստր , յորպիսի հոգս արկեր զմեզ , զմայր քո տառապեալ եւ զիս : Դուստրն ասէ . Ներեա ինձ , հայր , զի եղէ նմա առիթ արտասուաց , երթիցուք սրբել զարտասուս նորա : Եւ ի յառնելն տեսեալ զպատանին , բերկրալից զարմացմամբ ասէ . Երանի՛ է ինձ , զի պաշտպանք իմ հսկեն զինեւ . Աստուած իմ յերկնից , հայր իմ եւ դու յերկրի :

Դադարեցին յայնժամ մրրկիք սպառնալիցք , պարզեցան երկինք , ոչ եւս սուրային ընդ այն ամպք անարկուք , անկան հողմք եւ լռեցին , եւ սիրտ Սփրինճերի զուարթացաւ : Եւ ի հասանել նոցա սղջամբ ի տուն , Փեղորա երեցունցն եւս զիրկս արկեալ՝ օրհնէր զԱստուած , եւ զդստրիկն սփոփէր չհոգալ զարտասուացն՝ զոր եհեզ վասն նորա : Յամաքեցոյց զկօչիկս նորա սկիւռենիս , ի բաց էառ ի նմանէ զմաշկեակն , եւ սանդրեաց զվարսս նորա երկայնահերս :

ՄԱՆՈՒԿՆ ԵՒ ՇՐԵՇՏԱԿ

Նրնգիլ , հաւել , հաւել
Համգէս , հասար , հաս
Տրսմահաղորդ , որդի-բեմբե իւր

Հակիլ ի մէս , ծուլ , եւս-բէլ
Չուարբուն , հրեւ-
Յասիս , այս աշխարհի-
Գեւ

Զըքնաղագեղ զուարթուն հրեշտակ
Յեզր որրանի հակեալ ի մէտ ,
Իբր ի յառուն վրճիտ ալեակ՝
Թըւէր դիմացն իւրոց կալ դէտ :

Համանըմանդ ինձ ո՛վ մանկիկ ,
Աղէ՛ , ասէր , ե՛կ դու ընդ իս ,
Ե՛կ եղիցուք մեք երջանիկ ,
Զիք ինչ վայել քեզ ի յաստիս :

Զըգոն անխառն յերկրի բերկրանք ,
Աստ ի հաճոյս ծընդի հողին .
Տըրտահաղորդ խընդից են ձայնք ,
Եւ հեշտութիւնք հեծեծագին :

Միշտ արհաւիրք գտնուս ամբոխեն ,
Եւ ոչ տիւ ջինջ խաղաղական
Ի փոթորկաց մռայլ բաղխմանէն
Զերծ ինչ կացոյց ըզվազորդայն :

Զիա՛րդ . գայցե՞ն վիշտք եւ վըտանդ
Խռովել ըզքոյդ ճակատ անբիծ .
Նրսեմացի՞ն աչք կապուտակ
Ի յարտասուաց դառնակըսիծ :

Ո՛հ , ո՛հ , յօրոց գաւառն անհուն
Դայցես ընդ իս ճախր առնուլ փոյթ ,
Ու՛ աստուածախնամըն Տեսչութիւն
Տացէ զաստէն աւուրս ըզքոյդ :

Մի՛ ոք ի քումդ ի բնակութեան
Արկցէ զիւրեւ ձորձ սրգազգեսայ .
Ժողովեսցեն յետինդ ըզժամ
Իբր ըզնախիկ պահս քոց կենաց :

Մի՛ ծածկեսցին ճակատք յամպոց ,
 Մի՛ ինչ անցէ յուշ անդ շիրիմ .
 Հանգէտ տիովք քեզ արդարոց
 Գեղեցկագոյնն է օր վերջին :
 Եւ թօթափեալ զթեւսըն լուսոյ՝
 Թըռեաւ զուարթունն անդ ընդ բանին
 Ի բնակութիւնսըն մըշտագոյ .
 — «Հէ՛ք մայր , մեռա՛ւ քո որդին» :

Ռըպուլ

ԺԱՄԱՆՈՒՄՆ շԱՅՐ ՊԱԿԼՈՍԻ

Մորմոհ, Կփէ
 Զեռնկալու, օգնական
 Յերիւրել, Խրեադրել, Երեւել
 Վարկանել, Եղեւ

Ռիզ, Բրէն
 Շահավանաւ, Խրեադրել
 Քաջ ի բաց, Լուս Գեղեւ, Լուս Երեւել
 Խղիկ, Եղեւ

Յաւուր միւում կիւրակէի մինչդեռ կային ամենեքին յաղօթս, այր ոմն բախէր զգուրս ցպով . երաց զայն Սփրինճեր , եւ Փեղորայ բարձեալ զձայն իւր ասէ . Ո՛հ , Աստուած իմ , ո՛հ Տէր իմ , ահա այրն՝ զորմէ լուաք , ահա այրն որ դայ տանել զգուրսոր իմ : Եւ անկաւ լալով ի վերայ սեղանոյն , ոչ զօրեալ բարեպաշտի տիկնոջն գնալ ընդ առաջ առնն Աստուծոյ : Եմուտ ի ներքս այրն առաքելական , որում անուն էր Հայր Պաւլոս . սպիտակամօրուք ծածկէին զկուրծս նորա , դէմք իւր պատկառելի , կորացեալ մէջք նորա ի վաստակոց քան յամաց , ի բազմարկածեան կենաց մաշեալ էր մարմին նորա , այլ հոգի զօրացեալ . ի հայեցուածս իւր տխրութիւն իմն բերէր , որպէս այր՝ որոյ բազում ինչ իցէ կրեալ , եւ քաղցրութիւն իմն հանգոյն առն՝ որ գիտիցէ հաւաստեալ ոչ ինչ ընդունան կրեալ , եւ ասէ . Խնդութեամբ մտանեմ առ քեզ քաջ արանց , զի օրհնութիւն Տեառն է ի վերայ աղքատին հիւղոյս . գիտեմ իսկ քաջ զի են աստ գանձք պատուականագոյնք քան զմարգարիտս եւ զօսկի . խնդրեմ ի քէն հանգուցանել զիս աստ զայս զիչեր : Փութացաւ Եւրիսարեթ , մատոյց նմա աթոռ , եւ ասէ ցնա ծերունին . Արագըն-

թաց լեալ է քո , դատրիկ , ընդ ուղի առաքինութեան , յառաջին անդ քայլս թողեալ զմեզ յետս : Եւ ի բազմել իւրում լուեալ զհեծութիւն Փեղորայ , ասէ . Զի՞ լաս , մայրիկ բարեպաշտիկ , չիցէ՞ իսկ օրհնեալ պտուղ որովայնի քո , չիցէ՞ իսկ օրհն կոչել եւ զքեզ օրհնեալ ի կանայս . եթէ արտասուես վասն բաժանելոյ զքեզ առաքինութեան առ փոքր մի ժամանակ ի դատերէ քուամէ , եւ զի՞նչ առնել իցէ մարց՝ յորոց ի գրկաց խլին ախտք զորդիս նոցա , յուղարկել ի կորուստն յաւիտենից : Ասէ մայրն տառապեալ . Հայր իմ , եթէ ո՛չ եւս լիցի ինձ տեսանել զնա : Յայնժամ ծերունին համարձակագոյնս ասէ . Տեսցես զնա յերկինս , այն է բաժին իւր . այլ տեսցես զնա եւ յերկրի . ծանունք առաջի կան նմա ճգունք , այլ Տէր զօրացուցէ զնա , այն որ ըստ գեղման գառին տայ շնչել հողմոյ : Յայնժամ Փեղորայ խոնարհեաց զգլուխ իւր ի հաւանութիւն . իսկ Սփրինճեր լուռ եւեթ կայր , ոչ եւս կարէր բարբառել առ մորմոք սրտին : Եղիսարեթ իսկ՝ որ մինչեւ ցայն օր արիացեալն էր , սկսաւ զգալ տկարութիւն . յոյս օգնելոյ ծնողացն՝ յաղթող լեալ էր ցայնժամ վշտի բաժանմանն ի նոցանէ , այլ ի հասանել պահուն՝ յորում կարող էր ասել . Վաղիւ ոչ եւս լիցի ինձ լսել զձայն հօր իմոյ , վաղիւ ոչ եւս լիցի ինձ վայելել ի գգուանս մօր իմոյ , թերեւս ամ մի լի անցցէ մինչեւ գաից դարձեալ զայս քաղցր բերկրութիւն , թուէր բացեալ երկիր ընդ սուրբ իւրովք , մթազնէին աչք նորա , եւ ծունկք իւր կթուցեալ՝ անկանէր արտասուօք ի գիրկս հօր իւրոյ : Եղուկ , հէք դատրիկ , զի եթէ այժմէն դու տարածանես զբազուկս քո առ ձեռնկալու , եթէ անդստին խոնարհիս յերկիր իբր որթատունկ աննեցուկ , զիա՞րդ զօրեացես ապա հատանել միայնակ զկէս գողցես աշխարհի :

Նախ քան զհանդիստ քնոյ՝ բազմեցաւ երէցն ընդ աքսորականս ի սեղան , առնուլ ընթրիս : Վշտակցութեամբ հայէր ի նոսա բարեգութ ծերունին . ի բազում ուղեւորութիւնս վշտացելոց բազմաց հանդիպեալ էր նա , եւ առաւելագոյն ջանք նորա լեալ էին սիրփել զվիշտս . վասն որոյ գիտէր վշտաց իւրաքանչիւր պատկանել զսիրփանս , եւ ըստ անձնիւր հանգամանաց յերկրի զբանս :

Եւ ապա հայրն Պաւլոս ծանոյց նոցա , զի կոչեցեալ յաւագաց ուխտին դառնայր ի հայրենիս իւր ի Սպանիա հետի , եւ հասանէր նմա անցանել ընդ Ռուսաստան , ընդ Գերմանիա եւ ընդ Գաղղիա . եւ յաւել թէ չէր զժուարին ուղին առաջիկայ . զի որ ընդ անապատս էր ուղեւորեալ , ուր քարանձաւք էին նորա օթեանք , ուր

վէմ էր զխոյ իւրոյ դադար , եւ ալիւր կամ որիզ թրջեալ ի ջուր՝
այն էր ամենայն իւր կերակուր , չէին ինչ զարմանք՝ եթէ հանգիստ
վաստակոց իւրոց համարէր զհասանել իւր յազգս քաղաքականաց-
եալս . վասնորոյ ի հայրենիս իւր զինքն վարկանէր՝ հասեալ յազգս
հաւատացեալս : Պատմէր նա անլուրս զվշտակրութեանց իւրոց , եւ
զդժուարութեանց՝ որոց հանդիպեալն էր յանցանել ընդ անագին
պարիսպս Ճենաստանի , եւ ի դնալ ի խորս լայնածաւալ աշխարհին
Սկիւթացոց , Յաւել եւս պատմել , որպէս ի մուտս անբաւ անա-
պատին Սունկարիոյ՝ որ է մասն Ճենաստանի , տեսեալ էր նորա եր-
կիր բերրի սամուրեհեաց փառաւորաց եւ ազգի ազգի այլոց մաշկե-
կաց , որովք մարթ էր առնել շահավաճառ ընդ ազգս Եւրոպայ . այլ
չեւ եւս ինչ ի ճարտարութեանց մերոց մտեալ էր անդր , եւ ոչ ու-
րուք ի վաճառականաց իշխեալ էր ածել զոսկի եւ գտուրեւառ անդր՝
ուր առաքելականի առնն կանգնեալ էր զխաչ , եւ զբարերարու-
թիւնս իւր սփռեալ : Այսքան է ճշմարիտ՝ զի եղբայրսիրութիւն
քաջ ի բաց անցանէ գնայ արշաւասոյր ուր եւ ոչ ազահութիւն կարէ
հասանել :

Յարդարեցին ծերունւոյն անկողին մաքուր եւ զիւր ի խղկանն
ուր աղջիկն Սկիւթացի յառաջագոյն հանգչէր , եւ եկն նա յայնժամ
ննջել առ թոնրոյն արջենեաւ պարածածկեալ :

ՄՈՒՏ ԱՐԵԳԱԿԱՆ

Թուխ առնել , Կե-յն-է
Տուարած , Կ-ա-ա- Կ-ա-ա-
Բացավայր , Բ-ա- Կ-ե-լ (օճա)

Ծիր տեսութեան , Կ-ե-լ-է
Հօրան , Կ-ա-ե-լ- Կ-ա-
Սուղանիլ , Բ-ա-լ-է-լ Կ-ա-լ-է-լ

Խոնարհէր արեւն ի մայր , եւ երեկոյն եկեալ զհետ՝
Թուխ առնէր զծիր տեսութեան . յազարակին ի վիմի՝
ի կենացն հասեալ ի կէտ ոմն ալեւոր ծերունի
Մըտախոս թաղմէր ի նիստ՝ ընդ արեւմուտս ալլընդէտ :

Հինաւորաց էր նա հովիւ՝ անդ ի լերինըս տուարած ,
Մինչ մանուկն էր՝ կեայր աղքատ , այլ երջանիկ եւ անհոգ ,
Եւ ի ժամն յոր սուզանին սարք ըստուերացն ընդ թեւօք՝
Տայր նա զուարթ հընչիւնս երգոց սրընգաւն ի խորս անտառաց :

Այժմիկ ծե'ր է եւ փարթամ . լընու անցեալն զիւր զնոգին ,
Յոգնաթիւ է ընտանեաց վաստակասէր նախահայր .
Եւ հօրանքըն մինչ գային յետս ի յանդոց բացավայր՝
Նա յերկրէ՝ իմն անջատեալ՝ բեւեռէր զաչս ի յերկին :

Ո՛վ պահուն գեղապայծառ . լերինք եւ ծով կատաղի
Եւ հողմք լուս կան դադարեն , շքինդ եւ շառաչ ինչ ոչ գոյր ,
Ծերունին հայէր յարեւն՝ որ մտանէր ի մայր իւր ,
Եւ արեւն ի ծերունին՝ որ մահաքուն նըւաղի :

Վ. Հիւկօ



ՈՒՂԵՒՈՐՈՒԹԻՒՆ ԵՂԻՍԱԲԵԹ

Ձախուլ , Կ-ա-լ-է
Գեղամուկ , Կ-ա-լ-է-լ- Կ-ա-լ-է-լ-
Վ Երս , (Կ-ա-լ-է-լ- Կ-ա-լ-է-լ-) 1 Կ-ա-լ-է-լ- 67
Նսեմ , Կ-ա-լ-է-լ- [Կ-ա-լ-է-լ-]

Թոյրաթուխ , Կ-ա-լ-է-լ-
Առաւելագանց , Կ-ա-լ-է-լ-
Պարապ , Կ-ա-լ-է-լ- Կ-ա-լ-է-լ-

Ի վերջ կոյս ամսեանն մայիսի , յորում ժամանակի ընդ երեկորին
նսեմ եւ ընդ արշալոյս առաւօտին հազիւ անդ գիշեր տեւէ ժամս
կրկին , զայն սուղ ինչ պարապ անցոյց օրիորդն ի պատրաստել զկա-
րեւորս ուղեւորութեանն : Եդ ի պարկ իւր մաշկեղէն զհանդերձ
ուղւոյ եւ զկօշիկս՝ յորս ի հերուն հետէ զանխուլ ի մօրէն վաստա-
կէր , եւ ի ճաչէ իւրմէ եղեալ էր ի պահեստ դեղահունդս եւ ալիւր
սակաւ առ ի յամել ըստ կարի ի խնդիր ողորմութեան , եւ ի մեկ-
նեղն իւրում չառնուլ ինչ յաղքատին հիւզոյ ծնողացն՝ ուր կարեւորն
հազիւ գոյր պարէն : Ութ կամ տասն եւեթ դրամք էին ամենայն
զանձք նորա . զայն միայն ժառանգէր ի վերայ երկրի , այն միայն

էր ամենայն մեծութիւնն նորա յանկանելն յուզի առ ի հատանել ան-
 ցանել բիւր մի փարսախաց : Երաց մեղմով զգուռն ծերունունցն , եւ
 ասէ . Մեկնեացուք , հայրիկ , մինչդեռ ի քուն կան ծնողք իմ . մի'
 զարթուցուք զնոսա . շատ իսկ արտասուելոյ են ապա : Ննջեն նոքա
 անհոգ՝ կարծելով զի չկարեմք մեկնել առանց անցանելոյ ընդ սեն-
 եակ իւրեանց . այլ պատուհան խցկանս չէ ինչ բարձր , կարացից
 դիւրաւ ոտնուել արտաքս ընդ այն , եւ օգնել եւ քեզ իջանել անտի
 անվտանգ : Հաւանեցաւ ծերունին ընդ բարեգութ հնարս օրիորդին ,
 առ ի խնայել զերեսին եւս տառապեալս ի մորմօքանաց հրաժեշտին
 յիրերաց : Ելին յանտառն , եւ բարձեալ էր օրիորդին ի թիկունս իւր
 զպարկիկին . . . : Արեւ ի ծագս լերանց հարկանէր , թոյրաթուխ շո-
 ճից ոսկեզօծէին գագաթունք . ամենայն ինչ դեռ եւս հանգչէր . ոչ
 երեսք լճին ի շունչ հողմոյ խորշումեալ , եւ ոչ ծառոց տատան ին
 տերեւք . չեւ եւս ճճուէին ճնճղուկք , լռէր ամենայն ցփօքրիկ
 ժժմակ . համագոյք բոլոր գոգցես պատկառեալ կային անմռունչ ,
 զի հայրենին ձայն՝ որ դեռ ի բացէ դստերն իւրում գոչէր ընդ ան-
 տառն ողջոյն հրաժարական՝ վերջին նմա ձայն լիցի լսելի . . . : Յու-
 թեւտանհրորդի աւուր ամսեանն մայիսի՝ ուղւոյ եղեն Եղիսաբեթ
 եւ առաջնորդ նորա , եւ գնացին ամսօրեայ ժամանակ ընդ անտառս
 խոնաւուտս Սիպերիոյ , ուր պատահեն յայնմ եղանակի ողորմունք
 անազինք : Երեկօթէին ի հիւզս գծուծս , ուր չէր մարթ օրիորդին
 առնուլ հանգիստ՝ եթէ չէր սովորեալ ընդ երկար յաղքատութիւն .
 ընկողմանէր զգեսաուք յանկողինս աղտեղիս , ի ծխամած խուզս ,
 ի գարշահոտ շունչ օղւոյ եւ ծխախոտոյ , ուր հողմն չնչէր յաճախ
 ընդ պատուհանս թղթեայս հերձոտեալս , եւ ուր ի լրումն տառա-
 պանաց՝ ննջէին խառն ի խուռն ծնողք ընդ որդիս , ընդ անդեայս
 եւ ընդ գրաստս . . . : Ի Փերմայ քաղաքէ մինչեւ ի Թոպուսք՝ են
 վերստք իննհարիւր . ճանապարհք յարդարունք , անդաստանք բերրի
 եւ մշակեալ , խիտ ընդ խիտ Ռուսաց եւ Սկիւթացւոց գիւղորէք
 ճոխք , եւ բնակչաց նոցին կերպարանք այնպէս կայտառք՝ զի ոչ
 թուէր չնչել նոցա զօղս Սիպերիոյ : Են անդ եւ օթեւանք նկա-
 րէնք , զարդարեալք նկարուք եւ գորգովք , եւ կահիւք բաղմօք
 փարթամութեան՝ որ անծանօթք էին Եղիսաբեթի , եւ զարմացումն
 անմեղութեան նորա ածէին : Բայց թէպէտեւ մեծագոյն քան զա-
 մենայն քաղաքս՝ ընդ որս անցեալն էր Եղիսաբեթ՝ էր Փերմէ ,
 բայց անհաճոյ նմա թուեցաւ վասն աղտեղի եւ անձուկ փողոցայն ,
 վասն բարձրութեան տանց , եւ ապարանից խառն ի խուռն ընդ

հիւզս բնակութեան , եւ վասն ժահանոտ օրոցն՝ զոր էր անդ չնչել :
 Են անդ շուրջ զքաղաքաւն ճահիճք , եւ մինչեւ ի Քաղան խափա-
 նեն զերկիրն ուրեք ուրեք մացառուտք եւ անտառք եղեւնեաց
 նսեմաստուերք . տխուր զաշխարհին յանդիման առնելով զտեսիլ :
 Սակայն յայս ամենայն վտանգս , եւ յառաջիկայսն եւս առաւել իմն
 սպառնականս՝ յանցս գետոց յորդելոց , ոչ ինչ տրանջէր օրիորդն .
 թուէր իսկ նմա առաւելագանց քան զիրոն լուեալ զգուարութեանց
 ճանապարհին : Բարեխառն էին օգք , եւ չգնայր միշտ հետի , զի
 հանդիպեալ զճանապարհայն սայլից ունայն դարձաւորաց ի Սիպե-
 րիոյ՝ ուր ածեալ էր նոցա աքսորեալս՝ դիւրաւ ի սուրհանդակաց
 անտի ընդունէր ծերունին հրաման ելանելոյ ընդ ուղեկցին ի սայլս
 անդր , եւ ոչ ամօթ համարէր օրիորդն զբարւոյ Հօրն ընդունել
 զչնորհ . զի զոր ի նմանէն ընդունէր , համարէր զայն երկնից շնորհ :

9

Գ Ա Ր Ո Ւ Ն

Արեգօր, արեւէն աստուծո
 Յամուր, Խանուհ, Կարեւր
 Կողր, աստ

Տրուպ, Խանուհ, Խանուհ
 Ջով, Գեւր
 Աւարբեր, Բրտոր

Արիին ոսկեփայլ
 Ըզճըմունն ի բաց
 Հայածէ դարձեալ ,
 Եւ ի գարնային
 Պրճնէ ի ճաճանչ
 Լուսազգեաց զերկին :
 Բուք եւ սառն եւ ձիւն
 Տեղի ասն ի բաց
 Յաղթեալք ի յարփւոյն .
 Եւ ողիւզարեր
 Գընդակն ի յայգւոջ
 Ուռնու արեգջեր :

Հովիտ եւ արօտ
 Փայլեալք յերփն ի նոր
 Բուրեն քաղցրահոտ .
 Բուրունն համապիւռ
 Ածէ ընդ երկիր
 Քաղցրաշունչ զեփիւռ .
 Հընչեն եղի այերք
 Քաղցրաձայն հաւուց
 Ներդաշնակ ի յերգ .
 Համայն ուրեք ծառք ,
 Եւ համայն ուրեք
 Նըւագեն անառք :
 Խայտայ ընդ արօտ
 Ասրաբեր խաչին
 Բազմերամ շուրջ հօտ .
 Շաղակրատ ծիծռան
 Կախի կաւակերտ
 Ըզկողերց որրան :
 Աստ ըզկարմորակ
 Մանկտին մըրգասէր
 Ժողովէ զելակ ,
 Անդ զիւրն հանգունակ
 Օրիորդ ցածուն
 Քաղէ զմանիչակ :
 Ո՛հ , քանի՛ չըքնաղ
 Եզանակս ինձ այս
 Պատրաստէ կենցաղ .
 Ո՛հ , զի՛ գեղեցիկ
 Եւ զի՛ սիրելի
 Ինձ ամս է այժմիկ :

Հ. Ծ. Հիւրմիւզ



ՄԱՆ Հ. ՊԱԽԼՈՍԻ

Ակումբ, (Քնարեր)	Ակնյայտի, ուրիշ արեւել-ւոր
Գարգին, (տարեւոյ)	Յանցումն, յանցանք
Վնարեալ է վասն իւր, բանը լնայած է	Երբեքեայ, (սպանալէ) շինուած

Յաւուրց հետէ սկսեալ էր Հայրն Պաւլոս ակնյայտնի տկարանալ, հաղիւ կարէր ընթանալ եւ յեց իսկ ի ցուպն եւ ի բազուկ օրիորդին՝ ստիպէր հանգչել անդադար : Յեղանել նորա ի սայլ, ուղին կազմեալ ի ստուար կոճեղաց զետեղելոց ի ճախճախուտս՝ ցունցս ուժգին տայր նմա, որ սպառէին զմնացուած զօրութեան նորա, այլ դեռ եւս արիութեամբն ժուժկալէր : Բայց ի հասանել իւրեանց ի Սարաբուլ, որ զիւղ մեծ էր յեզր Քամայ՝ զանգակատուն իսկ ունելով, զգաց ծերունին նուազումն այնպիսի անսովոր, զի չէր կարող անտի անդր գնալ : Ածաւ յիջեւան ուրեք յոռի՝ մերձ ի տուն Ուրբաւիթելի որ վերատեսուչն էր արքունի կալուածոց ի Սարաբուլ : Միտի անդ խուզ գտաւ ի ձեղունան, որոյ յատակ յերերի կայր, եւ պատուհանք էին առանց ապակեաց . չէր անդ աթոռ կամ ախուճ, եւ ոչ մի . ամենայն կանք անդանօր էին սեղան մի, եւ դարգիճ առանց անկողնոյ . արկին անդր խուն մի յարդ՝ ընկողմանել ծերունւոյն ի վերայ նորա : Հողմ այնպիսի ցրտասառոյց ընդ պատուհանն չնչէր, զի եթէ ներէին երբէք ցաւք հիւանդին՝ տալ քուն արտեւանացն, սակայն արգելոյր ի հողմոյն : Խորհուրդք տիրականք սկսանէին նեղել զեղիսաբէթ . խնդրեաց բփռչի, եւ չգոյր բփռչի ի գեղջն . ոչ ոք յորոց անդն կային կարեկից լինէր ծերունւոյն հիքի՝ որ մերձ էր ի մահ . ինքնին միայնակ օրիորդն առնէր նմա զամենայն հոգ եւ խնամ :

Զգիչերն ողջոյն կայր օրիորդն յոտին, վառեալ ջահ բեւեկնեայ, խնամել զհիւանդն . սուղ ինչ յառաջ քան զձագել տուրնջեան՝ մատեաւ տալ նմա ըմպել : Գիտաց ծերունին զի յետ սակաւ միոյ ոչ եւս կարելոց էր խօսել, յարեաւ ի նիստ, առ զբաժակն ի ձեռանէ օրիորդին, ամբարձ զայն ի վեր, եւ ասէ . Աստուած իմ, քեզ յանձն առնեմ զդատրիկս զայս, որ խոստացար զբաժակ մի ցուրտ ջուր յանուն քո արբուցեալ՝ ոչ առնել անվարձ : Աստի ի

միտ էառ օրիորդն հաւաստեալ , զոր մինչեւ ցայնժամ որպէս անհնարին ինչ մերժէր ի մտաց . ետես զի առաջի աչաց ունէր ծերունին զմահ , ետես զի կորնչէր ամենայն ինչ վասն իւր , սիրտ նորա գելաւ , անկաւ ի ծունր առ խշառով ծերունունս՝ ի քիրտն ցուրտ հարեալ , եւ հեղձամղձուկ ի հեծութենէ : Իսկ ծերունին գորովեալ ի նա , կրինէր եւ երեքնէր ի խորոց սրտէ . Աստուած իմ , գլխա ի սա . գլխա ի սա , Աստուած իմ : Եւ ի զայրանալ եւ եւս ցաւոց ախտին , ասէ ցորիորդն . Յանուն Աստուծոյ եւ հօր քո , հանդարտեաց , դստրիկ , եւ լուր ինձ : Մթափեցաւ օրիորդն , ցածոյց զողբս , սրբեաց զարտասուս , եւ յառեալ ի ծերունին մնայր մեծարանօք լսել որ ինչ ասելոցն էր : Իսկ նա յեց ի քանոն դարդճին , ժողովեալ յանձն զոյժ իւր , ասէ . Վիշտս ծանունս հասանէ կրել քեզ , դստրիկ , յուղեւորել քում միայնակ յայդմ հասակի ի դրժուարին եղանակիս . Այլ երկիւզ Տեառն եւ սէր ծնողաց հզորագոյնք են քան զամենայն , եւ է ի քեզ ա՛յս եւ այն . յո՛ր թշուառութիւն եւ գոցիս անկեալ , մի՛ թողցես երբէք դարութիւնս զայսոսիկ՝ ընդ ամենայն բարեաց քեզ ընծայելոց . յուշի կա՛լ անմոռաց , զի միակ յանցումն քոյն՝ լիցի մահառիթ որոց ետուն քեզ կեանս : Օրիորդն ասէ . մի՛ երկնչիր , հայրիկ : Յաւել ծերունին . Ոչ երկնչիս՝ . երկիւղածութիւն քո եւ ծնողասիրութիւն արժանի են հաւատարմութեան , եւ ոչ ինչ երկբայիմ , զի յաղթեցեն ամենայն վտանգաց՝ որոց թողցէ Տէր ելանել քեզ առ ի փորձ ընդ առաջ :

Մերձ աւաստիկ հասեալ ի մահ՝ կարեմ ասել քեզ , դուստր իմ , զի մեծ է առաքինութիւն քո , սակաւք լեալ են նմանիք յաշխարհի , ի գութ շարժեցի այտի քաղաքապետն թոպուլսքեայ , վարձատրեսցի այդ յերկրի մինչեւ յերկինս վարձատրեալ : Եւ լոնաց աստանօր ծերունին , գժուարէր տուրեալ շնչոյն , քիրտն ցուրտ թանայր զճակատն . իսկ Եղիսարեթ լայր անբարբառ , յեցեալ զգլուխ իւր ի խշտեակն յարդեղէն :

Յետ ընդ երկար լուծեան՝ խլեաց ծերունին ի կրծոց իւրոց զիոքրիկ նշան խաչին երեսնայ , եւ տուեալ զայն օրիորդին՝ ասէ նուաղեալ ձայնիւ . Ընկալ զսա , դստրիկ , չունիմ այլ ինչ տալ քեզ . զայս եւ եթ թողում քեզ՝ որ էր ամենայն մեծութիւն իմ յերկրի , որով ոչ ինչ պակասեաց ինձ : Եւ օրիորդն համբուրեաց զայն դառնակակիծ մորմոքմամբ , զմօտալուս մահ նորա հաւաստի գուշակելով ի տալոյ ի բաց գժառանգութիւն իւր զայն : Յաւել դարձեալ ծերունին կարեկցութեամբ մեծաւ . Որովք տառապեալ անտէրունչ ,

մի՛ երկնչիր , զի հսկեսցէ քեզ Հովիւն բարի , եւ օգնականութեամբն նորա լիցիս առաւել քան զոր ետդ , ի բարութիւն նորա լեր ապաստան , որ կերակրէն զձագս ճնճղկաց , եւ որ գիտէն զթիւ աւազահատից ծովափանց , մի՛ մոռասցի նա զքեզ : Յայնժամ կալեալ օրիորդին գրկապինդ զձեռն ծերոյն՝ զոր կարկառէր առ ինքն , ասէ ողբագին . Հայր իմ , չժուժամ զրկիլ ի քէն : Եւ ծերունին ասէ . Աստուած է , դստրիկ իմ , որ զայդ հրամայէ . հնազանդ լեր նմա , ցածո զսուգ քո , ահա գնամ յերկինս աղօթել վասն քո , եւ վասն ծնողաց քոց : Եւ ոչ կարաց կատարել զբանս իւր , շարժէին շըրթունք նորա , եւ ոչ լինէր բարբառ լսելի . անկաւ ի խշտեակն , զաչս ի վեր ամբարձեալ , ի ճիգն յետին յանձնել Արարչին զհեծութիւն որբոյն , եւ մեռեալ՝ տակաւին թուէր աղօթս մատուցանել :

ՄԱՇԵՅԵՐ ՈՐՊԷՍ ՍԱՐԴԻ ՈՍԱՅՆ ԶԱՆՁՆ ՆՈՐԱ

Ոսայն սարդի, Դմա-Իբու	Գիւրգ, Էրգու-Է
Քրիում, (Գաֆրու)	Մահակ, (Գեյնէ)
Տողաբար, Կարգու	Դասակեր, Կրտսէ Կալ-Կ
Առէչ, Բան-Է, Բեւ	Մեհեանդ, Կրտսէ Կալ-Կ

Մինչ փարատէր այդ զըւարթ
 Ըզգիչերոյ մութ սըրտում,
 Իշի ի դրախտ ծաղկազարդ
 Կըթել յակինթ եւ քըրքում :
 Եւրջ ծառաստան պըտաւէս .
 Նուռն՝ որթենի եւ խընձոր
 Ոստովքն յերկիր հակամէտ .
 Պըճնին ի միւր գօղաւոր :
 Հընչեն նոճիք քաղցր ի յերգ ,
 Արձակի ժիր մեղուաց պար ,
 Յանեն մըշակք յիւրեանց երկ ,
 Զեռան մըրջիմք սողաբար :

Յանկարծ յառեալ բիր ի վեր ,
 Տատանեալ մեղմ ի զեփիւռ
 Տեսանեմ սարգ ընդ այեր
 Ի բազմուղի յոստայն իւր :
 Խընձորենւոյն ի ճիւղս անդ
 Յեց նըրբաթեհն իւր առէջ ,
 Ճօճէր երկայն մեհեւանդ
 Մարդըրտայեռ ի ցօղէջ :
 Ի սկըզբնածագ շող արփւոյն
 Փայլեալ գործածն հիասքանչ ,
 Ծիածանին երփն ի գոյն
 Սըփռէր ըզյոյլ եւ ճածանչ :
 Ի բեհեզեայն իւր չըքնազ
 Ինքն ի բաւղին միջակէտ ,
 Յանդորրաւէտն ի կենցաղ
 Կայր ամրացեալ որսոյն դէտ :
 Եիզ ի ձեռին գիրգ մանկիկ ,
 Որպէս եւ միշտն էր սովոր ,
 Անդըր սողայր դայր մընջիկ
 Գողանալ նուռն եւ խընձոր :
 Եւ մինչ ի յաջ եւ յահեակ
 Զըգէր ճապուկ զիւրըն շերտ ,
 Իխպեալ ի նուրբն ի մահակ
 Եղծաւ սարգին դաստակերտ :
 Եղո՛ւկ նըմին եւ աւա՛ղ . . .
 Այլ ի նմանէ ուսիր դու
 Մի՛ յանկայունդ ի կենցաղ
 Յուսալ ո՛վ մարդ մահացու :
 Եւ դու յառոյգդ ի հասակ
 Մի՛ վըստահիր ո՛վ մանուկ ,
 Դոյզն ախտ հիւծէ զայն արագ ,
 Կալ քեզ խրատիչ ըզմամուկ :

Հ. Ս. Հիւրմիւզեան



ԱՐԿԱԾՔ ԵՂԻՍԱԲԵԹԻ

ՔՐՏԵՆԱԼ , պարտաւոր
 Պաղ , աստ
 Զնսագոյն , ցած
 Անոլորս , անհաստ


Տրամ , արծի
 Յելուզակ , աստ
 Հասուած , արծի
 Եւ եւս , աստ

Ի բազում աւուրց հետէ շնչէր հողմն հիւսիսոյ , եւ սառամանիք
 դիզացեալ յեղերս Վոլկայ՝ արդեւուին զգետն . չէր մարթ անցանել
 ընդ այն , բայց ըստ մասին ինչ հետի՝ ընդոստ ընդ հատուածս սա-
 ուին գնալով , եւ ըստ մասին նաւակաւ : Նաւաստիք իսկ սովորեալք
 ի վտանգս նաւարկելոյ ընդ այն , չիչխէին անցանել յայնկոյս առանց
 մեծի ինչ շահու , եւ ոչ ոք յուզեւորաց արկանէր գանձն ի վտանգ .
 Եղխաբեթ միայն առանց խորհելոյ ի վտանգն՝ կամէր ի մի ի նաւաց
 անտի ելանել , այլ նաւավարք մերժեցին զնա բացէ ի բաց իբր խօ-
 թամխտ , եւ երդնուին չթողուլ նմա անցանել ընդ գետն , չեւ բո-
 լորովին պաղեալ : Եհարց թէ քանի՛ ժամանակ պարտ էր նմա սպա-
 սել . եւ նոքա ասեն . Ոչինչ նուազ քան զերկուս եօթնեակս : Յայն-
 ժամ եդ ի մտի անցանել ընդ գետն անյապաղ . եւ ասէ ցնոսա ա-
 զերսանօք . Խնդրեմ ի ձէնջ , վասն Աստուծոյ օգնեցէք ինձ անցա-
 նել ընդ գետդ . դամ ես յայնմ կուսէ Թոպուսքեայ գնալ ի Պետրո-
 պոլիս խնդրել յինքնակալէն շնորհս վասն հօր իմոյ , որ յաքսորս
 կայ ի Սիպերիա . եւ արծաթ այնչափ ինչ է առ իս , զի եթէ եղէց
 աստ զաւուրս հնդեասան՝ չմնայ ինչ ինձ առ ի կարող լինելոյ յա-
 ուաջ եւս գնալ : Ի բանից աստի գորովեալ մի ի նոցանէ , կալաւ
 զձեռանէ նորա եւ ասէ . Ե՛կ , փորձեցայց ածել զքեզ . դուստր
 բարի թուիս , երկիւղած յԱստուծոյ եւ ծնողասէր . օգնեցեն քեզ
 երկինք : Եւ մուծեալ զնա ի նաւ իւր , էած զնա մինչեւ ի մէջ գե-
 տոյն . ուստի եւ անդր չկարելով նաւել , ի թիկնամէջս իւր ընկա-
 լաւ զնա , եւ յեց ի մի ի թիոյ՝ գնալով ընդ սառամանիս , եհաս
 անվտանգ յայնկոյս Վոլկայ , եդ զբեռն իւր յերկիր . . . : Ի հասանել
 Եղխաբեթի ի Վլատիմիր քաղաք , չէր մնացեալ առ նմա աւելի քան
 զուսուպի մի . ի Սարաբուլ քաղաքէ մինչեւ անդր՝ անցեալ էին ամիսք
 իբր երեք , եւ զթուլեամբ շինականաց՝ որ ճրի տան զկաթն եւ
 զհաց՝ չեւ էր սպառեալ աղքատին գանձ նորա , այլ սկսանէր անդ

պակասել ի սպառ : Կօշիկք նորա հերձոտեալ էին , ձորձք քճքճեալք ոչ եւս պատսպարէին զնա ի ցրտոյ՝ որ խոնարհեալ իսկ էր քան զերեսուն աստիճան ի վայր , եւ օր ըստ օրէ զայրանայր :

Ի Վլատիմիր քաղաքէ մինչ ի Փոքրով գիւղ արքունի՝ երկիրն զնստագոյն ճախճախուտ է եւ անտառախիտ յազգի ազգի ծառոց վայրենեաց , որք թէպէտեւ հաճոյ աչաց յամարայնի՝ այլ յաճախ ապաւէն են աւազակաց . իսկ ի ձմերայնի նուազ է վտանգ , զի հատեալ ի մայրեւորաց եւ մերկացեալ ի սաղարթուց՝ չտան նոցա տեղի թաքստի : Սակայն Եղիսաբեթ լսէր զճանապարհայն աւազակութիւնս գործեցեալս անդ , որ անացուցանէին արդեօք զնա՝ եթէ ունէր ինչ առ իւր արծաթ . այլ զօրապահիկն իսկ կարօտ մօւրանալոյ , զերծ թուէր յամենայն երկիւղէ , եւ վահանաւ չքաւորութեանն ծածկեալ , յուսայր անցանել անվտանգ ընդ անտառն : Վերստս ինչ այսր քան զՓոքրով աւերեալ էր մրրկին զարանեան , եւ ուղեւորաց առ ի Մոսկով հարկ էր առնել չրջան ընդ ճախճախուտս զօրս գործէ Վոլկա . այլ պաղ թանձր ծածկեալ զայնոսիկ՝ առնէր զնալի որպէս տրամ երկիր : Եղիսաբեթ ըստ օրինակի այլոց կալաւ զայն ուղի , եւ զնայր ընդ անապատն սառնեղէն , այլ առ ի չգոյէ անդ շաւղի՝ մոլորեալ , խրեցաւ ի տղմուտս , ուստի բազում ճգամք եղեւ նմա ի բլրաձեւ ուրեք երկիր ելանել : Անդ տղմաշաղախ եւ վաստակաբեկ բազմեալ ի վէժ մի , ելոյծ զԿօշիկս յոտից՝ ցամաքեցուցանել յարեւոս , որ ծագէր յայնժամ անաղօտ : Անապատ էր վայրն . չերեւէին անդ հետք բնակութեան . ոչ ոք անցանէր ընդ այն , եւ ոչ շշուշ լինէր անդ լսելի : Գիտաց Եղիսաբեթ զի զարտուղի ի բաց անկեալ էր յարանետ ճանապարհէն , եւ լքաւ արիութիւնն նորա . տեսանէր յետկուսէ զճահիճս՝ ընդ որս անցեալն էր , եւ ի բացէ անտառ անողորմ՝ որոյ ոչ նշմարէր եզր : Տիւն տարաժամէր , եւ պարտասեալ ինքն ի վաստակոց՝ յարուցեալ այսր անդր ընթանայր , գտանել ուրեք ապաւէն կամ օգնական , այլ ի զուր . ոչ ոք ուրեք , եւ ոչ ձայն ինչ ուստեք լսելի լինէր . այլ բարբառոյ մարդկեղինի թուէր լնուլ զսիրտ նորա ցնծութեամբ : Եւ անա ձայնք յանկարծակի հընչեցին , եւ հետ ընդ հետ ելանէին արք յանտառէն . ընթացաւ առ նոսա յուսապատար . այլ ի մօտել առ նոսա՝ խնդութիւնն նորա դարձաւ յարհաւիրս : Կերպարանք նոցա վայրենի եւ զէմք զժնեայ՝ սոսկուամն ածէին նմա առաւել քան զմիայնութիւնն՝ յորում էր , յուշ լինէր նմա որ ինչ լուեալն էր զեղեռնագործութենէ յելուզակաց ՚ի կողմանսն յայնոսիկ , եւ երկուցեալ թէ գուցէ պատուհասէր Աս-

տուած զյանդուզն վտանութիւն իւր , անկաւ ի ծունկս՝ խոնարհեալ առաջի ողորմութեան նորա : Յառաջ մատեան աւազակքն , զկայ առին առ նմա , եւ յառեալ ի նա , ասին . Դու ուստի՞ գաս . զի՞ խնդրես աստ : Չաչս ի վայր արկեալ օրիորդն , եւ զդոզանի հարեալ , ասէ . Յայնմ կողմանէ Թոպուքեայ գամ , երթալ խնդրել յինքնակալէն շնորհս հօր իմում : Եւ յաւել՝ զի փոքր միւս եւս եւ կորնչէր ի ճահիճս անդ . եւ զի յետ վայրիկ մի զօրանալոյ՝ զնայր խնդրել իւր ուրեք ապաւէն : Հիացեալ կացին արքն , եւ հետագօտէին եւ եւս . կամէին գիտել որչափ ինչ ունէր արծաթ վասն բազում այնչափ երկայն ուղեւորութեանն , եւ իբրեւ հանեալ նորա զլրամիկն՝ զօր ի նաւաստոյն Վոլկայ ընկալեալն էր՝ եցոյց նոցա , ասին . Եւ չունի՞ս ինչ այլ : Օրիորդն ասէ . Եւ ոչինչ : Հայէին ընդ միմեանս հուզկահարքն անգութեւ անկարեկիր , սովորութեամբ եղեռնագործութեանն խստատրտեալ . սակայն եւ յապուշ հարեալ չկարէին հաւատալ աչացն , զի գերաշխարհիկ իմն թուէր նոցա այն , եւ համարէին ի վերնական անմանօթ զօրութենէ պաշտպանեալ՝ զօրիորդն . եւ ակն ածեալ ի նմանէ չիշխելով գործել ինչ նմա չար , այլ ոչ եւ բարի , ի բաց կացին ի նմանէ՝ ասելով ցիրեարս . Թողցուք զգա , մի՛ վնասեսցուք դժա , զի արդարեւ Աստուած ընդ զմա է :



11

Գ Ե Ր Ո Ւ Շ Ի Ն

Գեւանդի, Էժ Բանգալ	Յափրանալ, Կարմիր Գեւան
Ամբոխ, Կարմիր Կարմիր	Ի ճիւղ գալ, Կարմիր Էժ
Ըմբերձիկ, Կարմիր Կարմիր	Փիլոսեալ, Կարմիր (Կարմիր Կարմիր)
Թաթարուց, Կարմիր Կարմիր	Համբուց, Կարմիր

Ի գերանդուզն զերծ՝ ածէ հասկ նորընծիւղ .
Եւ ուս յամբան ի հընճանէն աներկիւղ՝
Չայգուն ըզքաղցր ըմպէ զձիր ,
Եւ ես հանգէտ նըմին՝ ի գեղ եւ ի ախ՝
Չեւ եւս մեռայց , թէպէտ առ ժամս ունին զիս
Ամբոխ սըրտի եւ ձանձիր :
Թո՛ղ գիրկս արկցէ մահու Ստոյիկն յաչս անթաց ,
Իսկ ես ողբամ յուսով , ի սեաւ շունչ մըրրկաց

Հակեալ՝ յառնեմ ըմբերձիկ .
 Թէ գոն դառինք՝ գոյ եւ հեշտին աւուրց ժամ ,
 Ո՛հ , յո՛ր մեղեր ոչ յափրացաք մեք ի համ ,
 Յո՞ր ծով չանկաւ փոթորիկ :
 Յիս բեղնաւոր յուզին անուրջք արդարեւ ,
 Ի զո՛ւր որմունք բանտի ծանրին աստ զինեւ ,
 Են իմ յուսոյ թեւք ի թիւ .
 Պուրծ ի վարմից անագորոյն որսորդին՝
 Ընդ օդս աշխոյժըն Փիլոմել խընդազին
 Երգ ի բերան գայ ի հիւ :
 Եւ հի՞մ մեռայց թէ յարթմընի եւ ի քուն
 Կամ յանդորրու , եւ խիզճ մըտաց ոչ համբուն
 Զարթումն եւ զիննջ իմ խռովեաց .
 Ընդ եկս ի լոյս յաչըս բնաւից գոյր ժըմտիլ ,
 Եւ աստանօր թաղծեալ ճակատք յիմ տեսիլ
 Պարզին ի խինդ խորագզաց :
 Զըքնազ ուղւոյս չեւ ժամանեալ ի սպառուած՝
 Հազիւ անցեալ կամ դառաջնուք ի կընձնեաց
 Ճանապարհին ցանկափակ ,
 Եւ կենցաղոյս ի նորասկիզբն ի սեղան
 Վայր մի եւեթ մատեան չըրթունք իմ միայն
 Ընդ թաթաղունըն բաժակ :
 Ի գարնայնի ըղձիւք հընձոց ակընկալ ,
 Իբրեւ զարեւ՝ յեղանակէ փոխեալ յա՛յլ՝
 Խընդրեմ զամացս ըզվախճան .
 Պերճ ի ցօզնի իմուժ եւ փառք պարտիզի՝
 Զառաւօտին ըզցոյս միայն դեռ տեսի ,
 Յանկամ աւուրրս լըրման :
 Յապաղեա՛ , Մահ՛ , եւ յիս ինչ մի՛ դայցես մօտ ,
 Ե՛րթ ըսփոփել ըզսիրտս՝ զոր Ա՛հ եւ Ա՛մօթ
 Ու Սնյուտութիւն առնուն կեր .
 Ինճ առ Պալէս են դեռ կանաչ ապաստանք ,
 Ինճ Մուսայից են երգք , հովտաց արձագանք ,
 Մեռանել ոչ կամիմ դեռ :

ԱՆՏՐԷ ԵՆԵԻԷ



ԵՂԻՍԱԲԵԹ ԱՊԱՍՏԱՆԻ ԱՌ ՊԱՆԴՈԿԱՊԵՏԻ ՈՒՄԵՄՆ


Ճեմեղիք, գրեթէ րեւ	Հրեհ, Բարսեղ
Մնալ, սպասել	Շուինդն, արհաւիր, չփոք յայն

Յամին 1801 եմուտ նա ի մայրաքաղաքն մեծ ի Մոսկով , եւ համարէր վախճան լեալ վշտաց իւրոց , ոչ կարծելով զի այլ եւս աղէտք պատրաստեալ կային նմա : Ի մատչելն ի քաղաքամէջ անդր՝ ետես աղարանս հոյակապս , զարդարեալս արքունական ճոխութեամբ , եւ առ նոքօք հիւզս ծխամածս անպատասպարս ի հողմոց . ետես փողոցս բազմամբոխս , մինչեւ հազիւ կարող լինել նմա հերձանել զամբոխն՝ որ նեղէրն գնա եւ խթէր շուրջանակի արմկաւ : Սուղ ինչ անտի ի բացէ եզիտ անտառս եւ մարգագետինս , որպէս զի կարծել զանձն ի դաշտավայրի մեծի . զկայ էառ վայրիկ մի յընդարձակ ճեմելիս ծառազարգս , ուր զգնայր բազմութիւն յոյժ՝ մնալով հանդիսին . երթեւեկէին կառք շառաջմամբ մեծաւ ընդ ամենայն կողմանս արշաւասոյր : Հնչէր զանգակն մեծ կաթողիկէին անլռելի , եւ ամենայն ուստեք քաղաքին ա՛յլ զանգականին տային արձագանդ , եւ թնդիւնք հրետից , որ երբեք երբեք արձակէին , հազիւ լինէին լսելի ի շոփնդն ձայնից՝ որովք հնչէր քաղաքն ընդարձակ : Մանաւանդ ի մօտել ի հրապարակն Կրեմլեանն՝ երթայր եւ յաւելոյր ամբոխն եւ աղմուկ . խարոյկ բոցածաւալ ամենայն ուրեք բորբոքէր : Եզիտաբէթ նստաւ անդ մեկուսի զգուշութեամբ , ցրտահարեալ եւ պարտասեալ զօրն ցերեկ յոտին , եւ ուրախութիւն նորա այգուն փոխեալ ՚ի տրտմութիւն , զի շրջեալ նորա ընդ անթիւ փողոցս քաղաքին եւ տեսեալ ապարանս բազումս հոյակապս , եւ ոչ ուրեք եզիտ իւր դադար . եւ տեսեալ բազմութիւն յոյժ յամենայն աղագաց , չեզիտ զօք ի նոցանէ իւր օգնական , զի լուեալ էր անդ հարցանելոյ բազմաց զճանապարհ տանց իւրեանց , եւ զայրանալոյ ընդ մոլորել իւրեանց . եւ նախանձեալ ընդ բախտ նոցա՝ ասէր ի մտի . Երանի՛ ոյք խնդրեն զընակութիւն իւրեանց , եղո՛ւկ այնմ՝ որոյ չիք տեղի խնդրելոյ , եւ չիցէ ուստեք մոլորեալ :

Մերձեանայր գիշերն , զայրանայր ցուրտն , յայդուէ հետէ չէր ինչ օրիորդին առեալ կերակուր , եւ չգիտէր զի՛նչ առնել : Նկատէր զդէմս ամենեցուն՝ թէ իցէ՞ ինչ յուսալ յուճեքէ ողորմութիւն , այլ ոչ ոք յայնցանէ՛ յորս պշուցեալ հայէր առ կարօտութեան , դառնայր հայել յինքն՝ անկարօտ ինքեան : Փորձէր բաղխել զդրունս յոռեզոյն իջեւանաց , եւ ամենայն ուստեք մերժէր ի բաց . զի յոյս առաւելագոյն շահից յաւուրս հանդիսին՝ փակէր զգուրթ աղքատագունիցն իսկ ի պանդոկապետաց , զի ուր հասանէ ուճեք ճոխանալ , առաւել կծկէ զձեռն ի տալոյ : Դարձաւ եկն նստաւ առ մեծի խարուկին ի կրեմելեան հրապարակի . լայր լռելեայն՝ թաղծեալ տրտմութեամբ , եւ ոչ կարէր ճաշակել զպատառ իսկ հացին՝ զոր պառաւոյ ուրուք տուեալ էր նմա կարեկցարար :

Եղկելի օրիորդին ամբարձեալ զաչս ի վեր՝ որպէս թէ յերկնից խնդրելով օգնութիւն եւ քաջալերեալ ի խրախոյս՝ զոր զգաց ի սրտի , համարձակեցաւ խնդրել եւ յայլոց անցաւորաց : Կէսք անցին գնացին անուր , այլք ետուն նմա խուն ինչ որ չբաւէր ի պէտս նորա : Գիշերն յառաջ խաղայր . ամբոխն լուծանէր , շիջանէին խարոյկք , պահանորդք դրան ապարանիցն՝ որ երթեւեկէին ի հրապարակին՝ մատեան առ օրիորդն եւ ասեն . Զի՞ է քո աստ : Նա ի սաստէ վայրագ զօրականին անարեկեալ , սկսաւ լալ առանց կարող լինելոյ պատասխանել եւ ոչինչ : Նոքա՛ ոչինչ զթացեալ յարտասուս նորա , շուրջ եղեն զնովաւ յանդուգն լրբութեամբ եւ միւսանդամ ասեն . Զի՞ կաս աստ : Պատասխանի ետ օրիորդն դողալով . Գամ յայնմ կողմանէ թողուքեայ՝ խնդրել յինքնակալէն շնորհս հօր իմում . հետի մինչեւ ցայսր եկի . չքաւոր եմ , եւ ոչ ոք ուրեք զիս ընդունի : Քրքիջ բարձին զինուորքն՝ ստայօդ զբանս նորա համարեալ . իսկ անմեղ օրիորդն խռովեալ՝ խոյս կամէր տալ , այլ ոչ թողին նմա՝ կալեալ զնա անդ բռնի , եւ գոչէր ի խոր տրտմութենէ . Աստուած իմ , հայր իմ , հասէք ինձ յօգնութիւն , ընդէ՞ր թողէք զհէքս զիս զԵղիսաբեթ : Ի ճայն աղաղակին հասեալ անդր արք ոմանք , բողոք բարձին ընդդէմ բռնութեան զօրականին : Իսկ օրիորդն ձեռս ի վեր ամբարձեալ , ասէր . Վկայ են ինձ երկինք՝ զի ոչ ստեմ . գամ ես յայնմ կողմանէ թողուքեայ՝ խնդրել շնորհս հօր իմում , զերծուցէք զիս , փրկեցէք զիս , զի մի՛ չեւ ընկալեալ զշնորհս՝ մեռայց : Ընդ այսպիսի բանս օրիորդին յուզեցան գուրթ ամենեցուն , եւ յառաջ մատեան բազումք օգնել նմա , եւ մի ի նուցանէ ասէ ցզօրականն . Ես ինքն ընկալայց զդա՛ ի պանդոկի իմում ,

որ է ի հրապարակիս՝ առնթեր սրբոյն Բարդի եկեղեցւոյն . Թուի ինձ օրիորդ համեստ , թողէ՛ք զդա ընդ իս : Եւ զօրականին յետոյ ուրեմն շարժեալ ի գուրթ , թողին զնա եւ մեկնեցան ի բաց : Յայնժամ օրիորդն փարեալ զճնգովք բարերարին՝ գոհնայր , իսկ այրն ածեալ զնա ի պանդոկին՝ որ մերձ էր անդր , մեկնեցաւ ի վերնայարկ տանն ի խորշ մի , եւ կին նորա ընկալաւ զԵղիսաբեթ առ իւր ի մահճին : Բայց Եղիսաբեթ չկարէր փակել ընդ երկար զաչս իւր ի քուն . սիրտ նորա յուզեալ էր յոյժ եւ ի փղձուկ հարեալ . գոհութիւն մատուցանէր Աստուծոյ վասն ամենայնի , եւս եւ յաղագս ծանունց վշտաց իւրոց . որովք հանդիպեալն էր այնպիսուս ընդունելութեան , եւ ասէր . Եթէ նուազ էի հէք , ոչ յուզէին ընդ իս գուրթ հիւրընկալուին իմոյ : Եւ քուն իսկ անկեալ զարտեւանամբ նորին՝ ոչ եբարձ ի նմանէ զբարեբաստութեանն զգացունմն . զի երազք ախորժականք ի կերպս կերպս ընծայէին նմա : Մերթ զհայր իւր թուէր նմա տեսանել , եւ մերթ զխանդաղատելի կերպարանս մօրն . էր զի թուէր նմա զինքնակալին ինքեան լսել զբարբառ , եւ էր զի այլ իմն պատկեր երեւեալ միգապատ՝ չներէր տեսանել յստակ զտիպս կերպարանաց նորա , եւ ոչ ի միտ առնուլ զկիրս՝ զոր ի սիրտ իւր զարթուցանէր :



ԱՂՕԹՔ ՄԱՆԿԱՆ ԶԱՐԹՈՒՑԵԼՈՑ

Աղաճրի, մարգար
Յիւրդ, Կեանքի Բնակ
Խրախոյս, Ենչոյ, Կեանքի
Անհոսական, անհոսական

Արեգ, Կեանք
Գաղթ, Կեանք, Կեանք
Ծորթիմ, (Կեանք)
Տխեղծ, անգոր, Կեանք

Ո՛վ հայր , զքեզ իմբս պաշտէ հայր ,
Քեզ ծունր ածէ մահացուն .
Քաղցր եւ անեղ անուանդ իմ մայր
Երկրպագէ եռանդուն :
Ասեն թէ՛ այս արեգ պայծառ

Խաղ իմն է քո առաջի ,
Եւ ընդ ոտիւք քովք անդադար
Իբր ըզկանդեզ տատանի :

Ասեն թէ դու եւ ճընճղըկաց
Տաս ի դաշտի ծընանել ,
Եւ աղածրի մանրիկ մանկանց
Հոգի՝ ըզքեզ ճանաչել :

Ասեն թէ դու ես որ պըճնես
Ըզբուրաստան ծաղկաւէտ ,
Եւ ոչ առանց քո տայ պարտէզ
Ախորժ պըտուղս ի մեր պէտ :

Ի քո պարգեւըս տիեզերք
Առ հասարակ վայելեն ,
Եւ ոչ զեռուն զըրկի երբեք
Յայսմ ի բնութեան խրախճանէն :

Գառն ի ճարակ առնու զծոթրին ,
Ուլն ի ցըրդին ճըգտի գիւտ ,
Ճանճ ի շըրթունըս պընակին
Ձիմոյ կաթին ծըծէ հիւթ :

Ձամբ արտուտին ետուր ըզկուտ ,
Ձոր սերմանող տայ հողմոց .
Ճընճղուկն ի կալ դիմէ անձկոտ ,
Տղայն ի մօրն իւր ի ծոց :

Եւ ի՛ւ առնումք օր ըստ օրէ
Ձանհատական քո պարգեւս .
Այգուն՝ ցերեկս՝ ի միջօրէ
Աղերսելով ցանգ ըզքեզ :

Աստուած , եւ ես թոթով ի բան
Կարդամ զանունդ ահաւոր ,
Բա՛րէ , եւ ձայն տըխեղժ մանկան
Խառնի ի նուագ երկնաւոր :

Ասեն թէ դու , Տէր , ախորժես
Ձաղերս անդօր մանկըտուոյն ,
Ձի պարզամիտք են քաղցր եւ հեզ ,
Թէպէտ ի միտ ոչ առնուն :

Ասեն թէ մեր պաշտօն խոնարհ
Քեզ հեշտալուր ընծայի ,

Եւ թէ զուարթնոց յերկինս է պար
Եւ մեք հրեշտակք եմք յերկրի :

Օ՛ն թէ լըսես յայնչափ բարձանց
Չուխտ մեր սըրտից եռանդուն ,
Ես հայցեցից ջերմ ի թախանձ
Չտիեզերաց պէտս համբուն :

Տուր , Տէր , աղբերց յըստակ ըզջուր ,
Եւ ըզփետուր ճընճղըկին ,
Գառանց զըզաթ սուրբ եւ մաքուր
Դաշտաց ըստուեր ցօղազին :

Տուր հիւանդին բըժըշկութիւն
Եւ մուրացկին հաց յազուրդ ,
Տուր բնակարան ողորմ որբոյն ,
Եւ զերեւոց արձակուրդ ,

Բազմածընունդ արա ըզտուն
Հօր առ ի քէն երկիւղած .
Տուր ինձ լինել զգօն ու իմաստուն ,
Ձի մայրս իցէ անկասկած :

Ձարդարութիւն տընկեա՛ յոգիս ,
Ճըշմարտութիւն ի շըրթունս ,
Պըտողաբերցէ բանդ ի սըրտիս
Ձերկիւղ՝ ըզբարըս քաղցունս :

Լամարդին



ԵՂԻՍԱԲԵԹ ՅԵԿԵՂԵՑԻՈՉ ՎԵՐԱՓՈՒՄԱՆ

Գրուածիք, գովեսք
Արհի (Արհ), Տէր , պարտաւոր
| Յայլոյ խելս լինել , Իւլու Երասմանել
Կայք ձեռաց , յախարարութիւն

Ի վաղիւ անդր թնդիւնք հրետից անընդհատք վասն կենաց ինք-
նակալին , դափիւնք թմբկաց եւ աղաղակ ցնծութեան համօրէն ժո-
ղովրդեան աւետաւորէին զօր հանդիսին : Եղիսաբեթ զհիւրընկալուի

կնոջն արկեալ զանձամբ զհանդերձս ի փոխ , եւ զբարեբարի առնն կալեալ զձեռանէ , խառն ի խուռն ընդ եկաւորս զհետ ինքնակալին եմուտ յեկեղեցին Վերափոխման՝ ուր Ալեքսանդր թագ առնչոց էր : Զհիւք աւելի քան զհազար լուսազարդեալ տաճարն սուրբ՝ փայլէր ակնախտիդ . բազմէր ինքնակալն ի գահ գեղանշոյլ ընդ ձոր հովանեալ , եւ զչխոյ նորահարսն առ նմա , զգեցեալ երկաքանչիւր հանդերձս պայծառս գեղեցիկս յոյժ , որպէս զի գերաշխարհիկս երեւել տեսողաց : Դչխոյն ի ծուներ իջեալ առաջի փեսային , ընդունէր 'ի ձեռաց նորա պսակ կայսերական , եւ զպարկեշտ ձակատ նորա անլոյծ միութեան իւրեանց պատէր պերճ առնաւատչեայ : Հանդէպ նոցին արհի պատրիարքն Մոսկովայ Պլատոն ի բարձուէ սրբոյ բեմին յուշ առնէր ինքնակալին ձոխարանս եւ հոգեշարժ ձառիւ զպարտս թագաւորաց , եւ զհամարն սոսկալի՝ զոր ի նոցանէ պահանջելոց է Աստուած , փոխանակ փառացն եւ զօրութեան նոցա : Ի մէջ անբաւ բազմութեանն՝ որով լի էր եկեղեցին , ցուցանէր նմա զՔրիստոսեալքեցիս՝ որ հարկս անէին զմաչկս շնչրեաց որսացելոց յԱլեքսանդրեան կղզիս հուպ յամերիկեանն ցամաք , եւ զվաճառականս՝ որ գային յԱրքանձելեայ , բերելով մեծութիւնս՝ զորս նաւք նոցա. քնան խընդրել ի ծայրս ծովուց Եւրոպայ : Յուցանէր նմա զՍամոյետս եկեալս ի բերանոյ գետոյն Ենիսեայ՝ ուր տիրէ ձմեռն յաւէրժական , անծանօթ են անդ ձկունք եւ ոչ երբէք ընծիւղէ ցորենահատ : Յուցանէր եւ զՄասքութս , առ որս են ձմերուկք հասունք եւ թղենիք , եւ որթոյ բերք քաղցունք՝ որ մատուցանեն գինի աշխիւ : Առաջի առնէր դարձեալ եւ զքնակիչս Սեաւ եւ կասբից ծովուն , եւ մեծին Սկիւթիոյ՝ որ թեւակոխէ ի Պարսս եւ ի Ճինս եւ ի սփսմանս ինքնակալութեան Մողոլաց , եւ մտից ի յելս արեւու տարածանի՝ բովանդակեալ զլէս աշխարհին , եւ ի բեւեռ անդր գրեթէ հասանէ : Եւ յաւելոյր . Ընդարձակագոյն ինքնակալութեան երկրի տիրապետեալ մեծութեան քո , եւ հանդերձեալ երգումն տալ ի բարեբախտութիւն հինգերորդի մասին երկրի , յուշի կալ անմոռաց՝ զի համար տալոց ես Աստուծոյ զբիւրուց բիւրաւորաց մարդկան . եւ զի անիրաւութիւն ինչ միում ի փոքրկանց անտի գործեալ՝ զոր մարթ էր քեզ խափանել , համարեսցի քեզ ի մեղս : Ի բանից աստի թուէր շարժեալ սաստկապէս սիրտս պատանուոյ ինքնակալին . բայց յեկեղեցոջ անդ գոյր եւ միւս այլ սիրտ ոչ ինչ նուազ շարժեալ , եւ էր այնորիկ՝ որ մատչէրն խնդրել շնորհս ի նմանէ հօր իւրում :

Յերգնուլ անդ Ալեքսանդրի նուիրել զլեանս իւր ի բարեբաստու-

թիւն ժողովորոց իւրոց , թուէր Ելիսաբեթի լսել զձայն ողորմութեան խղիւղ զկապանս տառապելոց ամենեցուն , եւ ոչ եւս կարաց նա հանդարտել . երկնայնով իմն զօրութեալք բացեալ իւր 'ի խռան անդ ուղի , եւ թափ ընդ ցանկ զօրականին անցեալ , զիմեաց ի գահ անդր գոչելով . Ենոր՝ք . շնոր՝ք : Բարբառն այն խափանեաց զարարողութիւն հանդիսին , եւ յարոց շշուկ . մատեան զօրականք , ձգեցին զօրիորդն արտաքոյ եկեղեցւոյն ընդդէմ աղաչանաց եւ ճգանց պանդոկապետին . բայց ինքնակալին լուեալ զբարբառն զայն , ոչ կամեցաւ յայնպիսում բարենշան աւուր մերժել զաղերս հէք օրիորդին . հրամայեաց միում ի պաշտօնէիցն տեղեկանալ զարինչ խնդրէրն : Ել արտաքս պաշտօնեայն լուաւ զձայն պաղատանաց հիքին՝ որ ճգնէրն ընդդէմ զինուորաց , եկն , եհաս , ետես , ծանեաւ եւ գոչեաց . Նա ինքն է , Ելիսաբեթ է : Չկարէր օրիորդն հաւատալ այնքանոյ բարեբաստութեան . չկարէր կարծել գտանելոյ անդ պատանուոյն Սմոլոֆի առ ի փրկել զհայր իւր . այլ ձայն նորա եւ նորին ինքեան էր կերպարան , չէր մարթ ըմբռնել նմա ի պատրանս . հայէր ի նա անբարբառ , կարկառէր առ նա զբազուկս իւր՝ իբր այն թէ գայր նա՝ բանալ իւր զգրուես երկնից : Դիմեաց առ նա պատանին յայլոյ խելս լեալ , ալ ի յաջ յեռեալ , եւ յերկուացեալ իմն ընդ տեսիլ աչաց , ասէ . Դո՛ւ իցես , Ելիսաբեթ , ուստի՞ գաս հրեշտակդ երկնացեղիկ : Օրիորդն ասէ . Ի Թոպուքեայ գամ : Պատանին ասէ . Դո՛ւ ի Թոպուքեայ , միայնակ , հետի : Եւ յասելն զայս զողայր ի յուղելոյ սրտին : Օրիորդն ասէ . Այո , գամ միայնակ , գամ հետի , խնդրել շնորհս հօր իմում , եւ վարեն զիս ի գահոյից այտի ի բաց , խլեն զիս յերեսաց ինքնակալին : Իսկ պատանին լի խնդութեամբ ասէ . Եկ , եկ , Ելիսաբեթ , ես ինքն յանդիման կացուցից զքեզ ինքնակալին . եկ , լու՛՛ո՛ նմա զբարբառ քո . ե՛կ , մատո նմա զաղերս քո , ոչ մերժեսցէ նա զայն : Եւ մինչդեռ ի բաց արարեալ զլինուորս անէր զնա յեկեղեցին , գային զառաջաւորք ինքնակալին ի դուրս ընդ աւագ դուռն եկեղեցւոյն , յերեւել ինքնակալին՝ յառաջ մատեաւ Սմոլոֆ կալեալ զձեռանէ օրիորդին , անկան երկօքեան ի միասին առ ոտս նորա , եւ ասէ պատանին . Յիս տէր , լո՛ւր ձայնի տառապելոյս այսորիկ , լո՛ւր ձայնի առաքինութեան , Սթանիսլաւի Փոթովքեայ դուստր կայ առաջի մեծութեանդ քո . գայ նա յիսքիմեան անապատէ , ուր յերկոտասան ամաց հետէ հիւժին ծնողք նորա յաքսորս . գայ անտի միայնակ անօգնական , հետի եւ մուրիկ զամենայն ճանապարհն հատեալ . յանձն առեալ զմերժումն , զար-

կածս , զմրրիկս եւ զամենայն ճիգն եւ վտանգ , առ ի գալ անկանել յոտս ինքնակալիդ՝ խնդրել շնորհս հօր իւրում : Իսկ օրիորդն բազկատարած աղերսաւոր կրկնէր . Շնորհս հօր իմում : Շշուենջ հիացման գնայր ընդ ամբոխն . ինքնակալն ինքնին հիացեալ կայր . եւ թէպէտ բազում ինչ լուեալ էր հակառակ Փոթովաքեայ , այլ յայնժամ ցրեցաւ ամենայն ի մտաց նորա , զի ասէր . Դստեր այսպիսւոյ առաքինւոյ չէ իսկ մարթ թէ վաստպարտ լեալ իցէ հայր . այլ թէ իցէ իսկ լեալ , ներէ նմա Ալեքսանդր . եւ ասէ ցօրիորդն . Ազատ է հայր քո , շնորհեալ քեզ : Ի լուր շնորհաց ցնծութիւն այնպիսի գեղաւ ի սիրտ օրիորդին , զի նուազեալ անկաւ անզգայ ի վերայ բազկաց պատանւոյն . եւ բարձեալ տանէին զնա ընդ մէջ անթիւ բազմութեան ամբոխին՝ որ ճանապարհ առնէր նմա կայթիւք ձեռաց եւ զրուատեօք առաքինութեան վեհագն օրիորդին եւ գթութեան ինքնակալին :

ՄԱՐԴՈՅ ՈՐՊԷՍ ԽՈՏՈՅ ԵՆ ԱԻՈՒՐՔ ԻՒՐ

Կերկուռ , հմար , հիարան
 Բուեալ , բայր արտ , բնախտ
 Պակամաւոր , յարար

Շովալիթ , ծովը Բափազ , Բափեւ
 Փիւնիկ , Իւր Կոստանի մեջ մէկ հարի
 Իարտարտ Բարտ

Յերկիր , ո՛վ մարդ , ուստի ծընար ,
 Դարձցիս ընդ հուպ ի քոյին մայր .
 Զի ոչ ինչ քեզ քան ըզբուսակ
 Երկարատեւ տըւաւ հասակ :
 Քան զբողբոջ դու գեղանի
 Պըճնիս արոցդ ի գարնայնի .
 Սակայն ծաղկունք իսկ եւ գարուն
 Են վաղանցիկք եւ անկայուն :
 Հասեալ ամառն բոցակէզ

Բունեալ հրատիպ ախտիցդ ի քեզ ,
 Խամրէ զնոսին խորշակահար ,
 Եւ իբր ըզգօս թողու զքեզ ծառ ,
 Ճարակ բոցոյ արմատախիլ
 Կոճեղդ սատուք իւր եղանիլ :
 Մի ի հասակդ իցես վըստան ,
 Արագ ստամբ հասանէ մահ .
 Ո՛հ , ո՛ր մեղան ինձ ո՛ր վըրձին
 Պատկանաւոր երբէք զըտցին
 Առ ի զկենաց քոյին պատկեր
 Ճըշգըրտատիպ նըկարագրել :
 Ականակիտ սողեալ վըտակ
 Ընդ խիճս ընդ մարդ ընդ անտառակ ,
 Փարի նդ ծաղկունքս բազմաբիւր
 Միրայորդոր յար ի համբոյր .
 Այլ հուպ ընդ հուպ դարձեալ ողջոյն
 Հրաժարական տըւեալ նոցուն ,
 Դիմէ ի մայր իւր ծովալէժ ,
 Լըռել ի ծոց նորին յաւէժ :
 Զըքնազ կենաց քոց առաւօտ
 Ծածկի արագ ի յամպ աղօտ ,
 Եւ միջօրեայն պայծառութիւն
 Նուազեալ անլոյս ի յերիկուն ,
 Մահուն ապա նըսեմաստուեր
 Փոխանակէ նըմին գիչեր :
 Ոչ ծիծաղի ընդ մարդ ծաղիկ ,
 Եւ ոչ ի ծով կոճին ալիք ,
 Ոչ քաղցրասիւք շընչէ գեփիւռ ,
 Եւ ոչ թըռչնիկ պարէ ի թիւռ .
 Թէ ոչ կենաց քոց ի պատկեր ,
 Եւ քեզ ի գոյժ մահահրաւէր .
 Այլ ոչ նոքին արկցեն քեզ ահ ,
 Թէ միշտ ի յուշ կալցիս ըզմահ .
 Կենաց ներկուռ դաստիարակ
 Լիցի նորին քեզ յիշատակ ,
 Եւ մեռանել փոխումն եւ եթ
 Կենաց ի կեանս երանաւէտ :

Չեն արդարեւ չեն ինչ կեղծիք ,
վերածնանի անդրէն փիւնիկ .
Մեռի՛ր ապա մեռիր վըստահ ,
Դու յարիցես ի կեանս անմահ :

Հ. Ե. Հիւրմիւզեան

ԴԱՐՁ ԵՂԻՍԱԲԵԹԻ Ի ՏՈՒՆ

Լսել զողջունէ (ու բու ֆ), (Կէ- Է) Է՛ն- Է | Պարտաւորիւն , բռնաբարութիւն
ԴԵ՛ ԸԼԵ՛Ը Է՛ՆՆԵ՛Ը | Յաճութիւն , հաճութիւն

Եղիսաբեթ առ ի վաղ հասանել առ ծնողս իւր մեկնեալ ի Մոսկովայ , գնայր զցայգ եւ զցերեկ . սակայն ի Սարաբուլ զկայ էառ այց առնել գերեզմանի բարույ առնն առաքելականի Հօրն Պաւլոսի , զի էին պարտք որդիական եւ չէր մարթ օրիորդին ապախտ առնել զայն . Ետես անդ զխաչն կանգնեալ ի վերայ գերեզմանի նորա , զվայրն զայն՝ ուր այնքան հեղեալ էր արտօսք , եւ հեղոյր դարձեալ՝ այլ քաղյր արտասուս : Թուէր նմա տեսանել ուրախացեալ յերկինս բարույ կրօնաւորին ընդ բարեբաստութիւն իւր , եւ ի բարեգութ սրտի նորա յաւելեալ ինչ յամենակատար երանութիւնն՝ զոր վայելէն յԱստուած՝ ի տեսիլ երջանկութեան իւրոյ :

Ոչ կամեցաւ նա կանխել ազդ առնել ծնողաց իւրոց զգարձ իւր . լուաւ զողջունէ նոցա ի Թապուք , զնոյն եւ ի Մայիմքա հաստատեալ . կամէր յանկարծ երեւել նոցա , ոչ զոք առեալ ընդ իւր՝ բայց միայն զպատանին Սմոլոֆ : Ո՛հ , զիա՞րդ բարախէր սիրտ նորա յանցանել իւրում ընդ անտառն , ի մօտել յեղերս լճին , եւ ի ձանաչել զմի մի ի մայրեաց , զմէն մի ի ժայռից : Նշմարէր զհիւզն հայրենի , զիմէր անդր . . . այլ զկայ էառ . ի սաստիկ յուզմանէ սրտին պակեաւ , ընկրկէր ի կարի հրճուանացն : Ո՛վ աղետից մարդկութեան . ահա լրումն նորին . ցանկամք բարեբաստութեան , կամիմք զայն ծայրալիւր , եւ ծայրալիւր բարեբաստութիւն մահառիթ եղանի մեզ , չկարեմք ժուժկալել այնմ : Եղիսաբեթ անկեալ ի վերայ բազկաց պա-

տանւոյն , ասէ . Եթէ լիցի ինձ գտանել հիւանդ զմայր իմ . . . : Այս երկիւղ աղբեալ ի սիրտ նորա , մեղմեաց զազդումն բարեբաստութեան՝ որ ընկճէրն զնա , եւ դարձոյց ի նա զզօրութիւն իւր : Ընթացաւ , կոխեաց ի սեամս հիւղոյն , լուաւ զձայն իւրոցն եւ ծանուաւ . սիրտ նորա նուաղէր . միտք իւր ծփալին , անուանէր զծնողըս իւր : Բացաւ դուռնն , ետես նա զնայր իւր , ձայն երարձ , եհաս մայր նորա , եւ ի գրկախառնէն ընդ նոսա՝ գոչեաց Սմոլոֆ . Անա աւետարեր՝ աղատութեան ձերոյ , յաղթեաց ամենայնի , ընկալաւ զամենայն : Այլ բանք պատանւոյն ոչինչ յաւելին ի խնդութիւն նոցա , թերեւս չլուան իսկ զբանս նորա , զմայլեալք ի տեսիլ դատերն իւրեանց . զգային եւեթ զգալուստ նորա զի տեսանէին զնա , ի մոռացօնս եղեն նոցա՝ թէ իցեն յաշխարհի այլ ինչ բարիք : Ընկղմեալ կային ժամս ձիգս ի զմայլման անդ իբր անզգայք , այլ ոչ գիտէին զոր ինչ ասէինն . ի զուր խնդրէին յայտնել որ ինչ կրէրն ի նոսա , ոչ գտանէին բանս զկիրսն յայտ առնելոյ . լային , հառաչէին , եւ զօրութիւն նոցա նուաղեալ էր ընդ մտացն՝ յառաւել խնդութեանէն :

Յայնժամ անկեալ առ ոտս նոցա պատանին , ասէ . Ո՛հ , ոչ մի որդի է ձեր , ցարդ եղբայր իւր կոչէր զիս Եղիսաբեթ՝ այլ արդ առ ոտս ձեր ներեսցէ թերեւս ինձ ցանկալ այլում իմիք անուան : Եւ օրիորդին ձեռս ի ձեռս խառնեալ ծնողացն , եւ հայելով ի պատանին , ասէ . Առանց սորա չլինէր թերեւս ինձ դառնալ այսրէն . սա ա՞ծ զիս յոտս ինքնակալին , սա բարեխօս եղեւ վասն իմ , սա խնդրեաց ի նմանէ շնորհս վասն ձեր եւ ընկալաւ , սա դարձուցանէ զձեզ ի հայրենիս , սա ինքն տայ զդուստր ձեր ձեզ . սա ա՞ծ զիս ի գիրկս ձեր : Արդ ասա ինձ մայր իմ , զի՞նչ շնորհս պարտ է ինձ մատուցանել սմա . ուստ ինձ հայր իմ , զո՞ր շնորհակալիս մատուցանել սմա : Աստանօր Փեղորայ ողջագուրեալ զդուստր իւր , ասէ . Ծնորհակալութիւն քօ լիցի սէր , որով սիրեմ ես զնայր քօ : Եւ Սփրինձեր յաւել հրճուանօք . Նուէր սրտի քոյումդ նմանուոյ լիցի ի վեր քան զամենայն բարերարութիւնս . այլ Եղիսաբեթ չհամարի զոլ այնուիկ առատաձեռն . Իսկ օրիորդին առեալ զձեռն պատանւոյն եւ տուեալ ի ձեռս ծնողացն , կարմրազեղ գիմօք եւ ցածութեամբ ասէ . Խոստանա՞ս չմեկնիլ ի սոցանէ : Յայնժամ պատանին ասէ ընդ ինքն . Բա՛բէ , արդեօք ա՞յլ ընդ այլոյ ինչ լուայ , արդեօք շնորհե՞ն զնա ինձ ծնողք իւր , արդեօք հաճի՞ նա ընդ իս : Եւ ոչ կարացեալ կատարել բանս իւր , խոնարհեալ գերեսս իւր ողողեալս ար-

տասուօք առ ոտս Եղիսաբեթի , յերկինս իսկ չհամարէր թէ գուցէ
 երջանկութիւն առաւել քան զիւրն . զմայլումն մօր՝ որ զգուտար իւր
 տեսանէր վերստին , խանդաղատելի պարծանք հօր՝ որ վասն ազա-
 տութեան իւրոյ չնորհապարս գտանէր արիութեան դատերն , անճառ
 խնդութիւն վեհագին եւ բարեկրօն օրիորդի՝ որ յայգուէ կենաց
 իւրոց լցեալ զսրբազնագոյն պարտս իւր , եւ ի ծայր իւր առաքի-
 նութեան էր ժամանեալ , պարառութիւն այս ամենայն բարեաց
 թուէր պատանւոյն նուազագոյն քան զբարեբաստութիւնն՝ զոր մա-
 տուցանէր նմա :

ԵՐԿԻՆՔ ՊԱՏՄԵՆ ԶՓԱՌՍ ԱՍՏՈՒԾՈՅ

Համապարփակ , ասէն բան պարտաւորող | Պարունակ , Կար , Երջան
 Դնիմ , Բարեւել Զու | Զաչացու , Կար
 Մինր , Երեւոյն Բէտ (Եր Պարեւել) | Արի (յս.) Պարեւել

Այո՛ Տէր , չեւ ծընեալ էր մարդ ի յաշխարհ ,
 Գոյր արեգակն եւ լուսին .
 Եւ արուսեակն ետես նախ զիւր ճանապարհ :
 Զաշխարհակալ դու զմէզն ի լոյս փոխեցեր ,
 Համապարփակ ի վրէժն
 Ի գոյ ածեալ զերկիր ըզծով եւ զեթեր :
 Քեւ բազմամրոխ թեւաւորաց հոյք ըզմին ,
 Ըզնա երամք լուղակաց ,
 Զորքոտանեաց ազինք ըզմիւսըն լըցին .
 Որպէս զի մարզն հաստեալ քոյին ի պատկեր ,
 Աստուածութեանըզ վըկայս
 Գըսցէ զձեռաց քոց ըզհաստուածս առընթեր :
 Այլ բարձրագոյն յոյժ վըկայեալ ի գոչիւն ,
 Երկինք ըզքո պատմեն փառս
 Ծածանչագեղ լուսնին ի լոյս եւ արփւոյն :
 Ո՛ր որ ըզՄիհր ի դմա պաշտես դու Արիդ ,
 Եւ դու արկնոջն երկնից դէտ՝
 Որ ի լուսինդ յայդ նըկատես զԱնահիտ ,

Դարձիր հայեաց յԱրարչապետն ի դոցին .
 Եւ հաստուածոյն ի գեղոյ
 Ըզգեղ ի միտ առ ըզվըսեմ հաստողին .
 Եւ զգորութիւն հըզօր աջոյն այնորիկ ,
 Որ ըզգոսա ընդ երկին
 Արկ իբր ըզգունդ ինչ մանկըւտոյ խաղալիկ :
 Որք գիշերոյ նոյնք եւ տուընջեան տընօրէն՝
 Ծեմին ընդ դաշտ եթերին ,
 Որպէս հըսկայք դարձաւորք յաղթք ի մարտէն :
 Այլ դաշացու է տեսութիւն մահացուաց ,
 Եւ էքս անտեսք ի նմանէ
 Դընին ի նոյն թաղեալ խաւար միգամած .
 Եթէ ոչ դու , Տէր , այլ արեւ եւ լուսին
 Ծառագայթեալ ի բարձանց՝
 Զաչքս մըսաց լուսաւորես ըզնոցին :
 Ո՛հ , երանի՛ որք ճանաչեն ըզքեզ Տէր ,
 Այլ առաւել երանի՛
 Որոց պաշտեն ըզքեզ եւ կեան ի քո սէր :
 Տեսից զերկինս ըզքոց մատանցդ ըզվաստակ .
 Տեսից վարեւ եւ զլուսին՝
 Պայծառացեալ յիւրաքանչիւր պարունակ :
 Զամենաղօր քո սէրութիւնդ յանդիման
 Տեսեալ յաւէրժ ի նոսա ,
 Քեզ բոլորով եղէց սըրաիւ խոստովան :

Հ. Ս. Հիւրմիւզեան

Պ օ ղ ե ւ Վ ի ր գ ի ն ի ա



ՆԿԱՐԱԳԻՐ ՊՕՂԱՅ ԵՒ ՎԻՐԳԻՆԵԱՅ

Ջօրել յոսրնկելիս , Գրեմա Կրտեմէ
 Հոլսնի , Գրեմ , Բոյ
 Պուսեւել , Կրտեմա
 Փայսաւս , Գրեմ
 Ուղերձել , Կրտեմ

Սաւծիչ , Կրտեմ
 Արձուճն , Կրտեմ
 Երկայնաւեղ , Կրտեմ
 Պարգել (Եղուի) , (Կրտեմ) Բոյ
 Ջարգուճ , Կրտեմ

Նորանշան իմն էր սղայոցն անգոտին ընդ միմեանս սիրելու թիւն . ի լալ Պօղայ՝ շատ էր ցուցանել նմա Վիրգինիա , եւ զըւարթանայր անդէն յերեսաց նորա եւ հանգարտէր . եւ զվիշտս Վիրգինեայ ի ճիչ մանկանն Պօղայ զգային մարքն . իսկ դատրիկն նազելի թագուցանէր զվիշտ իւր իսկոյն , առ ի խնայելոյ զնա ի վշտակցութենէ : Դեռ այն ինչ զօրելով նոցա յոտընկելիս , տեսանէի միշտ զնոսա ի դալ իմում այսր ձեռն ի ձեռն խառնեայ՝ թեւ ի թեւ տուեալ՝ հոլանիս ըստ սովորութեան երկրիս , որպէս երկուորեակքն կենդանակերպք նկարին : Եւ զիշեր իսկ ոչ մեկնէր ըզ նոսա ի միմեանց , յաճախ ի նոյն որորոց՝ այտ ի յայտ , լանջ ի լանջս յարեալ , եւ ձեռս զպարանոցաւ իրերաց արկեալ , գիրկընդխառն ննջէին :

Ի պարզել լեզուի նոցա՝ նախկին առ միմեանս բարբառ էր ելբայր եւ քոյր . զի մանկութիւն , ճարտարամիտ ի գգուանս սիրոյ , չգիտէ անուն այլ քաղցրագոյն : Դաստիարակութիւն յաւել զնոցին առ իրեարս սէր , յօգնականութիւն իրերաց ուղերձեալ զայն : Տակաւ Վիրգինեայ լինէր յանձն անասութիւն , հոգ առտնին մաքրութեան , եւ պաշտել զճաշն անուաճոյճ . եւ յանձանձանաց այսր ամենայնի համբոյրք եզբօրն եւ դրուատիք զնեա գային հանապազ : Իսկ Պօղ անդու ի վաստակոց՝ մերթ մշակէր ի պարտիզի

ընդ Գոմինիկեայ , եւ մերթ փայտատ փոքրիկ ի ձեռին՝ գնայր ընդ նմա յանտառս . եւ ի տեսանել ուրեք յերթալն ծաղիկ չքնաղ , կամ միրգ ազնիւ , կամ բոյն թռչնոյ , ի ծայրս իսկ ծառոց սողոսկեալ ի վեր՝ առնոյր բերէր զայնոսիկ առ Վիրգինիա : Միուճն ի նոցանէ հանդիպեալ ուրուք , ոչինչ երկբայէր մօտիկ անդանօր զըտանել եւ զմիւսն :

Որպէս այգ գեղածիծաղ գեղեցկագունի տուընջեան աւետաւոր , այսպէս նոցա այն ինչ ի սկզբնարոյս տիոց ի պատանեկութիւն թեւակոխեալ՝ սկսանէին վաստակակիցս մարցն լինել ի յանձանձանս առտնին իրաց : Յազղել հաւախօսին զղարձն այգուն՝ յարուցեալ Վիրգինեայ գնայր զջրոյ ի մօտակայ աղբիւրն , եւ դառնայր պատրաստէր նախաճաշ : Յոսկեզօծել ապա արփուոյն զկատարս բլրոց շուրջանակի՝ գայր Մարգարիտ հանդերձ որդուջն առ Լազուր տիկին , եւ միաբան ամենեքին յաղօթս կացեալ՝ առնուին գնախաճաշիկն , յաճախագոյնս ի դալարուջ առ դրան ընդ հովանեաւ պանանեաց , որք զհիւթեղ պտուղսն առձեռնապատրաստ ընծայէին նոցա ի ճաշակ , եւ զլայն եւ զերկայն սաղարթան ի ծածկոյթ սեղանոյ : Առատ եւ ստածիչ կերակուր արագ արագ աճուճն պատանեկացն պատրաստէր , եւ քաղցրահամբոյր դաստիարակութիւն հրճուանս եւ ամբռութիւն հոգւոյ ի դէմս նոցա նկարէր :

Վիրգինիա յերկոտասանամենի սակաւ ինչ ընդհատ ի զարգուն տիոց բերէր կերպարան . վարքք երկայն խարտեշագեղ զգլխով նորա , կապուտակ ականողիք , եւ չրթունք իրբեւ զլար կարմիր , յաւելուին գեղ սիրայորգոր ի դէմս նորա : Աչք նորա համայն ընդ խօսս գեղածիծաղք . իսկ ի լուին երկնահայեացք բնաւորեալ՝ ըզ դիւրազգաց սիրտ նորա եւ զթեթեւ ինչ թախճութիւն սրտին ի յայտ ածէին : Նոյն եւ Պօղ ընդ շնորհս պատանեկութեան բերէր յանձին զնկարագիր առն ի չափ հասելոյ . բարձրահասակ քան ըզ Վիրգինիա , թխագոյն քան զնա , եւ արժուունդն . բիրք աչաց նորա սեւաթոյր , խրոխտք իմն գողցես , բայց երկայնատէգ յօնիցն ճառագայթաձեւ զնոքօք փայլմամբք քաղցրացեալք : Յար ի շարժման կայր , այլ ի տեսանել զքոյրն՝ հանդարտէր բաղմէր առընթեր . եւ ի ճաշելն իսկ սովոր էին լսիկ կալ , որպէսզի ի լուութիւն նոցա եւ ի բնական դրիցն տեսիլ՝ եւ ի բոկանի ոտիցն վայելչութիւն թուէին կիցք իմն անդրեաց քանդակ վազեմի ի կիճ սպիտակ , ըզ Նիոբեայ որդուցն յանդիման առնելով զպատկեր : Այլ ի հայեցուածս նոցա՝ որ իրերաց խնդրէին հանդիպել , եւ ի քաղցր ժպիտ՝

զոր միմեանց փոխադարձէին , թուէին զուարթունք երկնից կամ հողիք երանաւէտք՝ որոց բնութիւն իսկ է սէր առ միմեանս , եւ չեն ինչ նոցա պէտք ձեւովք զզգացմունսն բացատրելոյ եւ բանիւք զսիրելութիւն :



ՈՐԲ ՄԱՆԿՈՒՆՔ


Ամանոր , նոր քարէ
Թախիծ (սծ.) քրքում , քիււր
Մնչել , զգլ՝ քերպուէրքիւ
Ապառոււմ , քար սէրք , անքիւր

Հաւիլ , հաւել
Շաչիւն , յայն կարոյ՝ զեւայ կայն
Վիմաստալիլ , քար կարէլ
Պիրկ , որիւսում՝ քարում

Դաշտք կան պաղեալ , անցին աւուրք գեղապանծ .
Վայ աղքատին ոյր չիք աուն ,
Այլ մահ մընայ լըքելում ,
Հանգոյն երկրի թէ սիրտք իցեն սառնամած :
Ամանորայ հասեալ գիշերն առաջին ,
Ամբոխ մարդկանն եկեալ յաւուրն հանդիսից
Ճեպէր ի դարձ բերկրալից .
Եւ խուն ինչ բազգ եւս այց առնէր հիւզեկին :
Նքստեալ մատրանն առ սեմովք
Տըզայք երկու , կէս մերկք՝ գունատք եւ թախիծ ,
Գութ արկանեն անցաւորայ խիստ սըրտից՝
Մընչեալ մըրմունջ արտամահոգ :
Ձալէսս նոցին լապտեր առ ոտս յայտ առնէր՝
Փոխան հեղով իբր հայցուած .
Եղանակէր լալով կըրտսերն ի յերեր ,
Միւսըն ձրգէր ձեռս ապառում մեծատանց :
«Մեր երկոցունցըս մանկանց չիք այլ եւս մայր .
Մեռաւ յերէկն . առ մեզ տալով գիւրն ըզհայ .
Եւ կայ՝ ուր մեր նընջէ հայր .
Տո՛ւք , զի հաշիմք սովալըուկ , ցըրտամած :

Օտարն ասէ . ‘Երթա՛յք , իմ գոն ընտանիք ,
Ո՞ զնոգգ ընկէց յիմ վերայ :’
Տեսաք զի իւր լայր գըստրիկ .
Այլ մեռանիմք մեք ահա» :
Եւ ձայնն ողորմ ողբարար
Խուլ բարբառով կոծէր զօր .
Անմըտաղիր ամբոխն ի ձեպ ընթանայր ,
Մինչ ոչ մընայ օք անցորդ :
Ըզգուսըն սուրբ բախէին .
Ձի մայրն ասէր՝ եթէ Տէր ոչ մոռանայ .
Սոսկ արձագանգ պատասխանէր տաճարին .
Հուպ մօտալուս հասեալ մահ՝
Դեռ լոյս վառէր լապտերին ,
Եւ տըխրաձայն ըզկէս գիշեր փամն աղբեաց :
Հեռուստ գոռայր շաչիւն տօնիցըն կառաց .
Այլ ձայնն հատաւ լալաղին :
Առաւօտուց քանանայն
Յերթալն յաղօթս յեկեղեցին յայգուն լոյս ,
Տեսեալ զնոսա զվիմաւն անկեալ ձիւնասոյզ՝
Ձայն արկանէր արտասուելով . . . անշարժ կան ,
Ա՛հ , փարեւոյն , եղս՛ւկ , զանձամբք գիրկ ընդ գիրկ
Ձան էր անշուշտ պանել զնըլխար ջերմութեան .
Եւ զալկահար վիմաստառեալ երկոքեան՝
Դեռ ձրգեն ձեռս պաղեալ պիրկ :
Երէցն՝ յեղբայրն հովանացեալ կիտովի՝
Ձձեռն իւր արկեալ ունէր նորին ի բերան ,
Իբր յարգելու ըզվայրապար ողբս հայցման ,
Եւ ցուցանել՝ թէ գթութիւն չի՛ք յերկրի :
Նընջեն յաւէրք , այլ դեռ լապտերն անդ հըսկէ .
Ողբան մարդիկ , քան ի նրպաստ՝ կազմք ի լաց ,
Անգր ամենուստ խըննեալ ի կոծ արտասուաց .
Այլ չէր որ դայր յերկիկ :

Պեւմոնկէ





ԲԱՐԵՍՐՏՈՒԹԻՒՆ ՄԱՆԿԱՆՅՆ

Պանանի , աբաբաբաբ
 Սփամանելի , (գեղեցիկ)
 Ասպականի , սբաբաբ ,
 Գեամանյն , գեղեցիկ ինչպէս
 կցայօն , յօնեբն ինչ
 Գեղանիկ , սբաբ (գեղեցիկ)
 Նեթիլ , աբաբաբաբաբ
 Երեսս առնել , կարեբաբաբաբ

կոպիճ , սբաբաբաբ
 Հարկանել զպատու , սբաբաբաբ
 Որակ , սբաբաբ
 Երիթ , (սբաբ) սբաբաբաբ
 Խառնիչ , սբաբաբ
 Պատկանել , սբաբաբաբ
 Կրկուն , սբաբաբ , սբաբաբ
 Վսիս , սբաբաբ

Բայց բարեբոյս ընաւորութիւն մանկանցն օր ըստ օրէ գայր յերեւան . յաւուր միում կիւրակէի ընդ այգն , մինչդեռ մարք նոցա երթեալ էին ի նախկին պատարագն յեկեղեցւոյ ի Բամբլըմուս , կին ոմն խափշիկ լեռնաքնակ եկն եկայ ընդ պանանեօք՝ որ շուրջ կային զհիւրիւն , եւ էր նիհար մեռելատիպ , եւ փոխանակ հանդերձից կապերտ զմիջով ամեալ սփածանելի : Անկաւ առ ոտս Վիրգինեայ , մինչդեռ նա զնախաճաչ ընտանեաց պատրաստէր , եւ ասէ . Յիս , օրիորդիկ , գթա ի ստրուկս հէք եւ փախտական , յամսօրեայ աւուրց շրջիմ թափառական ի լերինս յայտոսիկ կիսամահ ի սովոյ , եւ յասպականեաց հալածական . յերեսաց Տեանն իմոյ փախուցեալ եմ , յումեմնէ ի ճոխից գետափնեայց Սեաւ գետոյ . նա ինքն հասոյց զիս յայս աղէտս : Եւ զայս ասացեալ ցուցանէր զկապուտակ հարուածս գանից ի մարմնի իւրում , եւ զսպիս վիրացն , եւ յաւել . Գետամոյն խորհէի զանձն իմ կորուսանել , այլ իբրեւ գիտացի զի դուք աստ բնակէք , ասեմ . Չեւ եւս մեռայց , են աստ սպիտակք բարեգորովք : Վիրգինիայ գալարեցան աղիք , եւ զճաշիկն՝ զոր ընտանեայն պատրաստէր՝ մատոյց նմա , եւ ասէ . Գալարեաց , եղկելի դու , կե՛ր եւ արբ . Եւ ի սպառել Հնդկին իսկոյն զկերակուրն եւ ի զօրանալ , յաւել Վիրգինիա . Ես եկից հաշտ առնել զատէր քո ընդ քեզ , եթէ կամիս , հէք աղքատիկ , ամել զիս առ նա , յերեսաց ազեալիցդ շարժեցի նա ի գութ : Եւ Հնդկին ասէ . Հրեշտակդ ինձ երկնառաք , եկից ընդ քեզ ուր եւ կամիցիս : Յայնժամ կոչեաց Վիրգինիա զՊօղոս , եւ աղաչեաց զնա գալ ընդ իւր , եւ Հնդկին առաջնորդէր նոցա ընդ անտառս եւ ընդ բարձ-

րաբերձ լերինս՝ ընդ որս բազում ճգամբ ի վեր մազլէին , եւ ընդ լայնածաւալ գետս՝ ընդ որս հեախ անցանէին , մինչեւ հասին ըզմիջաւուրս ի ստորտա լերին միոյ յեզր Սեաւ գետոյ , ուր էր տուն գեղեցկաչէն եւ ծառատունկ ընդարձակ , եւ ամբոխ գերեաց յազգի ազգի վաստակս պարագեալ : Տանուտէրն ի միջի անդ ծխելեաւն ի բերանի եւ եղէգն հնդկի յաջում ձեռին զգնայր , այր բարձրահասակ , վտիտ մարմնով եւ թխատիպ , խորակն եւ կցայօն , սեւաթոյր յօնիւք : Վիրգինիա զգողանի հարեալ եւ զձեռանէ կալեալ Պօղոս , մատեաւ առ այրն եւ աղաչէր զնա , վասն սիրոյն Աստուծոյ ներել գերեոյն՝ որ անդ փոքր մի ի բացէ կայր : Նորա յաղքատին զգետս մանկանցն վեր ի վերոյ ակնարկեալ , ոչինչ ի սկզբան անդ երեսս արար նոցա . այլ ի նկատել զչքնաղագեղ զէմս Վիրգինեայ , եւ զգեղձանիկ ընդ կապուտակ քօղովն անկեալ խոպոպիս , եւ ի լուր քաղցրաճախ բարբառոյ նորա՝ որ ընդ բոլոր անձինն գողգողէր , արկ զծխիչն ի բերանոյ , եւ ի վեր առեալ ըզցուպն եղեգնեայ , երզուաւ երզումն զարհուրելի , եւ ասէ . Ոչ ի սէր Աստուծոյ՝ այլ ի սէր քոյին ներեալ աղախնոյդ : Յայնժամ Վիրգինիա ակնարկեալ գերեոյն մատչել առ տէր իւր , խոյս ես ինքն ի բաց , եւ զհետ նորա Պօղ : Եւ դարձ արարեալ նոցա ընդ զառ ի վեր լերինս՝ ընդ որ իջեալն էին , իբրեւ ի կատար անդր հասին , վաստակարեկ նքթեալ եւ ծարաւի նստան ընդ ծառով , զի աւելի քան զհինգ փարսախ արարեալ էր նոցա յելից արեգական անսուազ : Յայնժամ Պօղ ասէ զՎիրգինիա Վաղ իսկ օրս ընդմիջեցաւ քոյր իմ , եւ դու քաղցեալ եւ ծարաւի ես , եւ չիք ինչ աստ ի ճաշակ . ե՛կ իջցուք անդրէն առ տէր գերեոյն , խնդրել ի նմանէ կերակուր : Պատասխանի ետ Վիրգինիա եւ ասէ . Ո՛հ մի՛ , եղբայր իմ , ահաբեկ արար զիս այրն այն . յիշեա զոր մայրիկն մեր ասէ . Որ ուտ զհաց անզգամին , լցցի բերան նորա կոպձով : Կըրկնեալ անդրէն պատանեակն ասէ . Եւ զի՛նչ գործիցեմք , պտուղք ծառոցս անպիտանք են ի կերակուր , չիք աստ դամոն , չիք կիտրոն առ ի զովացուցանել զպապակ քոյին : Եւ Վիրգինիա յաւել . Որ կերակրէն զճագս թռչնոց՝ որ կարդան առ նա՝ ոչ թողցէ զմեզ : Եւ զոյգ ընդ բանին լսելի եղեւ խոխոջ ջուրց գահավիթելոյ . եւ ընթացեալ անդր հարին զպատուք յակնակիտ ալեաց անտի , եւ որ զեզերք ջուրցն աճեցեալ էր ջրկոտեմն , քաղեալ եւ ճաշակեցին զայն : Այլ մինչդեռ հաստաաագոյն ինչ կերակրոյ ի խնդիր զաչս ամէին , ետես Վիրգինիա ի ծառս անտառին մատաղատունկ

ինչ հանգոյն արմաւենւոյ՝ որ ի մէջ սաղարթուց ի գագաթանն բերէ պտուղ կաղամբաձեւ ախորժ ի ճաշակ ։ Բայց բուն ծառոյն , ոչ ինչ ստուարագոյն քան զսրունս , այլ բարձր էր աւելի քան զվաթսուն ոտնաչափ ։ Եւ թէպէտ որակ փայտին յազննածեւ թելից յօրեալ , այլ կարծրամէջ եւ անտեղիտալի սայրստուր տապարաց ։ Իսկ Պօղ , ոչ ունելով ընդ իւր եւ ոչ դանակ , մտաբերեաց հուր հարկանել զծառոյն , այլ եւ այն դժուարին , զի ոչ գոյր նորա հրահան , եւ ոչ յապառաժուտ կղզւոջս կայծքար ուրեք է գտանել ։ Բայց հարկ ի հնարս գրդէ զհանճար , եւ յոլովք ի պիտանեւոյն զիւտից կարօտութեան են արգասիք ։ Խորհեցաւ նա ըստ օրինակի հնդկաց վառել հուր . եւ առեալ ընդ ոտիւք ոստ ծառոյ գօսացելոյ , ծակ ի նմա գործեաց սրածայր քարիւ , եւ սայրիւ նորին տաշեալ երիթ յայլասեռ ծառոյ , մխեաց զայն ի ծակ ոստոյն՝ որ ընդ ոտիւքն էր , եւ արագ արագ շրջշրջեալ զայն ընդ ափ՝ որպէս ոք որ զխառնիչ յեռալ չոքոլաթին պտուտկէ . եւ անա ծուխ ընդ ծակն ելանէր , եւ թօթափէին անտի կայծակուեք ։ Յայնժամ քաղեալ խոխ եւ կրկուտ ցամաք՝ ելոյց հուր զարմամբ ծառոյն , եւ անագին ճարճատմամբ կործան անկաւ արմաւենին՝ նովին հրով եւ պտուղ ծառոյն ի փշալից եւ ի սաղարթապատ ի կարծր պատենիցն կեղեւեալ , զկէս նորին կերան անեփ , եւ զմիւս կէսն մուրկ ընդ մոխրով , երկօքին եւս ախորժ ի ճաշակ . եւ առաւօտին բարերարութեանն իւրեանց յիշատակ յաւելոյր բերկրանս ի կերակրիկն ։ Բայց բերկրութիւն նոցա ազմկէր յածել զմտաւ զհոգս մարցն ընդ յամեցումն զարձի իւրեանց ի տուն , զոր վիրգինիս յեղյեղէր ստէպ , իսկ Պօղ զօրացեալ կերակրոյն , հանդարտէր զնա եւ ասէր . Հուպ ընդ հուպ հասեալ ի տուն , սփոփեցուք զնոսս ։

ՅԱՐԴԱՐՆ ԴԱՏԱՓԵՏԵԱԼ

Մախատե՛ր, նախնայ
 Գոփեյ, Գրու զբռնել ձեռնել
 Վայրկեան (ած.) վայրկեանս
 Պեղել, Գրել

Յնցուղ, ցուր, սրահ
 Պսկել, ծելէ ծաղիէ
 Պահպանակ, պահպանող գործէ
 Ստուեա՛ծ ածել, աշխատել

Ո՛վ արտասուաց անմեղութիւն արժանի ,
 Ըզքեզ ողբամ , սիրտ իմ ի քեզ գելանի .
 Դու ընդ երկնաւ հեծես միշտ
 Երբեք դու ոչ կեաս անվիշտ ։
 Քեզ մախասէր աշխարհ լարէ միշտ թակարդ ,
 Քեզ խորխորատ պեղէ անդուլ անհանգարտ .
 Ո՛հ , միշտ բարւոյն փոխարէն
 Ա՛յս կըշուեսցի ի բախտէն ։
 Դու ի նախնու՛մ հովուին անմեղ գառն եւ հեզ ,
 Եղբայրազրաւ ձեռին մատեար ողջակէզ ,
 Ի քեզ մահուն նախ ժանիք
 Լոյժ ըզմեղաց դատակնիք ։
 Սիրեցելոյ հօրն ի վաճառ անմեղին
 Գերի գնացեր նըժդեհակից ընդ նըմին .
 Նըմին ի խորն յայն ի գուբ
 Եւ ի բանտին եղեր հուպ ։
 Ընդ Յիսուսի դու բըռնամահ ի խաչին ,
 Անյիշաչար կափուցեր զաչըս քոյին .
 Ո՛հ , միթէ ո՞չ դու եւ ցարդ
 Դատափեախս տարապարտ ։
 Այլ զաչացու է , այլ անմիտ է նախանձ ,
 Առաջարկեալ ըզձիցն ի յելս անթափանց ,
 Վնասել կարծէ՛ այլ փառաց
 Յօրինէ քեզ յաւելուած ։
 Առանց փայլման է ձոյլ ոսկւոյն Սովփերայ ,
 Թէ ոչ ուռանց դոփեն բոմբիւնք ի վերայ .
 Այլ ի հարուած չարատանջ ,
 Սըփոէ նըշոյլ եւ ճաճանջ ։
 Թէ բըռնասցի աշխարհ ըզքեւ առ սուղ ինչ ,
 Մի կարծեսցէ ածել ստուերած քեզ անջինջ .
 Փարատեսցի այն ընդ փոյթ
 Դարձցիս անդրէն յերեւոյթ ։
 Այսպէս զերկնիւք տիրէ վայրկեան մառախուղ .
 Արփիական շողիցն ապա յորդ ցընցուղ
 Թափի յերկիր անարգել
 Ծառոց ծաղկանց ի պըտկել ։
 Է պահպանակ սըկար , եւ զիւր բեկանի

Ասպար լանջացըն ծանրաբեռն հովանի .

Դու թէ զմարդոյ ծածկես կուրծ ,

Զերծ ի չարեաց է հանուրց :

Ո՛վ երջանիկ սիրտ , ում դու կաս առննթեր .

Վնասապարտից մինչ ծրփին սիրտք ի յերեր ,

Խաղաղութիւն անդ անլոյծ

Ճեմի ընդ քեզ միալուծ :

Հ. Ե. Հիւրմիւզեան



ՊՕՂ ԵՒ ՎԻՐԳԻՆԻԱ ՄՈՂՈՐԻՆ ԸՆԴ ԱՆՏԱՌՆ

Երեխաբեան , երեւ իւրաւ անեցող
 Լպիրծ , անեցող
 Հարկիլ , արեւոտէ
 Յողկեմի , արեւոտէ Բայ (Բերեւոյտ)
 Տրեխ , (լուրէ)
 Նսեմաւ (մկ.) Դու արեւ

Ձեռ , արեւ
 Անուր , արեւ (Բայ)
 Երեմանի , երեւ իւրաւ անեցող
 Խանձող , Լուր Բայ
 Քախար , անլուրտէ Բարեգեւ
 Ի սիւ յիմել , Լուր Բայ ԸԼԼԼ

Եւ յարուցեալ ի ճաշոյն առ ի գնալ , վարանէին զի չէր ոք նոցա ուղեցոյց , այլ Պօղ , որ ոչն երբէք վնասէր , ասէ . Ի միջօրեայ արեւն կոյս հանդիպի հիւզս մեր , պարտ է մեզ անցանել ընդ լեռանդ երեքսարեան՝ ընդ որ իջաք յառաւօտուս . հա՛պա , ընթացողք , քոյր իմ : Այն էր լեռան Եռաստին , յերեցունց սարիցն ձեւոյ առեալ զանուանակոչութիւն : Եւ իջեալ ի լեռնէ անտի Սեաւ գետոյ ընդ հիւսիսակողմն , եւ ժամաւ չափ ուղեւորեալ , հասին յեզր լայնածաւալ հեղեղատի՝ որ հատանէր զանցս նոցա : Կողմն այն կղզւոյս , ընդարձակ եւ անտառախիտ՝ ցարդ իսկ անձանթ է , եւ յոլովից ի գետոց եւ ի լերանց նորա չիք իսկ անուն . իսկ հեղեղատն յոր հասին՝ խաղայ ընդ ժայռս յորձանահոս : Ի խոխոջ ալեաց նորա երկուցեալ Վիրգինեայ , չիչխէր հետեւակել ընդ հունն . յայնժամ Պօղայ ստանձնեալ զնա , անց բեռամբն հանդերձ ընդ լպիրծ ապառափս՝ աներկիւղ ի յորձանացն , եւ ասէր ցՎիրգինիա . Մի՛ երկնչիր,

հզօր եմ քեւ , եթէ չէր տանուտեառնն ներեալ աղախոյն , մենա մարտէի ընդ նմա : Եւ Վիրգինիա ասէ . Դո՛ւ ընդ հակային ընդ այն միկ չարի . տես յոր վտանգ ածի զքեզ . ո՛հ , քանի՛ դժուարին է բարերարել , չիք ինչ դիւրին քան զչար գործել : Եւ իրեւ հասին ի ցամաք , դեռ եւս պատանին բարձեալ բերէր զՎիրգինիա . եւ կամէր ընդ լեռանն իսկ Եռաստին , որ կէս փարսախաւ հեռի էր անտի , ելանել բեռամբն . այլ ոչ եւս յերկարեալ ի տոկ , հարկեցաւ զնել զնա յերկիր , եւ բազմեալ առ նմա հանգչէր : Յայնժամ ասէ ցնա Վիրգինիա . Օրս խոնարհի , եզրայր իմ , դու տակաւին յուժի կաս , այլ իմ սպառեաց զօրութիւն . թո՛ղ զիս աստ , եւ փութաւ դու ՚ի տուն՝ հանգուցանել զսիրտ ծնողացն մերոց : Պատասխանի ետ Պօղ եւ ասէ . Մի՛ լիցի ինձ այդ , ոչ թողից զքեզ . եթէ գիշեր ի վերայ հասցէ մեզ յանտառիս , լուցից հուր , հարից միւս եւս արմաւենի . զպտուղ նորա կերիցես , եւ սաղարթիւքն յօրինեցից քեզ տաղաւար : Էր անդ զգետեղերքն ծառ վաղեմի , եւ ի կոճեղ նորա աճեցեալ տերեւք երկայնք ցողկենուց . իրեւ փոքր մի զօրացաւ Վիրգինիա , քաղեալ ի տերեւոց անտի՝ արար իւր արեխս ոտիցն վիրաւորելոց ընդ քարուսս , զի առ հապճեպ փութոյ ի բարերարել՝ մոռացեալ էր աղանել կօշիկս : Եւ ի զովանալ ոտիցն ի տերեւոց անտի , ոգի առեալ եհատ ի հողիկ եղեղանց իւր ցուպ , եւ յուղի անկաւ՝ յեցեալ միով ձեռամբն ի Պօղ : Եւ միւսովն ի ցուպն եղեղանուց : Գնային հանդարտաքայլ յանտառին , բայց մայրիք բարձրաբերձք եւ սաղարթախիտք ծածկեցին յաչաղ նոցա զլեռանն Եռաստին՝ յոր դէմ եղեալ էր նոցա , եւ զարեգակն՝ որ ի մուսս խոնարհէր : Եւ ի գնալ փոքր միւս եւս յառաջ , մոլորեցան տակաւ յարահետ ճանապարհէն , եւ անկան ի բաւիղ անել անտառախիտ եւ ապառաժուտ : Յայնժամ նստոյց անդ Պօղ զՎիրգինիա , եւ ինքն խոռովեալ այսր անդր ընթանայր խնդրէր ելս ի մացառախիտ անտառէն , այլ ի զուր Ել նա ի կատար միոյ ի ծառոց բարձանց , դիտել տեսանել զլեռանն , բայց գաղաթուսս եւեթ մայրեաց տեսանէր չուրջանակի ի նշոյլս մտից արեւուն փայլեալ : Վաղ իսկ ստուերք լերանց ձգտեալ երկայնեալ՝ ծածկէին զանտառս ընդ հովիտս , եւ ի հողմախաղաղ հանդարտել երեկոյին՝ խոր լուրթիւն պատէր զվայրսն անմարդիս , ոչ այլ ինչ լսելի լեալ բայց բառաջ եղջերուաց ի հեռաստանէ դիմելոց ի դադարս իւրեանց : Խորհեցաւ Պօղ զի թերեւս ոք յորսորդաց լուրիցէ , եւ գօչեաց ուժգին . Եկայք հասէք յօգնութիւն Վիրգինեայ : Այլ արձագանգք եւեթ անտառին կրկնեալ եւ երեքլինեալ

զնոյն անդրէն ձայն տային «Վիրգինիա , Վիրգինիա» : Իջեալ ապա պատանւոյն 'ի ծառոյ անտի խոնջ եւ տխուր , խորհէր գիշերօթել առ տեղեաւն , այլ ոչ գոյր անդ , ոչ աղբւր , ոչ արմաւենի , եւ ոչ փայտ չոր ի հուր , եւ զփորձ առեալ զի ամենայն հնարիւքն եւ ճգամբ չէր իմիք ձեռնհաս , սկսաւ լալ : Յայնժամ Վիրգինիա ասէ . Մի' լար , եղբայր իմ , եթէ ոչ կամիս ընկձել ինձ ի վշտաց . ես իսկ եմ պատճառք տառապանաց քոց , եւ մարցն մերոց՝ որ հոգան արդ զմէնջ . անա չէ պարտ եւ բարերարել իսկ անհրաման ի ծնողաց . ո՛հ , զի անմտացայ յոյժ : Եւ զայս ասացեալ՝ սկսաւ եւ ինքն լալ . եւ ապա յաւել . Այլ եկ , Պօղ , յաղօթս կացցուք , զի ողորմեսցի մեզ Տէր : Եւ մինչդեռ զաղօթսն կատարէին , հաջել շան լսելի եղև , եւ ասէ Պօղ . Ասպակամուոյ է ձայնդ , թերեւս ոք յորսորդաց զիմէ նսեմաւ ի վերայ եղջերուաց : Եւ ի յաճախել կաղկանձելոյ շանն , ասէ Վիրգինիա . Հաջիւն շան մերոյ թուի ինձ այդ . այո՛ հաջիւն Հաւատարմին . ծանօթ է ինձ ձայն նորա , մօտ ուրեմն իցեմք 'ի հիւղ մեր եւ ի լեռնոտան մեր հասեալք : Վայրիկ մի , եւ անա եհաս չնիկն , եւ փարեալ զոտիւք նոցա՝ հաջէր կաղկանձէր եւ քծնէր : Եւ ի հիանալ նոցա ընդ այն , եւ անա տեսին զի զիմեալ գայր Դոմինիկ (սպասաւոր տանն) . որ իբրեւ եհաս առ նոսա արտասուելով այրն տիրասէր ի խնդութենէն , յարտասուս հարան եւ ինքեանք՝ կացեալք լուռ եւ անբարբառ : Եւ ապա Դոմինիկ ի հանդարտելն՝ ասէ . Տեսրք իմ պատանեկիկք , քանի՛ հոգս յաւելիք մարց ձերոց , ո՛րպէս տառապեցան նոքա 'ի չգտանելն զձեզ ի տան՝ ի դառնալ իւրեանց ընդ իս յեկեղեցոյ : Մարիամ յանկեան ուրեք պարապեալ 'ի գործ՝ անգիտանայր ո՛ւր երթեալն էիք : Այսր անդր ընթանայի , ոչ զիտելով յո՛ զիմել ի խնդիր . եւ ապա առեալ զցնցոտիս ձեր մատուցի ի հոտոտելիս շնկանն , եւ նորա իմացեալ գոգցես զմիտս իմ , սկսաւ իսկոյն հետազօտել զձեզ . եւ յուզի անկեալ , յար զձեան տատանելով , ամ զիս մինչեւ ի Սեաւ գետ : Անդ ոմն ի բնակչաց պատմեաց ինձ , զի զաղախին նորա փախստական առ նա ինքն դարձուցեալ է ձեր , եւ նորա ի շնորհս ձեր՝ ներեալ աղախնոյն . այլ ներումն որպիսի՛ . եցոյց ինձ զեղկելին ոտնակապեալ ի կոճեղս , եւ անուր երեքժամի ի պարանոցին : Անտի չնիկն , անդադար ի հետազօտելոյ , ամ զիս ի լեռնո՛ որ առ Սեաւ գետով , եւ զկայ առեալ անդ , հաջէր ուժգին առ միով յարմաւենեաց որ տապալեալ կայր , եւ ծխէին խանձողք առ նովաւ . ապա առաջնորդեաց ինձ այսր 'ի ստորոտ Եռաստին լերինս , ոչ ինչ հեռի ի բնակութենէս մերմէ քան

զչորս փարսախ : Եւ եղևալ առաջի նոցա քաքար եւ միրգս , եւ հաղաղակ լի օշարակաւ , զոր մարց նոցա պատրաստեալ էր , գինի շաքար կիտրոն եւ ընկոյզ հնդիկ ջրախառնեալ , կաղուրել զնոսա եւ զովացուցանել , ասէ . Կերա՛յք , արբէք , զօրացարու՛ք : Վիրգինիա ընդ յիշատակ հէք աղախնոյն եւ տառապանաց մարցն իւրեանց յոգուց եհան , եւ կրկնէր եւ երեքինէք . Ո՛հ , քանի՛ դժուարին է բարերարել : Եւ մինչդեռ նոքա ճաշակէին , հուր ելոյց Դոմինիկ , եւ խնդրեալ ի ժայռս անդ բեւեկն՝ որոյ դալար իսկ ոստք վառին բոցածաւալ , արար ջան ի լոյս , քանզի գիշեր էր : Այլ իբրեւ յուզի անկան , մեծ եւս տագնապ տարակուսի հասանէր նմա վասն ոչ եւս կարելոյ մանկանցն հետեւակել , զի ուռուցեալ էին ոտք նոցա եւ կարմրացեալ : Զի՞նչ առնել էր նմա . ելանել ի խնդիր օգնականութեան , թէ անդ ընդ նոսա կալ զգիշերն զայն . եւ ասէր . Ո՞ տայր ինձ զաւուրս՝ յորս ի միասին զձեզ ի գիրկս տանէի . այլ արդ դուք ի տիս եղևալ , եւ ես ձերացեալ եմ : Եւ մինչդեռ ի վարանան կայր , գունդ լեռնաբնակ հնդկաց անցանէր ի բացէ իբր քայլս քսան , եւ պարազուրիս նոցին մատուցեալ առ մանկունան ասէ . Աղնիւ սպիտակիկք , մի՛ երկնչիք , տեսաք մեք զձեզ յառաւօտուս մինչ անցանէիք ընդ կնոջ ումնն սեւագետացոյ՝ խնդրել նմա շնորհս ի ժանտ տեսանէն . եւ մեք արդ , փոխանակ բարերարութեանդ ձերոյ , բարձեալ տարցուք զձեզ ի տուն ձեր : Եւ յակնարկել նորա առ հնդիկսն , չորք ումնք ի կորովեաց կազմեցին զանաւորակ յոստոց ծառոց , եւ նստուցեալ ի վերայ զմանկունան՝ բարձին յուս իւրեանց . եւ Դոմինիկեայ ջան ի ձեռին առաջնորդեալ նոցա , զնային ի ձայն ցնծութեան՝ հնդկացն առ հասարակ կարգալով նոցա օրհնութիւնս : Յայնժամ Վիրգինիա փզկեալ սրտիւ ասէ ցՊօղ . Տեսանե՛ս եղբայր իմ , զի ոչ թողու Տէր անվարձ զգործս բարիս : Ի մէջ գիշերի հասին ի ստորոտ բնակութեան իւրեանց , ուր ի կատար լերինն խիտ առ խիտ վառէին խարոյկք . եւ ի զիմել նոցա ընդ զառ ի վերն , լուան զբարբառ մարցն իւրեանց՝ որ ասէին . Դո՛ւք էք , որդեակք մեր : Եւ ետուն հնդիւքն հանդերձ պատասխանի . Այո , մեք իսկ եմք : Եւ անա տեսին զնոսա եւ զՄարիամ (զաղախին տանն) զի ջանիւք ընդ առաջ գային . եւ տիկինն Լաղուր (մայրն Վիրգինեայ) ասէ . Որդեակք չարաբաստիկք , ուստի՞ գայք . ո՛հ , յորպիսի՛ տառապանս արկէք զմեզ : Պատասխանի ետ Վիրգինիա եւ ասէ . Ի Սեաւ գետոյ գամք . ընկալաք անդ ներումն աղախնոյ ումնն փախստէի ի տեսանէ իւրմէ . նմա եւ զնախաճաշիկ

մեր տուեալ էր առաւօտին , զի մեռանէր հէքն սովալլուկ . նմին
 իրի հնդիկք լեռնաբնակք բարձեալ բերին զմեզ : Յայնժամ տիկինն
 Նադուր գիրկս արկեալ դատերն , եւ չկարէր բարբառել , իսկ Վիր-
 գինիա ի թանալ մայրենի արտասուացն զգէմս իւր , ասէ . Փոխա-
 րինես դու ինձ , մայրիկ , զամենայն վիշտս իմ զոր կրեցի : Եւ Մար-
 գարիտ (մայրն Պօղայ) զմայլեալ խնդութեամբ , փարեալ զորդեկանս՝
 ասէր . Եւ դու , որդեակ իմ , առաքինացար եւ դու : Եւ հասեալ
 ի տուն որդուլքն հանդերձ , կտուն ճաշ հնդկացն . որք ասպա ի դառ-
 նալն իւրեանց՝ մաղթէին նոցա զամենայն յաջողութիւն :

Ի ՄՎՐՏՈՒԹԻՒՆ ԹՈՌՆԵԿԻՆ

ՀԱՒՆ ԱՌ ՄԱՆԿԻԿՆ

Դուժ , Բ-բ-բ-բ-
 Արուսեակ , էլի-ն-ր-է-ս-յ
 Երկն , ջն-ն-ր

Որդան կարմիր , (բերճել)
 Զասուկ , (հար)
 Սիմուհի , չե-ս-յէ ին

Շնորհաց Հողւոյն երկն ամբիծ ,
 Թոռնեակ քաղցրիկ , ասա ինձ ,
 Հի՛մ իբր յախտէ մահառիթ՝
 Ի զըզուանաց քո հաւիդ
 Շըրջես խոժոռ զգէմս ի բաց
 Ըզտարփալին հրեշտակաց :
 Զի՞ հեկեկես շընչասպառ .
 Յոգւոց հանես անդադար .
 Շողշողելով շըրջասփիռ
 Ըզթերաբաց բըբացդ հիւ :
 Ո՛հ , զի՛ է քեզ վըշտակիր
 Բնութեանն ազգման նախկին ձիր .
 Եւ նախընծայ հոգւոյդ շարժ
 Ընկճէ զմարմնոյդ ջիւս անվարժ :

Քեզ վերընկալ լինիմ արդ
 Յաւազանէն լուսազարդ ,
 Առնել զըստրիկ գեղանի
 Ըզքեզ հրեշտակ արփենի :
 Զի՞ զգա պըրկես , ո՞ դայեակ ,
 Իբր յանցաւոր անազգակ .
 Դէ՛պք յեղակարծ , ո՞ ապուշ ,
 Է՞ր ծակես զունկն ըզքընքուշ :
 Դու աւագիկ մայրդ անգութ ,
 Եւ կամ վարձկան դու ստընտուդ ,
 Զիցե՞ս արդեօք յոռեզոյն
 Քան զհոյլս Արաբ կանանւոյն ,
 Եւ քան ըզգուժ Սինուհին ,
 Որ ճընչէ զոտն որդեկին ,
 Կամ որ ի գրոշմ եւ ի տառ
 Ներկէ զնորին մորթ դալար :
 Ոչ խընդրէ քաղցր իմ թոռնեակ
 Օղ գեղափայլ եւ մանեակ .
 Են ծոց եւ ծնօաք իւր մատաղ
 Որդան կարմիր եւ չըքնաղ :
 Թերի այլ ինչ գեղոյդ չիք .
 Ո՞ հրաշագեղ իմ զըստրիկ .
 Քեզ գիրկս ածել սըրբազանն
 Ահա սպասէ աւազան :
 Եկ ի բազուկս իմ աղէ ,
 Դիմել քեզ այսր ի ճահ է :
 Եւ զի՞ է քեզ , երկընչի՞ս
 Թանալ ի ցուրտ ի յալիս ,
 Թերեւս ի քոյդ անձկութիւն
 Դոքա եւ ե՛ւս յաւելուն :
 Եւ զմաքրափայլ կըտաւիսդ
 Ընդէ՞ր քըրքրես անհանգիստ .
 Մի՛ զսուրբ խորհուրդն անպատիւ
 Առնես անսաստ քո ճըչիւ :
 Թէ յորրանա՞ց քեզ այժմէն
 Հեստել կրօնից կամք իցեն ,
 Եւ ընդ ըմբոստ ունել դաս

Արուսեկին աղախնայս :

Արդ աղէ լեր , լեր դու զգօն
Նախահօր քում լուր ինձ , օ՛ն .

Ընդէ՞ր փակես , աղէ բա՛ց
Ըզքոյին սեաւ բիբս աչաց :

Այլ , ո՛հ , անուր դու խրատուս
Ջատուկդ ի ճիչ յաւելուս .

Յորրանս ապա առ մայրիկդ
Ածեմ զքեզ աւալիկ :

Ի մայրենին անդ համբոյր
Եւ ի միակ զբզուռմն իւր ,

Լիցիս հըլու եւ խոնարհ ,
Ընկճեալ ըզքոյդ արհամարհ :

Շընչեալ գեփիւռ հեզասիք
Հանդարտեսցէ զքոյդ մըրրիկ .

Գարձայց յայնմամ անձկապէս
Գըզուել ի զիրկս իմ ըզքեզ :

ՀԵՐՈՆԻՄՈՍ ՈՐԹԻ

(Թարգմ. Հ. Ս. Հիւրմիւզ)

ՄՆՕՂՔ ՊՕՂԱՅ ԵՒ ՎԻՐԳԻՆԵԱՅ

Հանգրուան , հանգրուան
Չարխոս , (պարտէս քար) Խոր

Սեղն , ճեղք , ստ
Գարապղպեղ , (պահ պեղեղ)

Պասին , կեղե (արտեղ)

Ալիք , ճեղք-թեւ
Ապրասամ (բալասան) Բոյս

Լիան , Արեւիկան պարտուս Բոյս
Մայրածառ , ընդհանր

Ճայել , արտեղ Խոր

Յին , (շալաք)
Պեկկալ , Պեկկալի Բալասան
Միրանահալ , կարտիս Բալասան
Պապկայ , Բալասան
Լասանի , արտեղ Խոր
Նախնիր , արտեղ Խոր
Հաստայ , արտեղ Խոր
Մանկ , արտեղ Խոր
Անանաս , հարտեղ Խոր
Փսիաք , (Խոր)

Բայց քան զամենայն վայրս շրջապատիս սիրելի էր անուանեալն

Հանգրուան Վիրգինեայ : Ի ստորոտ ժայռին , որ կոչէրն դիտարան սիրոյ , է խոռոչ՝ ուստի աղբիւր բղխեալ յօրինէ ի մարգագետնի անդ աւազան : Ի ծնանել Պօղայ անկեաց մայր նոր քոքոյ մի հնդիկ յեզր աւազանին , զի որ անտի բուսեալն ծառ՝ ցուցցէ զախ որդեկին : Ըստ նմին օրինակի անկեաց անդ եւ Լազուր տիկին միւս այլ նուզին խորհրդով ի ծնանել Վիրգինեայ : Յերկոցունց մրգաց աստի բուսան քոքենիք կրկին ի դիւանագիր ազգաբանութեան երկոցունց տոհմիցն . մի ի ծառոց անտի կոչէր յանուն Պօղայ , իսկ միւսն Վիրգինեայ , եւ ըստ աճել տղայոց տերանցն իւրեանց՝ աճէին եւ նոքա խուն ինչ ընդհատք ի միմեանց բարձրութեամբ : Այլ յետ ամաց երկոտասանից կլին բարձրացան քան զհիւզս , եւ ուղէչք նոցա խառնեալ ընդ միմեանս՝ ողկոյղք քոքոյից երախայրիք զաւազանաւ աղբերն կախէին : Բաց ի ծառոց աստի չէր ինչ յաւելեալ ի ծոց անդր ժայռին , թողեալ զայն ինքնազարդ՝ որպէս էրն ի բնէ , ուր զխոնաւուս եւ թխատիպ կողիւքն փայլէին աստեղածեւ ձարխոտք լայնատերեւք կանաչ եւ սեւ , եւ ստեղունք ցողկենուոյ սաղարթաւորք կախեալ ընդ օդս հողմաչարժ ծածանէին հանգոյն ծիրաներփն կանաչագեղ նարօտից : Մերձ առ տեղեաւն աճէին կուսածաղիկք կարմրորակ՝ ոչ անմանք շահոգրամի , եւ դարապղպեղք որոց պատիճք արիւններանդ փայլեն քան զբուստ : Ի հոտ անոյչ բուրէր զվայրօքն սրտածեւ ի տերեւս ապրասամ , բուրէր ունան մեխակահոտ : Լիանք ի բարձուէ լերինն կերպասածեւ անկեալ ի կախ տատանէին , սրահակս դալարագեղ զկողիւք ժայռիցն ծայրածառալս յօրինելով : Հաւք ծովայինք ի խաղաղաւէտ վայրաց հրաւիրեալք , գային այսր երկոթեւ , եւ էր տեսանել ընդ երեկս ճախր առեալ զծովափամբք զճայեկն եւ զարտուս , զբարձրաթոփչ ցին սեւափետուր : եւ զհաւն սպիտակ յեղյեղակային , որք ընդ օրակշիռ աստեղն յանապատաց հնդիկն Ովկիանու խոյս տուեալ գային : Սիրելի էր Վիրգինեայ հանգչել անդ առ աղբերքն , որ վայրենի զարդուքն չքեղազարդէր : Անդր ընդ հովանեաւ քոքենեացն գնայր յաճախ լուսնալ զկտաւիս իւրեանցս եւ մերթ եւս զայժերամակն աճէր արածել անդ . եւ ի գործել ՚ի կաթանէ նոցին պանիր՝ զբօսնոյր ի զնին ճարակելոյ նոցա զճարխոտ , զի վերամբարձք ընդ օդս կային զսեպացեալ կողիւք ժայռին , յեցեալք ի մի ի քուոց նորին իբր ի խարսխի : Տեսեալ պատանուոյն զի հաճոյ էր վայրն այն Վիրգինեայ , աժ անդր հոյս ազգի ազգի թըռչնոց ի շրջակայ անտառաց , եւ հարք եւ մարք նոցա զհետ ձագուցն եկեալ , գաղթական նոր անդ բնակեցին : Վիրգինիա ջամբէր նոցա

երբեք երբեք որիզ եւ կորեակ եւ եգիպտահատ , եւ ընդ երեւել նորա անդ՝ սարեակք ի սոյլ , պենկալք ի դայլայլիկս , եւ ծիրանահաւք հրանչոյլ փետրովք ելեալ ի մացառաց , պապկայք կանաչագեղք ի գոյն զմրխտոյ՝ իջեալ շուրջ ի լատանեաց , եւ կաքաւք ընդոստք ի ներքուստ դալարեաց , խառն ի խուռն ի միասին հանգոյն վառեկաց առ ոտս նորա դիմէին : Իսկ ինքն ընդ Պօղայ հրճուէր 'ի գնին խաղուց նոցա եւ ճարակելոյ՝ եւ սիրատարի համբուրից :

Այսպէս դուք , որդեակք սիրելիք , յանմեղութեան սկզբնաբոյս տիս ձեր անցուցիք ի բարերարել : Քանիցս ձեզ աստ գիրկս արկեալ մարք ձեր օրհնէին զՏէր , որ ի սփոփանս ալեաց իւրեանց զձեզ պատրաստէր , եւ բարենշան դայգ կենաց ձերոց սնորինէր : Քանիցս աստանօր ընդ քուովք վիմացս եղէ հացակից ընդ նոսին եւ ընդ ձեզ յանպաճոյճդ ճաշ , ուր չէին երբէք նախճիրք կենդանեաց : Անդ տաշտ կաթնալից , ձու այն ինչ ածեալ , հաստեայք բրնձիք արկեալ ի տերեւս ոստոց պանանեաց , եւ սակառի լի ի գետնախնձոր ի մանկ ի նարինջ ի նուռն ի պանան յարմաւ յանանաս մատուցանէին ճաշ առողջարար՝ հաճոյ ի տեսիլ եւ ախորժանամ :

Հանգոյն կոչնոցն էին եւ զրոյցք նոցա քաղցունք եւ ամբիծք . զառօրեայ եւ զվաղորդայն վաստակոց սովոր էր Պօղ խօսել , ի պիտոյս ընտանեացն խորհելով հանապազ . ուրեք հեշտաքայլ յարդարել զուղիս , աչուր զբազմոցս ճանաւորել , ուր չէր բաւական ծառոց հովանի , եւ յորում տեղուջ մարթ էր վիրգիներիայ լաւ եւս հանգչել : Յանձրեւային եղանակս կային ի միասին զօրն ի բուն 'ի տան տեարք եւ ծառայք պարսպեալք ի հիւսել փսիաթ ի սիզոյ եւ սակառիս ի հնդիկ եղեգանց : Էր անդ տեսանել կարգաւ առ որմովք բանս եւ բրիչ , կային եւ մանգալ , եւ առ կանս մշակութեան զարգասիս նոցին զարգիւնս երկրի , պարկս բրնձոյ , որայս ցորենոյ եւ լիպպուղ ոստս պանանեաց , ընդ առատութեան եւ զեղեցկաչար : Իսկ վիրգիներա , ուսեալ ի մօրէն եւ ի Մարգարտայ առնէր օշարակ եւ այլ ըմպելիս հիւթով կիտրոնի եւ շաքարաբուղիս եղեգան խառնեալ :

Գիշերոյ ի վերայ հասեալ , բազմէին յընթրիս ի լոյս ճրագի , եւ մի ի տիկնայց պատմէր անցս ինչ զուղեւորաց մոլորելոց ի գիշերի յաւազակուտ անտառս Եւրոպայ , կամ զնաւաց խորտակելոց՝ վարեալ ի մորկէ ի քարամայոս անբնակ կղզեաց : Եւ ի լուր արկածիցն յուզէին գութք մանկանցն դիւրաբարովք , եւ խնդրէին յերկնից շնորհել ինքեանց զէպս ասպնջականելոյ զոք յայնպիսեաց : Եւ ա-

պա մեկնեալ գնային երկաքանչիւր ընտանիքն հանգչել ի հիւղս իւրեանց , ըզճիւք տեսանելոյ դարձեալ զմիմեանս ի վաղորդայն : Էր զի շառաչիւն ուղիսից անձրեւաց՝ որ անկանէին ի յարկս նոցա , եւ էր զի դարձեալ մրմալ ալեաց բեկելոց զափամբք հասեալ առ նոսա 'ի թեւս հողմոյ՝ լինէին նոցա հրաւիրակք ի քուն , եւ զհեռաւոր վտանգս այլոց ածեալ զմտաւ , եւս առաւել վասն անձանց իւրեանց ապահովութեան օրհնէին զՏէր :

ՄԱՅՐ ԵՒ ԴՍՏՐԻԿ

Արեգդէմ, արեւելեան արեւ եղող
Մարմանդ, ընդդէմ արեւ (օլա)
Զառամ, ծեր, հինցած
Դարաւանդ, զարեւելայր արեւ

խաղապսիլ, քաղաք
Ոստանց, արեւելեան քաղաք
Հիւսնել, շինել
Ակնարկիլ, նայումք

Մերձ յարեգդէմն յայն ի մարմանդ ,
Ուր ըզդրախտին աւանդեն վայր ,
Բազմազուարճ էր դարեւանդ .

Եւ ի ստորոտ նորին խըրճիթ
Հիւսնեալ նոճիւք էր վաղեմի ,
Զոր շուրջ թանայր վրտակ վրճիտ :

Արտասուլաթոր ուռեաց կողերք
Մինչ ի յալիս անդ վայրահակ՝
Յօրինէին լուր եղերերդ :
Ըզհովուական անդ երջանիկ
Կէին կենցաղ ի միասին
Որք եւ այրի՝ մայր եւ դատրիկ .

Ի խանդակաթ միմեանց ի սէր
Էր սփոփումս երկաքանչիւր ,
Դըստերն ի մօր , մօրն ի զըստեր :

Յաճախ զերկայն գիշերն ի բուն
Դըստրիկն ի լուր եւ ի հարցուած
Առաւօտէր ընդ մօրն անքուն :

ԴՈՒՍՏՐՆ

Ասա ինձ , մայր իմ սիրելի ,
Յառաջագոյն մինչ ես ծընայ
Եւ ի յորրանս յորժամ էի ,
Մէր անդաստանս այս էր կալուած՝
Որ ըզբըրաւս ընդարձակի ,
Թէ բախտն յետոյ այսր ըզմեզ ած :

ՄԱՅՐՆ

Վաղ հայրենին մեր աստ էր հիւզ ,
Եւ աստանօր ընդ հոյս եղբարց
Սընայ ի մեզր ես եւ ի յիւզ .
Այլ յորժամ հարսն եղէ քում հօր ,
Այլուր եղին մեզ անդաստանք ,
Որ ոչ աստի էր հեռաւօր :
Չարտեւանուենս ապա զնորին ,
Ո՛վ յիշատակ դառնակըսկիծ ,
Մինչ կափուցի արտասուագին ,
Դըստրիկ իմ , այսր արարաք դարձ .
Այսր եւ դաճիւն նորին ածաք ,
Հանգուցանել ի շիրիմս հարց :
Յորմէ հետէ զնա աշխարհմ ,
Ամք են տասնեակ , ծածկէ զշիրիմն
Նօրա զառամ բաղեղն ըզվէմ :
Վիշտք ըզվըչտաց հասին ըզհեա ,
Որպէս այիք մըզեն զալիս
Կոծեալ ի ծով մըրըրկաւէտ :

ԴՈՒՍՏՐՆ

Էր ինձ , գիտեմ , եղբայր մանկիկ՝
Քեզ սիրելի հաւասար ինձ՝
Չոր կորուսի վաղամեռիկ .
Այլ արդեօք նա՞ էր միայնակ

Ինձ հարազատ սիրակըցորդ ,
Թէ քեզ եւ այլ գոյին որդեակք :

ՄԱՅՐՆ

Ո՛հ , մի՛ դու զսիրտ իմ կարեվէր ,
Դըստրիկ իմ , մի ազիտողորմ
Դարձեալ հարցմամբդ այդ կեղեքեր . . . :

ԴՈՒՍՏՐՆ

Ձի՞ լաս , մայրիկ իմ , դու զի՞ լաս .
Մի եւս լըռեր , սիրտ իմ ճըմլի
Ընդ լըռութիւն քո ընդ անհաս :
Եւ ընդէ՞ր աչք քո կողկողին
Ի համր ի կոճըղ ձիթենույդ .
Ասա ինձ , մայր , ըզվիշտ քոյին :

ՄԱՅՐՆ

Ձիք ի յէից համր եւ անխօս
Առ սիրտ թախծեալ . դուստր իմ եւ գետք
Թըւին նըմա արասուրահոս :
Ինձ ամայի եւ անբընակ
Յամաց հետէ թըւին ի սպառ
Շէնս այս եւ վայրք առ հասարակ :
Մինչ աստ երբեմն ես ճեմէի ,
Մանկունք զինեւ չուրջ պարէին
Խաղապատեալ յիս մի առ մի .
Եւ մայրակոչք ինձ լինէին ,
Խանդաղատեալ զունկն իմ ի լուր ,
Որպէս բարբառ շըրթանց քոյին :

ԴՈՒՍՏՐՆ

Ուրեմն եւ այլք ինձ հարազատ
Քորք սիրուհիք եւ այլ եղբարք
Էին , աւա՛ղ , միոյն ի գատ :

ՄԱՅՐՆ

Արդ միայնակ դու ինձ մնացեր ,
Եւ ոստաքանց եղէ ես ծառ ,

Թողեալ յերկրի յողբ եւ յեղեր :
 Եւ լռեցին երկաքանչիւր .
 Այլ ակնարկիք նոցին յիրեարս
 Կողկողագինք ոչ կային լուռ .
 Աղիողորմ նոցայն էր սուգ ,
 Զանկարեկիր գելուին սիրտ
 Աչաց նոցին յորդ արտասուք :

Հ. Ս. Հիւրմիւզեան

ՄՐՐԻԿ Ի ԿՂԶԻՈՋՆ ԳԱՂՂԻՈՅ

ԿԵՐՈ ի գագաթան կալ, չեփեբաւ քիտան
 Գեղ դալար, առջջարբ Խոր [Կրայ Կեան
 Սղոխ, Լան, Լիբ
 Շառագոյն, Բայ Կարբ Գանու
 Ծիւր, Լեւան, Կարեւան
 Եմակ, Զմե, Լուր Կեւ
 Մղձկուս, Խորան

Ի կողմն լինել, Ենդեւ (Եւ Գու)
 Ի լուսնակի, Լուսն Եւ Կարբ
 Թողանալ, Բանու, Կարբ Եւ
 Սերկեան, Կարբ Եւ
 Վարսել, Գեորեւ Կեւ, Խեւել
 Աղամող, Լիբ, Խոր Եւ
 Լիւ արկանել, Կարբ Եւ Կեւ

Ամառն սոթակէզ , որ երբեք երբեք տոչորէ զմիջասահմանս երկուց յեղյեղակաց , եհաս եւ այսր հրդեհել զերկիր : Ի վերջկոյս զեկտեմբերի , յորժամ արեգակն հասեալ յայժեղջիւր՝ կշիռ զգագաթամբ կայ Կղզուոյ Գաղղիոյ՝ հրակիզելով զսա եօթնեակս երիս , զաղարեաց ի սպառ հողմն հարաւոյ՝ որ զամն ողջոյն չնչէ աստանօր . եւ ամպրոպք փոշուոյ երկայն ընդ ուղիս ի վեր մրրկեալ՝ ընդ օդս կային . ամենայն ուրեք հերձոտէր երկիր , այրէր դեղ դալար . Ի կողից լերանց սղոխք ջերձերմք վերածխէին , եւ ուղիք ի նոսա գրեթէ ի սպառ էին ցամաքեալ : Ոչ եւս ընդ ծով ամպ ինչ երեւէր , բայց միայն ի առեւ շողի շառագոյն անդ ի դաշտորայս ի վեր գիզացեալ , եւ ընդ արեւմուտս որպէս հրդեհաց բոցք երեւէին , եւ զիշեր ինքնին ոչ մեղմէր զտապ սոթակէզ օդոց : Գունդ լուսնի հրակերպ եւ ստուարացեալ ընդ մառախլապատ ծիրն երկնից յառ-

նէր : Խաչինք զգետնեալք յեմակս բլրոց , եւ զպարանոց ընդ երկին ձգտեալ առ ի ծուծ օդոց , ի տխուր բառաչ լնուին զձորս , եւ կափրաստանիկն հովիւ նոցին ընկողմնեալ յերկիր խնդրէր զովանալ , բայց երկիր եռայր ամենայն ուրեք , եւ մղձկուտ այերք հնչէին յաղօտ բզզանս ձճեաց , որ զժարաւ իւրեանց խնդրէին բուժել յարենէ մարդկան եւ չորքոտանեաց :

Ի մի ի հրատապ գիշերաց անտի առաւելագոյն նեղեալ Վիրգինեայ , մերթ յառնէր ի նիստ , մերթ դարձեալ անդրէն ի կողմն լինէր , ոչ իւրք գտեալ ոչ քուն ոչ հանգիստ : Ել ապա յաղբիւր իւր ի լուսնակի . եւ տեսեալ զի ջուր յերաշտի իսկ անդ հոսէր արծաթափայլ ի թխատեսիլ կողաց ժայռին , եմուտ յաւազան անդր արհնածիր ի ինկաւէտ բուսոց . եւ կենդանացան անդէն ոգիք իւր , եւ բիւր յիշատակք ախորժք զարթեան ի միտս նորա : Նշմարէր յալիս անդ անկեալ զստուերս երկուց քոքեհեացն համատիոց իւրեանց , որոց ուղէչք կանաչագեղք եւ երախայրիք ի համբոյր եկեալ խառնէին յիրեարս զգլխով իւրով . եւ մտախոհ ի սէր Պօղայ՝ որ քան զանուշահոտ բուրմուռնս խնկոց քաղցրագոյն էր նմա , սուրբ քան զաղբերաց ալիս , եւ հզօր քան զարմաւենիս գրկախառնեալս , յոգուոց եհան . խորհէր ի գիշերն , ի միայնութիւն իւր , եւ հուր ի ներքուտ տոչորէր զնա : Յայնժամ զարհուրեալ ի վտանգաւոր հովանեաց անտի եւ ի ջուրոց՝ որ քան զարեգակն այրեցականի գօտուոյն կիզանողագոյնք էին , ել ի բաց ոստեաւ , գիմեաց առ մայր իւր՝ փախստեալ յանձնէ : Եւ բազում անգամ կամեցեալ յայտնել նմա զվիշտ իւր . եւ ուժգին զճեռանէ նորա կալեալ , այն ինչ զՊօղայ կամէր տալ զանուն՝ սիրտ իւր գելանէր , թողանայր լեզուն . եւ զերեսս իւր ի գիրկս մօրն հանգուցեալ՝ արտասուէր եւեթ : Իսկ տիկինն Լադուր , թէպէտ գուշակէր զպատճառս անձկութեան զբուտերն իւրոյ , այլ չիշխէր ինքնին խօսել զայնմանէ , խրատէր միայն զնա , եւ ասէր . Տեսան Աստուծոյ , զստրիկ իմ , զքեզ յանձն արա . նորա է շնորհել զառողջութիւն եւ զկեանս . փորձէ նա զքեզ ի սերկեան , առ ի վարձատրել զքեզ ի վաղիւ . յուշ լիցի քեզ զի յայս իսկ եկեալ եմք յաշխարհ , առ ի գործել զառաքինութիւն :

Բայց ի սօթոյն սաստկութենէ գոլորչի բազում յովկիական ալեաց ամբարձեալ , սաւառնէին զկղզեաւս որպէս հովանի լայնատարած եւ ի կատարս լերանց ժողովեալ , շանթք ակօսաձեւ ի միգապատ ծայրից անտի երբեք երբեք հատանէին : Ընդ հուպ եւ որոտընդոտ անագին ճայթմուռք ընդ մայրիս անտառաց ընդ դաշտ եւ

ընդ ձոր գոռմամբ հնչէին , եւ անկանէին յերկնից տարափք հեղեղասաստք , եւ ուղիք փրփրադէզք ի կողաց աստի լերինս գահավիժէին : Խորածոր հովտիս ծովացեալ ի ջուրց , սարահարթ բլրոյդ՝ յորում հիւղքդ կան՝ երեւէր կղզեակ ի ծովամիջի , եւ սահանաբացք ի մուտս հովտիդ , ընդ որ խառն ի խուռն արտաքս հոսէին ընդ ալեաց գոչիւն ժայռք կոծեղք եւ հող :

Ահիւ եւ դողութեամբ յաղօթս կային ամենեքեան առ լազուր տիկնոջ . յարկ նորա ի բռնութենէ հողմոց ճարձատէր զարհուրելի , եւ թէպէտ դրունք եւ պատուհանք ամրափակեալ , սակայն ի խիտ առ խիտ փայլատակմանց ընդ ծերպս՝ ակներեւ ամենայն ինչ՝ ՚ի ներքս անդ երեւէր : Իսկ Պօղ աներկիւղ , առեալ ընդ իւր զԴոմինիկ , ի զայրազին մրրկի անդ գնայր հիւղ ի հիւղէ . ուրեք նեցուկ ընդ որմ հաստատէր , այլուր ցից վարսէր , եւ առ ի քաջալերել եւեթ զիւրան ի յոյս հանդարտելոյ հուպ ընդ հուպ օդոց՝ դառնայր առ նոսա : Եւ արդարեւ ընդ երեկս դադարեցին անձրեւք , դարձաւ հողմն հարաւոյ , եւ ընդ արեւմուտս հիւսիսոյ վարեալ ամպոց՝ ծագեաց արեւ մերձ ի մուտս իւր :

Վիրգինեայ կամեցեալ ի հանգրուան իւր նախ այց առնել , մատեալ առ նա Պօղ կասկածագին՝ աջ տալ նմա ի գնացս . եւ նորա ընկալեալ զուարթագին զաջ պատանուոյն , ելին երկոքեան ի միասին ի տանէ : Զով էին օդք եւ պարզ , ամպք սպիտակք վերանային ի գազաթանէ լերինդ , ուր ուղխիցն դադարելոց փրփուրք աղամոզք աստ անդ երեւէին : Իսկ պարտէզն եղծեալ իսպառ յահագին հեղեղաց , յուղք ի պողաքեր ծառոց խլեալ արմատաքի , եւ աւազակոյտք ծածկէին շուրջանակի զարօտս , լիր արկեալ եւ յաւազան անդր : Բայց քօքենիքն երկոքին կային դալարագեղք , ոչ արօտք զնոքօք , ոչ հովանիք , ոչ թռչունք . պենկալք եւեթ ոմանք ի ծայրս չրջակայ ժայռից զկորուստ ձագուցն եղերերդէին :



ԿԵՆՑԱՂ ՄՇԱԿԱՑ

Շուք, վայելու-թեան
Հասկաքուռ, հասկաքուռ ի
Ոն, ցորենին ցողունը
Վականակ, հասկանց (ցորեն)
կամն, (հասկան)
կասուլ, ճշմէ
Առուամէջի, զբռնոյ
Յօսոց, ցորենիւն՝ ճիւղերէն՝ գործի
Ած, (փորձ, փէլէ)
Յակիմք, կայրոյ արեւ (ե-գործ)
Երկնց, եգ հորթ
Խազմուզ, նոր փէն (նոր)

Կկոց, (գետե)
Բաւղակածեւ, բարեղե նման
Խաժ, կայրոյ
Տարիկ, արեւի ղ ընդան (արեւ)
Երախան, բարեղե-թեան, ժողով
Խեչ, նեցուկ
Կայթս հարկանել, պարեւ, ցորեն
Դարձաղարձ, ղիւր ցորեն
Ստրի, այն փայտը՝ որուն ղայ գործանա-
լէտու իւր փայտեան
Որոնել, փորտել
Սեպ, արեւոյ փայտ (նոր)

Չեւ դառնաշունչ աշնայնոյն բուք
Ըզպտղարեր ծառաստանաց
Կապտեալ ի բաց վարսագեղ շուք ,
Չրգեալ հուժկու ի յերկնջոց
Տաժանաւոր ակօս ի խոր ,
Հաւատարիմ երկրին ի ծոց
Ըզսերմն ատոք տային յաւանդ ,
Ըզհանդերձեալ ամին պարէն
Հընձոցն ի յոյս ամբարեալ անդ :
Նախ պարարէր ըզնա անձրեւ ,
Եւ զիչերոյ եղեամբն ցուրտ
Հալեալ ի տուէ ի ջերմն արեւ .
Ապա սպիտակ ձրմեան ի ձիւն
Վերանրստեալ ի յարտորայն ,
Պատրաստէր զայն բիւրարեղուն :
Իսկ ա՛յլ երկիրն , յորժամ զեփիւռ
Կակղէր զկոշտ ի գարնայնի ,
Արօրաղիր յայնժամ առնիւր :
Հեծէր արջառն արօրաձիգ ,
Յըզկեալ փայլէր խօփն ի յակօս ,
Աւանդէին անդ սերմանիք :

Ապա ցորեանն ի հասկաթուռ
 Կանգնէր ի յոճ դալարագեղ ,
 Եւ հասն ի հիւթ կաթին ուռնոյր :
 Մինչ յոսկեփունջ ապա ի հունձ
 Ծածկեալ երկիրըն ծածանէր՝
 Ցայտեալ արփուոյն ցոլք ըզնոցունց ,
 Արկեալ մանկտին զայն ի մանգաղ ,
 Շեղջէր հանդէպ միջօրէի
 Զորայն ի գիրկ կապեալ չըքնաղ :
 Ի վայր ապա ի յընդարձակ
 Սըփռեալ ըզչեղջըս բարդ ի բարդ ,
 Կասոյր ըզհասկըն վականակ :
 Եւ մինչ ըզկամն ի կալորայն
 Ի դարձադարձ բազմահոյով
 Առոյգ ի շուրջ ածէր ձիան ,
 Ճորնչէր անիւն ի գալն ի գիլ ,
 Պարէր տղայոց հոյլ ի սայլին ,
 Հասկահասուն ի ձեռին ծիլ :
 Զողաբարձիկ շուրջ այգեստանք
 Զարտորէիւք եւ յառուամէջս
 Կանաչագեղ գործէին ցանկ .
 Եւ մշակին ի թեք յօտոց
 Հատեալ նուաճէր այգեստանւոյն
 Բազմաչըռայլ աճումն ուռոց :
 Աստ ըզճապուկ ուռն ընդ երկրաւ
 Թաղէր մշակն , եւ խիտ առ խիտ
 Տընկագործէր ածս ընտրանաւ .
 Անդ զմատաղ որթս ի կընձնիս
 Ի սկզբնաբոյս տիոցն հիւսեալ ,
 Յենոյր ի խէչս անդ յերկճըզիս .
 Եւ յամբառնալ կնձնւոյն ի վեր ,
 Յեցեալն ի նմա որթ ընդ նըմին
 Սողէր ի ծայր անդր հասանէր :
 Ապա ի բլուրս անդ արեգջեր
 Եւ ի մարմանդս այգեստանեայս
 Մինչ յակընթեայ ողկոյզն եփէր ,
 Մըչակք ի կութս ի հընձանին ,

Պըսակաւորք յուռոց՝ ըզկայթ
 Կարմիր ոտիւքն հարկանէին :
 Հընչէր երգոց հովիտն ի ձայն ,
 Եւ արձագանդք շուրջ ի լերանց
 Փոխանակաւ կրկնէին զայն :
 Փըրփրէր խազմուզն ի սըրուակին ,
 Ի ծաղկահամ ի յօշարակ
 Լըցեալ թակոյկքըն զեղուին :
 Բայց յարտորէս անդ մինչ մըչակք
 Եւ աստ հովիւք ի դալարիս
 Պարապէին յիւրեանց վաստակ ,
 Հարսուէքն ի վրանս անդ նոցին ժիրք ,
 Իբր ընդ իրեարս քորք սիրուհիք ,
 Կային զբաղեալ յերկս անձանձիրք :
 Ճարտար սանտերը ոմն ընդ առէջ
 Նուրբ կըտաւոյն , առ ստորեաւ
 Բազմեալ , գործէր յար ելեւէջ :
 Զերկայն վաստակն ի նուագս երգոց
 Միւսն ըսփոփէր մեզմ ի մըրմունջ ,
 Զիւրն յերթեակ արկեալ կըկոց :
 Այլ ոմն ըզգառն արկեալ ի յեփ ,
 Բոց ի ներքոյ արծարծանէր ,
 Շերտս ի մայրւոյ հերձեալ ի սեպ :
 Ի յորձնեռանդ սանին յալեաց
 Առնոյր այլ ոմն տերեւովք
 Ըզճենձերոտ փրփուրն ի բաց :
 Այլ ոք յալեաց լըճին ի ճաշ
 Բաւղակաձեւ ցանցիւք վարմէր
 Ըզկարմրախայտ ձուկն եւ ըզխաթ :
 Կէսք միրգս յոստոց քաղէին թարմ .
 Այլ ոք կաքաւս առ ի խորտիկ
 Յիւր ի լարեալն որոնէր վարմ ,
 Եւ ըզգըտեալն ի նմա որտիկ
 Այլք ի դաւար շամփրեալ յուղէջ՝
 Ճենձերէին ի բոց յուղիկ :
 Շուրջ ըզջրարբի արմամբ ուռեաց
 Հանդերձէր ճաշն , ուր հովանի

Նոցին սրիռէր լայնատարած :

Կարկաչանոս ընդ զառ ի վայր

Երլրոյն վըտակ ականակիա

Ընդ վէմս ողորկս իջանէր գայր :

Թըռչունք ի թուփս անդ երգեցիկք ,

Եւ մացառուս ի յանտառին

Ճըճուէր ճընճղուկըն ծիծեռնիկ :

Հընչէր տատրակ քաղցր ի մընչիւն ,

Ձայնէր տորգիկն անդ ի կընճնիս ,

Ճըռնչէր ճըպուռն անխոնջ յերգոյն :

Շուրջ ընդ ոտիւք նոցա ի գլոր

Գնային անկեայ ընդ դալարիս


Ծիրան եւ դեղձ տանձ եւ շըլոր :

Անդ ամենայն ինչ զախորժակ

Երախանին արծարծանէր

Յորդորագոյն առ ի ճաչակ :

Հ. Ծ. Հիւրմուկեան



ԲԱՆՔ ԶՈՒՂԵՒՈՐՈՒԹԵՆԷ ՎԻՐԳԻՆԵԱՅ

Առ վայր մի, +էւ՛ւն արեւ
Ածել ի նկար, Կեր-տէրեւ, քծեւ
Աղօսաչափ, աղբ Լոյս անեցող

Գրգալ, Գորգորու (Բ-Նոյ)
Մանամալ, Գեւեւ
Յեղյեղակի, արեւորոր

Մինչ այս մինչ այն՝ եղեւ ժամ ընթրեաց , եւ նստան ի սեղան . այլ իւրաքանչիւր ոք յայլ եւ այլ կրից յուզեալ , սակաւ ինչ ճաչակեցին լուռ եւ անբարբառ : Վիրգինիա կանխեալ եթող զսեղանն , զհետ նորա յարեաւ եւ Պօղ , եւ անցեալ առ նմա բազմեցաւ , եւ լուռ եւեթ կային առ վայր մի երկաքանչիւր : Այն գիշեր մի յայնցանէ էր , որ ընդ կրկին յեղյեղակս սովորակի պատահեն , զուարճալի յոյժ՝ զորոյ չէ մարթ ձեռին ճարտարի ածել զգեղ ի նկար : Ի բարձունս երկնից կայր լուսին սքօղեալ ամպովք՝ որ տակաւ ի ճառա-

դայթից նորա փարատէին , եւ զաղօտալան լոյս իւր ծագէր ընդ լեւրինս՝ որոց սարք դալարագեղք փայլէին արծաթազօծք : Լռէին հողմք , եւ ընդ անտառս եւ ընդ ծործորս եւ ընդ կատարս ժայռից լսելի լինէին ճռուողել ձագուց եւ քաղցր մրմունջ գրգալոյ թռչնոց ի բոյնս իւրեանց , զուարճացելոց ի հողմախաղաղ պայծառ գիշերոյն . եւ բնաւ իսկ շունչ , մինչեւ ի ճճին , բզդայր խլրտեալ անդ ընդ դալարեօք : Աստեղք ի կամարն երկնից շողշողեալ՝ ճառագայթարձակք ի ծուփս ծովուն , եւ պատկերք նոցին գողգողք ի յալեաց անդրէն ցոլային :

Յայնժամ Վիրգինիա զաչս շուրջ ածեալ ընդ լայն եւ ընդ նսեմ ոլորտս ծովուն՝ որ շառագոյն հրատիւք ձկնորսացն որոշէր յափանց կղզւոյն , ետես ի մուտս անդ նաւանանգստին լոյս ստուերախառն . եւ այն էր լապտեր եւ ողնափայտ նաւուն՝ որ հանդերձեալն էր ածել զնա յԵւրոպա , կազմ եւ պատրաստ ի շնչել հողմոյ՝ խարխիս ի վեր առնուլ , պարզել զառագաստս : Խռովեցաւ օրիորդն , եւ դարձոյց զաչս իւր ի բաց , թագուցանել զարտասուս իւր ի պատանուոյն Փոքր մի ի բացէ բազմէաք եւ մեք անդ ընդ պանանեօք , սիկնայքն երկոքին եւ ես . եւ ի լուռթեան գիշերոյ լսէաք զխօսս նոցա , զորս յիշեմ անմոռաց : Սկսաւ ասել Պօղ . Լսեմ օրիորդիկ , զի յերկր աւուր մեկնիս ի մէնջ՝ գնալ զիմագրաւ վտանգաց ծովու , յորմէ զարհուրիսդ : Օրիորդն ասէ . Պարտ է ինձ հնազանդել ծնողաց , եւ ընում զպարտս իմ : Պատանին ասէ . Թողուս դու զմեզ առ սէր ազգականի ուրուք հեռաւորի , զոր չիք իսկ քո տեսեալ : Օրիորդն ասէ . Ո՛հ զի կամէի ես կալ աստ մինչեւ ցմա՛ն , այլ մայր իմ ոչ կամի , եւ խոստովանահայրն իմ ասէ՛ զի այս են կամք Աստուծոյ՝ մեկնել ինձ աստի , եւ զի փորձութիւն են կեանք մարդոյ . . . եւ փորձութիւն , ո՛հ , քանի՛ դժնդակ : Պատանին ասէ . Եւ իցե՞ն իսկ պատճառք այդոքիկ այնպէս հզօրք ի յորդորել զքեզ ի շու , եւ ոչ մի ի հակառակաց՝ առ ի կալ եւ մնալ . ո՛հ , իցեն արդեօք այլ պատճառք՝ զորս թագուցանես դու յինէն . հզօրք են հրապոյրք մեծութեանց , եւ գտցես զոք այլուր ընդ հուպ՝ զոր եղբայր քո փոխանակ իմ անուանեսցես , եւ գտցես յարժանաւորաց քեզ տոհմու եւ ճոխութեամբ՝ զոր չունիմ ես ընծայել քեզ : Այլ ո՛ւր այլ ուրեք լիցիս երջանկագոյն . յո՞ր երկիր երթայցես՝ որ քան զվայր ծննդեան քո իցէ քեզ սիրելի . ո՛ւր գտցես կենակիցս սիրելիս քան զորս սիրենն զքեզ . կարիցե՞ս իսկ կեալ առանց մայրենի գգուանաց , յորս սովորեալն ես . զի՞նչ իսկ լիցի մայր քոյին , որ

ի պառաւել է արդ , ի չտեսանելն զքեզ առ իւր ի սեղանի առտնին
 եւ ի գնալ ի ճանապարհի՝ ուր ի քեզն յենոյր . զի՞նչ եւ մայր իմ ,
 որ հաւասար քոյու՞մք սիրէ զքեզ . ի՞բր կարացից սփոփել զերկա-
 քանչիւր ի լալ նոցա առ անձուկ քոյին : Լռեմ զինէն , ո՛ր անկարե-
 կիր , եւ զի՞նչ եղէց ես ի չտեսանելն զքեզ աստ այգուն այգուն ,
 զի՞նչ եւ ի դարձ երեկորին՝ յորժամ զտեղի քո խնդրեցից յակմբի
 մերում , յորժամ զզոյգ քոքննեացն տեսից զհասակակիցս մեր եւ
 զբազմամեայ սիրելութեանս մերոյ վկայս : Եթէ առ անձուկ նորոյ
 բախտի ընտրես լինել տարաշխարհիկ , եւ զվաստակս ձեռին իմոյ ընդ
 օտար գոյից փոխանակել , ո՛հ , թող եւ ինձ դալ ընդ քեզ , քաջա-
 լերեցից զքեզ ի նաւի ի յառնել մրրկաց , յորոց ի ցամաքի իսկ զար-
 հուրեալ դողաս , եւ ի Գաղղիա՝ ուր գնասդ ի խնդիր բախտի եւ
 ձօխութեան՝ ծառայեցից քեզ իբրեւ զմի ի ստրկաց , բերկրեցայց
 ընդ բարեբաստութիւն քո յապարանս , ուր տեսից մեծարեալ զքեզ
 եւ սպասաւորեալ , եւ համարեսցի ինձ մեծութիւն եւ ազնուակա-
 նութիւն՝ մատուցանել քեզ զմեծագոյն քան զամենայն նուէրս , առ
 ոտս քո մահացեալ : Եւ զայս ասացեալ , գելաւ բարբառ նորա՝ ի
 հեկեկանաց : Յայնժամ լուաք զի պատասխանէր Վիրգինիա հեղձա-
 մղձուկ ի հառաչանաց . Առ սէր քո ուղեւորիմ , առ սէր քո՝ որ
 ընկճիսդ հանապաղ ի վաստակոց առ ի կերակրել զերկաքանչիւր
 տկար ընտանիքս . առ սէր քո տեղի տամ յուսոյ մեծութեանց , առ
 ի փոխարինել վաստակոց քոց բիւրասպատիկ . եւ կայցէ՞ իսկ մեծու-
 թիւն հաւասար սիրոյդ : Զի՞նչ իսկ զազգէ քու՞մէ խօսիս ինձ , եթէ
 էր ինձ ընտրել զոք եղբայր , զո՞ իսկ քան զքեզ մեծարէի . ո՛հ
 Պօղ , իմս Պօղ , առաւել ես դու ինձ յոյժ քան զեղբայր : Քանի՛
 ծանր էր ինձ մերժել զքեզ ի բաց . կամէի զի օգնէիր ինձ առ ՚ի
 խուսել եւ յանձնէ , մինչեւ երկինք օրհնեսցեն զմիութիւն մեր :
 Աբարից արդ զոր կամիսդ , կալ կամ մեկինել , կեալ կամ մեռանել .
 յաղթեցի գգուանաց , այլ վշտաց քոց ոչ եւս զօրեմ յաղթել՝ վեր-
 չացեալ յառաքինութենէ :


ՉՈՎՈՒԱԿԱՆ ԿԵՆՑԱՂ

Քննուց , ք-ք-ք-ք	կոնակ , -լէ+
Մայրաքեֆ , շ-այրէ շ-ր-ր	
Գոգեալ , Խ-ր-ու-ր-ր , Կ-ր-ու-ր-ր	

Չեւ արեւուն ճառագայթից
 ի դագաթունս հարեալ լերանց ,
 Ըզնօտըն ընդ դաշտս ծաղկալից՝
 Յօղատարափ ի դալարիս
 Հովիւքն ածեալ ճարակէին
 Եւ ի յարօտս անդ ի ջրարբիս :
 Ոմն ալեւոր հըմուտ ի սրինդ ,
 Յեցեալ ի ցուպ իւր ծայրաթեք՝
 Որպէս հովիւք նկարին հինք՝
 Աշխարելի հընչէր նըւագ ,
 Ճարակաւոր խաչինն ի դէտ ,
 Մինչ արածէրն ըզնա ցըլագ :
 Այլուր խարտեաչ հովուին մանուկ
 Օցտեալ գառանցն ըզնեա զիմէր ,
 Ճօծեալ ըզցուպն իւր ըզճապուկ :
 Այլ ոմն այլուր հեզ պատանեակ
 Բազմեալ յարօտ ի սեպ վիմին՝
 Զմայլէր ի յերգ զիւրն երամակ :
 Ի ջերմանալ ապա երկնի ,
 Մինչ արձակէր ի ծիրանունոյն
 Ճըպուռն ըզճիչ իւր անյեղլի ,
 Ըզնօտն ի յուժպ կէսք առ լըճիւ ,
 Այլք առ ջըրհորըս տանէին ,
 Ուր յամր ի հիռ ճոքնչեալ անիւ՝
 Զուր ի գոգեալ զեղոյր մայրիս .
 Այլք ի յեղաբերըս սիզաւէտ ,
 Եւ հեղասան կէսք ի յալիս :
 Ի հովանուտ ապա յարօտ

Արածէին զմիջառուրս
 Եւ ի ծըմակ անտառս ըզհօտ :
 Եւ զովագին մինչ երեկոյն
 Մեղմէր տակաւ ի բացավայրն
 Ըզյորդարորս տապ արեւուն ,
 Ածեալ յարբոււմըն վերստին՝
 Խաչն ի ճարակ դառնայր անդրէն
 Մինչեւ ի ցօղ երեկօրին :
 Իսկ ըզճըմեան ի գոմ քընքուշ
 Ճարակէր խաչն յարկածածուկ
 Ի բըքայոյզ շընչմանց ըզգոյշ :
 Մինչեւ ի դարձ ամարայնոյն .
 Ի պատրաստել ճարակ խաչին
 Դալարագեղ յարօտս ի նոյն :
 Ընդ գիշերոյն ապա նըսեմ
 Մինչ աստեղաց ճաճանչաւէս
 Նըշողէին բոյք երկնաճեմ ,
 Խաչն ի փարախ դառնայր ի կիթ ,
 Լիոց ի ստեանցըն կաթնարձուղիս
 Զհզուլ կաթինըն շիթ առ շիթ :
 Փայտեայ ի մէջ ամեալ պընակ ,
 Բուռն ըզպըտկանց հարեալ խաչին
 Կըթէր ըզկաթն հովիւն երագ :
 Մանուկ մատաղ գանտաստ եղջիւր
 Նուաճէր գայձուն , եւ բառաչէր
 Կաթնարուծիկ դառն ի ջամբ իւր :
 Սպիտակ կաթին փըրփուր ի վեր
 Իբր ըզկոհակըս ձիւնեղէն
 Բարդեալ ի գուշըն զիզանէր :

Հ. Ս. Հիւրմիւզեան



ՏՐՏՍՈՒԹԻՒՆ ՊՕՂԱՅ ԸՆԴ ՉՈՒ ՎԻՐԳԻՆԵԱՅ

Թարթամախի, Կէ-... Ը-... Բ-... Գ-... Ծ-...	Յօղուածոյ, Կի-... Գեղծիմ, Կի-...
Ուր ուրեմն, Կի-... Կի-...	

Յարեաւ Պօղ ընդ առաւօտն դառնալ ի բնակութիւն իւր , եւ նախ
 առաջին ետես զաղախինն հնդիկ՝ զի կայր հայէր ի բարձուէ ժայռին
 ի խորս ծովուն . եւ ձայնարկեալ ի բացուստ՝ ուստի հազիւ զնա աչք
 նշմարէին , գոչեաց . Ո՛ւր է նա , ո՛ւր է Վիրգինիա : Իսկ աղախնոյն
 շրջեալ զաչս ի տէր իւր պատանեակ , սկսաւ լալ : Յայնժամ Պօղ
 խեղայեղեալ , յետս անդրէն ի նաւահանգիստ անդր դիմեաց , եւ գի-
 տացեալ զկանխել մտանել Վիրգինեայ ընդ այգն ի նաւ , եւ զնա-
 ւուն առագաստել իսկոյն եւ անտես լինել , դարձաւ այսրէն ի բնա-
 կութէն իւր , եւ անց գնաց առանց խօսելոյ ինչ ընդ ումեք :

Ի բարձուէ կղզոյն նշմարէր Պօղ զնաւ Վիրգինեայ անդր եւս
 քան զտասն փարսախ որպէս կէտ ի ծովու սեւանիշ , եւ հարուստ
 մի ժամ կայր անդ ի գնին , եւ զվաղ իսկ անտեսն լեալ յաչաց՝ դեռ
 եւս կարծէր տեսանել : Իսկ իբրեւ մէզ ընդ ոլորտս ծածկեաց զայն
 ի սպառ , նստէր նա ի վայրի անդ՝ ուր յարակոծեալ ի հողմոց տա-
 տանին անդադար գագաթունք արմաւենեաց եւ թաթամաքեաց , եւ
 սօսաւիւն նոցա եւ խուլ մունչիւն որպէս երգիոն հնչեալ ի հեռուստ՝
 ազդէ ի սիրտ խորին տխրութիւն :

Անդ գտի զՊօղ , յելից արեւու շրջեալ զհետ նորա . եւ գտի զնա
 զի կայր երկրապիշ՝ յեցեալ գագաթամբ ի մի ի ժայռից , եւ յոյժ
 աշխատ եղէ մինչեւ հաւանեցուցի զնա իջանել առ իւրան : Դարձաւ
 ուր ուրեմն ընդ իս ի տուն , եւ նախկին ազգուհն ի նա , ի տեսա-
 նել զտիկինն Լաղուր , եղեւ դառն բողոք զխաբկանացն : Բայց տի-
 կինն պատմեաց մեզ , զի յառաւօտուն պահու ի շնչել հողմոյ եւ ի
 կազմել նաւուն ի չու՝ եկեալ քաղաքապետն Պուրտոնէ սպայիւք
 ոմամբք՝ հանդերձ երկցամբն ի խնդիր Վիրգինեայ եւ դեսպակ ընդ
 իւր ամեալ , ոչ աղերսական բանից դատերն լուեալ , եւ ոչ արտա-
 սուաց իւրոց եւ Մարգարտայ երեսս արարեալ , իւրովքն առ հա-
 սարակ աղաղակելով՝ զի այն էր ամենեցուն մեզ ի բարի , առեալ
 տարեալ էր զնա կիսամեռ : Յայնժամ ողբս առեալ Պօղայ , ասէր .
 Եթէ գէթ տուեալ էր իմ նմա ողջոյն հրաժարական , սփոփէր սիրտ

իմ : Ասէի նմա . Քոյր իմ , եթէ երբեք վշտացուցի զքեզ յորմէնեան
կեամքս ի միտին , մինչեւ մեկնեալ քո անդարձ՝ ասա ինձ թէ նե-
րես : Ասէի նմա . Ողջամբ երթիչիւր , սիրեցեալդ իմ Վիրգինիա , ոչ
եւս լիցի ինձ տեսանել զքեզ , կելով կեցցես դու հեռի յինէն գոհ
եւ երջանիկ : Եւ ի տեսանել զմայր իւր եւ զտիկինն Լադուր զի
լային , ասէ . Մի՛ եւս զիս , զայլ ոք խնդրեցէք առ ի սրբել զար-
տասուս ձեր : Եւ թողեալ զնոսա ողբովք եւ հեկեկանօք , շրջէր
թափառական ընդ վայրս սիրելիս Վիրգինեայ . եւ այժուց նորա եւ
ուլից՝ որ զհետ գային բառաչելով , ասէր . Ձի՞ խնդրէք յինէն , ոչ
եւս տեսանիցէք ընդ իս՝ որ ափով իւրով ջամբէր ձեզ ճարակ : Եւ
երթեալ ի Հանգրուանն Վիրգինեայ , ի տեսանել անդ զթուշունս՝ որ
չուրջ թեւածէին , եւ ցնոսա ասէ . Եղովկ դուք , ոչ եւս ընդ ա-
ռաջ գնացէք բարեգութ դայեկին ձերում : Եւ տեսեալ զշնիկն Հա-
ւատարիմ՝ որ հոտոտելով գնայր հետազօտ , ասէ հառաչանօք . Ո՛հ ,
զի ոչ եւս գտցես զնա : Եւ ապա բազմեալ ի ժայռին՝ ուր յերէկն
խօսեցեալ էր ընդ նմա , եւ հայեցեալ ընդ ծով՝ ուր էր նաւ նորին
անտես լեալ , հեղոյր ուղիս արտասուաց :

Բայց մեք ամենայն ուրեք զհետ նորա շրջեաք , թէ գուցէ ՚ի
յոյզս կրիցն յաղէտս ինչ մտաբերեսցէ : Աղաչէին զնա մայր նորա
եւ տիկինն Լադուր գողտրիկ գգուանօք , մի՛ ցաւս ի վերայ ցաւոց
իւրեանց յաւելուլ յուսահատութեամբն , մինչեւ յաջողեաց Լադուր
տիկնոջ փոքր մի սփոփել զնա՝ տալով նմա անուանս զարթուցիչս
յուսոյ ի նա , կոչելով զնա որդի իւր եւ փեսայ , եւ զբուստր իւր՝
հարսն նորա . եւ բռնադատեաց զնա մտանել ի սուն , եւ ճաշակել
ինչ : Եկն նստաւ ընդ մեզ ի սեղան մերձ ի տեղին Վիրգինեայ . եւ
եւ առ իւր զնա համարելով բազմեալ , խօսէր ընդ նմա , եւ մա-
տուցանէր նմա յախորժելեացն ի ճաշակ . եւ ապա ի զգաստ լինել
ցնորիցն սկսանէր լալ : Ի վաղիւ անդր ամփոփեալ որ ինչ Վիրգինե-
այ ի կիր արկեալն էր , եւ զյետին փունջս ծաղկանց յորինեալս
ի նմանէ , եւ զբմպանակն քօքինի՝ որով սովորն էր ըմպել , զայն
ամենայն նշխարս սիրելւոյն իւրոյ որպէս պատուականագոյն քան
զամենայն զանձս համբուրէր եւ կրէր ի ծոցին : Ձի ոչ այնպէս ակն
բազմազուռնի բուրէ անուշահոտ որպէս յոր ինչ ձեռին սիրելւոյ իրպե-
ալ : Բայց իբրեւ ետես զի ի վըշտաց իւրոց յաւելուին եւ եւս
վիշտք մօրն եւ Լադուր տիկնոջ , եւ զի առ ի լնուլ զպէտս ըն-
տանեաց՝ հարկ էր վաստակել , ձեռն էարկ անդրէն օգնականու-
թեամբն Դոմինիկեայ մշակել զպարտէզն :

Ի ՄԱՇ ՏԻԿՆՈՋՆ ԿՈՒԵՆՏԱԼԻՆԱՅ ՊՈՐԿԵԶԻ

ԵՂԵՐԵՐԳՈՒԹԻՒՆ

Ձուգորդ, հասարակ
Արմարազին, որովհետեւ
Թաքաւուչ, Լեյու

Վիսկոս, տեղադրուած
Ապերասան, տնտես
խանդ, Երանդ, Երջ

Էր նա ծաղիկ չըքնաղաղեղ
Գերաշխարհիկ լուսոյ նըշոյլ .
Էր նա հրեշտակ՝ յոր բազմազեղ
Հաճեցան շնորհս երկինք զեղուլ :
Այնպէս անբիծն իւր կերպարան
Գեղազարդեալ ի շուք ցածուն ,
Ձի զժրպրհութիւն ապերասան
Յաղթանարեալ առնէր նըկուն :
Եւ ի չըքնաղ աչաց իւրոց
Այնպէս վըծիտ եւ գեղանի
Ամբիծ սիրոյն հատանէր բոց ,
Որ ի սուրբ խանդ ձրգէր զհոգի :
Ձիք ի կանայս նըմին զուգորդ ,
Քառից հընգից ամաց անփորձ
Գողով դեռ եւս ինքն օրիորդ ,
Հըզօր ի խրատ է եւ ի գործ :
Այլ ի՞բր ասել այժմիկ կարեմ
Ձիա՛րդ համայն է Հոովմ ի սուգ ,
Եւ յորպիսի՛ կոծ տըխրադէմ
Հեղուն յաչացն իւր արտասուք :
Արդ ցուրտ մահուն ծածկէ զչըքնաղ
Հարսինն , աւա՛ղ , ըզկերպարան ,
Որ անարատ վարեաց կենցաղ
Ի սուրբ հըսկմունքս մըշտական :
Այրին անոք եւ անտէրունչ ,

Որ զհետ նորին արտասուալից
Գրնայր մանկամբքն թաթառուչ ,
Յիչէ այժմիկ յոգնաթախիժ՝

Քանի՛ սիրով նա բարեխնամ
Պատըսպարան լինէր նոցին ,
Եւ յաղքատին իւր ի՛բր ի սեամ
Նըպաստք իսկոյն հասանէին :

Որքն եւ զառամ աւասիկ ծեր
Յիչեն ի յողբոս տըխրագին ,
Զի՛արդ ինքեանց նա աղախնէր
Իբր ըզնաժիշտ արծաթագին :

Ես ինքն եղէ ականատես ,
Զի մուրացիկք երամովին
Ծերք եւ տղայք ի՛բր եւ ո՛րպէս
Ըզգագաղաւ խըռնեալ նորին ,

Եւ զսիրելոյ առեալ ըզկոժ ,
Հանգիստ նըմա պաղատէին
Նըւագաւոր ձայնիւ երգոց՝
Աղիողորմ եւ տըխրագին . . .

Ո՛ օրիորդք եւ նոր հարսունք ,
Կացցէ ի սիրտ ձեր անմոռաց
Քաղցր յիշատակըն միշտ նորուն ,
Եւ ուսարուք լինել զըթած :

Արհամարհեալ ըզվեհագուն
Ազգատոհմին շուք հայրենի ,
Զորոյ կըրէրն յինքեան զարիւն ,
Իւ պանծան վէպք Ալբիոնի :

Ի դիւրութեանց շուրջ առեալ պար
Եւ ի գանձուց բազմամըթեր ,
Որ են վիսկոտ մոռացման մայր ,
Զայրոց ի յուշ զաղէտս ամէր :

Եւ յամայի ի սեամս յաւէտ
Անարգ հիւղից յաճախելով ,
Ուր չըքաւորն ի բազմաղէտ
Հեծէ ի վիշտս , հիւծի ի սով .

Հնարէր զպարգեւս իւր բարերար
Ծածկել ի վայրս անդ խաւարչուտ ,

Սոնարհութեամբ իւրով ճարտար ,
Կենցաղական գովից անսիրտ :

Ո՛վ երջանիկ դու ոչ մեռար ,
Կեաս ի բնաւից դու ի սրբտի .
Դու ի յերկնից կեաս ի կամար
Երանաւէտ եւ լուսարփի :

Հ. Անտոն Պոնժիլիոյ
(Թարգմ. Հ. Ե. Հիւրմիւզ)



ՆԱՄԱԿՆ ՎԻՐԳԻՆԵԱՅ

Վարժեալ , Լուրդեղէն
Հեծելութիւն , Յէ հեռու

Հրամուկ , (տէյնէն չէյնէն)
Չանձախարիթ (աժ.) , Դուր-Ի-Լուր

Սիրելի եւ անձկալի մայրիկ .

Գիրս յոգունս գրեցի քեզ իմով իսկ ձեռամբ . այլ չեւ եւս ընկալեալ ի քէն պատասխանի , կասկածեմ զի չիցեն հասեալ առ քեզ . բայց սա յուսամ զի հասցէ , ի կիր արկեալ իմ զամենայն զգուշութիւն առ ի տալ քեզ զրոյցս զինէն եւ ընդունել զքոյսդ : Բազում արտասուս հեղի յօրէ մեկնելոյ իմոյ ի ձէնջ , որ ընդ այլոց աղէտս եւեթ սովորեալն էի արտասուել : Հօրաքոյր մեր ի հասանել իմում այսր զարմացաւ յոյժ . քննեալ եւ տեսեալ զի անգէտ եմ դպրութեան . եհարց ցիս թէ զի՞նչ ապա ի մանկութենէ հետէ ուսեալ իցեմ : Եւ ի պատասխանել իմում՝ զատունին իրաց յանձանձանս եւ հպատակել մօր , յաւել զի զգաստիարակութիւն աղախնոյ ընկալեալ իցեմ : Ի վաղիւ անդր եզ զիս ի վարժ ի կուսաստանի ուրեք մերձ ի Բարիզ , յորում ամենայն ազգի ազգի վարժից են ուսուցիչք , եւ ընդ այլ վարժեարս՝ ուսուցանեն ինձ զպատմութիւն , զաշխարհագրութիւն , զքերականութիւն , զչափական գիտութիւնս եւս եւ զհեծելութիւն . այլ այս ամենայն սակաւ ինչ օգնեսցեն ինձ , առ ի չգոյ՛է յիս բաւականութեան . ճանաչեմ զտկարութիւն մտաց իմոց , որպէս եւ վարժապետքս ինձ տան ի միտ առնուլ : Հանդերձ այսու

ամենայնիւ հօրաքոյր մեր ոչ դադարէ ի խնամոց . հանդերձանի նոր ըստ եղանակս տարւոյ պարզեւէ ինձ . կացոյց ինձ ի սպաս նաժիշտս երկու , որ հանգոյն տիկնայց զգեցեալ են . եւ մեծարանաց անուամբ տայ կոչել զիս կոմսուհի , այլ երարձ յինէն զմականունն իմ Լազուր՝ որ սիրելին է ինձ որպէս եւ քեզ վասն վշտացն կրելոց ի հօրէ իմմէ առ ի պսակելոյ ընդ քեզ , որպէս պատմէիրն . . . :

Ի մեծութեան կեամ , այլ չեմ դանկի եւս միոջ տէր . զի հետեւանըս չարեաց կասկածեն անտի . հանդերձից իսկ իմոց իշխեն նաժիշտք իմ , եւ յափշտակեն յիրերաց չեւ իմ թողեալ զայնոսիկ ի բաց . չքաւորագոյն ի ճոխութեան աստ գտանիմ քան առ քեւ , զի չունիմ ինչ՝ զոր թէ տալ ումեք կարիցեմ : Եւ տեսեալ իմ զի գիտութիւնք բարձունք՝ զորս ուսանիմս՝ չօգնեն ինձ առ ի բարեբարել ումեք , յասեղն իմ դարձեալ եղէ ապաստան՝ յոր ըստ բախտի վարժեալ գտանիմ ի քէն . եւ ա՜նա յղեմ դուրպայս բազումս ի ձեռագործաց իմոց քեզ եւ կնքամօր իմում Մարգարտայ . գգակ ցայգանոց՝ Դոմինիկեայ , եւ մի ի կարմիր թաշկինակաց իմոց՝ Մարեմայ : Յաւելում ի ծրար անդր կորիզս մրգաց՝ ի նախաճաշից իմոց պահեալ , եւ հատս ազգի ազգի ծառոց՝ ի ժամ զբօսանաց իմոց ի պարտիզի աստ վանացս քաղեալ : Յաւելում եւ սերմանս ծաղկանց , մանուշակ , մարգարտիկ , հրանունկ եւ այրեծաղիկ , ի դաշտաց ժողովեալ . զի յարօտս աստ ծաղկունք գեղեցիկք քան ի մերսն գտանին , անտեսք չեալ : Ոչինչ երկբայիմ զի ծրարս այս հաճոյ եւս թուեսցի քեզ եւ կնքամօր իմում քան զպարկն դրամոց , բաժանման մերոյ ի միմեանց եւ իմոցս արտասուաց առիթ : Ուրախ եղէց յոյժ ի վայելել ձեր յաւուր միում ի տեսիլ ինձորենեաց աճելոց ընդ պանանիս , եւ ոստոց կաղնեաց խառնելոց ընդ քօքենիս . թուեսցի քեզ յայնժամ կալ ի Նորմանտիա , զոր յոյժն սիրես : Պատուիրեցեր ինձ գրել առ քեզ զխնդութիւնս իմ եւ զվիշտս . յորմէ հետէ մեկնեալն եմ ի ձէնջ , չեղեւ ինձ երբեք խնդալ . իսկ ի վիշտս իմ սփոփիմ , ածեալ զմտաւ զի ուր կամս՝ կամօքն Աստուծոյ եւ հրամանաւ քով կամ : Այլ դառնագոյն այն է , զի ոչ ոք ինձ աստ յիչէ զքեզ , եւ ոչ ընդ ումեք լինի խօսել ինձ զքէն . աղախնայք իմ , զի մի՛ ասացից հօրաքեռն մերոյ՝ որում աղախնեն քան ինձ , ի խօսել իմում զիրաց՝ որ առաւել սիրելի են ինձ , ասեն . Յուշ լիցի օրիորդիք՝ զի ի Գաղղիա կաս , պարտ է քեզ զաշխարհս վայրենիս ի մոռացօնս արկանել : Այլ ինձ լիցի իսկ մոռանալ զանձն քան զերկիր՝ ուր ծնեալս եմ , եւ ուր դուքդ կայք . երկիր վայրենի

այս է ինձ՝ ուր կեամս անտէրունչ , եւ չունիմ զօք՝ որում կարացից յայտնել զսէրն , որով սիրեմս զքեզ եւ սիրեցից մինչեւ ցմահ :

Մայր իմ սիրելի եւ անձկալի

Հնազանդ եւ կարոզիս դուստր ֆո

ՎԻՐԳԻՆԻԱ ԼՍԿՈՒՐ

Յանձն առնեմ բարեգութ մօրդ իմում զՄարիամ եւ զԴոմինիկ , որ այնչափ խնամ կալան ինձ ի մանկութենէ . զգուեսչիր յինէն զչնիկն Հաւատարիմ , որ եգիտն զիս յանտառի :

Ջարմացեալ կարկեալ կայր Պօղ , զի Վիրգինեայ յիշատակեալ զամենեսին մինչեւ զչնիկն եւս , եւ չասէր ինչ տակաւին զինքնէ . բայց սովորութիւն է կանանց զսիրելագոյն իմաստս թողուլ ի վերջ երկարագունից իսկ թղթոց : Վիրգինիա յաւելոյր յեա գրութեան՝ յանձնել առաւելապէս ի խնամս Պօղայ զսերմանս մանուշակի եւ զայրեծաղկին , տայր նմա տեղեկութիւնս զերկաքանչիւրոցն , ցուցանէր զվայրս դիպողս սերմանցն արկանելոյ , եւ ասէր . Մանուշակն է ծաղիկ փոքրիկ ի գոյն ձանձախարիթ , սիրէ ծածկել մացառաղօղ , այլ բուրումն անուշահոտ յայտնէ զնա փութով : Եւ ասէր սերմանել զայն յեզր աղբերն , առ արմին քօքենուոյ իւրոյ , եւ ապա յաւելոյր . Այրեծաղիկն գեղեցիկ է , եւ ի թուխ կարմիր սպիտակամիչ՝ զոգցես զսուզ զգեցեալ , վասն որոյ եւ այրոյ ծաղիկ անուանի . սիրէ նա զքարուտ եւ զնողմակոծ վայր : Եւ ասէր սերմանել զայն ի քարաժայռ բլրոյն՝ ուր ի վերջնումն գիշերի խօսեալն էր ընդ նմա , եւ աղաչէր՝ առ սէր իւր զքարաժայռն զայն կոչել Վէմ հրաժեշտի : Եւ սերմանքն էին ամփոփեալ ի քսակ հիւսկէն անպաճոյճ , այլ կալաւ զայն Պօղ որպէս գանձ անգին՝ ի տեսանելն զնովաւ զսկզբնատառս անուան իւրոյ եւ զօրիորդին Պ . եւ Վ . խառն ընդ միմեանս հիւսեալ հերովք , զորս ի գեղոյն ծանեաւ՝ զի էին ի վարսից Վիրգինեայ : Ի լուր գրելոց առաքինի եւ բարեգորով օրիորդին ամենայն ընտանիք նորա յարտասուս չարժեցան . եւ զբրեաց մայր նորա յանուն ամենեցուն պատասխանի , առնել որպէս եւ հաճոյ թուի նմա , կալ անդ կամ դառնալ , եւ ասէր՝ զկարեւոր մասն բարեկենդանութեան իւրեանց կորուսեալ ամենեցուն ի մեկնել նորա , եւ զի ինքն առաւել քան զամենեսին տառապէր անմխիթար :

ՀՈՎԻՒ ԵՒ ՀՈՎՈՒՈՒՇԻ

Քիւ, (օւլ-օ)
 Յոյր, քեր
 Ոլորտապոյտ, Էւր Կոյր-Կ
 Ի հետ, Կերեզ
 Խանձ, Կոյ, Կոյ
 Անկանել արտի, Կերտ Կորել
 Անջատել իստեմէ, Կերե Կորել

Յանկւրժ, Կերե՛ Բե
 Թիւմ, Կերե՛ Կերե՛ Կերե՛ Կերե՛
 Օցեյ, Կոյեր Կոյեր Կերեյ
 Յոլով, Կոյ
 Բուծանել, Կոյ-Կոյեր
 Փոքրել, Կորել, Կոյերեյեր
 Ծոց, Կոյեր՛ Կերե՛ Կոր. (Կերե՛)

ՀՈՎՈՒՈՒՇԻՆ

Թող զերամակդ , հովիւ բարի ,
 Ի դալարուջ այդր ի վայրի ,
 Եւ ընդ քրուա եկ ընդ վիմիս
 Հանդիր վայրիկ մի աստ առ իս :
 Ձի ձմեռն էանց , անձրեւք անցին .
 Ծաղիկք յարօտըս մեր փըթթին .
 Ձաշն ի յոստոց շուրջանակի
 Հընչէ ի յունկն իմ տատրակի .
 Անուշահոտ ծաղկեն այգիք ,
 Գեղեցկագոյն ամս է այժմիկ .
 Ե՛կ , զի ոչ ինչ է ինձ հաճոյ ,
 Եղբորորդեակ իմ , առանց քո :

ՀՈՎԻՒՆ

Ինձ , քոյր իմ հարսն , յոյժ տըխրական
 Չըքնաղագեղդ է տեսարան ,
 Չեւ զկորուսեալն իմ ոչխարակ
 Ի մերս այսրէն ածեալ ի բակ :
 Բուծի ըզնա ի կաթն առատ
 Եւ ի ստենէ այն ինչ անջատ
 Արածէի զնա ընդ օդիս
 Պարարտարօտ ի դալարիս ,
 Եւ առ վըճիտ վըտակս ի յուճպ

Ածէի զնա խաշանցս ընդ խուճբ :
 Եւ ընդ արօտն յորժամ գիշեր
 Ըզցըրտագին ըստուերսն ածէր ,
 Առ ի գայլոց զերժ ի փարախ
 Ըզնա ի ներքս առնուի նախ :
 Ո՞ արդ յարօտն ածցէ ըզքեզ ,
 Ո՞ ի վըտակ ոչխարդ իմ հեզ ,
 Արդ անտերունչ լեռան ըզ լեռնայն
 Յածեալ շըրջիս թափառական ,
 Ըզհետ հովուիդ բառաչելով ,
 Մայրից լերանց արկեալ գորով :

ՀՈՎՈՒՈՒՇԻՆ

Մի՛ ընդ կորուստ անկցի միոյդ
 Սիրտ քո , հովիւ-ըզ բարեգուժ .
 Ի ծաղկաւէտ աստ ի յարօտ
 Քեզ բազմերամ թափառի հօտ ,
 Եւ երկուորեակ գառինք ի ծուծ
 Սպառեն ըզյոյր ըստինս այժուց :
 Փարթամք ի կաթն եւժ ձիւնեղէն ,
 Եւ ի կողույ ձոխք ի պարէն .
 Իսկ յորժամ հունձք հասցին կըրկին ,
 Մեզ խաշն յուով անդրէն երկին
 Փոխան միոյս տացէ այժմիկ՝
 Որ ի հօտէդ կորեաւ այժմիկ :

ՀՈՎԻՒՆ

Աւա՞ր արդեօք ժանեաց գայլուն
 Անկաւ ոչխարն իմ ձեռասուն ,
 Ում տօթակէզ եւ ցըրտարեկ
 Հըսկէի զցայգ եւ ըզցերեկ :
 Ո՞չ իսկ յիշես , յորժամ գետոյդ
 Յորդեալ ալիքն ոլորտապտոյտ՝
 Գոմոյն ի հետ ըզհօտ խաշին
 Խեռ յորձանօքըն վարէին ,
 Ո՛րպէս ըզգառնըն կաթնաբոյժ
 Սատակմանէն ի ջրահեղձոյց

Ածի ի ծայր անդր ի բլրոյս՝
Բարձեալ ըզքաղցըր բեռն ի յուս :

ՀՈՎՈՒՈՒՇԻՆ

Զի՞նքդ կարեմ մոռանալ զայն .
Քեզ յոյժ ամիկն էր սիրական :
Նըմա ի գեղմն իւր գեղանի
Ածեր ըզգրոշմնն ծիրանի ,
Եւ ստէպ տայիր ինձ զանասնեակն
Առ ի զնորայն փոքրել գիտակ .
Զըքնաղ ի շուրթն անդր ի սանտեր
Սպիտակ կարմիր ասրըն խառնէր :
Ո՛հ , ոչխարակն ընդէ՞ր կորեալ . . .
Այլ դու սփոփեաց յուսով բարեալ :
Աստ , ուր ուռեաց ոստք խիտ առ խիտ
Կախին ըզջուրքս ականակիտ ,
Բազմեալ բլրոյս դու ի ստորոտ ,
Երգեա ի նուրբ քոյին ծըղօտ .
Ծանօթ ձայնիդ թերեւս ի լուր
Դարձցի ոչխարն առ հովիւ իւր :

ՀՈՎԻՒՆ

Յանկա՛րժ գտանել եթէ ինձ գոյր
Ըզքեզ , ոչխարդ իմ ձիւնաթոյր ,
Զըւարթ ըզքէն յօրինեալ տօն ,
Զքեզ Անմահին տայի ի ձօն :
Դու քաղցրագոյն հովուիդ ես քոււմ ,
Քան քեզ արօտ եւ մեղուաց թիււմ .
Թողեալ ըզհօտն իմ , վըշտակիր
Շըրջիմ ըզհետ քո ի խընդիր :

ՀՈՎՈՒՈՒՇԻՆ

Ահա զպատկեր նորին վըճիտ
Հայիմ ի խորս ալեաց լըճիդ .
Ահա բըլրոյդ նա բարձր ի սեպ
Կացեալ ի վայր ակնարկէ ստէպ .

Հայեաց ի վեր , ուրախ լեր արդ ,
Հովիւըզ քաջ , գըտեր զօչխարդ :

ՀՈՎԻՒՆ

Մեծ է ինձ յոյժ , եթէ ստուգիւ
Ինձ անձկալին այն ծագէ տիւ ,
Յորում տացի զըգուել դարձեալ
Ինձ զօչխարակն իմ կորուսեալ :
Ո՛ հարմուհիդ բարեաց գուշակ ,
Կեցցես յանկէտ դու պարունակ .
Դու հովուուհեաց ի մէջ հարսանց
Գոս այնքանիցքս գերազանց ,
Որչափ գոհար վարդ կարմրերփեան
Քան ըզծաղիկըս դաշտական ,
Եւ քան զամուլ փայտս անտառի
Որքան շքեղ է խընձորի :
Յըզեա՛ հրաւէր շուրջ առ դրացիս ,
Գայցեն ուրախ լինել ընդ իս ,
Զօրհնեղութեան առեալ նըւազ ,
Զի գտի զօցտեալն իմ ոչխարակ :
Բարձեալ ի յուս ածից յօժար
Ի Տէրունին զայն ի տաճար .
Կեցցէ Հաստչին ձօնեալ ի նուէր
Անդ անկորուստ ոչխարակ մեր :

Հ. Ե. Հիւրմիւզեան



ՀԱՄԲԱԻ ԳԱԼՍՏԵԱՆ ՎԻՐԳԻՆԵԱՅ

Լիսբ, Լ-է Է
Զգլխեալ, Գլխ-ձ, Գլխ-ձ
Երազարձ, Գլխ Լ-ր-ձ, Գլխ-Է

Անցուցանել (զերագ), (Գլխ-Է) Գլխ-Է
Բակ, Գլխ-Է
Պարուրել, Գլխ-Է, Գլխ-Է

Յամին 1744 ի քսաներորդի չորրորդի առուր ամսեանն ղեկտեմբերի, յարուցեալ Պողայ ընդ առաւօսն՝ ետես դրօշակ սպիտակ ՚ի լեառնն Դիտարան, նշանակ գալստեան նաւու: Եւ ընթացեալ ՚ի քաղաք անդր՝ առնուլ զրոյց, եկաց անդ մինչեւ ի դարձ վերակացուի նաւահանգստին՝ որ երթեալն էր ըստ սովորութեան յայց եկաւորի նաւուն: Որոյ դարձեալ ընդ երեկս, պատմեաց քաղաքացեալն՝ զի երեւեալն այն նաւ էր Սէնտէրան, որ տանէր լտերս 140 բիւր, զի նաւապետին անունն էր Ոպէն, զի չորիւք փարսախօք կայր ի բացեայ, եւ զի ՚ի շնչել աջողակ հողմոյ՝ ի վաղիւ անդր ընդ երեկս մարթէր նմա մտանել ի նաւահանգիստն Լուզովիկեան. այլ հանդարտութիւնն էր յայնժամ հողմոց: Նա ինքն եւ զնամակահին, զոր բերէր նաւն այն ի Գաղղիոյ, ետ քաղաքացեալն. յորս էր եւ առ Լազուր տիկին գրեալ ի Վիրգինեայ: Ընկալաւ զայն Պող, եւ համբուրեալ հրճուանօք եդ ի ծոցին, եւ դիմեաց ի տուն. եւ ՚ի նշմարել ի հեռուստ զընտանիսն՝ որ մնային դարձի նորա ի Վէմն հրաժեշտի, ամբարձ զթուղթն ի վեր՝ ոչ կարելով բարբառել. յայնժամ փութացան ամենեքին առ Լազուր տիկին, լսել զբանս թըղթոյն: Եւ գրէր Վիրգինիա առ մայր իւր՝ որ ինչ ի հօրաքեռէն կրեալ տառապանս. քանզի բռնի զնա կամեցեալ հարսնացուցանել, եւ ՚ի չառնուլ նորա զայն յանձն՝ անժառանգեալ էր զնա, եւ նոյնհետայն յուղարկեալ յետս, որով հարկ լեալ նմա ի մրկալից եղանակի հասանել ի կղզի անդր: Զի ընդունայն լեալ էին ամենայն աղերսական բանք իւր առ ի համոզել զնա՝ յանդիման առնելով նմա զկարօտութիւնն մօրն օգնականութեան իւրում, եւ զայլազգ կեանսն՝ յոր սովորեալն էր ի մանկութենէ: Զի յիմար յայս նորա թուէր եւ զգլխեալ ընթերցմանէ առասպելեաց. զի ցնծայր ընդ բախտ իւր տեսանելոյ վերստին զընտանիսն եւ գիրկս արկանելոյ նոցա. եւ զի առօրին զանձուկ սիրոյն մարթէր նմա ընուլ, եթէ նաւապետին

ներեալ էր նմա իջանել ի մակոյկ վերակացուի նաւահանգստին:
Ի լուր բանից գրոյն՝ ընտանիքն առ հասարակ ձայն բարձին հըր-ճուանօք, տերանց եւ ծառայից գիրկս արկեալ միմեանց՝ թէ ահա եհաս Վիրգինիա: Յայնժամ Լազուր տիկին ասէ ցՊող. Ե՛րթ, որդեակ իմ, ազդ արա դրացեաց զգալուստ Վիրգինեայ: Եւ Դոմինիկ ընդ նմա ոստ բեւեկնեայ ջան ի ձեռին՝ յուզի անկեալ գային առ իս էր ժամ իբր տասներորդ երեկոյին, եւ իմ այն ինչ անցուցեալ զճրագն եւ ընկողմանեալ՝ տեսանէի լոյս յանտառին ընդ ծերպօ հիւղին. եւ լուայ անդէն զձայն պատանոյն՝ որ կոչէրն զիս: Յարեայ առժամայն, եւ չեւ իմ զգեցեալ՝ դիմեաց նա առ իս, եւ անկեալ զպարանոցաւ իմով շնչասպառ եւ խելայեղեալ, ասէ. Արթ՛ ե՛կ ընդ իս, զի ահա եհաս Վիրգինիա. երթիցուք ի նաւահանգիստ անդր, ուր ի ծագել այգուն մոցէ նաւն խարխիս արկանել: Վաղվաղակի անկաք յուզի, եւ յանցանել ընդ լեառնն Երկայնանիստ ի ճանապարհին՝ որ ի Բամբուրուսէ գնայ ի նաւահանգիստն, լուայ ոտնաձայն ի յետուստ՝ զի գայր հնգիկ ոք ճեպրընթաց. Եւ իբրեւ եհաս, ասեմ. Ուստի՞ դաս, եւ ո՛ւր գնաս տագնապաւ: Ասէ. Գամ՛ ՚ի Բուտրըտոր թաղէ, եւ գնամ առ քաղաքացեալն ազդ առնել՝ զի նաւ մի գաղղիական խարխիս արկեալ առ Ամպր կղզեաւ, հրետս արձակէ, խնդրէ օգնութիւն: Եւ զայս ասացեայ, անց գնաց ճեպով: Յայնժամ ասեմ ցՊող. Երթիցուք անդր ի Բուտրըտոր ընդ առաջ Վիրգինեայ, զի երիւք եւեթ փարսախօք հեռի է աստի: Գնայաք ընդ հարաւակողմն կղզւոյս, եւ էր տօթ հեղձամղձուկ. լուսին ի բարձու ի բակ մթին եռապատիկ պարուրեալ. եւ երկինք աղջամղջին անարկու. ի նշոյլ խիտ առ խիտ փայլատականց՝ երեւէին ամպք երկայնաձիգք թանձունք եւ նոսեք զի գային որընթացք ի ծովէ ընդ խոնարհ, թէեւ ոչ շնչեր հողմն ի ցամաքի, եւ դիզանային ի մէջ կոյս կղզւոյս: Թուէր մեզ լսել եւ որոտաձայն ՚ի գնալս մերում, այլ ուշ եղեալ ծանեաք, զի էին բոմբընք հրետից կրկնեալք յարձագանդաց: Ի ձայնէ անտի, եւ ի տեսիլ մրրկին ընդ ծով, զդողմնի հարեալ՝ ոչ եւս տարակուսէի զի ի վտանգի կայր նաւն ի ծովու մերձ ի կորնչել: Վայրիկ մի անցեալ իբր կիսաժամու, եւ ոչ եւս լսելի լինէին ձայնք հրետից. բայց լուսութիւնն այն անաւոր եւս քան զթնդիւնան էր: Ծեպէաք յընթացս անշունջք, ոչ իշխելով երկաքանչիւր զտագնապ սրտից մերոց յայտնել իրերաց, եւ ի մէջ գիշերի ի ծովեզր անդր հասաք ՚ի Բուտրըտոր ընդ քիրան թաթաւեալք: Գային անդր ալիք եւ խորտակէին անեղ շառաչ-

մամբ , ծածկելով զխիճ եւ զժայռ ի սպիտակափայլ փրփուր ակնա-
խտիդ , եւ ի լուսաբեր կայծս՝ յորոց ի նշոյլ նշմարէաք ի խաւարի
անդ զմակոյկս ձկնորսաց արկեալ ի ցամաք քաջ ի բաց ի ծովէ :

23

ԾԵՐՈՒՆԻՆ ՄԵՐՁ Ի ՄԱՀ , ԵՒ ԸՆՏԱՆԻՔ ԻՒՐ

Կակաչ , (ւււ) շարիւ
Ճապաղիւ , շարիւ
Աւար Բարկանել , շարիւ

Թիւմ , շարիւ
Յամս յամայր , երբ որ շարիւ
Ակաղձուն , լի լի շարիւ

ԾԵՐՈՒՆԻՆ

Որդեակ առ ի՞նչ դաս , տակաւին է մեզ տիւ ,
Ընդէ՛ր եւ ո՞ւմ թողուս ըզխաշն անհովիւ :

ՈՐԴԻՆ

Դարձ ի խըշտեակ քո , ընդ յարկաւդ հանդիր , հայր ,
Արեւն ահա արդ խոնարհի յիւրն ի մայր .
Ճարակաւոր ի ծաղկաւէտ դալարիս
Թափառի խաշն առ գետեղերքն ի հովտիս ,
Ուր ըզջրարբի թուփն ի մատաղ եղեգնուտ
Ծածկէ Երասխ մանուածաւալ ի պըտոյտ :
Յարդ ըզնոսին արածէի ընդ արօտ ,
Նըւագս ի նուրբ դաշնակելով ի ծըզօտ .
Թողեալ մանկանն իմ դերամակն արդ ի խնամ ,
Ըզքէն ի հօգս այսըր կանխեալ առ քեզ գամ :

ԾԵՐՈՒՆԻՆ

Բիւրս ինձ , որդեակ իմ , բիւրս ինձ տամ երանի ,
Ձի այդպիսուսեղ եղէ որդւոյ արժանի .
Ում մըտաղբի թողում ըզցուպս հովուական ,
Մերձեալ կենացս իմ աւասիկ ի վախճան :
Բայց հոյք խաշինն եւ արջառոց զխօրդ կեան ,
Ծաղկե՛ն այգիք , պրտղաբերէ՛ անդաստան .
Ձի զգորութիւն յինէն աւար հարին ամք ,
Ոչ եւս ի յայց շըրջել նոցին զօրեն կամք :

ՈՐԴԻՆ

Յաւէրժ մայրեաց յաւելցին , հայր , ամք ըզքեւ ,
Եւ մի՛ տեսցեն որբ ի քէն աչք իմ զարեւ :
Այլ ըզխաշանց եւ զանդոց ինձ թո՛ղ ըզհոգ ,
Եւ մի՛ , հայր , սիրտ քո հաշեսցի ըզնօքօք .
Ձեմ ինչ համբակ , ոչ անհըմուտ ինչ ի գործ ,
Ի հայրենիդ վարժեալ հրահանգս եւ ի փորձ :
Դու զարմըտիս փոխան փըշոց բուսուցեր ,
Քեւ ծածանին անդքս ի յորայս հասկաբեր .
Ծիրանեփայլ կակաչք , շուշանք ձիւնաթոյր
Ձըքնազագեղ պըճնեն ըզդաշտ եւ ըզբուր .
Ձեզուն գինւոյ եւ արմտեաց մեզ մըթերք ,
Եւ ըզսեղան մեր ընդոծինք լընուն բերք :

ԾԵՐՈՒՆԻՆ

Արդ ըզպարէն իւր ժիր մըշակն ի յերկիր
Փայլուն խոփովըն պատրաստէ լիալիր ,
Եւ անդըստին ըզմանկըտեակն իւր տածէ ,
Աներկեւան առ ի սովոյն արկածէ .
Հանգչի անհոգ ընդ հովանեաւ քաղցր ի նինջ ,
Եւ առ նմա խաշն եւ արջառ եւ երինջ :

ՈՐԴԻՆ

Ահա մանկիկն ընդ հօտն այսրէն հասեալ գայ ,
Եւ մայրն ըզհետ նորին ոչինչ ի բացեայ . . .
Հովուիկըդ քաջ , ըզքեւ մայրիք եւ լերինք ,
Ըզքեւ աստեղք հովանասցին եւ երկինք ,
Խաղապատին ըզքեւ գառինքդ աւազիկ ,
Եւ ճանաչէ զձայն քո ստընդեայն դեռ ամիկ .
Աճեա՛ց , բուսակ չըքնալ , բուսակ բարեբաստ ,
Լիցին երկինք քեզ զօրավիգն եւ նըպաստ .
Եւ հովուեսցես քեզէն խաշինդ հուպ ընդ հուպ ,
Ձհայրենաւանդն իմ ժառանգեալ քո ըզցուպ :

ԾԵՐՈՒՆԻՆ

Շատ իսկ կեցի . ընդ երկնաչուն այժմ ընդ ուսն

Ուղեւորել է ինձ , որդեակ իմ , ի ճան :
 Կեցի յերկար , յերկարագոյն զիմ կենցաղ
 Յօրինեցին ամբ երջանիկք եւ խաղաղ :
 Որդի եւ հարսն ինձ ըստ սրբտի եւ թոռնեակ
 Ետուն երկինք , ծածկեն զարօտս իմ անդեայք .
 Անփորձ ցաւոց կեցեալ ի հիւզս յայս նրսեմ ,
 Յօժար ըզյամբ օրհաս մահուս ողջունեմ :
 Լեր դու , որդեակ , հաստչին քուժ փոյթ ի պաշտօն ,
 Վաստակասէր իբր ըզմեղու եւ գործօն .
 Մի՛ զհայրենի թողուր կենցաղդ եւ ըզբաշտ ,
 Երկինք յաւէրժ լիցին այսպէս ընդ քեզ հաշտ :
 Ի հանգրբուանս յայս եւ յանձուկ ցանկապատ
 Յաշխարհածուփ ալեաց կեցի ես ազատ :
 Աստ ընկալայ եւ աւանդեմ շունչ զիմ աստ ,
 Աստի յարեայց յերկնահրաւէր փողոյն ազդ :
 Եկ արդ , որդեակ , զարտեւանուես իմ կափո՛ .
 Ողջամբ մընա , զածիւնն իմ աստ տ՛ւր հօղոյ :

ՈՐԳԻՆ

Ըզքեզ լերինք ինձ ողբակիցք եւ անտառք ,
 Ըզքեզ լացցեն ընդ իս խաչինք եւ արջառք .
 Վիմակառոյց քեզ կանգնեցից աստ շիրիմ ,
 Եւ մի եղծցէ զայն ժամանակն ռիսերիմ .
 Տըխուր զնովաւ արկցեն նոճիք հովանի՛
 Քոց վերնածեմ ըզձիցդ ի տիպ գեղանի :
 Եւ ցորչափ խաչն արածեսցի ընդ արօտ ,
 Եւ ընդ հովիտ բուրէ շուշան քաղցրահոտ ,
 Մեղուք ի թիւմ , ճրպուունք ի ցօղ պարարին ,
 Դու յիշեսցիս միշտ առ թոռուերս քոյին :

Հ. Ե. Հիւսմիւզեան



ՇՈՎԱՍՏՈՅՆ ԿՈՐՈՒՍՏ ՎԻՐԳԻՆԵԱՅ

Կ

ուսակ , Կամար , Գրեթի
 Պղնձաւորք , Բաց պղնձէ Գոյն
 Ծաղրիկ , Զովային Բազան մը
 Հողամաղ , (Գորս պալատ)
 Կարկաչել , Բաշոյ Կայն հանել
 Տախապարեալ , Գորս Գրեթ
 Մալուխ պարան , (հալալ)
 Խուժել , Բաթել , Կերպար

Մնօս , Ըրեթաւ , Եւեր
 Խուր , Զովան Խորը Ժայռ
 Քերել , Գրեթ Դօրեւ Երեւալ
 Տեղ , Կորս (աղանալ)
 Կոկոնեալ , Վերսորեալ
 Կոնակ , Խուր ալի
 Նանանցել , Եր Երեւալ
 Կայկայիլ , հասարարեւ

Եւ արդարեւ ամենայն ինչ մօտալուտ մարկի էր գուժկան . ամպը զկուտակօք երկնից մթինք ի ծոցի՝ ի մռայլ անարկու , եւ յեզերսն պղընձաշորթք . ծաղրիկք եւ հողամաղք եւ երամք ազգի ազգի հաւուց ծովայնոց ընդ խաւարտչին օդս կարկաչելով , թռուցեալ շուրջանակի յամենայն կողմանց ի կղզի այսր զիմէին ապաստանել : Եւ զինն ժամաւ առաւօտուն հնչէին ի ծովէ ձայնք անազինք որպէս հեղեղաց խառն ընդ որոտընդոտ ամպրոպս հոսելոց ի լերանց բարձանց . յայնժամ գոչեցին ամենեքեան թէ անա մրրիկ : Եւ մրրիկ անեղ փարատեաց իսկոյն զմէզն՝ որ զԱմպր հանդերձ կրճիւն պարածածկէր , եւ նաւն բազմութեամբ նաւորոցայ եկն յերեւան . կայմք եւ թեւք առագաստից տախտապարեալ , եւ գրօշակն խոնարհեալ , քառեակ մալխօք յառաջակողմն կուսէ , եւ միւսով յետկուսէ պարաւանդեալ : Եւ կայր նա ընդ Ամպր եւ ընդ ցամաք խարխալ արկեալ յայսկոյս ժայռից՝ որ զկղզեաւս կան շրջապատ , եւ մտեալ անդր ընդ խրամատ ընդ որ ուրուք ի նաւաց յառաջ քան զնա չէր երբեք անցեալ : Առաջ նորա կայր դէպ ուղիղ ընդդէմ ալեաց՝ որ ի խորոց ծովուն զիմէին անդր , եւ ի խուժել նոցին ի կիրճ անդր՝ ամբառնայր վեր ի վեր , եւ ողնափայտն ողջոյն ընդ օդս երեւէր . իսկ խելք նաւուն յալիս անդր յայնժամ ընկղմեալ վայր ի վայր՝ ծնօտիւքն չափ կորնչէր յաչաց իբր ի սպառ խորասուզեալ : Այսպէս հողմոյն եւ ալեաց յերկիր զնա մղելով , ոչ դառնալ յետս կարէր ուստի եկեալն էր , եւ ոչ խղեալ զպարանս՝ յաւազուտ անդր խրել , ուստի զնա խորք եւ խուժք անջրպետէին : Որք ի ծովեզր այսր գային խորտակել ալիք , անդր եւս մինչեւ ի խորչս ներքինս մըրմ-

ուելով զիմեալ՝ արկանէին զխիճս ի բաց ցյիսուն ոտնաչափ , եւ յընկերկեւն անդրէն՝ թողուին ցամաք զյատակ ծովուն ցմեծ հեռաստան , թաւալեալ զքարինս ի միասին ի կերկերաձայն մռնչիւն անեղ : Լեռնանայր ծովն հողմուռոյց , եւ կիրճն ողջոյն որ ընդ Ամպր եւ ընդ ծովեզր կղզւոյս , համակ սպիտակ ի փրփուր , կոհակս ուրեք ուրեք ի խոր թխատիպս ամէր ի տեսիլ , եւ հողմ զփրփուրան , որ ի խորչս անդ զիզանային ցլեց ոտնաչափ , քերեալ զնոքօք՝ առնոյր տանէր ընդ զառ ի վեր ափանց ծովուն անդր քան զփարսախս եւ կէս 'ի բաց , եւ տեղ սպիտակ ի ցայտից նոցին հասանէր հողմավար մինչեւ ի ստորոտս լերանց շուրջանակի , որպէս ձիւնաբերք ամբարձեալ 'ի ծով : Ամենայն ինչ ի ծիրս երկնից սպառնայր մրբիկ երկարատեւ . ծով ընդ երկինս խառնեալ . ամպք անարկուք անդադար ի վեր երեւէին , կէսք արագաթռիչք հանգոյն թռչնոց սլացեալ զմեօք , այլք զօրէն ժայռից կայկայեալ : Ոչ եւս երկնից կապուտակ ուրեք մասն ինչ երեւէր , ի լոյս լրթագոյն եւ թխատեսիլ երեւեալ ալօտ էիցս ընդ երկիր ընդ ծով եւ ընդ օդս :

Արկածքն , յորմէ խիթայաք , պատահեցին . ի սաստկակոծ բազխմանէ ալեաց՝ առաջակողման նաւուն խղեցան պարանք , եւ միովն եւեթ յետկուսէ կալեալ՝ հարաւ ընդ ժայռս հեռի ի ցամաքէ իբր վաթսուն գրկաչափ : Յայնժամ գոյժ բարձաք ամենեքին , եւ Պօղ ի ծով անդր զիմէր . այլ բուռն հարեալ իմ զնմանէ , ասեմ . Կամրցի՛ս , որդեակ , զնալ ի կորուստ : Իսկ ինքն գոչէր . Թո՛ղ երթայց օգնել նմա կամ մեռանել : Եւ զի խելայեղէր առ յուսահատութեան , Գոմինիկ եւ ես պարան երկայն զգօտուոյ նորին խորհեցաք կապել , եւ կալեալ զծայրէն՝ թողաք նմա զնալ ընդ ալիս . եւ երթայր նա մերթ ի լող , եւ մերթ ընդ ժայռս քաջալերեալ երբեք երբեք մատչել ի նաւ անդր : Քանզի ծով ի սաստիկ մրկի անդ՝ էր զի նահանջեալ թողոյր զնաւն գրեթէ ի ցամաքի , մինչեւ մարթել հետեւակել շուրջ զնովաւ , եւ էր զի անդրէն զայրագին եւս զարձ արարեալ՝ ծածկէր զայն լեռնաձեւ ալեօք , եւ զառաջակողմն նորին յօդս ամբառնայր . եւ զհէք պատանին քաջ ի բաց յետս ի ծովեզր անդր ընկենոյր կիսահեղձոյց , արիւնաթաթաւ ոտիւք եւ լանջիւք կոշկոճելովք : Այլ այն ինչ ոգի առեալ , զիմէր նա անդրէն արիագոյնս 'ի նաւ անդր որ սկսանէրն փեռեկել յահագին ալեկոծմանէն : Յայնժամ նաւորագցն յուսահատեալ ի կենաց՝ ընկեցին զանձինս ի ծով , որ ի կայմս , որ ի տախտակս , որ ի կարասի , եւ որ ի տակառս բուռն հարեալ : Անդ էր տեսանել աղէտս արժանի անսպառ մորմո-

քանաց . օրիորդ մատալ ի խելս նաւին բազկատարած առ տարփալին իւր՝ որ ոգւով չափ ճգնէրն հասանել նմա յօգնականութիւն , զի յարիութենէ անտի նորա ծանեաւ զնա Վիրգինիա : Ի տեսիլ սիրելի օրիորդին , որ յահագին վտանգի սնդ կայր , վիշտ եւ յուսահատութիւն զսիրտս մեր կեղեքէին . իսկ ինքն վե՛հ եւ անվեհեր զիմօք նշանացի առնէր մեզ ձեռամբ , իբր ողջունելով ի հրաժեշտ անդարձ նաւորաց առնասարակ խուժեալ ի ծով , մի եւ եթ ի նոցանէ կայր դեռ եւս ի նաւին . որոյ մատուցեալ պատկառանք առ օրիորդն , եւ խոնարհեալ առ ոտս նորա , տեսանէաք զի հնարէր ի բաց առնուլ ի նմանէ զհանդերձան . այլ նորա մերժեալ սաստիւ զայրն , շըրջէր զաչս իւր ի բաց : Իսկ որք ի զնին արկածիցն կային , զաղաղակ բարձին . Ապրեցո զգա , մի՛ թողուր . Եւ անա լեռնաձեւ կոհակ հագին զիմեալ ընդ Ամպր եւ ընդ ծովեզր , գայր մրմռեալ 'ի նաւ անդր , եւ լրթագոյն ի կողս , փրփրաղէզ ի գագաթն , սպառնայր կլանել զնա : Յորմէ զահի հարեալ առնն , ընկէց զինքն 'ի ծով . իսկ Վիրգինիա ի տեսիլ անհրաժեշտ մահուն՝ աջովն զհանդերձան ամփոփեալ , անեակ զսրտիւն , եւ զաչս ամբիծս ի վեր ամբարձեալ , թուէր մի ի զուարթնոց , 'ի թռիչս անա ընդ երկինս պատրաստեալ :

Օր աղիողորմ , աւաղ , կորեաւ ամենայն ինչ անդնդասոյզ :

25

Դ Ա Շ Տ Ի Կ Ե Յ Ա Ի Ա Ր

Ե Ղ Ե Ր Ք Մ Շ Ա Կ Ի

Նեկսար , աստուծո՛ղիւն
 Յուրթի , պարտէր
 Փորձ (ած) , քարտու
 Կունցել , յոյն հասել
 Պսնանց , պարթէ (հաբել)
 Տաւսարաղ , (տաւսարա)
 Թաղկիլ , իտալիա , իտալիա
 Բուճ , հողմալու
 Կէլ , ծաւ
 Երիզուս , լիւրստի իտալիա
 Անաուս , զլուր , զբար
 Հանել (սերմ) , (սերմ) ցանել

Խաւարս , ըրդեկն , բանուր
 Քանցել , քարտու , Խէլ
 Փսպ , իտալիա , Խն
 Հոս , աստուծոյ իտալիա
 Ան եւ պաուս , աստ
 Յելից մարզէ , արեւելեան իտալիա
 Դար , հարթ տեղ
 Վանց , յոյն , Ելանի
 Դարաս , իտալիա
 Տաւսարաղ Լիճել , ճեղքուլ Խուլ
 Կող , ճեղ , աստ

Երկիր էր այն ըստ հարաւոյ
 Մարգագետին յուռթի անդոյ ,
 Այլ ամայի եւ անտէրունչ՝
 Ճըպոանց եւեթ հընչէր մըրմունջ ,
 Զըքնադագեղ տեսեալ դայս դաշտ
 Արդ , հայր , ասեմ , երկինք են հաշտ .
 Հար ի գետին ըզքոյին ցուպ ,
 Քեզ ծերունւոյդ հանգիստ է հուպ .
 Թէ այս է գեղ վայրիս բնատուր ,
 Զինչ մշակի տայցէ տրիտուր :
 Աստ ծերունին դցուպըն կառոյց ,
 Շուրջ ըզվայրօքն աչըս դարձոյց ,
 Սիրեաց ըզգիրան եւ զիմ ըզխրատ ,
 Ել ժըպիտ քաղցր ընդ իւր ճակատ :
 Ո՛վ հայր — զիմեմ եւ տամ համբոյր —
 Դու ինձ խրատաու նիստ աստ անդոյր .
 Քեզ տաղաւար հարից հեշտեաւ ,
 Հանգչել ընդ քաղցր իւր հովանեաւ .
 Այգուն այգուն իմ աղեղամբ
 Յորսոց վայրի բերից քեզ ջամբ .
 Արեաց տեղւոյս կարկաջ անոյշ
 Քան դից նեկտար տայեն քեզ ոյժ :
 — Քաջ է , ասէ , որդեակ սիրուն ,
 Ի սոյն վայրի լիցի մեզ տուն :
 Տեղիս չըքնաղ պարարտարօտ ,
 Այլ մըշակի ձեռին կարօտ :
 Թէ ժիր լիցիս ի ջան բարւօք ,
 Մըշակեսցուք լինել ասոք :
 Արդ օ՛ն արա դու ձեռն ի գործ ,
 Ես իմաստից խորհուրդ տամ փորձ :
 Ի գործ անկաք ի վայրն ամփոփ ,
 Կըռնչեցին արօրք ընդ խոփ .
 Ակօս ակօս հողն արգաւանդ
 Զիւրըն բերրի բանայր արգանդ :
 Բոլորածիր ամրախիտ ցանդ
 Ածեալ ըզմեօք նիգ եւ պահանդ ,
 Գունեան ծաղկանց եւ ցորենոյ

Սերմանո ի փոխ տըւաք անդոյ .
 Եւ տաշտաթաղ տընկոց ուղէշ
 Անուշահոտ ի միրգ ու ի խէժ :
 Այգիք ի բլուրս եւ ի մարմանդ
 Եւ տապախառն ի դարաւանդ .
 Ազգ բանջարոց պէս պէս պարարտ
 Անտառախիտ ի հազար արտ
 Եւ բաշխեցաք յածուս ածուս
 Զականակիտ ծորեալ առուս .
 Ըմպէր երկիրըն ծարաւուտ ,
 Թաղկէր զիւրեւ տընկոց թաւուտ :
 Ո՛վ արօտիս արգաւանդ բունձ ,
 Զիա՛րդ ասոք ընծայէ հունձ .
 Երփնիւ ծաղկանց դաշտ եւ հովիտ
 Վէտ վէտ չողայ ծիծաղախիտ .
 Աղբերականց պարզեալ խոխոջ
 Գոչէ՛նդ ծործոր լերանց խոռոչ .
 Հեզիկ ի մարգ՝ սողոսկ ընդ դար՝
 Հազիւ կըքեն ըզգեղ դալար :
 Պարզ եւ յըստակ օդք քաղցրասիք
 Բուրեն վարդից հոտ անուշիկ :
 Այլ թանձրաթուփ արդեանց ել բուխ
 Հինգերորդի ամին ի գլուխ .
 Ծաղիկք զիւրեանց ետուն ըզհոտ ,
 Փըթթեալ թերթից հիւսեալ նարօտ .
 Ասոք հընձոց ոսկեթել քիստ
 Ծով ծածանէր ի գեփիւռ խիստ .
 Դիրգ կաթնարուս ունդ եւ խաւարտ
 Զօրէն մայրեաց յառնէր հըպարտ .
 Ծաղկապըսակ ծառք պըտողաւէտ
 Կայթըս տային միմեանց ի հետ .
 Փափկիկ կողերք կըքեալ յառէջ
 Յաճառուտ բուն խնդրէին խէչ :
 Սակայն աւա՛ղ , զի բիւր աղէտ
 Ի գլուխըս մեր անկաւ ըզհետ :
 Ողկոյզ կախեալ խիտ փունջ ի փունջ
 Յակինթ փայլէր օդոցն ի շունչ :

Յեկից մարդէ դիմեալ հըրոս՝
 Եհատ ըզցանին եմուտ յակօս .
 Ըզտաղաւարս ահա քանդեն ,
 Ըզծառատունկ ցասմամբ բեկտեն .
 Ոսկեծաւալ դաշտք հասկաթուռ
 Սըմբակահոխ առ եւ պպուռ .
 Իսկ մարմանդաց գեղ եւ տեսիլ
 Զերդ փայտակոյտ կայ տաշտախիլ ,
 Շիկնոտ ողկոյզք առ հասարակ
 Ճըմլեալ բըղխեն արեան վըտակ .
 Հօրանք կաթին խաշն եւ նախիր
 Ո՛ր ի կապուտ ո՛ր ի նախճիր .
 Միրգք եւ ծաղիկք կէսք ի կոխան ,
 Կէսք ի փըրփուր ծըփին արեան :
 Հէնքն այն ի սուր եւ ի գայրոյթ ,
 Գըլուխ շարժեն ըստէպ եւ փոյթ .
 «Քանցել եկաք ըզսերմըն ժանդ ,
 Եւ ա՛յլ հանել ի սոյն մարմանդ» :
 Տիրեն երկրին այն բարեբաստ
 Ուր երբեմն էր փափուկ դարաստ :
 Հանեալ գանիւ բըռնի ու ի քարշ :
 Ընդ երիզուտ վարեն զիս գարշ :
 Յիմ անձկալուոյն կամ տարագիր ,
 Ունիմ հանդէպ ըզնորին դիր .
 Յիշատակաւ իւրով հաշիմ ,
 Ի սէր յաղէտ միշտ ճենճերիմ :
 Անդուլ քերեալ յիւր շըրճապատ
 Ի նոյն մտիցն եմ յուսահատ .
 Դառնամ տըխուր ի հիւզ խըրթին
 Կականաւոր գոյժ ի սըրտին .
 Զարտեւանաց բացեալ առուք
 Յայդ եւ ցերեկ հեղձամըղձուկ՝
 Համր էրէոց եւ ցուրտ ժայռից
 Գութ արկանեմ ողորմել ինձ :

Հ. Ս. Կ. Բագրատուհի



ՄԵՌԱՆԻ ՊՕՂ ԵՒ ԻՒՐՔՆ ԱՄԵՆԱՅՆ

Յումել ի կեանս, Վերսեմ Վերսեմ Վերսեմ | Կենայ, Դարձարեանե
 Պակասել (ի կենաց), Վերսեմ [Գեր-ապրէլ | Պերճանք, Կեղ-ութե

Վճարեցաւ Պօղ ի կենաց յետ երկամեայ աւուրց մեռանելոյ սիրեցելոյն , կարգալով անդադար զանուն նորա . եւ Մարգարտայ մօր նորա հասանէր վախճան ութ աւուրք յետոյ քան զմահ որդւոյն , եւ մեռանէր այնու զուարթութեամբ՝ որ առաքինութեան է պահեալ , տալով Լազուր տիկնոջ ողջոյն հրաժարական գողտրիկ եւ աղերս բանիւք ի յոյս քաղցր եւ յաւէրժ միւսանգամ ընդ միմեանս տեսութեան , եւ ասէր . Գեր ի վերոյ ամենայն բարեաց է մահ եւ ցանկալի . զի եթէ պատուհաս իցեն կեանք , ցանկալի դադարումն նորին . Իսկ եթէ փորձութիւն , ցանկալի դարձեալ՝ զի իցէ սուղ : Դոմինիկ եւ Մարիամ ոչ եւս զօրէին սպասաւորել եւ պետութիւնն ինքնին խնամ կալաւ զնոցանէ . այլ ոչ յամեցին եւ նոքա ի կեանս յետ մեռանելոյ տիկնայցն իւրեանց : Շնիկն եւս Հաւատարիմ , ոչինչ յետոյ քան զմահ տեառն իւրոյ , պակասէր հաշեալ առ վշտին հէք անասնեակն : Բայց Լազուր տիկին անպատմելի արիութեամբ ժուժկալէր դառն աղետիցն , եւ զՊօղ եւ զՄարգարիտ ցյետին շուռնչ քաջալիւրէր՝ որպէս թէ զնոցայն եւ եթ յանձին բերելով զվիշտս : Յայնժամ ածի զնա ի բնակութիւն իմ , եւ ոչ եւս տեսանելով զնոսա , հանապազ զնոցանէ խօսէր ընդ իս որպէս զսիրելեաց առ մեզ բնակելոց : Այլ ոչինչ աւելի քան զամսօրեայ աւուրս եկաց նա յետ մահու նոցին . . . :

Եւ թաղեցաւ Պօղ մերձ ի շամբուտն առ Վիրգինեայ , եւ առ նոքօք մարք նոցա գորովազութք եւ ծառայք տիրասէրք : Զանփառունակ գերեզմանաւ նոցա ոչ ամբարձան չիրիմք կճեայք , եւ ոչ առաքինութեանց նոցա դրոշմեցան արձանագիրք , սակայն յիշատակք նոցա ի սիրտս բարերարելոցն ի նոցանէ կան անջնջելի : Ստուերք նոցա ոչ կարօտին պերճանաց՝ յորոց խուսեցինն ՚ի կենդանութեան . այլ եթէ իցէ ինչ նոցա տակաւին յերկրաւորաց աստի

ցանկալի , սիրեն ապաքէն դեգերել ի հիւզս՝ ուր բնակէ առաքի-
նութիւն վաստակասէր , քաջալերել զազքատանին սրտաբեկ ի
թշուառութենէ , վառ եւ բորբոք պահել ի սիրտ պատանեաց զբոց
հարսանեկան տարփից , զախորժակս բարեաց բնութեան , զսէր
վաստակոց եւ զերկիր ճոխութեան :

Ռամիկն , որ լուռ եւեթ կայ առ շիրիմս կանգնեալս ի պատիւ
թագաւորաց , եղ անուանս ինչ վայրաց աստանօր՝ որ անմահացուս-
ցեն գլխատակ կորստեան Վիրգինեայ : Կիրճդ՝ որ ի մէջ ժայռից
մերձ յԱմպր կողմի՝ կոչի Սեւմեռան յանուանէ նաւուն Վիրգինեայ՝
որ բեկան անդ . Հրուանդանդ կարկառեալ ի ծով հեռի աստի եր-
իւք փարսախօք , եւ կէս ի կէս ծածկեալ յալեաց , զորով չկարաց
չրջան առնուլ նաւն այն յառաջ քան զոր մրրկին եւ ի նաւահան-
գիստ այսր մտանել , անուանի թշուառ : Եւ ի սպառուած հովտիդ
ծոցդ , զոր տեսանես , յորջորջի Շիրիւմ . ուր գիակն Վիրգինեայ
գտաւ խրեալ յաւաղին . կամելով իմն ալեաց ածել զայն առ իւրսն ,
եւ զսպաս յետին մատուցանել պարկեշտութեան օրիորդին ի տեղ-
ւոջ՝ որ անմեղութեամբ նորա պատուեալն էր :

Եւ արդ , որդեակք սիրակցորդք եւ մարք չարաբաստիկք , զարմ
ցանկալի , մայրիքդ՝ որ զձեօք երբեմն հովանացեալք , աղբերք՝ որ
ձեզն բղխէին , բլուրք ուր դուրդ ի միասին հանգչէիք , լան տա-
կաւին զկորուստ ձեր : Ոչ ոք յետ մահուդ իչխէ մշակել զերկիրդ
ամայի , եւ ոչ զխոնարհ հիւզող նորոգել . երամակ այծիցդ վայ-
րենացեալ , եղծեալ ծառաստանք , թռչունք խուսափեալ . բազէից
եւեթ , որ բարձրաթռիչ զխորածորովք ժայռիցս ճախրեն , լսին
արդ կռիչք : Իսկ ես վրիպեալ ի տեսոյդ ձերմէ , որպէս բարեկամ
զերկ ի սիրելեաց , իբր անզաւակեալ հայր որդեկորոյս , որպէս ու-
ղեւոր մուրեբալ յերկրի , այսպէս ի կղզւոյ աստ կեամ Ֆիայնակ :

Ի ՄԱՅ ՍՈՒԱԿԻՆ

ԵՂԵՐՔ ՉՈՎՈՒԻ

Շուինչ , յոյ , երգ
Ակմբիլ , ժողովուրդ
Գրասանգ . շուրտ գոսի
Առնուլ , բերել
Գալ ի համբոյր , ընդունել
Հերկահար , որ էր Կերիւլ
Երաս , շուրտ-բէն , որ
Հուր շեյել . երգի տեւ

Դիւր սալ , զգետել
Տարմ , երգ , ինք
Պարիկ , (բերել)
Մայրեւոր , զայր կորու
Տբուն , անուն ծնացոյ
Հագնեղու , բանագործ
Սարդ , որպէս
Երանգ հարկանել , որպէս-բէն-ը

Աչք դեղեցիկ ցօղագին
Լացէք ըզմահ սոխակին :
Վայ եւ եղուկ ինձ հիքիս ,
Սուգ եւ ի յիմ սիրելիս .
Չամենեսին մի խաւար
Դրնէ յարտօսր անդադար :
Մի՛ զիս մի՛ զիս ըսփոփէք ,
Մի՛ դիւր սըրտիս տայք երբեք .
Ձի սէր սոխակն իմ լռեաց
Սան իմ սիրուն երգասաց ,
Ձի սէր հաւիկն իմ մեռաւ
Սան իմ սիրուն անպարսաւ :

Այն երաժիշտն անտառի
Ուր երգ լըսէ անդ թառի .
Եկն ի թըփոյն տերեւ խիտ ,
Նըստէր երգոյն զընէր միտ ,
Նախանձընդդէմ կարեվէր
Ուռնոյր ուռնոյր եւ հեծէր ,
Չաչսըն խրփեալ վառէր հուրք ,
Ծըծէր յերկնէ ոգի նուրք .
Շըչընչէր մեղմ ի մըրմունջ ,
Շարժէր չըփնչս ի ձիգ չունչ :
Օղոյն պարիկք ամենայն :

Շուրջ ակըմբեալ ի քո ձայն
Տան քեզ սըրտիւ երանի ,
Զիք քեզ անդ ոք նըմանի :
Անակրէոն չէ քեզ զոյգ
Եւ ոչ Տիբուլ յերգ առոյգ :
Մինչդեռ դու զսէր նըւագես ,
Երկինք երկիր լռեն քեզ :
Թէ ամպ յորոտ մըրմըռայ ,
Անհոգ սաստես դու նըմայ :
Հալեալ ի սէր քո չըքնաղ
Տարափ հեզիկ ցընդէ շաղ .
Դու քերթողին լարից տաս
Գեղեցկօրէն տաղից դաս .
Թէ երթայիր դու ընդ իս
Յիմ տուն եւ յիմ ընտանիս ,
Քեզ սիւնազարդ ապարանք
Վանդակափեղկ եւ դրասանդ
Յօրինէի նրկարէն՝
Մըթին մայրւոյդ փոխարէն :
Քեզ սիրելեաց գութ եւ սէր
Կամ որդն եւ մի՞ն պակասէր
Թռիչս առեալ յիւր ճըղէն
Ճախր ի կամարն ամպեղէն՝
Վանդակագործ մուտ ի տուն ,
Թեւ թօթափեաց եւ տըտուն ,
Հովտաց լերանց եւ դաշտաց
Մայրեաց ու աղբերց Երթ ասաց :
Մեք զմեր խոստունն արարաք ,
Նա փոխարէն տայր արագ .
Եղանակէր ձայն պէսպէս ,
Հընչէր յողջոյն գեղօրէս :
Յուով վըրանք փեղկ բացին ,
Հովիւ լըսէր ի բացին ,
Լըսէր ի բլուր մայրեւոր
Եւ յերկանին հարսըն նոր ,
Նաւք լըսէին ի ծովուն ,
Լըսէր կապեալ բանտ տըքուն :

Կայր անմըռունչ հաւ ամէն
Ունկըն զընէր յերամէն ,
Եւ նախանձոտ սեաւ սարիկ
Ի միտ առնոյր գողացիկ
Ըզցանկալւոյն երգ փափուկ՝
Սուլել իբրեւ ծիծառնուկ :
Սակայն ի սեաւ մանգաղէ
Ժըպիրճ մահուն ո՛վ ապրէ :
Վա՛հ եւ եղուկ յիշատակ ,
Բիւր ցաւք տան յիս ասպատակ .
Մեռանին եզն հերկահար ,
Գու մարտորոտ երիվար ,
Վարդ եւ շուշան մեռանին ,
Դեղձի ու՛ննոյ թըղենին ,
Մեռանի սարդ հագներգուի
Զերգ դիւցազին ձիթենի ,
Մեռանի , ո՛հ , ընդ մօտոյ
Եւ երկնաբուն գեղ մարդոյ :
Աչք գեղեցիկ ցողազին
Լացէք ի ոէր սոխակին :
Էր ի յերկրին ժանտ երաշտ ,
Հեծէր մարմանդ խաշն եւ դաշտ ,
Արեւն ի ճեմ ծանր յԱռիւծ
Լիրեան շընչէր հուր ի հիւծ :
Վայրիկ մ'ելի եւ մրափ ,
Ո՛հ , գոյժ ետուն իմ սրափ ,
Սան իմ չերգէ գոչեցին ,
Հատեալ էր ձայն սոխակին :
Զի ի նա հուր հար եռանդ ,
Յաջ ոտանէն էր հիւանդ .
Առեալ տըքնէր զայն ի ներս
Միտանի բուն գիշերս .
Լիախորտիկ գէր սեղան
Կայր առաջի իւր խոտան :
Ո՛հ , մի սոխպէք երկարել ,
Սիրտ ոչ բերէ զբանիս թել .
Այանոյր սոխակն եւ հեծէր ,

Քանի՛ օտար մինչ երգէր ,
 Եկն ըզսրբաիւրն թալուկ ,
 Ինքն նըւազ ի լըլուկ .
 Աչերն եղեն մըթազգեաց ,
 Սպիտակ եցոյց բաց խըփեաց ,
 Բախեաց կըտուց , անկաւ վազ ,
 Չըգոյր սոխակն , ո՛հ , աւա՛ղ :
 Աչք գեղեցիկ ցօղազին
 Լացէք ըզման սոխակին ,
 Շողշողուն աչք աստեղաց
 Ըզսոխակին առէք լաց :
 Շիջաւ աչացս իմ արեւ ,
 Կեանքն ապաշաւ ինձ եղեւ :
 Լացէք թըռչունք յոստ թառամ ,
 Գոյժ եւ ի ձեր յօգն երամ . . . :
 Եւ դուք եղբարք սիրելւոյն
 Երկայնեցէք ողբս ի նոյն ,
 Է յիրաւի զոր առնէք ,
 Տոհմիդ շուք մեծ էր այն հէք :
 Աչք գեղեցիկ ցօղազին
 Լացէք ըզման սոխակին ,
 Աչք լուսալիր աստեղաց
 Ըզսոխակին հարէք լաց :

Հ. Ա. Կ. Բագրատունի



Յ Ա Ն Կ Ն Ի Ի Թ Ո Ց



Մ Ա Ս Ն Ա .

	Յառաջարան	Գ	Է2
1.	Յակոբ եւ Լարան		5
2.	Սամփոռն եւ Դալիլա		7
3.	Գրմացն Բելայ խաբէութիւն եւ կոտորած		9
4.	Իսահակ եւ Ռեբեկա		11
5.	Ման Անտիոքոսի		13
6.	Նաւարկել Պաւղոսի յիտալիա		16
7.	Գոհութիւն առ Աստուած		18
8.	Համան		20
9.	Ողբ Դաւթի ընդ ման Սաւուղայ եւ Յովնաթանու		23
10.	Օրհնութիւն Մովսիսի (հայկական չափաւ)		25
11.	Հռութ		27
12.	Ման Հողովեռնեայ		29
13.	Պատմէ Յուդիթ զյաղթանակ իւր		33
14.	Պաւղոս յատենին Փետտոսի		36
15.	Հարիւրապետն Կոռնելիոս		39
16.	Խրատք Յովիդայեայ առ Յովաս		43
17.	Երեքին սենեկապանք Դարեհի		46
18.	Կային		51
19.	Գովութիւն իմաստութեան		55
20.	Տրտունջք Յորայ (հայկական չափաւ)		58
21.	Խրատք արդարութեան , եւ խորհուրդք ամպարչտաց		59
22.	Իսահակ		61

Մ Ա Ս Ն Ի.

ԱՔՍՈՐԱԿԱՆՔ Ի ՍԻՊԵՐԻՍ. (Ա. Էն մինչեւ ԺԳ հատուած)		69—110
1.	Կին նաւալարին	71
2.	Առ սոխակն	73
3.	Ամառն	76
4.	Մենամարտ	79
5.	Նուագ զլջական ի ժամ մահու	82
6.	Մանուկն եւ հրեշտակ	85
7.	Մուտ արեգական	88
8.	Գարուն	91
9.	Մաշեցեր որպէս սարդի ոտայն զանձն նորա	95
10.	Գերուհին	99
11.	Ազօթք մանկան զարթուցելոյ	103
12.	Մարդոյ որպէս խոտոյ են աւուրք իւր	108
13.	Երկինք պատմեն զփառս Աստուծոյ	112
 ՊՕՂ ԵՒ ՎԻՐԳԻՆԻՍ. (Ա. Էն մինչեւ ԺԱ հատուած)		114—167
14.	Որբ մանկունք	116
15.	Յարգարն դատափետեալ	120
16.	Ի մկրտութիւն թոռնեկին, հաւն առ մանկիկն	126
17.	Մայր եւ դստրիկ	131
18.	Կենցաղ մշակաց	137
19.	Հովուական կենցաղ	143
20.	Եղբերբուծիւն 'ի մահ արկնոջն Կալինաալինայ Պորկէզի	147
21.	Հովիւ եւ հովուուհի	152
22.	Ծերունին մերձ 'ի մահ եւ ընտանիք իւր	158
23.	Դաշարին յաւար, եղերք մշակին	163
24.	Մահ սոխակին, եղերք հովուի	169



133, 134, 135, 136

« Ազգային գրադարան



NL0024333

4-րդ

« Ազգային գրադարան



NL0024332

ազգ 3-րդ

« Ազգային գրադարան



NL0024331

ազգ 2

« Ազգային գրադարան



NL0024330

ազգ 1

